

প্রথম সংস্করণ—১৯৩৭  
দ্বিতীয় সংস্করণ—১৯৩৯  
তৃতীয় সংস্করণ—১৯৪৩  
চতুর্থ সংস্করণ—১৯৫৫  
পঞ্চম সংস্করণ—১৯৫৮  
ষষ্ঠ সংস্করণ— ১৯৫৯  
সপ্তম সংস্করণ—১৯৬০

PRINTED IN INDIA

PRINTED AND PUBLISHED BY SIBENDRANATH KANJILAL,  
SUPERINTENDENT, CALCUTTA UNIVERSITY PRESS,  
48, HAZRA ROAD, BALLYGUNGE, CALCUTTA.

# শ্রুতি

## সাহিত্য প্রসঙ্গ

বিষয়	প্রকাশ-কাল	লেখক	পত্রাংক
সম্পাদকের মন্তব্য			
মেঘনাদ বধ কাব্যের সমালোচনা	১২৮৪	বাজনাবাষণ বসু	১
প্রাচীন কবি ও আধুনিক কবি	১২৮৯	অজ্ঞাত	১০
দশমহাবিদ্যা	১২৮৯	অজ্ঞাত	১৯
সমালোচনা ও সমালোচক	১২৯৩	ঈশদাস মুনোপাধ্যায়	৩০
জীবন ট্র্যাজেডি	১২৯৬	বালেন্দ্রনাথ ঠাকুর	৪৭
কুব্জক্ষেত্র কাব্য	১৩০০	ঠাকুরদাস মুনোপাধ্যায়	৫১
বাজসিংহ	১৩০০	ববীন্দ্রনাথ ঠাকুর	৭০
প্রাচীন সাহিত্যলোচনা	১৩০১	হীৰেন্দ্রনাথ দত্ত	৭৭
চন্দ্রদাসের কবিত্বস্বাদন	১৩০২	ঈশচন্দ্র বট্টব্যাল	৮৫
মহাকাব্যের লক্ষণ	১৩০১	বালেন্দ্রনাথ ঠাকুর	১০১
সাহিত্য-সমালোচনা	১৩১০	ববীন্দ্রনাথ ঠাকুর	১১৩
কবিকঙ্কণ চণ্ডী	১৩১৪	যোগেশচন্দ্র বায়	১১৯
কথা-সাহিত্য	১৩১৫	দীনেশচন্দ্র সেন	১৩৪
বাৎসল্য বস ও বৈষ্ণব কবিকুল	১৩১৬	জিতেন্দ্রলাল বসু	১৪৪
নাট্যকাব্য	১৩১৭	গিৰিশচন্দ্র ঘোষ	১৫৪
সনেট কেন চতুর্দশপদী ?	১৩২০	প্রমথ চৌধুরী	১৫৯
কবিতার কণ্ঠিপাথর	১৩২২	বিপিনচন্দ্র পাল	১৬২
মেঘনাদবধকাব্যে সীতা ও			
সবম্মা	১৩২২	দীননাথ সান্যাল	১৬৮
বাংলাব গীতিকবিতা	১৩২৩	চিত্তবঞ্জন দাশ	১৮৩
বঙ্গদেশীয় মহাকাব্য	১৩২৪	সাবদাচরণ মিত্র	১৯৩

## কবিতা-প্রসঙ্গ

স্বামীপ্রসাদ	১২৮২	পূর্ণচন্দ্র বসু	১৯৮
দীনবন্ধু মিত্র	১২৮৩	বঙ্কিমচন্দ্র চট্টোপাধ্যায়	২০৫

## সূচী

বিষয়	প্রকাশ-কাল	লেখক	পৃষ্ঠাঙ্ক
ঈশ্বরচন্দ্র গদ্যস্ত	১২৯২	বঙ্কিমচন্দ্র চট্টোপাধ্যায়	২১৩
জয়দেব	১২৯৩	অক্ষয়চন্দ্র সরকার	২৩০
প্যারীচাঁদ মিত্র	১২৯৯	বঙ্কিমচন্দ্র চট্টোপাধ্যায়	২৩৭
বঙ্কিমচন্দ্র	১৩০০	ববীন্দ্রনাথ ঠাকুর	২৪১
বিহারীলাল	১৩০১	ববীন্দ্রনাথ ঠাকুর	২৫২
নবীনচন্দ্র	১৩১৫	পাঁচকাড়ি বন্দ্যোপাধ্যায়	২৬৪
মহাকবি মধুসূদন	১৩২৩	সুরেশচন্দ্র সমাজপতি	২৭০
কৃষ্ণিবাস	১৩২৩	স্যাব আশুতোষ মদ্যোপাধ্যায়	২৭৬

[ দ্বিতীয় ও তৃতীয় প্রবন্ধ ব্যতীত সমুদয় প্রবন্ধের স্বত্বাধিকারিগণের অনুমতিক্রমে প্রবন্ধগুলি মুদ্রিত হইল। এইজন্য বিশ্ববিদ্যালয়ের কর্তৃপক্ষ স্বত্বাধিকারিগণের প্রত্যেকেব নিকট কৃতজ্ঞ। ]

## সম্পাদকের মন্তব্য

বাংগালা সমালোচনা-সাহিত্যের বয়স তেমন বেশী না হইলেও সাহিত্য-সমাজে ইহার জন্ম-ইতিহাস-সম্বন্ধে একটি দ্রান্ত মতের প্রচলন দেখা যায়। ‘ভবানীপুত্র-সাহিত্য-সম্মিলনে’ মনীষী বিপিনচন্দ্র পাল তাঁহার ‘অভিভাষণে’র একস্থানে বলেন, “বঙ্কিমচন্দ্রই প্রথমে বঙ্গদর্শনে বাংলাতে সাহিত্য-সমালোচনার পথ দেখাইয়া দেন। তাঁর পদ্ব্যৰ্থে সাহিত্য-সমালোচনা কাকে বলে, বাংলায় কেহ জানিত বলিয়া বোধ হয় না।” শূদ্ধ বিপিনচন্দ্রের নহে, আরও অনেকের রচনায় এইরূপ মন্তব্য পরিদৃষ্ট হয়। বিপিন বাবুের পদ্ব্যৰ্থে, পণ্ডিতপ্রবর হরপ্রসাদও তাঁহার ‘বঙ্কিমবাবু ও উত্তরচরিত’-শীৰ্ষক প্রবন্ধে এই প্রকার মতই প্রচার করিয়াছিলেন। কিন্তু ইতিহাসের সাক্ষ্য গ্রহণ করিলে, এই প্রচলিত মতকে সত্য বলিয়া স্বীকার করিতে পড়া যায় না।

ইউরোপীয় সাহিত্য-সমালোচনার অনুকরণে বাংলা সমালোচনার যে সৃষ্টি হইয়াছে, এ কথা অবশ্য অস্বীকার্য্য নহে। কিন্তু সে সৃষ্টির সূত্রপাত বঙ্কিমচন্দ্র তাঁহার বঙ্গদর্শনে করিয়াছিলেন, এমন কথা বলিলে ভুল হইবে। বঙ্কিমচন্দ্র বঙ্গসাহিত্যে যে সমালোচনপ্রতিভার পরিচয় দিয়া গিয়াছেন, তাহা সত্যই অনন্যসাধারণ। তাঁহারই হাতে পড়িয়া এ জিনিষটার যে সৰ্বিশেষ উৎকর্ষ-লাভ ঘটে, সে বিষয়েও সন্দেহ নাই। কিন্তু ইহার উৎপত্তি হইয়াছিল রাজেন্দ্রলাল মিত্র-সম্পাদিত ‘বিবিধার্থ-সংগ্রহ’-নামক মাসিক পত্রে।

এই কাগজখানি বঙ্গদর্শন-প্রকাশের প্রায় একুশ বৎসর পূর্ব্বে প্রকাশিত হয়। বিবিধার্থ-সংগ্রহে বিদ্যাসাগর, প্যারীচাঁদ, রামনারায়ণ, রঙ্গলাল, মধুসূদন, দীনবন্ধু প্রভৃতি বহু বিখ্যাত গ্রন্থকারের বহু গ্রন্থের সমালোচনা দেখিতে পাওয়া যায়। এ সব সমালোচনা কে বা কাহারো লিখিতেন, তাহা এখন নিশ্চিত-রূপে বলা সুকঠিন। তবে দেখিতে পাই, নাট্যকার মনোমোহন বসু মহাশয় ২৫শে জ্যৈষ্ঠ, ১২৮০ সালে তাঁহার ‘মধ্যস্থ’-নামক সাপ্তাহিক পত্রে লিখিয়া গিয়াছেন, “মৃত বাবু কালীপ্রসন্ন সিংহ মহাশয়ের মৃত্যুে শূনিয়াছিলাম, তিনিই বিবিধার্থ-সংগ্রহে ইহার (সমালোচনার) প্রথম পথ-প্রদর্শন করেন।” এ কথা যদি সত্য হয়, তাহা হইলে কালীপ্রসন্নকেই বঙ্গসাহিত্যের আদি সমালোচক বলিয়া নির্দেশ করিতে হইবে। আমরা অবশ্য এ কথায় অবিশ্বাস করিবার তেমন কোনও কারণ দেখি না।



রাজেন্দ্রলালের পর কালীপ্রসন্নই বিবিধার্থ-সংগ্রহের সম্পাদক-পদে নিযুক্ত হন। এই সময়ে এই কাগজের ‘ভূমিকা’য় তিনি রাজেন্দ্রলাল-সম্পাদিত বিবিধার্থ-সংগ্রহে প্রকাশিত সমালোচনার উদ্দেশ্যে যাহা লিখিয়াছিলেন, তাহাতে যেন ঐ উক্তিই ইঙ্গিত আছে বলিয়া মনে করি। তিনি লিখিয়াছিলেন, “বিবিধার্থ নিয়ত শুদ্ধ সাধারণের হিতচেষ্টায় বিরত ছিল ; ভ্রমেও কখন কাহার নিন্দা বা সম্পদ-সুদলভ সম্মান-লোভে ধনীর উপাসনা করে নাই। প্রকৃত প্রস্তাবে নূতন গ্রন্থের সমালোচন-সময়ে কখন কখন কোন কোন গ্রন্থকারের উপরে কটাক্ষের আভাস হইয়াছিল, কিন্তু তাহা ভানমাত্র ; তাহাতে কেবল গ্রন্থই উদ্দেশ্য, কদাপি কোন গ্রন্থকারের নিন্দা অভিধেয় হয় নাই। তাহা পরিশুদ্ধ সরল-হৃদয়-সম্ভূত, তাহাতে দোষ বা রোষের লেশও লক্ষিত হয় না ; বরং ভারতবর্ষীয় বর্তমান গ্রন্থকারকুলের কল্যাণ-সাধনই তাহার একমাত্র উদ্দেশ্য।”—এই লেখাটুকুর মধ্যে আত্মগত কৈফিয়তেরই একটু আভাস নাই কি ?

বিবিধার্থ-সংগ্রহের আরও একটি কৃতিত্বের কথা এখানে স্মরণযোগ্য। যে ‘সমালোচনা’-শব্দ আজকাল আমাদের একটি ঘরোয়া কথা মতন হইয়া দাঁড়াইয়াছে, সে শব্দটিও বিবিধার্থ-সংগ্রহের সৃষ্টি। ইহার পূর্বে এ শব্দের ব্যবহার আর কোথাও দেখিয়াছি বলিয়া মনে পড়ে না। আধুনিক কোনও কোনও লেখক এ শব্দের প্রতি প্রসন্ন নহেন। ‘সম্’ ও ‘আ’ এই দুই উপসর্গের একই প্রকার অর্থ ভাবিয়া তাঁহারা সংস্কৃত ‘আলোচনা’-শব্দের পূর্বে ‘সম্’ উপসর্গের সংযোগকে অসঙ্গত বলিয়া ঘোষণা করেন। তাঁহারা বলেন, ইংরাজী ‘Criticism’ শব্দের প্রতিবাক্য-হিসাবে ‘আলোচনা’ ও ‘সমালোচনা’ এই দুই শব্দের মধ্যে যদি কোনটিকে রাখিতে হয়, তবে ‘সম্’কে বাদ দিয়া ‘আলোচনা’কে রক্ষা করাই শ্রেয়ঃ। আমাদের কিন্তু অন্যরূপ ধারণা। মনে হয়, পণ্ডিতেরা ‘নিরুক্তের’ ‘সমাম্ভাঃ’ ও ‘সমাম্ভাতঃ’ শব্দদুইটির যে ভাবে অর্থ করিয়া থাকেন, সেই ভাবে ‘সমালোচনা’ শব্দটিকে যদি আমরা বুদ্ধিবীর চেষ্টা করি, তাহা হইলে দেখিতে পাইব যে, উহার ‘সম্’ ও ‘আ’ এই দুই উপসর্গেরই রীতিমত সঙ্গতি, সার্থকতা ও উপযোগিতা আছে। সমালোচনা অর্থে ‘সম্’ অর্থাৎ সম্যক্, ‘আ’ অর্থাৎ পরিপাটির সহিত এবং ‘লোচন’ অর্থাৎ ঈক্ষণ। সুতরাং বলিতে হয়, ইংরাজী ‘Criticism’ শব্দের প্রতিবাক্য-হিসাবে যিনি এই শব্দের সৃষ্টি করিয়াছেন, তাঁহার শব্দ-গঠন-শক্তি প্রশংসনীয় ; এবং এই জন্যই বোধ হয়, ভূদেব, রাজনারায়ণ, বঙ্কিমচন্দ্র, অক্ষয়চন্দ্র প্রভৃতি সেকালের পণ্ডিত ও চিন্তাশীল লেখকেরা এই শব্দটিকে গ্রহণ করিতে বিমুগ্ধমাত্র সঙ্কোচবোধ করেন নাই। রবীন্দ্রনাথের রচনায় ঐ শব্দের বহুল ব্যবহার আছে বলিলে যথেষ্ট হইবে না—‘সমালোচনা’ নামে তাঁহার একখানি গ্রন্থও আমরা দেখিয়াছি। এই সংকলন-গ্রন্থে তাঁহার রচিত ‘সাহিত্য-

সমালোচনা' ও ঠাকুরদাসের লিখিত 'সমালোচনা ও সমালোচক' নামে যে দুইটি প্রবন্ধ আছে, তাহাও এ ক্ষেত্রে উল্লেখযোগ্য। সুতরাং সাহিত্য-সংসারে এই শব্দ যখন এমনভাবে চলিয়া গিয়াছে, তখন ইহা ঠিক হউক আর না হউক, ইহার বিরুদ্ধে কিছু বলিতে গেলে কেহ তাহা শুনবে না। আমরাও শুনিনাই। তাই এই সংগ্রহ-পুস্তকের নামকরণ হইয়াছে সমালোচনা-সংগ্রহ।

'বিবিধার্থ-সংগ্রহ' যে সমালোচনা-পদ্ধতির প্রবর্তন করেন, সেই পদ্ধতি-অনুসারে বাঙালী-গ্রন্থের সমালোচনা পরে 'রহস্য সন্দর্ভ', 'সম্বার্থ সংগ্রহ', ঢাকার 'মিত্র প্রকাশ' প্রভৃতি পত্রিকায় সমানে সতেজে চলিয়াছিল। তারপর বঙ্কিমের বঙ্গদর্শনের অভ্যুদয়। এই বঙ্গদর্শনে বঙ্কিম-কৃত সমালোচনার উদ্দেশ্যে এক লেখক এত প্রশংসার কথা কহিয়াছেন যে, এখানে আমাদের আর কিছু না বলিলেও চলে। তবে প্রসংগক্রমে এটুকু বলা প্রয়োজন যে, বঙ্কিমচন্দ্র সাহিত্য সমালোচনার যে আদর্শ প্রতিষ্ঠা করেন, সেই আদর্শের অনুসরণে সে-সময়ে অক্ষয়চন্দ্র সরকার, কালীপ্রসন্ন ঘোষ, চন্দ্রশেখর মধুখোপাধ্যায় প্রভৃতি কয়েকজন প্রতিভাশালী লেখক উহার পুষ্টি-সাধনে অগ্রসর হইয়াছিলেন। ইহার অস্পকাল পরেই, এ ক্ষেত্রে রবীন্দ্রনাথ দেখা দেন। বলা বাহুল্য যে, অনতিবিলম্বেই তাঁহার সমালোচনা-নৈপুণ্যের যশঃ-সৌরভ চতুর্দিকে বিকীর্ণ হইতে আরম্ভ হয়। বস্তুতঃ বঙ্কিমচন্দ্রের পর, বাঙালী সমালোচনা-সাহিত্যের নূতন রূপের প্রবর্তক-হিসাবে যদি কাহারও নাম করিতে হয়, তাহা হইলে তাঁহার নামই অবশ্য-করণীয়।

এই সংগ্রহ-পুস্তকে বিষয়-হিসাবে 'সাহিত্য-প্রসঙ্গ' ও 'কবি-প্রসঙ্গ' নামে দুইটি বিভাগ করা হইয়াছে। 'কবি-প্রসঙ্গে' ষাঁহাদের কথা আছে, তাঁহাদের মধ্যে একমাত্র জয়দেব ব্যতীত আর সকলেই বঙ্গ-ভাষার কবি। জয়দেব বাঙালী কবি হইলেও তাঁহার কাব্য সংস্কৃত ভাষায় রচিত। সুতরাং এরূপ প্রশ্ন অনেকের মনে জাগিতে পারে যে, উক্ত প্রসঙ্গ-মধ্যে জয়দেব প্রবেশ-লাভ করিলেন কেন?

এই 'কেন'রই একটু উত্তর এখানে দিতেছি। বাঙালী গীতিকবিতার আদি উৎস নিরূপণ করিতে গিয়া আমাদের দেশের বড় বড় লেখকগণের মধ্যে কেহ বৌদ্ধ দোঁহার, আর কেহ বা সুরদাস প্রভৃতির হিন্দী কবিতার উল্লেখ করিয়াছেন। আমাদের কিন্তু মনে হয়, চণ্ডীদামাদি কবিগণ 'জয়দেবের ভাষা, জয়দেবের ছন্দ, জয়দেবের পদ-বিন্যাস-পদ্ধতি ও সংগীত-রীতি'র নিকট ঘেরূপ ঋণী, তেমন আর কাহারও নিকট নহেন। এই কথাটাই 'জয়দেব'-প্রবন্ধে অতি পরিপাটির সহিত বুঝাইয়া বলা হইয়াছে।

আসল কথা, কলেজের ছাত্রগণ বঙ্গসাহিত্য-সম্বন্ধে বাহ্যিক নানা জ্ঞাতব্য তত্ত্ব ও তথ্য জ্ঞানিতে পারেন, যাহাতে সাহিত্য-বিষয়ে তাঁহাদের বিচার-বুদ্ধির উর্মেষ ঘটে, সেই দিকে দৃষ্টি রাখিয়াই এই পুস্তক-সম্পাদনের প্রয়াস পাইয়াছি।

কলিকাতা বিশ্ববিদ্যালয়ের বর্তমান ভাইস্-চ্যান্সেলার প্রদ্ব্যাপদ শ্রীযুক্ত শ্যামা-প্রসাদ মুনোপাধ্যায়, এম্,এ, বি,এল্, ব্যারিস্টার-এট্-ল, এম্,এল্,এ, মহোদয়েরও আমার উপর এইরূপ নির্দেশ ছিল। সে নির্দেশ-প্রতিপালনের যথাসাধ্য চেষ্টা করিয়াছি। চেষ্টা সফল হইয়াছে কি না, বলিতে পারি না। তবে এ ধরনের সংগ্রহ-পুস্তক বঙ্গভাষায় যে এই প্রথম প্রকাশিত হইল, এ কথা বোধ হয় কেহ অস্বীকার করিবেন না।

পারিশেষে বক্তব্য, এই সংগ্রহ-পুস্তকে যে সমস্ত প্রবন্ধের সম্মিলিত করিয়াছি, প্রায় সকলগুলিই বিভিন্ন সাময়িক পত্রে প্রকাশিত হইয়াছিল। কেবল বঙ্কিমচন্দ্র-লিখিত 'ঈশ্বরচন্দ্র গুপ্ত', 'প্যারীচাঁদ মিত্র' ও 'দীনবন্ধু মিত্র'—এই তিনটি প্রবন্ধ ঐ তিন গ্রন্থকারের 'গ্রন্থাবলী'তে ভূমিকা-স্বরূপ প্রকাশিত হয়। যাহা হউক, প্রবন্ধগুলিকে এই পুস্তকে সাজাইবার সময়ে প্রবন্ধ-রচয়িতৃগণের জন্ম-তারিখ বা তাঁহাদের খ্যাতি-প্রতিপত্তির দিকে আমরা লক্ষ্য রাখি নাই। প্রবন্ধসমূহের প্রথম প্রকাশের কালানুযায়ী যথাক্রমে উহাদিগকে বিন্যস্ত করা হইয়াছে।

১৯৩৭

শ্রীঅমরেন্দ্রনাথ রায়

### দ্বিতীয় সংস্করণের বিজ্ঞাপন

১৯৩৭ সালে এই গ্রন্থের প্রথম সংস্করণ মুদ্রিত হইয়াছিল। প্রথম সংস্করণের ছয়টি প্রবন্ধ এই সংস্করণে বর্জিত, এবং তৎপরিবর্তে এগারটি প্রবন্ধ সংযোজিত হইল।

১৯৩৯

শ্রীঅমরেন্দ্রনাথ রায়

### তৃতীয় সংস্করণের বিজ্ঞাপন

এই সংস্করণে দ্বিতীয় সংস্করণের চারটি প্রবন্ধ বাদ দিয়া তৎস্থানে সাতটি প্রবন্ধ যোগ করা হইয়াছে।

১৯৪০

শ্রীঅমরেন্দ্রনাথ রায়

সাহিত্য-প্রসঙ্গ



# সমালোচনা-সংগ্রহ

## মেঘনাদ বধ কাব্যের সমালোচনা

রাজনারায়ণ বসু

(এই সমালোচনা মেঘনাদ বধ প্রথম প্রকাশিত হইবার অব্যবহিত পরে  
কবিকে ইংরাজীতে লিখিয়া পত্রাকারে পাঠান হয়)

আরবদিগের মধ্যে এইরূপ প্রথা আছে যে, তাহাদিগের দেশে একটি সর্বাঙ্গসুন্দর ঘোটক বা উষ্ট্র জন্মিলে অথবা তাহাদিগের বংশে একজন উৎকৃষ্ট কবির উদয় হইলে তাহারা আনন্দোৎসব করিয়া থাকে। একজন কবিকে ঘোটক বা উষ্ট্রের ন্যায় পশু বলিয়া গণ্য করা আমাদের অভিপ্রায় নহে, কিন্তু আমাদের মতে স্বদেশে একটি মহাকবির উদয় জাতিসাধারণের আনন্দের কারণ বলিয়া বিবেচনা করা কর্তব্য। মাইকেল মধুসূদন দত্ত এই শ্রেণীর কবি। তিনি একখানি খণ্ডকাব্যে যে বঙ্গভূমিকে “শ্যামা জন্মদে” বলিয়া সম্বোধন করিয়াছেন, সেই বঙ্গভূমি তাঁহাকে প্রসব করিয়া প্রকৃত গৌরবাস্পদই হইয়াছেন। বর্ণনার ছটা, ভাবের মাধুরী, করুণরসের গাঢ়তা, উপমা ও উৎপ্রেক্ষার নিস্বাচন-শক্তি ও প্রয়োগ-নৈপুণ্য অনুধাবন করিলে তাঁহার ‘মেঘনাদ বধ’ বাঙালাভাষায় অম্বিতীয় কাব্য বলিয়া পরিগণিত হইবে। মিল্টন ও বাস্মাটিকতে এবং তাঁহাতে যদিও অনেক অন্তর, কিন্তু তিনি এই মহাকবিদিগের দৃষ্টান্তানুসরণে অনেক পরিমাণে কৃতকার্য হইয়াছেন বলিতে হইবে। তাঁহার কাব্যে ইউরোপ ও এশিয়ার মহাকবিদিগের অনুকরণের প্রাচুর্য দেখা যায় সত্য বটে, কিন্তু তিনি যাহা অনুকরণ করিয়াছেন, তাহা নতুন বেশে সুশোভিত করিয়াছেন। এ প্রকার অনুকরণ দুষণীয় হইলে মিল্টনের ন্যায় কবিস্তই নিন্দার হইল। দত্ত মহাশয় বাঙালাভাষায় অমিতাক্ষরের সৃষ্টি করিয়াছেন কেবল ইহা-দ্বারাই তাঁহার উদ্ভাবনী শক্তির বিলক্ষণ পরিচয় পাওয়া যাইতেছে। এই কাব্যের প্রধান গৌরব এই যে, ইহার হিন্দু-আকার প্রায় সকল স্থানে রক্ষিত হইয়াছে, অথচ সকল স্থানে ইউরোপীয় বিশুদ্ধ রূচি প্রদর্শিত হইয়াছে। বস্তুতঃ এই কাব্যটি এশিয়া-রূপ জননিয়তা ও ইউরোপ-রূপ জননিয়ত সন্তান-স্বরূপ। বঙ্গভাষায় এই কাব্যের দোষ-গুণ-সমালোচনা বঙ্গভাষার

একটি প্রধান অভাব। পশ্চাদ্বর্তী কয়েক পংক্তি-দ্বারা এই অভাব পূরণার্থ যথার্থপূর্ণ চেষ্টা করা যাইতেছে।

মেঘনাদ বধ কাব্যের আরম্ভ সৌন্দর্য্য-রস-পূর্ণ। কবি স্বদেশীয়দিগকে যে অমৃত পরিবেশন করিবার অঙ্গীকার করিয়াছেন\* ইহা হইতে তাহার পদ্ব্যম্বাদ প্রাপ্ত হওয়া যায়। তৎপরে রাবণের সভা-বর্ণনা অতিশোভন। বীরবাহু-শোকে রাবণের বিলাপ অকৃত্রিম করুণরসাদ্র এবং সরল উৎপ্রেক্ষায় পরিপূর্ণ। মকরাক্ষ, বীরবাহু ও রামের যে যুদ্ধ বর্ণন করিয়াছেন, তাহা বস্তুতঃ বীররসাত্মক এবং তাহা পাঠ করিয়া আমরা কবির স্ব-বাক্যে তাহাকে সাধুবাদ না করিয়া থাকিতে পারি না—“ধন্য শিক্ষা তব কবিবর!”—আর্য্য ও সেমিটিক মিশ্র ভাবগর্ভ† পশ্চাৎলিখিত বর্ণনাটি কেমন গম্ভীর:—

“——নাদিল কস্বদ্ অস্বদ্রাশি-রবে!——”

অনুপ্রাস-গুণ এই পংক্তিটির সৌন্দর্য্য অধিকতর বৃদ্ধি করিয়াছে। যুদ্ধ-ক্ষেত্রের বর্ণনা যথোপযুক্ত ভয়ঙ্কর হইয়াছে এবং অনল্প কবিত্ব-শক্তির পরিচয় প্রদান করিতেছে। সমুদ্রকে সম্বোধন করিয়া রাবণ যে শ্লেষোক্তি ব্যবহার করিয়াছেন, তাহা যথেষ্ট প্রশংসাহঁ।

“ক্ষোভে, রোষে, দৌবারিক নিষ্কোষিলা অসি  
ভীমরূপী——”

কেমন স্বভাব-সঙ্গত চিত্র! কবি যে করুণরসে বিশেষ সূনিপুণ, রাবণের প্রতি চিত্রাঙ্গদার উক্তি, তাহার আর একটি উদাহরণ।

“বরজে সজ্জার পশি বারুইর যথা”——ইত্যাদি উপমাটি পাইলে হোমরও সৌভাগ্য জ্ঞান করিতেন। রাক্ষসগণের রণসজ্জার বর্ণনা দেখিলে কবির প্রগাঢ় বীররস-বর্ণনা-শক্তি বিলক্ষণ অনূভূত হয়। বারুণীর মৃত্তালঙ্কৃত কেশ-পাশ হোমরকে পুনরায় স্মরণ করিয়া দেয়। মেঘনাদের প্রমোদোদ্যানের বর্ণনা:—

“——কুহরিছে ডালো

কোকিল; ভ্রমরদল ভ্রমিছে গুঞ্জরি;  
বিকশিছে ফুলকুল; মর্ম্মরিছে পাতা;  
বহিছে বাসন্তানিল; ঝরিছে ঝঝরে  
নিঝরে।——”

\*——গৌড়জন যাহে

আনলে করিবে পান সুধা নিরবধি।

† আর্য্য—হিন্দু; সেমিটিক—ইহুদীয়

কয়েকটি অনূপম চিত্রচ্ছটায় রঞ্জিত হইয়া কি সুন্দর হইয়াছে।

“——নয়নে তব, হে রাক্ষস-পুত্র,  
অশ্রুবিন্দু; মৃদুকেশী শোকাবেশে তুমি;”—ইত্যাদি

এই হিরু-চিত্র-পূর্ণ রাক্ষসবান্দিগণের গান যে কতদূর প্রশংসনীয় বলিতে পারি না।

“বাজিল রাক্ষস-বাদ্য, নাদিল রাক্ষস;—  
পুত্রিল কনক-লংকা জয় জয় রবে।”

এই দুই পংক্তি অত্যুৎকৃষ্ট রচনা-শক্তির একটি উদাহরণ। শব্দ-বিন্যাসের যদি কিঞ্চিৎস্মাত্র অন্যথা হয়, ইহার সৌন্দর্য্য বিনষ্ট হইয়া যায়। প্রথম সর্গ এইরূপ প্রভূত অলঙ্কাররাজিতে সুসজ্জিত।

দ্বিতীয় সর্গের প্রারম্ভে সন্ধ্যা-বর্ণনাটি যারপরনাই মনোহর। অমর-বৃন্দের আমোদ-প্রমোদ ইহা অপেক্ষা ন্যূনতর নহে, ইহা পাঠকালে হোমরকে স্মরণ হয়। শিব, দূর্গা, কামদেব ও রত্নির উপন্যাসে হোমরোপম সৌন্দর্য্য লক্ষিত হয়। কামদেব ও রত্নি হোমরের শলম্বার ও আফ্রোডিটীর অনুরূপ। শিব ও দূর্গার চতুর্দ্ভুজ-স্বর্ণ-রঞ্জিত মেঘ এবং পদ্মমাল্য-পাঠে হোমরের পশ্চাচ্ছায়া বর্ণনাটি স্মৃতি-পথারূঢ় হয়।

“হেন ভাষি জোভ, দুই বাহু পসারিয়া  
আলিঙ্গিলেন ধর্ম্মপত্নী,—সম্বর্ষ দেবমাতা।  
যদুগল মুরতি উদ্বেগ নিম্নে বসুন্ধরা,  
প্রসবে নবীন শম্প নয়ন-রঞ্জন,  
শিশির মৃকুতায় ফলে সজ্জিত কমল,  
প্রফুল্ল রজনীগন্ধা, জাফরান দল;  
কোমল কুসুমগন্ধ হইয়ে শয্যাধান,  
কঠিন পৃথিবী হতে ব্যবধিল দোহে,  
বিরমে দম্পতি তথা, সুবর্ণ মন্দির  
সুজ্জ্বলা জ্বলদ এক, জ্যোতির্ম্ময় প্রভা,  
দর দর ঝরে তাহে শিশিরের ধারা।”

হোমর ১২শ সর্গ

৩৪৬-৫৬ পং।

কামদেব দক্ষ শরীরে শিবের নিকট হইতে ফিরিয়া আসিলে রত্নি তাহার প্রতি যে কথা বলেন, তাহা দাম্পত্য-প্রণয়পূর্ণ। এই সর্গে ঋটিকা-বর্ণনা



যারপরনাই প্রশংসনীয়। বায়দুর্ভাগ্য গৃহ হইতে ঝঞ্ঝাসকলের উন্মোচন-পাঠে বর্জিলের ইওলসের কথা মনে হয়।

তৃতীয় সর্গে প্রমীলার উদারচিত্ততা দেখিলে যথেষ্ট প্রশংসা করিতে হয়। তাহার যুদ্ধ-সজ্জা ও যুদ্ধ-যাত্রার বর্ণনা চমৎকার।

চতুর্থ সর্গের প্রথমেই বাল্মীকির প্রতি সম্বোধন যথার্থই অতি মনোহর:—

“——রাজেন্দ্র-সংগমে

দীন যথা! যায় দূর তীর্থ দরশনে!”

এবং বাল্মীকির ‘রত্নাকর’ নামোল্লেখও মনোহর হইয়াছে। এই সর্গে সীতার শোচনীয় দুরবস্থা যেরূপ করুণরসের সহিত সেইরূপ ভাবের সৌন্দর্যের সহিত চিত্রিত হইয়াছে, তাহার উপযুক্তরূপ প্রশংসা কি প্রকারে করিব ভাবিয়া পাই না। ইহা যতবার পাঠ করিয়াছি অশ্রুপাত সম্বরণ করিতে পারি নাই। করুণ ও শোকরস-বর্ণনা-শক্তি আমাদিগের কবির বিশেষ গুণ, এতদ্ভিন্ন তিনি তাহার কাব্যের অনেক স্থলে বীররসের যেরূপ বর্ণনা করিয়াছেন, তাহাতেও বঙ্গীয় সকল কবি অপেক্ষা তাহাকে শ্রেষ্ঠ বলা যাইতে পারে। যে কুণ্ডিকা-দ্বারা সহানুভূতির অশ্রু-দ্বার উন্মুক্ত করা যায়, প্রকৃতিদেবী তাহা ভারতীয় অনেক কবি অপেক্ষা তাহাকে বিশেষরূপে দান করিয়াছেন। এ বিষয়ে বাল্মীকি তাহার প্রার্থনা শ্রবণ করিয়াছেন এবং তাহার প্রদেয় সকল বর অপেক্ষা সম্বোধকৃষ্ট বরে আমাদিগের কবিকে ভূষিত করিয়াছেন। পঞ্চবটী বনে স্বামীর সহিত সীতার সুখভোগ-বর্ণনায় যেরূপ বন্য-সরলতা এবং আনন্দকর বিজন-বাস বিবৃত হইয়াছে তাহার প্রশংসা বাক্যাতীত। সীতার এই অবস্থা ও তাহার ভাবী দুরবস্থা পরস্পর কেমন বিভিন্ন! এই সমুদয় বর্ণনা প্রসঙ্গে কবিকে সম্বোধন করিয়া বলিতে পারি:—

“——শুনিয়াছে বীণা-ধ্বনি দাস,\*

পিকবর-রব নব পল্লব-মাঝারে

সরস মধুর মাসে; কিন্তু নাহি শুনি

হেন মধুমাখা কথা কভু এ জগতে!”

পঞ্চম সর্গের প্রারম্ভে অঙ্গরাদিগের নিদ্রাকর্ষণ-বর্ণনা অতি চমৎকার। স্বর্গীয় অঙ্গরাদিগের সরোবর-স্নান-বর্ণনাতে যেরূপ অত্যুজ্জ্বল অপরিমেয় কম্পনা প্রদর্শিত হইয়াছে, তাহা সম্বোধকৃষ্ট ইটালীয় কবিদিগের লেখনী-যোগ্য এবং আরবীয় উপন্যাসে অন্ততভাবে চিত্রিত! প্রমীলাকে জাগ্রত করিবার

\* এই পংক্তির পোষণ কিঞ্চিৎ পরিবর্তিত।

সময় মেঘনাদের সম্বোধনটি মাধুরী ও লালিত্যে মিল্টনের ইবের প্রতি আদমের উক্তির সমতুল্য।

ষষ্ঠ সর্গে লঙ্কার নাগরিকগণের প্রবোধন এবং নগরের ক্রমোন্মিত কোলাহল ও ব্যস্ততা অসামান্য কবিদের পরিচায়ক। বিভীষণের প্রতি মেঘনাদের ভৎসনাবাক্যসকল ভয়ঙ্কর হৃদয়ভেদী এবং সম্পূর্ণরূপে অথৈজনীয়। মেঘনাদের পতনে বিভীষণের বিলাপ অত্যন্ত শোকোদ্দীপক।

সপ্তম সর্গ প্রাতঃকালের রমণীয় বর্ণনার সহিত আরম্ভ। নিম্নোক্ত পংক্তিটি পাঠে আমি বিমোহিত হইয়াছি;

“কুসুম কুন্তলা মহী, মৃক্তামালা গলে।”

কবির\* প্রভাত ও সন্ধ্যা-বর্ণনা বিশেষ মনোহর। প্রমীলার বক্ষঃস্থ মৃক্তামালার সহিত শরৎকালীন মেঘে চন্দ্রের রজচ্ছটার তুলনা অতিশয় সুন্দর হইয়াছে। এইস্থানের অনেকগুলি উপমা সর্বোচ্চ শ্রেণীর উপমার মধ্যে পরিগণিত হইতে পারে। আমি এই সমালোচনায় রাশি রাশি নিরূপম উপমার মধ্যে কয়েকটি মাত্র উপমা সংকলন করিয়াছি। রাক্ষসদিগের রণসজ্জা-বর্ণনা যারপরনাই উৎসাহকর এবং যথার্থ হোমরোপম। যুদ্ধ-বর্ণনাও নূন নহে; ইহা পাঠ করিলে হোমরের যে সর্গে গ্রীক ও ট্রোজানদিগের যুদ্ধে দেবগণের পরস্পরের পক্ষাবলম্বন বর্ণিত আছে, তাহা স্মরণ হয়। কিন্তু আমাদের কবির দেবগণ প্রকাণ্ডদেহ ও অসুন্দরাকৃতি হইলেও হোমরের দেবতাদের ন্যায় বালকবৎ সম্ভাষণ বা আচরণ করেন নাই। তিনি বানরদিগের কার্য মানব-বীরদিগের ন্যায় বর্ণনা করিয়া সভ্য রুচির পরিচয় দিয়াছেন।

অষ্টম সর্গে লঙ্কায়ের মৃত্যুতে রামের বিলাপ-বর্ণনা অতিশয় করুণ-রসাদ্রব এবং বাস্তবিক-রচিত তদ্বিষয়ক একটি বর্ণনার অনুরূপ। এই সর্গের নরক-বর্ণনা অনেক স্থলে প্রথম শ্রেণীর কবিত্ব-শক্তির পরিচয় দেয়। ইহাতে হামর, বর্জিল, দান্তে, মিল্টন এবং ব্যাসের কবিতার অনেক অনুরূপ আছে, কিন্তু আমি অনেকবার বলিয়াছি যে, আমাদের কবি নিরবচ্ছিন্ন অনুরূপ-কারী নহেন। মিল্টন যেরূপ অন্যান্য কবির অনুরূপ করিয়াছেন, তিনিও সেইরূপ করিয়াছেন।

নবম সর্গে প্রমীলা তাঁহার মৃত পতির নিমিত্ত আন্তর্নাদ করিতেছেন এরূপ বর্ণনা না করিয়া কবি বিশুদ্ধ রুচি প্রদর্শন করিয়াছেন। তাঁহার গভীর শোক কি বাক্য-দ্বারা ব্যক্ত করা যায়? যে মায়াবী পুরুষের কুহকে সংসারারণ্য তাঁহার নিকট কুসুমোদ্যানবৎ প্রতীত হইতেছিল, তাঁহার বিয়োগে সকলই ঘোরতর শূন্য বোধ হইল; বিলাপ ও অশ্রুপাত এ-প্রকার শোকের

অতি সামান্য নিদর্শন। এই সর্গে অস্তোচিৎ-ক্লিন্নার সজ্জা-বর্ণনা অতি শোভন ও হৃদয়গ্রাহী।

এক্ষণে কাব্যের দোষসকলের বিষয় উল্লেখ করা যাইতেছে।

প্রথমতঃ—ভাবের পরস্পর অনৈক্য। (১) কবি স্বদেশীয় শ্লোকদিগের মনোরঞ্জনার্থে রাম, লক্ষ্মণ ও সীতার প্রতি ষতদূর সাধ্য মমতা প্রদর্শন করিতে চেষ্টা করেন নাই; কিন্তু রাক্ষসদিগের প্রতি তাঁহার আন্তরিক পক্ষপাতও গোপন রাখিতে পারেন নাই। মিল্টনের ক্রাইস্ট অপেক্ষা সেটান, নায়ক নামের অধিক উপযুক্ত কিন্তু আমাদিগের কবিতে ও তাঁহাতে প্রভেদ এই যে, মিল্টন অজ্ঞাতসারে এই প্রমাদে পড়িয়াছিলেন; আমাদিগের কবি জানিয়া শূন্য ঐ প্রমাদে পড়িয়াছেন। ইন্দ্রজিতের অন্যায় হত্যা-সাধনান্তে লক্ষ্মণের প্রতি রামের পশ্চাত্তাপিত উক্তিটি শ্লেষোক্তি-প্রায় বোধ হয়:—

“লাভিন্দু সীতার আজি তব বাহুবলে,  
হে বাহুবলেন্দ্র! ধন্য বীরকুলে তুমি!” ইত্যাদি।

লক্ষ্মণ কি বাহুবলই প্রকাশ করিয়া ইন্দ্রজিতকে হত্যা করিয়াছিলেন! ইহার অব্যবহিত পূর্বে কবি,

“——বাহিরিলা আশ্রুগর্ভিত দৌহে,  
শাম্ভুদলী অববর্তমানে, নাশি শিশু যথা  
নিষাদ——” ইত্যাদি

এই উপমা-দ্বারা রাক্ষসদিগের প্রতি ভক্তি প্রদর্শন করিয়াছেন। কাব্যের সর্ব্বাংশে কবির মত স্পষ্ট এবং অবিসম্বাদিত হওয়া উচিত ছিল। (২) কোন কোন স্থলে সরল এবং অসরল বর্ণনা একত্র মিশ্রিত হইয়াছে—যথা, ১ম সর্গ ৩২৯-৩৪২ পংক্তি, এবং ৭ম সর্গ ১৫৮-১৯১ পংক্তি। প্রথমোক্ত স্থলে চিত্রাঙ্গদা ও তাঁহার সহচরী রাক্ষস-সুন্দরীগণের মৃদুকেশপাশ ও নিশ্বাস, প্রলয় মেঘমালা ও প্রলয় ঝটিকার সহিত তুলনা এবং শেষোক্ত স্থলে রাবণের স্ত্রী-সেনানীগণের দন্তের সহিত তোমর, ভোমর, শূল ইত্যাদির তুলনা এবং অশ্বলের সহিত পতাকা ইত্যাদির তুলনা-দ্বারা উক্ত স্থলসকলের হোমরোপম সরলতা বিনষ্ট হইয়াছে। প্রকৃত সুকল্পনা এবং মিথ্যা আড়ম্বরের পরস্পরের এ-প্রকার সংমিশ্রণ পরিত্যাগ করা উচিত। (৩) এক স্থানে বিপরীত ভাবোদ্দীপক অভিপ্রায়সকলও মিশ্রিত হইয়াছে। দ্বিতীয় সর্গের উপসংহারে কবি,

“——তরল সলিলে  
পশি, কৌমুদিনী পদনঃ অবগাহে দেহ  
রজোময়,——”

ইত্যাদি বাক্য-দ্বারা শান্তির সুন্দর বর্ণনা করিয়া হঠাৎ,

“আইল ধাইয়া পুনঃ রণ-ক্ষেত্রে শিবা  
শবাহারী পালে পালে গৃধিনী, শকুনি;  
পিপশচ———”

এই বীভৎস বর্ণনা করিয়াছেন। ইহা-দ্বারা বর্ণনার মাধুর্য্য এককালে নষ্ট হইয়াছে। তৃতীয় সর্গে কবি পাঠকগণের মনে ভয় ও আশ্চর্য্যভাব উদ্দীপনার্থ লঙ্কাবাসিনী বীর-রমণীদিগের রণ-সজ্জা ও যুদ্ধ-যাত্রা বর্ণনা করিয়াছেন, কিন্তু পশ্চাদ্বর্ত্তী বর্ণনায় সে ভাবের ব্যাঘাত হইতেছে।

“অন্তরীক্ষে সঙ্গে রঙ্গে চলে রতিপতি  
ধরিয়া কুসুম-ধনুঃ মৃদুমৃদু হানি  
অব্যর্থ কুসুম-শরে!———”

এই বর্ণনাতে সমুদায় বিষয়টি লঘু হইয়া পড়িয়াছে। পশ্চাদ্বর্ত্তী কয়েকটি পংক্তি হাস্যকর:—

“অধরে ধরি লো মধু, গরল লোচনে  
আমরা; নাহি কি বল এ ভুজ-মৃগালে?  
\* \* \* \*  
দেখিব, যে রূপ দেখি সুপর্ণখা পিসী  
মাতিল, মদন-মদে পণ্ডবটী বনে;”

এরূপ ভাষা স্ত্রীশোভন বটে, কিন্তু ক্রোধ-জ্বলিত সমরোৎসাহিত বীরাত্মগনার যোগ্য নহে। বর্ণনার কোন কোন স্থল বিরুদ্ধ ভাবের উদ্দীপন করিয়া দেয়। এই কাব্যের অতি সাধবী নারী-চরিত্রও বিলাসিতার কলঙ্কে দূষিত হইয়াছে। এক স্থলে সীতা লঘুচিন্ত, আমোদপ্রিয়, চপল বালিকার ন্যায় হরিণদিগের সহিত নৃত্য করিতেছেন, কোকিলের সহিত গীতালাপ করিতেছেন এবং রসিক মধুমক্ষিকা ও ভ্রমরকে ‘নাতিনী-জামাই’ বলিয়া সম্বোধন করিতেছেন, এইরূপ বর্ণিত হইয়াছে।\* সীতার নম্রতা, অসাধারণ

“——কতু বা

কুরঙ্গিনী-সঙ্গে লাচিতান বনে,  
গাইতাম গীত শুনি কোকিলের ধ্বনি।

সত্যীত্ব এবং গম্ভীর প্রকৃতি বিষয়ে আমাদের যে চিরন্তন সংস্কার আছে, তাহার সহিত উপরি-উক্ত বর্ণনার ঐক্য হয় না। সত্য বটে, সংস্কৃত কাব্যে স্বামীর সম্মুখে রমণীগণের নৃত্য-গীতের প্রসঙ্গ আছে, কিন্তু আমাদের কবি সীতার যে বর্ণনা করিয়াছেন তাহা কেবল চতুরা, রসিকা-নর্তকীদের পক্ষে সম্ভব। অর্দ্ধ-বাতুল রমণীরাই হরিণদিগের সঙ্গে নৃত্য করিতে পারে।

“——চমকি রামা উঠিলা সত্বরে,——

গোপিনী কামিনী যথা বেগুনের সুরবে!”\*

এই স্থলে অবিশুদ্ধ কৃষ্ণপ্রেম অকস্মাৎ আসিয়া কবি-বর্ণিত নিষ্কলংক দাম্পত্য প্রেমের বিশুদ্ধতা এককালে বিনষ্ট করিয়াছে। এটি অমার্জ্জনীয় দোষ। নিশ্চয়, মিল্টন কখন এরূপ লিখিতেন না। শেষ সর্গে:—

“বাজে ঢাক, বাজে ঢোল, কাড়া কড়কড়ে;”†

এই হাস্যকর পংক্তিটি আমাদের অতি প্রাচীন সাম্প্রদায়িক এবং প্রাচীন পদার্থের একান্ত পক্ষপাতী ব্যক্তিদিগেরও প্রীতিকর হইবে না। এরূপ বর্ণনা মহাকাব্যের অনূপযোগী, বিশেষতঃ যে প্রকার উন্নত ও মহত্ত্বাপূর্ণ কবিতার সহিত সংযোজিত হইয়াছে তাহাতে ইহা নিতান্ত অসংলগ্ন হইয়াছে। (৪) এই প্রসঙ্গে হিন্দুভাব-বিরুদ্ধ কতকগুলি বর্ণনার উল্লেখ করা যাইতে পারে। মেঘনাদের অন্ত্যেষ্ট-ক্রিয়ার সম্ভা প্রকৃত হিন্দু ব্যবহার-সংগত নহে। ইহাতে ইউরোপীয় সামরিক সম্ভা, বস্ত্র-মান বর্ণীয় অন্ত্যেষ্ট-ক্রিয়ার সম্ভা এবং সহমরণ-ক্রিয়ার সম্ভা একত্র বিমিশ্রিত হইয়াছে।

দ্বিতীয়তঃ—বর্ণনার অতি দীর্ঘতা। এই দোষের একটিমাত্র দৃষ্টান্ত আছে। নরক-বর্ণনায় এই দোষটি উপলক্ষিত হয়। নরক-রাজ্যে ভ্রমণ গ্রীস, রোম ও ভারতবর্ষীয় প্রাচীন কবিগণের একটি প্রিয় বর্ণনীয় বিষয়। আমাদের

নব-লভিকার, সতি, দিত্য বিবাহ  
ভরু-সহ ; চুড়িত্য, মঞ্জরিত যবে  
দম্পতী, মঞ্জরীবৃন্দে, আনন্দে সম্ভাষি  
নাতিনী বলিয়া যবে। গুঞ্জরিলে অলি,  
নাতিনী-জামাই বালি বরিত্য তারে।

৪র্থ সর্গ ১৮৬-৯৩ পংক্তি।

\* ৫ম সর্গ ৩৮৭-৮৮ পংক্তি।

† ৯ম সর্গ ২৯৫ পংক্তি।

কবির পক্ষেও তাহা অল্প প্রলোভনকর নহে, কিন্তু আমার বিবেচনায় ইহাকে তিনি অতিরিক্ত স্থান দান করিয়াছেন। বর্ণনাটি কাব্যের পরিমাণাধিক। বস্তুতঃ মেঘনাদ বধ কাব্যের অবয়বোচিত হয় নাই।

. তৃতীয়তঃ—নীতি-গর্ভ মহাবাক্যের অভাব। মেঘনাদে এমন নীতি-গর্ভ মহাবাক্য অল্প আছে যে, তাহা দেশীয় লোকদিগের দ্বারা সামান্য কথোপকথনে উদ্ধৃত হইতে পারে। হোমর, বার্জিলের কত মহাবাক্য তাহাদিগের স্বজাতীয় সাধারণ জন-সমাজে সামান্য কথোপকথনে উদ্ধৃত হইয়া থাকে। এ-বিষয়ে ভারতচন্দ্র আমাদিগের কবি অপেক্ষা শ্রেষ্ঠতর।

যে সকল দোষের কথা উল্লেখ করা গেল, তাহার সকলগুলি ঠিক দোষ না হইতেও পারে, কারণ কোন কোন স্থলে আমার মত ভ্রমসঙ্কুল হইলেও হইতে পারে। যাহা হউক, উল্লিখিত দোষ সত্ত্বেও ‘মেঘনাদ’ বাঙ্গালাভাষার সর্বোৎকৃষ্ট কাব্য তাহার সন্দেহ নাই। অধিকন্তু দোষ ধরিলে ‘প্যারাডাইস লস্ট’ কাব্যও তাহা অল্প নাই। গোল্ডস্মিথ বলেন, “লেখকের গুণের আধিক্য স্থায়ী কীর্তির যেরূপ নিদান, দোষের অল্পতা সেরূপ নহে। আমাদিগের অত্যুৎকৃষ্ট গ্রন্থসকলও দোষগুণ উভয়েরই আশ্রয়, তাহাতে যেমন বিলক্ষণ গুণ আছে তেমন বিলক্ষণ দোষও আছে।” মেঘনাদ বধ কাব্যের নায়ক মেঘের অন্তরালে দণ্ডায়মান থাকিয়া ইন্দের সহিত যুদ্ধের সময় যেমন বীররসে পরিপূর্ণ হইতেন, কাব্যটিও সেইরূপ স্থানে স্থানে বীররসে পরিপূর্ণ ; এবং সময়ান্তরে তিনি তাহার প্রমীলাকে জাগ্রত করিবার জন্য যেরূপ কোমল স্বর ধারণ করিতেন কাব্যটিও স্থানে স্থানে সেইরূপ কোমল। পাঁচ বৎসর পূর্বে বাঙ্গালা কবিতা যেরূপ অসংস্কৃত অবস্থায় ছিল, তাহা দেখিয়া সে সময়ে কে বলিতে পারিত যে, এত অল্পকালের মধ্যে স্থল বিশেষে ভাবের উচ্চতায় প্রায় হোমরের ইলিয়েড ও মিল্টনের প্যারাডাইস লস্টের ন্যায় এবং স্থল বিশেষে করুণরসে বাস্মীকির রামায়ণের সমকক্ষ একখানি অমিতাক্ষর বাঙ্গালা কাব্য প্রচারিত হইবে? ফলতঃ, সময় মনুষ্যের সৃষ্টিকর্তা নহে, কিন্তু মনুষ্যই সময়ের সৃষ্টিকর্তা। কাল মনুষ্যকে উচ্চ করিয়া তুলে না; মনুষ্য কালকে উচ্চ করিয়া তুলে। আমাদিগের কবি বর্ণভাষাতে নূতন কবিতা-রচনা-প্রণালী ও অনেক নূতন শব্দ ও নূতন প্রয়োগ প্রবর্তিত করিয়াছেন, অথচ অতি অল্প স্থলে তাহার কষ্ট-কবিত্ব-দোষ উপলব্ধিত হয়। তাহাকে বাঙ্গালা সাহিত্যের গেটে আখ্যা প্রদান করা যাইতে পারে। গেটে যেমন অসম্পূর্ণ জার্মান ভাষাকে সমৃদ্ধিশালী করিয়া তুলিয়াছিলেন, ইনিও সেইরূপ বাঙ্গালাভাষাকে সমৃদ্ধিশালী করিয়াছেন। মেঘনাদের রচনা-প্রণালী তিলোত্তমা অপেক্ষা উৎকৃষ্ট। ইহার ভাষা অপেক্ষাকৃত প্রাজ্ঞ, মসৃণ, তরল ও প্রদীপ্ত। ইহার শব্দ-বিন্যাস অপেক্ষাকৃত সুপ্রশস্ত ও সুসংহত। আমরা যখন ইহা পাঠ করি, তখন ইহা নূতন বোধ হয়। অসাধারণ কবির

রচনার প্রকৃত লক্ষণ এই যে, তাহা কখনই পুরাতন বা অরুচিকর হয় না। বহু শতাব্দী পরে যখন গ্রন্থকার এবং তাঁহার সমালোচক উভয়েই অন্তর্হিত হইবেন, তখনও মনুষ্যাগণ অক্লান্ত অনুরাগের সহিত মেঘনাদ পাঠ করিবে। অসাধারণ প্রতিভার কি রমণীয়—কি অক্ষয় প্রভাব! কত বংশ-পরম্পরা গত হইবে, তথাপি আমরা মেঘনাদ বধ কাব্যের যে-সকল স্থল পাঠ করিয়া অশ্রুপাত করিতেছি, লোকে সেই সকল স্থল পাঠ করিয়া অশ্রুপাত করিবে; তুরী-খদনির ন্যায় যে-সকল স্থান বীরভাব উদ্দীপন করিয়া আমাদের হৃদয় প্রোৎসাহিত করিতেছে, তাহাদিগেরও করিবে; এবং যে-সকল স্থান আমাদের অন্তঃকরণকে প্রীতি ও কোমলকরণরসে বিগলিত করিতেছে, তাহাদিগেরও তাহা সেইরূপ করিবে। আমাদের জাতীয় মানসিক প্রকৃতি সংগঠন পক্ষে মেঘনাদ যথেষ্ট সাহায্য করিবে। শাসনকর্তা বীরের ন্যায় কবির জয় সাড়ম্বর নয় বটে, কিন্তু তাহা সুনিশ্চয় ও সুদূর-ব্যাপ্ত। কবির ভাবসকল স্বজাতির মনোবৃত্তির উপাদান হয় এবং জাতীয় শিক্ষা ও মহত্ত্ব-সাধনের পক্ষে প্রভূত সহকারিতা করিয়া থাকে।

## প্রাচীন কবি ও আধুনিক কবি

তাড়িত-সংযোগে মৃত ব্যক্তিও যেমন দৃশ্যতঃ চেতনা প্রাপ্ত হয়, আমাদের আধুনিক কবিতাসকলও সেইরূপ দৃশ্যতঃ কবিতা বলিয়া বোধ হয়, কিন্তু তাহা ইহঁতে যদি বিদেশীয় কবিতার তাড়িত-প্রভাব নিস্বাসিত করা যায় ত দেখিতে পাইবে যে, সে-সকল কবিতা প্রকৃত প্রস্তাবে হীনশক্তি নিজীব সামগ্রী মাত্র। প্রকৃত হৃদয়-উচ্ছ্বাসের যে একটি দুন্দমনীয় অমোঘ শক্তি আছে, তাহা আধুনিক বঙ্গীয় কবিতাতে প্রায়ই দৃষ্টিগোচর হয় না। আর, তাহা কেমন করিয়াই বা হইবে? আধুনিক বঙ্গীয় কবির অন্তর-দৃষ্টি যে একেবারেই নাই, তাহা শত-সহস্র উদাহরণ-দ্বারা প্রমাণ করা যাইতে পারে।

যখন দেখিতে পাঠি যে, আধুনিক একজন ‘মহাকবি’ নরক-বর্ণনা করিতে গিয়া Dante ও Virgil-এর ক্রীতদাস-স্বরূপে তাঁহাদের অনুগামী হইয়াছেন, যখন দেখি প্রখ্যাত কবিগণ বীররসে দেশ মাতাইতে গিয়া

সংজ্ঞাহীন উন্মত্ত প্রলাপে নিজে মাতিয়া উঠেন, যখন দেখি একজন কৃতবিদ্যা পয়ার-রচয়িতা আদিরসের অবতারগাথে Byron প্রভৃতির স্বর্ণনাশ-সাধন করিয়া থাকেন, যখন দেখিতে পাই যে, এই সকল “অদ্বিতীয় মহাকবি” অনুগামী নিকৃষ্টতর কবিরা ভাঙ্গা বা কাচ-কণ্ঠে সেই একই সুর নানা প্রকারে ভাঁজিয়া ব্যাস-বাল্মীকির মস্তক মৃণ্ডন করিতেছে,—তখন ধৃতরাষ্ট্রের মত আমাদেরকেও বলিতে হয় যে, “যখন এই সকল দেখিলাম ও শুনিলাম, তখন এ দেশের কবিতার জয়ের আশা আর করি না।” যদি এমন দেখিতাম যে, বঙ্গ-কবিতা-কাননে নানা প্রকার দেশীয় বন-ফুলগাছের মাঝে মাঝে বিদেশীয় ফুলগাছের কলমের চারাসকল রোপিত হইয়াছে, তাহা হইলেও আমরা বিশেষ ক্ষতি বোধ করিতাম না; কিন্তু এখন দেখিতেছি যে, সেই সকল কলমের চারাই মহাতেজস্বী হইয়া বন-ফুলদলকে একেবারে নিহত করিয়াছে। বাস্তবিক দেখিতে পাই যে, আধুনিক কবিতাতে আমাদের প্রকৃতিগত অনেকগুলি মনোভাব আর স্থান পায় না—এখনকার বিলাতী আবহাওয়ার প্রভাবে সে বন-ফুলগুলি আর ফুটে না।

যে-কেহ ঈষৎ-মাত্র যত্নের সহিত অবিকৃত বঙ্গীয় হৃদয় ও প্রকৃত দেশজ কবিতা দেখিয়াছেন, তিনিই বলবেন যে, অবিকৃত বঙ্গীয় হৃদয়ে অভিমানের ভাব অতি প্রবল, প্রকৃত দেশজ কবিতাতে অভিমানের সঙ্গীতই জ্বলন্ত। সমগ্র ইংরাজি সাহিত্যে অভিমানে গদগদ একটিমাত্র ও হৃদয়-উচ্ছ্বাস নাই,—এমন কি, ইংরাজি ভাষাতে অভিমানের একাটিও প্রতিশব্দ নাই। ইংরাজি কবিতাতে নবপ্রেমের উষারাগ আছে, স্নেহাংগ আধুনিক বঙ্গীয় কবিতাতে তাহা প্রচুর পরিমাণে দেখিতে পাওয়া যায়; ইংরাজি কবিতাতে প্রেমের জ্বলন্ত মধ্যাহ্ন-তীব্রতার অনল-উচ্ছ্বাস আছে, বঙ্গীয় কবি তাহাকে জ্বলন্ততর করিয়া, পৃথিবীকে জ্বালাইয়া, স্বর্গ-মর্ত-রসাতল করিয়া, প্রলয়ের স্বর্ণনাশী ঝটিকাকে আহ্বান করিয়াও নিরস্ত হইতে চাহেন না; আবার, ইংরাজি কবিতাতে প্রেমের নিরাশা-রূপ অমা-শব্দরীর ঘোর তমসচ্ছন্ন বিভীষিকার অবতারণা আছে, স্নেহাংগ আধুনিক বঙ্গীয় কবিতাতেও ঘোরতর নিবিড়তর অমা-শব্দরী—আমরা সচরাচর দেখিতে পাই;—কিন্তু আমরা এইমাত্র জিজ্ঞাসা করিতে চাই যে, অভিমানের গোধূলি আমরা আধুনিক কবিতায় কোথায় দেখিতে পাই? সেই যে সেই অভিমান, যে অভিমান প্রেমের কোন ধার ধারিতে চাহিতেছে না, অথচ সকল ধার শোধিতে হৃদয়ের নিভৃত কক্ষে প্রাণপণে যত্ন করিতেছে, যে অভিমান প্রকাশ্যরূপে স্ফুর্তি পাইতে প্রয়াস পাইয়াও অকাতরে—নীরবে—প্রাণের ভিতর প্রাণ ঢাকিয়াও চক্ষের জল সংবরণ করিতে প্রাণ দিয়াও যত্ন করিতেছে,—যে অভিমান লীলাময় মানের অবরোধ কাটিয়া ও হৃদয়ভেদী নিরাশার আশার মধ্যেও থাকিয়া এ-কূল ও-কূল দুকূল দেখিয়া মর্মের অন্তঃস্পর্শে লুকাইতে চেষ্টা করিতেছে,—সেই প্রকৃত ভালবাসার জ্বলন্ত



অভিমান আধুনিক কবিতায় কোথায়?—সে অভিমান ইংরাজি কাবিতাতে নাই, সে অভিমান ইংরাজি প্রকৃতিতে নাই। সেই জন্যই তাহা আধুনিক বঙ্গীয় কবিতাতেও নাই। অভিমানে যে-একটি পরাধীনতা—যে-একটি প্রাণ-ঢালা নির্ভরের ভাব আছে, তাহার সহিত ইংরাজি হৃদয়ের স্বাভাবিক স্বতন্ত্র ভাবের কখনই ঐক্য হইতে পারে না। বঙ্গীয় হৃদয় ভালবাসার সমুদ্রে প্রাণ-মন-হৃদয়—সর্বস্ব অকাতরে বিসর্জন দেয়, কিন্তু ইংরাজি হৃদয় ভালবাসার সমুদ্রে আত্ম-বিসর্জন করিয়াও নিজের নিজস্ব কখনই ভুলিতে পারে না। ভালবাসার স্থলে বঙ্গীয় হৃদয় এই বলিবে যে, “হে হৃদয়সর্বস্ব! আমি তোমারই—তোমাতেই আমার জীবন, তোমাতেই আমার মৃত্যু,—তোমা ছাড়া আমার আমিষ্যই নাই।”—কিন্তু ইংরাজি হৃদয় বলিবে যে, “হে হৃদয়সর্বস্ব! তোমাকে আমি প্রাণের সহিত ভালবাসি, তোমাকে নহিলে আমি সুখী হইতে পারি না।” গভীর প্রেমেতেও ইংরাজি হৃদয় কখনই নিজের স্বাতন্ত্র্য, স্বাধীন নিজস্ব একেবারে বিসর্জন করে না। প্রেমের অপমানে—প্রেমের নিস্কর্ম তাচ্ছল্যে একটি ইংরাজি হৃদয় উগ্রভাবে ইহাই বলিবে যে,

“ I wish you were dead, my dear;  
I would give you, had I to give  
Some death too bitter to fear;  
It is better to die than live.  
I wish you were stricken of thunder,  
And burnt with a bright flame through,  
Consumed and cloven in sunder,  
I dead at your feet like you.”

ইহাতে জ্বলন্ত ভালবাসার কিছদ্র অভাব নাই,—নহিলে শেষ পঙ্ক্তিভিতে সে-ও মরিতে চাহিবে কেন?—কিন্তু সে জ্বলন্ত ভালবাসা-সত্ত্বেও ইংরাজি হৃদয় নিজের নিজস্ব, নিজের স্বাতন্ত্র্য ভুলিতে পারে নাই। এরূপ স্থলে একটি অবিকৃত বঙ্গীয় হৃদয় এই বলিয়া কাঁদিবে,—

“দৈবযোগে যদি প্রাণনাথ! হ’ল এ পথে আগমন,  
কও কথা, একবার কও কথা, তোলো ও বিধ্বদন!  
প্রণয় ভেগেছে ভেগেছে তায় লজ্জা কি?  
এমন ত প্রেম ভাঙাভাঙি অনেকের দেখি!  
আমার কপালে নাই সুখ—  
বিধাতা হ’ল বিমুখ,  
আমি সাগর সৈতেও সখা, মাণিক পেলাম না!  
দাঁড়াও—দাঁড়াও প্রাণনাথ! বদন ঢেকে যেও না।

তোমায় ভালবাসি—তাই  
 চোখের দেখা দেখতে চাই,  
 কিছূ থাক' থাক' বোলে ধোরে রাখ' না—  
 শূন্য দেখা দিলে তোমার মান যাবে না।  
 তুমি যাতে ভাল থাক', সেই ভাল,  
 গেল গেল বিচ্ছেদে প্রাণ আমারই গেল!  
 তোমার পরের প্রতি নির্ভর,  
 আমি ত ভাবি না পর—  
 তুমি চক্ষু মৃদে আমার দুঃখ দিও না।”

মহ্মভেদী প্রেমের অপমানেও এরূপ অসীম উদারতা—প্রোজ্জ্বল ভালবাসা—  
 সত্ত্বেও এরূপ সৰ্ব্বত্যাগী সন্ন্যাসিনীর বৈরাগ্য—বৈরাগ্যে এরূপ অনুরাগ—  
 অনুরাগে এরূপ বৈরাগ্য—এমন কে কোথায় আর দেখিয়াছেন? ইংরাজি  
 সাহিত্যে ত কখনই দেখিতে পাইবেন না। এরূপ প্রেমের অপমান-স্থলে একটি  
 ইংরাজি হৃদয় প্রকৃত কবি Tennyson -এর মদ্য দিয়া এই বলিবে,—

“ Better thou and I were lying, hidden  
 from the heart's disgrace,  
 Rolled in one another's arms, and  
 silent in a last embrace.

\* \* \* \*

Am I mad, that I should cherish that  
 which bears but bitter fruit,  
 I will pluck it from my bosom, though  
 my heart be at the root ? ”

ইহাই প্রকৃত ইংরাজি হৃদয়—ইহাই প্রকৃত ইংরাজি প্রতিজ্ঞা। ইহার যে  
 একটি বিশেষ সৌন্দর্য আছে, তাহা আমরা অস্বীকার করি না ; কিন্তু ইহাও  
 আমরা স্বীকার করি না যে, উহা আমাদের দেশজ হৃদয়ের উচ্ছ্বাস হইতে পারে।  
 ইংলন্ডের lily পদ্প ইংলন্ডেরই পদ্প, তাহা প্রচণ্ড উত্তর-বাতাসেও অক্ষুণ্ণ  
 থাকিতে পারে, কিন্তু বঙ্গীয় হৃদয় যে নিতান্তই কামিনীকুসুম-সদৃশ, মৃদুল  
 দক্ষিণ-বাতাসেও তাহার পাপড়ি ঝরিয়া পড়ে—কি করিব? প্রকৃত কবি ত  
 কামিনীকুসুমকে কামিনীকুসুম-রূপেই বর্ণনা করিবেন। কিন্তু ও রূপ  
 বর্ণনার কথা দূরে থাক, আজকাল দৃ'একখানি মাত্র কাব্য ব্যতীত অভিমানের  
 কবিতা ত কোথাও দেখিতে পাই না। কিন্তু যে-কেহ বঙ্গীয় হৃদয় সামান্য  
 যন্ত্রের সহিতও দেখিয়াছেন, তিনিই বলিবেন যে, তাহা বীররসে তেজস্বী নহে,  
 মহান্ ভাবে প্রশস্ত নহে—তাহা করুণরসে মগ্ন, তাহা ভালবাসাতেই উৎখলিত,

এবং অভিমানই সেই ভালবাসার সফেন-তরঙ্গ-ভঙ্গ। কি বাল্যকালে পিতামাতা-সম্পর্কে, কি যৌবনে প্রণয়-সম্পর্কে, কি প্রোঢ়ে বা বান্ধক্যে দেবতা-সম্পর্কে—আমাদের অভিমানের ভাবই বিশেষ প্রবল, অভিমানই আমাদের হৃদয়ের একটি বিশেষত্ব। সংবৎসর পরে যখন পার্শ্বতী কৈলাসপদুরী অন্ধকার করিয়া পাষণ মা-বাপের ঘরে আসিলেন, তখন মহাদেবের জন্য তাঁহার আর দুঃখ নাই,—মা-বাপকে পাইয়া তাঁহার হৃদয়ের দিগন্তব্যাপী উল্লাস নাই,—তিনি অভিমানেই গদগদ—অভিমানেই উন্মত্ত। একজন দেশজ কবি এরূপ স্থলে আমাদের নব-বিবাহিত বালিকা-হৃদয় কতদূর বদ্বিয়াছিলেন, তাহা এই সঙ্গীতটিতেই বদ্বিতে পারিবেন,—

“পদ্রবাসী বলে, ‘উমার মা, তোর হারা-তারা এল ওই।’  
 শূনে পাগলিনীর প্রায়, অমনি রাণী ধায়,  
 ‘কই উমা!’ বলি, ‘কই!’  
 কে’দে রাণী বলে, ‘আমার উমা এলে;  
 একবার আয় মা, একবার আয় মা,  
 একবার আয় মা, করি কোলে।’  
 অমনি দ্ব’বাহু পসারি মায়ের গলা ধরি,  
 অভিমানে কাঁদি, রাণীরে বলে—  
 ‘কই, মেয়ে ব’লে আন’তে গিয়েছিলে?  
 তোমার পাষণ প্রাণ, আমার পিতাও পাষণ  
 জেনে’ এলাম আপনা হ’তে, গেলেনাক’ নিতে,  
 রব না, যাব দু’দিন গেলে।’”

এই সমস্ত সঙ্গীতটিতে আমরা যে এক মনোহর ছবি দেখিতে পাইতেছি, সেরূপ মনোহর একখানিও ছবি কি আধুনিক কবিতাতে কোথাও দেখিতে পাওয়া যায়? সেই নব-বিবাহিতা নব বালিকা যে কেমন করিয়া আজ বৎসরের পরে অভিমান-ভরে মায়ের কোলে ঝাঁপাইয়া পড়িল—সেই গৌরকান্তি মৃদুশব্দে কেমন আরম্ভ হইয়া উঠিয়াছে—সেই দর-বিগলিত সুদীর্ঘ অর্ধ-মুদিত নয়ন দু’টি, পাছে মায়ের সঙ্গে চোখে চোখে দেখা হয়, এই ভয়েই যেন নত-পল্লব—সেই এক একটি কথার পরে এক একটি মর্মভেদী দীর্ঘশ্বাস! আবার ও দিকে মেনকারাণী লজ্জায় ও কণ্ঠে কোন কথাই রূহিতে পারিতেছেন না, অথচ প্রাণের দ্বহিতাকে কোলে পাইয়া আনন্দে তাঁহার হৃদয় উখলিয়া উঠিতেছে; দ্বহিতার প্রত্যেক কথায় ও দীর্ঘশ্বাসে আরও আরও তাহাকে বক্ষে টানিয়া লইতেছেন; মায়ের চোখের জলে ও মেয়ের চোখের জলে গঙ্গার মত আর একটি পবিত্র নদী যেন হিমালয় বাহিয়া প্রবাহিত হইতেছে—

আবার দৃ'জনেই মৃদ্ধ—দৃ'জনেই নিস্তদ্ধ! অনেকক্ষণ পরে মেনকারাণীও  
অভিমানের উত্তরে অভিমান করিয়া বলিতেছেন,—

“সুধাই তাই ও গো ঈশানি!

যার উমা জগতের মা,

তার কি মা এমন হয়?

হ্যাঁগো প্রাণের তারা,

সেও কি উমা-হারা রয়?

মা, তোর শ্রীমুখ না হেরে,

যে দৃঃখ অন্তরে,

ছিলাম মণিহীনা ফণী

দিবা-সামিনী।

ভাল, মা গো, মা তোর যেন পাষণী,

তুই ত জগৎ-জননী,

ভাল, তা বোলে মা, একবার

মায়ে তোমার

মনে কর কৈ গো তারিণি?

কৈলাস-শিখরে

শঙ্করের ঘরে

গিয়ে মা, ভুলে থাক মায়,

মা বোলে করিস না মা, মনেতে,—

এ দৃঃখ বলি গো মা, কায়?

বালিকা-দুহিতায় না হেরে মা, নয়নে,

গেছে অশ্রুজলে দিন, ও মা হর-অঙ্গনে!

আমি একে মা, অবলা,

তাতে গো অচলা.

শক্তিহীন শক্তি-তত্ত্বে, ঈশানি!”

এই ভুবনমোহিনী প্রতিমা কোন্ আধুনিক কবি দেখাইতে পারেন?  
এমন সহজ, সরল, হৃদ্যগত ভাব লইয়া কোন্ কবি অনন্ত তুষাররাশির উপরে  
শারদ-জ্যোৎস্না ফুটাইতে পারেন? তব্দুও স্বীকার করিতে হয় যে, মাতা ও  
দুহিতার সম্পর্কে অভিমান ততটা তীব্র হইতে পারে না; কেন-না, উভয়েরই  
উভয়ের ভালবাসার উপর সহজ বিশ্বাস আছে—উভয়েই মনে মনে কতকটা  
জানেন যে, কেহই কাহারও পরিত্যাজ্য নহে,—এই জনাই ইহা বিশেষ দৃষ্টব্য।  
বুঝিতে হইবে যে, এরূপ মর্ম্মগত বিশ্বাসের স্থলেও বঙ্গীয় হৃদয়ে অভিমান  
উর্থলিয়া উঠে; কারণ, আমাদের কোমল প্রাণে ভালবাসার সকল অবস্থাই—  
কি স্নেহ, কি প্রেম, কি প্রণয়—ভালবাসার সকল অবস্থাতেই অভিমান প্রধান।  
প্রকৃত প্রস্তাবে প্রেমই অভিমানের অরাজকতার রাজ্য। কারণ, প্রেমতে

ভালবাসার উপর মশ্মগত বিশ্বাস লইয়াই টানাটানি। একেবারে বিশ্বাস না থাকিলে ত নিরাশা-মশ্মানে আসিয়া পড়িতে হয়, আবার মনের দৃঢ় অথচ অপ্রকাশিত বিশ্বাস থাকিলে অভিমান লীলাময় “মানেতে” অবনত হইয়া পড়ে। কিন্তু যেখানে ঐ মনের বিশ্বাস থাকিয়া যেন নাই, আবার না থাকিয়াও যেন আছে—যেখানে আলোকের সঙ্গে অন্ধকারের দেখা হইয়াও হইতেছে না, মিশিয়াও মিশিতেছে না,—হৃদয়ের সেই সায়ং গোখুরির অবস্থাটিই অভিমানের অবস্থা। এরূপ অবস্থায় কোন কথাই প্রায় কথা যায় না, এক একটি কথা প্রত্যেক পঙ্করে আটক খাইয়া কণ্ঠ হইতে সাবধানে, অতি সন্তর্পণে, অতি ভয়ে ভয়ে ভাঙা-ভাঙা স্বরে বাহির হয়। কিন্তু যদি ঐ চণ্ডল বিশ্বাসে একটুও দাঁড়াইবার স্থল হয়, তখন অভিমান কতকটা মৃদু হইয়া পড়ে, অতি ধীরে ধীরে—অতি প্রশান্ত ভাবেও কতকটা যেন মৃদু হইয়া পড়ে। নেত্রদ্বয় ভিতরে ভিতরে অশ্রুতে আকুল, ধরানিবিষ্ট,—কিন্তু দৃশ্যতঃ চক্ষে জল নাই, রসনায় জড়তা নাই,—অভিমান বরং ঈষৎ প্রকুটি করিয়া এইরূপে চাপা-কামা কাঁদিতে গিয়াও দিবালোকে বিদ্যুতের স্ফলন হাসি হাসিয়া বলিতে থাকে,—

“নূতন ধারা, তোমার তারা নয়নের তারা,  
 একি স্ফূলে ভুল,  
 যেন আঁখির শূল,  
 কেন তায় আদর করা?  
 কোথায় শিখলে নাথ! এমন মন-রাখা?  
 বুঝিতে নারি ভাব, এ কি ভাব, তোমার আজ সখা!  
 ত্যাজ্য ধনের বাড়ায়ে সম্মান—  
 কেন কর পূজ্য ধনের অপমান?  
 ছিঃ ছিঃ নাথ! বলো না ‘প্রাণ,’  
 ইথে হাসবে লোকে, আমার পাকে,  
 শেষে কি হবে অপমান!  
 যারে প্রাণ সঁপেছ, সেই এখন প্রাণ!  
 আমায় বোঝে ‘প্রাণ’—প্রাণ জুড়াবে না,  
 শূন্যে সে আবার, পাবে নাথ, প্রাণে যাতনা।  
 আমায় কোরে অন্তরের অন্তর, অন্যে অন্তরে দিয়েছ স্থান।  
 যথায় তব নব ভাব, তারে ‘প্রাণ’ বলো গে—হবে তার সূখ।  
 আমায় কেন বোলে ‘প্রাণ’ বাড়াও স্বিগুণ দৃশ্য?  
 ভেবেছিলাম প্রাণনাথ! গিয়েছে সে দিন,  
 এখন হলাম ‘প্রাণ’—কেবল কথার ‘প্রাণ’ কিন্তু কর্মের ফলহীন।

তোমার বিচ্ছেদ হে আমার গলার হার,  
করবে অনাদর কি দোষে বল হে তাহার!  
চোখের দেখা মৃৎখের আলাপন,  
এখন তাই লক্ষ লাভ জ্ঞান!”

এই প্রেমের কথা ছাড়িয়া দিয়া ইষ্ট-দেবতার সম্পর্কে যে এক প্রকার অভিমান আছে, তাহা বঙ্গীয় হৃদয় ব্যতীত আর কোথাও দেখিতে পাওয়া যায় না। ইষ্ট-দেবতা বা ঈশ্বরের উপরে আবার অভিমান—এ কথা শুনিলেই অনেকে চমকিয়া উঠিবেন, হয়ত অনেকে তাহা “পাশ্চাত্য-নাস্তিকের” প্রলাপ মনে করিয়া শুনিতে চাহিবেন না। যে দেশে বা যে ধর্ম্মে ইষ্ট-দেবতা বা ঈশ্বরকে “মা” বলিয়া ডাকিতে জানে না, সে দেশের বা সে ধর্ম্মের লোক ত এরূপ অভিমানের মর্ম্মই বুঝিতে পারিবে না। কারণ, “পিতা” বলিতেই যে ভাবটি আমাদের মনে আসে, তাহার সহিত ভক্তির সম্পর্কই অধিক। কিন্তু মাতা? “মা”—এ একটি অক্ষরের শব্দের ভিতর কি অপার, অগাধ, অতলস্পর্শ স্নেহের প্রকৃত মহাকাব্য অবরুদ্ধ রহিয়াছে! তিনি আমাদের ভক্তির বিষয়, কি ভালবাসার বিষয়, ভয়ের বিষয়, কি আব্দারের বিষয়, তাহা আমরা জানি না, জানিতে চাইও না;—তিনি আমাদের মা, তাঁহার স্নেহকোমল পক্ষচ্ছায়ায় আমরা দিন-দিন প্রতিপালিত, দিন-দিন বর্দ্ধিত—দিন-দিন উল্লসিত! তিনি ভিন্ন বান্ধি হইলেও আমি তাঁহার দেহের অঙ্গীভূত, তাঁহার হৃদয়ের রুদ্ধির, তাঁহার প্রাণের প্রাণ! সুখ হইলে উল্লাসে তাঁহার বক্ষে গিয়া পড়িব, দুঃখেতে তাঁহারই বক্ষে মৃদু লুকাইয়া কাঁদিব, অনুরাগে তাঁহার কোলে মাথা রাখিব,—আবার রাগে তাঁহারই উপর উপদ্রব করিব। বালক-কালে যখন আমরা মায়ের উপর অভিমান করিয়া ভাত খাইতে চাহিতাম না, তখন ভাত না খাইলে যে আমাদের কষ্ট হইবে, তাহা ত ভাবিতাম না; কিন্তু আমি ভাত খাইলাম না বলিয়া মায়ের মনে যে আঘাত লাগিবে, সেই আঘাতের উপর লক্ষ্য করিয়াই ত আমরা দূরে দূরে থাকিতে পারিতাম।—যেন মনে মনে বুদ্ধিতাম যে, আমার ক্ষুধার যাতনার অপেক্ষাও মায়ের মর্ম্ম-যাতনা অধিকতর তীব্র হইবে, এবং সেই জ্ঞানেই—সেই অহঙ্কারেই আমরা ভাত ছাড়িয়া উঠিয়া যাইতাম। আজ যদি আমার ইষ্ট-দেবতাকে সেই আমার মা-ভাবে না দেখিতে পারিলাম ত আমার ইষ্ট-দেবতার থাকা আর না-থাকা—আমার ভরসার পক্ষে, সাহসের পক্ষে, উল্লাসের পক্ষে প্রায়ই সমান হইয়া পড়ে। যাহারা জগদীশ্বরকে প্রকৃত মা বলিয়া জানেন, যাহারা সংসারের অত্যাচারে, বিপদের ঘূর্ণিঝড়াত্মক, হৃদয়ের শূলবেদনায় অস্থির হইয়া ইহলোকের মা অপেক্ষাও মাতৃতর ঈশ্বরকে মা বলিয়া ডাকিয়া উঠেন, তাঁহাদের মনের সাহস ও ভরসা, উল্লাস ও শান্তি

অনিবার্য। তবে মায়ের উপর অভিমান হইবে কেন?—তাহারও আবার বিলক্ষণ কারণ আছে।

বিশ্বাস দুই প্রকার—একটি মনের বিশ্বাস, আর একটি মশ্বে'র বিশ্বাস। মা-সম্পর্কে অনেক সময়ে আমাদের মশ্বে'র বিশ্বাস ঠিক থাকিলেও কোন বিশেষ অবস্থাগত ব্যবহারে মনের বিশ্বাস বিচণ্ডল হইয়া পড়ে। যখন নানা প্রকার জ্বালা-যন্ত্রণার মধ্যে পাড়িয়া আমরা আপনাদিগকে নিতান্ত নিঃসহায় মনে করি, তখন এই ভাবি যে, আমার অমন “মা” থাকিতে কেনই-বা যন্ত্রণা পাইব;—অথচ যন্ত্রণা পাইতোছি, কল্পনার যন্ত্রণা নয়,—প্রকৃত কঠোর যন্ত্রণায় ভুগিতেছি; তখন আমার ইষ্ট-দেবতার স্নেহের উপর কতকটা মনের অবিশ্বাস আসিয়া পড়ে, কিন্তু মশ্বে'র বিশ্বাস একেবারে যায় না, এবং যায় না বলিয়াই আমরা নিতান্ত দুর্দ্বল, নিঃসহায়, আশ্রয়হীন, শিশুর মত এই বলিয়া দারুণ অভিমান-ভরে কাঁদিতে থাকি,—

“‘মা’—‘মা’—ব'লে আর ডাক্ব না!

ও মা, দিয়েছ, দিতেছ কতই যন্ত্রণা!

বারে বারে ডাকি ‘মা’—‘মা’ বলিয়ে

মা বুঝি আছ গো অচেতন্য হ'য়ে?

মাতা বস্তু'মানে এ দুঃখ সন্তানে,—

মা বেঁচে, তার কি ফল বল না?

ছিলাম গৃহবাসী, করিলি সম্মাসী,

আরো কি ক্ষমতা রাখিস্ স্বর্নাশি!

না হয়, দ্বারে দ্বারে যাব,

ভিক্ষা মেগে খাব,

মা ম'লে কি ছেলে বাঁচে না?

ভণে রামপ্রসাদ মায়ের কি এ সূত্র,

‘মা’ হ'য়ে হ'লি, মা ছেলেরি শত্রু!

তাই দিবানিশি ভাবি, আর কি করিব—

না হয়, বারে বারে দিবি জঠর-যন্ত্রণা।”

এই জ্বলন্ত অভিমানের গীতটি পড়িলেই আমাদের সেই ছেলেবেলার অভিমান-ভরে ভাত না খাওয়ার কথাটি মনে আসিয়া পড়ে। সেই দুর্দ্বল, নিঃসহায় অবস্থা, সেই অনাদরের সূতীর অভিমান, সেই মশ্বে'-বিশ্বাসকে

ঢাকিয়া মনের বিশ্বাসের প্রাধান্য, সেই আশা, সেই ভরসা—সেই “মা”-সম্বন্ধে ভাব!

এরূপ মোহ-মদুক্ষকর ভাব বা ভাবের আভাসও আধুনিক কবিতাতে কোথায়?

[ ভারতী, ১২৮৯ ]

## দশমহাবিদ্যা

সর্বাপ্রে দশমহাবিদ্যার আখ্যায়িকাটির বর্ণনা করা যাউক। একদা মহাদেব সতী-শোকে বিলাপ ও রোদন করিতেছেন, এমত সময়ে মহর্ষি নারদ বীণা-বাদন করিতে করিতে শিব-সকাশে সমুপস্থিত হইলেন। মহাদেব সতী-বিরহে আত্মবিস্মৃত হইয়া প্রাকৃতজনের ন্যায় বিলাপ করিতেছিলেন, নারদের সদ্ধারিস্ত সঙ্গীতে তাঁহার চৈতন্য হইল। তিনি আপনাকে ধিক্কার দিতে দিতে বলিলেন,—“বৎস নারদ! আমার বুদ্ধি-বিস্রম উপস্থিত হইয়াছিল, এজন্য সৃষ্টি-স্থিতি-প্রলয়-রূপা জগন্ময়ী সতীকে দেখিতে পাই নাই। কিন্তু তোমার সঙ্গীত-শ্রবণে আমি প্রকৃতিস্থ হইয়াছি এবং পুনরায় সতীকে আমার সম্মুখে বিরাজমানা দেখিতেছি।” নারদ এই সংবাদে অত্যন্ত পদূলিকিত হইয়া বলিলেন,—“প্রভো! আমিও মাতৃরূপা ম্নেহময়ী সতীকে দর্শন করিব।” নারদ সতী-দর্শনাশায় হৃষ্টচিত্ত হইয়া বলিলেন,—

“কহ দ্বিপদ্যারি,                      কোথা গেলে তাঁরি  
দরশন পুনঃ লভিব।  
সে রাঙা চরণ,                      মনের মতন,  
সাধনে আবার পূজিব।”

তখন ভক্তবৎসল মহাদেব সতী-প্রদর্শন-দ্বারা নারদের মনস্তৃষ্টি-সম্পাদনাথার্থে সৃষ্টির আচ্ছাদন অপসারিত করিলেন।



অমনি

“মহাদেব মহাবেশ ক্ষণকালে ধরিল।  
ভীমরূপ ব্যোমকেশ পরকাশ করিল।।  
বিদারিত রসাতল পদযুগে ঠেকিল।  
ঘোর ঘটা ভীমজটা আকাশেতে উঠিল।।”

দেখিতে দেখিতে বিশ্বস্থ যাবতীয় বস্তু একে একে মহাদেবের শরীরে প্রবেশ করিল। দেখিতে দেখিতে গিরি, নদী, বৃক্ষ, লতা, সমস্তই একে একে অদৃশ্য হইল। গ্রহ, নক্ষত্র প্রভৃতি সমস্তই তিরোহিত হইল। বিশ্বস্থ সমস্ত বস্তু এইরূপে শিব-দেহে প্রবিষ্ট হইলে, মহাদেব মায়াবলে সম্মুখে এক মহাকাশ সৃজন করিলেন। এই নীলবর্ণ মহাকাশের উপর দেখিতে দেখিতে এক রাশিচক্র স্থাপিত হইল। দেখিতে দেখিতে ঐ রাশিচক্র দশ কক্ষে বিভক্ত হইল। এবং তখন দেখা গেল যে, ঐ রাশিচক্রের কক্ষে কক্ষে সতী ভিন্ন ভিন্ন মূর্তিতে বিরাজ করিতেছেন।

নারদ দূর হইতে দেবীর দশ মূর্তি দেখিতে লাগিলেন। কিন্তু দূর হইতে দেখাতে তাঁহার তৃপ্তিবোধ হইল না। তিনি বলিলেন,—“দেব! যদি অনুমতি হয়, তাহা হইলে, নিকটে গিয়া এই দশ মূর্তি নিরীক্ষণ করি।” নারদ বলিলেন,—

“কুতূহলে বিকলিত পরাণ উতলা।  
দেখিব নিকটে গিয়া অনাদ্যা মংগলা।।”

তখন ভক্তবৎসল মহাদেব কৈলাস পর্বত সহিত নারদকে পূর্বোক্ত রাশিচক্রের কেন্দ্রস্থলে উপস্থিত করাইলেন। বালক-স্বভাব নারদ ইহাতেও সন্তুষ্ট না হইয়া বলিলেন,—“আমি আরও নিকটে যাইয়া দেখিব।”—মহাদেব এবার নারদের কুতূহল চরিতার্থ করিলেন না। তিনি বলিলেন,—“আমি তোমাকে দিব্য চক্ষু দিতেছি, তুমি এখান হইতেই সমস্ত দেখিতে পাইবে।” তখন নারদ রাশিচক্রের কেন্দ্রস্থলে দণ্ডায়মান হইয়া, দশ কক্ষে দশ মহাবিদ্যার লীলা প্রত্যক্ষ করিতে লাগিলেন। কালী, তারা, ষোড়শী, ভুবনেশ্বরী, ধূমাবতী, বগলা, ছিন্নমস্তা, মাতঙ্গী, ভৈরবী, কমলা প্রভৃতি দশ প্রকার দশ মহাবিদ্যার দশ লীলা দেখিয়া নারদ আনন্দে বিভোর হইয়া পুনরায় বীণা-বাদন আরম্ভ করিলেন। মহাদেবও সেই গীত শ্রবণ করিয়া আনন্দে বিমোহিত হইলেন। দেখিতে দেখিতে তাঁহার শরীর পুনরপি বৃহদাকার ধারণ করিল। দেখিতে দেখিতে তাঁহার শরীর হইতে বিশ্বস্থ যাবতীয় বস্তু পুনরায় বিশ্ব প্রত্যাবর্তন করিল। দেখিতে দেখিতে বিশ্বচক্রস্থ দেবীর দশটি মূর্তি একত্র হইয়া

গোরী-রূপ ধারণ করিল। তখন হরগোরী একাঙ্গ হইয়া, কৈলাসে প্রত্যাবর্তন করতঃ পরম সুখে বাস করিতে লাগিলেন।—৫৪ পৃষ্ঠার একখানি ক্ষুদ্র পদ্যতকে এতগুলি বর্ণনা-বহুল ঘটনার সমাবেশ হেমবাবুর অসাধারণ লিপিকুশলতার প্রকৃষ্ট প্রমাণ।

কিন্তু পদ্যেবলি আখ্যায়িকা পাঠ করিয়া আমরা কি শিক্ষা লাভ করিব? এই উপাখ্যান-দ্বারা আমাদের জ্ঞান, নীতি, বা সুখ কিছুমাত্র উন্নত হইবে কিনা? কেহ হয়ত বলিবেন, কবিতা হইতে এরূপ লাভের প্রত্যাশা করা বিভ্রম। কবিতা কবি-হৃদয়ের ভাবোদগার, ইহাতে লাভালাভ-বিবেচনা করা অবিধেয়। বক্ষে পদ্য প্রস্ফুটিত হয়, আকাশে চন্দ্র উদিত হয়, দেখিয়া সুখী হই, এই পর্য্যন্ত; ইহাতে আবার লাভালাভ-বিবেচনা করিব কি? কিন্তু লাভালাভ-বিবেচনা করি বা না করি, লাভালাভ সর্বদাই সর্ব কার্যে সঙ্গীত হইতেছে। যিনি বিবেচক, তিনি কতটুকু লাভ, কতটুকু অলাভ, পরিমাণ করিয়া নির্দ্ধারিত করেন। আর যিনি স্খলদর্শী, তিনি লাভালাভের পরিমাণ-নির্দ্ধারণে অক্ষম। ফলতঃ, অন্য অন্য বিষয়ে লাভালাভের প্রশ্ন উত্থাপন করা যেমন যুক্তিসঙ্গত, কবিতাতেও সেইরূপ প্রশ্ন উত্থাপিত করা তেমনই বিজ্ঞান-সম্মত। লাভালাভ-বিবেচনায় কবিতাকে প্রধানতঃ তিন শ্রেণীতে বিভক্ত করা যাইতে পারে; যথা—অধম, মধ্যম ও উত্তম। যে কবিতায় মনুষ্য-সমাজের জ্ঞান, নীতি বা সুখ ব্যাহত হয়, তাহাকে অধম কবিতা বলা যাইতে পারে; যে কবিতায় মনুষ্যের জ্ঞান, নীতি বা সুখ, এ তিনের একটিরও কিছুমাত্র হ্রাস-বৃদ্ধি না হয়, তাহাকে মধ্যম কবিতা বলা যাইতে পারে। আর যে কবিতায় মনুষ্যের জ্ঞান, নীতি বা সুখ পরিপূর্ণ, পরিমার্জিত বা পরিবর্দ্ধিত হয়, তাহাকে উত্তম কবিতা এই আখ্যা দেওয়া যাইতে পারে। যদি কবিতার এইরূপ শ্রেণী-বিভাগ করা যায়, তাহা হইলে হেমবাবুর কবিতা কোন শ্রেণীভুক্ত হইতে পারে?

হেমবাবু এক স্থলে প্রশ্ন জিজ্ঞাসা করিতেছেন,—

“সুখ কি জীবিতমানে? কিবা অর্থ নিস্বর্ণে?

কা হ’তে জনমিল জগতের যাতনা?

অশুভ সৃজন কার?

নিরমল বিধাতার

মানস হ’তে কি এ মলিনতা রচনা?”

এই প্রশ্নই অন্য এক স্থলে স্বতন্ত্র ভাষায় জিজ্ঞাসিত হইতেছে,—

“উৎকট ইহ লীলা, তাহারে কি সম্ভবে?

সত্যি কি অশিব, শিব! আছিলে এ ভবে?



অচ্ছেদ্য বন্ধনে                      বাঁধা দশপদরী,  
 ক্রমে জীব পূর্ণ কামনা।  
 শোক দঃখ তাপ,                      সকলি দমন,  
 এমনি বিধানে যোজনা।।  
 পর পর পর                      এ দশ জগতে  
 জীবের উন্নতি কেবলি।  
 অনন্ত অসীম কাল                      আছে আগে,  
 অনন্ত জীবিতমণ্ডলী।।”

অর্থাৎ—“এই দঃখরাশি অনন্ত সমুদ্রের ন্যায় চারিদিকে বিস্তারিত রহিয়াছে দেখিতেছে; এ অশুভ চিরদিন থাকিবে না। এক একটি করিয়া বিবর্তের Evolution স্বাভাবিক নিয়মে এই অশুভমালার নিরাকরণ হইতে থাকিবে। শোক, দঃখ, তাপ প্রভৃতি নানাবিধ মনঃপীড়া এক একটি করিয়া সংসার হইতে বিদায় লইবে। এবং সর্বশেষে এই দঃখময় জগতেই মনুষ্য ‘পূর্ণ সুখ’ দেখিতে পারিবে।” যে কবি আশার এই মোহন স্বরে পাঠকদিগকে বিমোহিত করেন, তিনি আমাদের বিশেষ ধন্যবাদের পাত্র। আর আমাদের মধ্যে যাহারা শোক-পীড়িত, দঃখাহত বা তাপদীক্ষ, তাহারাও এই সাল্ফনাময় কাব্যের গ্রন্থকারকে একান্ত চিন্তে আদর করিবেন, সন্দেহ নাই।

কবি যে শুদ্ধ আমাদের দিয়াছেন, তাহা নহে। তিনি আমাদের গন্তব্য পথেরও নির্ধারণ করিয়াছেন,—

কবি বলিতেছেন,—

“লক্ষ্য করি তারি  
 (চরম শূভের) পথ, চালা নিজ মনোরথ,  
 জীব-জন্মে ভয় কিরে? জগদম্বা জননী।”

অর্থাৎ—“মা ভৈঃ! মা ভৈঃ! আকাশে বিদ্যুৎ ক্রুর হাস্য করিতেছে; করুক, ভীত হইও না। শরীরে অগণিত বৃষ্টি-ধারা নিপতিত হইতেছে; হউক, তাহাতেও বিচলিত হইও না। যাহাদিগকে লইয়া তোমার সংসার-বিপণি সাজাইয়াছিলে—তাহারা কোথায় গেল, আর ফিরিল না; হউক, তাহাতেও বিষণ্ণ হইও না। সেই চরম শূভের পথ লক্ষ্য করিয়া অগ্রসর হও! জগদম্বা এক্ষণে তোমাকে বিবিধ তাড়না দিতেছেন; দিউন, তাহার জন্য বিলাপ করিও না। কারণ, ইহা নিশ্চিত জ্ঞানিও—জগন্মায়ী জগন্মাতা অনতিবিলম্বে তোমাকে ক্রোড়ে তুলিয়া লইয়া তোমার সর্ব দঃখ হরণ করিবেন।” যে ব্যক্তি সর্বপ্রকার

দুঃখে শোকে এই জপমালা স্মরণ করতে পারিবে, দুঃখ-শোকে তাহার কিছুই কষ্ট হইবে না। কবিও এক স্থলে ইহার আভাস দিয়াছেন। তিনি বলিয়াছেন,—

“হেন দশ রূপ দশরূপা দশমহাবিদ্যা  
ভবাণবে পাবে কুল।”

আমাদের কৰ্ত্তব্য-সম্বন্ধে কবি আরও এক স্থলে বলিয়াছেন,—

“ধরম ধরম পদর, আপন ক্রিয়া কর,  
সংযত করি মন তাঁহাদের নিয়মে।”

অর্থাৎ—“যে যে-কৰ্ম্মে প্রবৃত্ত আছ, সে সেই কৰ্ম্ম-অনুসারে আপনার কৰ্ত্তব্য নিৰ্দ্ধারণ কর। তুমি তোমার কার্য্য কর। জগতের দুঃখরাশি দেখিয়া হতাশ বা নিরাশ্বাস হইও না। সদা ‘সত্য পথে রাখি মন’ নিজ নিজ কৰ্ত্তব্য কৰ্ম্ম সম্পাদন কর।”

পদ্বোক্ত সকল কথা একত্র করিলে, হেমবাবুর ‘দশমহাবিদ্যা’য় কি শিক্ষা পাওয়া যায়? হেমবাবু বলেন,—“মনুষ্য! দুঃখে শোকে অভিভূত হইও না। বর্ত্তমান অশুভ চিরস্থায়ী নহে। ঈশ্বর-কৃপায় এ অশুভ নিরাকৃত হইয়া, ইহারই স্থলে শুভ আসিবে। যাহাতে চরম শুভ জগতে আসিতে পারে, তাহার চেষ্টা কর। বর্ত্তমান সময়ে, সত্য পথে থাকিয়া আপন আপন কৰ্ত্তব্য-অনুসারে আপন আপন জীবনে নিয়মিত কর।” ভগবদ্গীতা হইতেও এই শিক্ষা লাভ করা যাইতে পারে। ভগবান্ শ্রীকৃষ্ণ বলিতেছেন,—

“সুখদুঃখে সমে কৃষা লাভালাভৌ জয়াজয়ৌ।

ততো যুদ্ধায় যুদ্ধাস্ত নৈব পাপমবাপ্যসি।।”

অর্থাৎ—“সুখ, দুঃখ, লাভ, অলাভ, জয়, পরাজয় প্রভৃতির বিচার এক্ষণে করিও না। যুদ্ধ এক্ষণে তোমার কৰ্ত্তব্য কৰ্ম্ম। অতএব যুদ্ধ কর। যুদ্ধ করিলে তোমায় প্রত্যাবায়গ্ৰস্ত হইতে হইবে না।” হেমবাবুর শিক্ষা বর্ত্তমান বঙ্গবাসী ও ভারতবাসীদের পক্ষে বিশেষ উপযোগী। পরাধীন দেশে মনুষ্যের মন স্বভাবতঃই নৈরাশ্যের অন্ধকূপে ধীরে ধীরে ডুবিতে থাকে। রক্তবেগা নদীর ন্যায় পরাধীন ব্যক্তির হৃদয়গত যাবতীয় আশা, হৃদয়েই পর্য্যবসিত হয়। নৈরাশ্যপ্রবণ পরাধীন দেশে যিনি হেমবাবুর ন্যায় আশার সঞ্জীৱন-সঙ্গীত শ্রবণ করান, তিনি নীতি ও সুখ উভয়েরই পথ পরিষ্কৃত

করেন। এ স্থলে আরও বলা যাইতে পারে যে, যে কবি ভারত-বিলাপ ও ভারত-সঙ্গীত লিখিয়া আমাদের নিরাশ-হৃদয়ে আশার উদ্দীপনা করিয়াছিলেন, সেই কবিই ‘দশমহাবিদ্যা’ লিখিয়া আমাদের নৈরাশ্যের দমন করিতেছেন। সংক্ষেপতঃ লাভালাভ-বিবেচনায় আমরা হেমবাবুর ‘দশমহাবিদ্যাকে’ উত্তম শ্রেণীভুক্ত করিতে কিছুমাত্র সঙ্কুচিত নহি। আমাদের বিশ্বাস যে, ‘দশমহাবিদ্যা’-পাঠে ভারতবাসীর নীতি ও স্বেচ্ছা উভয়ই পরিপূর্ণ ও পরিবর্দ্ধিত হইবে।

কবি বলিতেছেন,—অশুভ ক্রমে ক্রমে নিরাকৃত হইয়া অশুভ স্থলে শূন্য আসিবে। কিন্তু এ কথার প্রমাণ কি? প্রমাণ—ইতিহাস। পৃথিবীতে কিরূপে অশুভ অশুভ সভ্যতার বিকাশ হইতেছে, তাহা কবি বিশেষ দক্ষতার সহিত আমাদের দেখাইয়াছেন। কবির বর্ণনা হইতেই স্পষ্ট দেখিতে পাওয়া যায় কিরূপে অশুভ অশুভ অশুভ স্থলে শূন্য আনীত হইতেছে। কবি বলিতেছেন যে, সংসার-পটের প্রথম অঙ্কে দেখিতে পাইবে, মনুষ্য মনুষ্যকে আত্মরক্ষার্থ বিনাশ করিতেছে। সে অঙ্কের মূলমন্ত্র—‘সংহার’। সেখানে প্রকৃতিরূপা দেবী নরমন্ডমালে বিভূষিতা হইয়া অহরহঃ নর-বিনাশ করিতেছেন। সেখানে যাহা কিছু শিব, যাহা কিছু শান্ত, তাহাই পদদলিত হইতেছে। সেখানে প্রকৃতিরূপা দেবী বিভীষণা, রক্তান্তবদনা, উলঙ্গা, লোহিত-নয়না, কৃষ্ণবর্ণা।

আবার সংসার-পটের দ্বিতীয় অঙ্কে দৃষ্টিপাত কর, দেখিবে, তথায় অশুভ কিঞ্চিৎ নিরাকৃত হইয়াছে। দেখিবে, তথায় সভ্যতার এই প্রথম উন্মেষ হইতেছে। প্রকৃতিরূপা দেবী সেখানেও ভীমা, নরমন্ডমালিনী, লোলরসনা, অট্টহাসিনী। কিন্তু এ অঙ্কে দেবী উলঙ্গিনী নহেন। তিনি ব্যাঘ্রচর্ম্ম পরিধান করিয়াছেন। পৃথ্বীর ন্যায় সংসারের চতুর্দিকে এখনও চিতা জ্বলিতেছে। কিন্তু এ চিতার মধ্যেই প্রস্ফুটিত পদ্মও দেখা যাইতেছে। দেবী অসভ্য মানুষের মনে এই প্রথম জ্ঞানের অঙ্কুর প্ররোপিত করিতেছেন। অসভ্য মনুষ্য পৃথ্বী পৃথ্বী-গহবরে, বৃক্ষ-কোটে বা ভূগর্ভে বাস করিত। এক্ষণে তাহার জ্ঞানবলে খজা, কণ্টরী লইয়া স্থায়ী স্থায়ী আবাসভূমি প্রস্তুত করিতেছে।

সংসার-পটের তৃতীয় অঙ্কে দেবী মনুষ্যকে সভ্যতার পথে আরও অগ্রসর করাইয়াছেন। সেখানে দেবী নর-নারীর মধ্যে দাম্পত্য-প্রেম সঞ্চারিত করিতেছেন। অসভ্য মনুষ্যের মধ্যে পরিণয়-প্রথা প্রথম প্রবর্তিত হইতেছে।

কবি দেখাইতেছেন, সংসার-পটের চতুর্থ অঙ্কে দেবীর আর সে ভয়ঙ্করী মূর্ত্তি নাই। তিনি সেখানে মনুষ্যের মনে অপত্যমেহ সঞ্চারিত করিতেছেন। যতদিন পরিণয়-প্রথা প্রচলিত ছিল না, ততদিন অপত্যমেহের প্রাবল্য অনদ্ভূত

হইত না। কিন্তু এখন নর-নারী সন্তান-সন্ততিতর প্রতি প্রচুর মেহ প্রকাশ করিতেছে।

সংসার-পটের পঞ্চম অঙ্কে মনুষ্যের মনে প্রথম ভক্তি, কৃতজ্ঞতা প্রভৃতি উদিত হইতেছে। সংসার-পটের ষষ্ঠ অঙ্কে মনুষ্য মনুষ্যকে প্রীতি করিতে শিখিতেছে। অর্থাৎ পূর্বে অঙ্কে মনুষ্য প্রতাপকার-স্বরূপ পিতামাতাকে ভক্তি করিতে শিখিয়াছিল। কিন্তু এক্ষণে মনুষ্য মনুষ্যমাগকেই প্রীতি করিতে শিখিতেছে। সংসার-পটের সপ্তম অঙ্কে মনুষ্য পরস্পর পরস্পরকে সাহায্য করিয়া পরস্পর পরস্পরের শ্রম-লাঘব করিতেছে। সংসার-পটের অষ্টম অঙ্কে মনুষ্য দারিদ্র্য-অসুদরকে নিহত করিতেছে। অসভ্য অবস্থায় মনুষ্য দারিদ্র্যের সহিত যুদ্ধ করিতে সক্ষম হয় না। কিন্তু যতই সভ্যতার বিকাশ হয়, ততই মনুষ্য দারিদ্র্যকে পরাভূত করিতে শিক্ষা করে। সকলেই জানেন যে, সভ্য দেশে দূর্ভিক্ষ হয় না।

সংসার-পটের নবম অঙ্কে মনুষ্য পাপকে পাপ বলিয়া ঘৃণা করিতে শিখিয়াছে এবং পাপের জন্য অনুতাপ করিতে আরম্ভ করিয়াছে।

সর্বশেষে কবি দেখাইতেছেন যে, সংসার-পটের দশম অঙ্কে মনুষ্য দঃখ, শোক, তাপ প্রভৃতি সমস্ত পরাভব করিয়া সর্বমঙ্গলার মধুর শাসনে পরস্পর দয়ার অমৃত-সিঞ্জে সর্বপ্রকার সুখভোগ করিতেছে।

কবি যে সভ্যতার এই দশ মূর্তির বর্ণনা করিয়াছেন, ইহা কি কেবল কবি-কল্পনা? সভ্যতার এই চিত্র যে কল্পনাবহুল, তাহা আমরা অস্বীকার করিতেছি না। আমরা কেবল ইহাই বলিতে চাই যে, কল্পনা-বাহুল্য-সত্ত্বেও এই বর্ণনার মূল ভিত্তি ঐতিহাসিক সত্য ও ঐতিহাসিক ঘটনা। যিনি বিজ্ঞানের চক্ষে ইতিহাস আলোচনা করেন, তিনি জানেন যে, সভ্যতার পূর্বোক্ত অধিকাংশ মূর্তিই ভিন্ন ভিন্ন স্থানে ভিন্ন ভিন্ন রূপে আজিও বিরাজ করিতেছে। ফিজি দ্বীপের নর-খাদক অধিবাসী যে সভ্যতার সংহারময়ী মূর্তির অধীনে বাস করে, ইহা কে অস্বীকার করিবে? আর রাইট, গ্লাডস্টোন, কনগ্রীভ প্রভৃতি রাজনৈতিকগণ যে সভ্যতার কমলাগন্ধিকা মূর্তির অধীনে বাস করেন, ইহাই বা কে না স্বীকার করিবে? হেমবাবু দেবীর দশ মূর্তির সহিত সভ্যতার দশ অবস্থার সংযোজনা করিয়া কল্পনার সহিত বৈজ্ঞানিক সত্যের সুন্দর বিমিশ্রণ সম্পাদন করিয়াছেন।

কিন্তু হেমবাবু দেবীর দশ মূর্তির সহিত সভ্যতার দশ অবস্থার সংযোজনা-বিষয়ে কতদূর কৃতকার্য হইয়াছেন, এক্ষণে তাহারও আলোচনা করা কৰ্তব্য বোধ হইতেছে। মহামেঘবরণা, দন্তুরা, নৃমুণ্ডমালিনী কালীর সহিত সভ্যতার সংহারময়ী মূর্তির সংযোজন আমাদের বিবেচনায় বড়ই পরিপাটী হইয়াছে। দেবীর তারা মূর্তির সহিত সভ্যতার জ্ঞানময়ী অবস্থার সংযোজনা

মন্দ হয় নাই। কারণ, জ্ঞানই মনুষ্যের প্রধান গ্রাণোপায়। দেবীর ঘোড়শী মূর্তির সহিত সভাতার প্রেমময়ী মূর্তির অবস্থার সংযোজনা বড়ই মধুর হইয়াছে। কারণ, বয়সের প্রথম উন্মেষেই প্রীতির প্রথম উচ্ছ্বাস। ভুবনেশ্বরীর সহিত স্নেহের সংযোগ মন্দ হয় নাই। কারণ, ভুবনেশ্বরী জগন্মাতারূপিণী। কিন্তু ভৈরবীকে কেন ভক্তিবিধায়িনী বলিয়া বর্ণনা করা হইল? ধূমাবতী কেন শ্রমহারিণী? মাতঙ্গী কেন প্রীতিদায়িনী? বগলা কেন দারিদ্র্যদলনী? ছিন্নমস্তাতে পাপহারিণী মূর্তির কল্পনা সুন্দর হইয়াছে। পাপী পাপাঙ্কুশতাড়নায় আপনার মস্তক আপনি বলি দিতে পারে। দয়াময়ীর সহিত মহালক্ষ্মীর সংযোজনা সুন্দর হইয়াছে। কারণ, ধন-সুখ্য হইতে উত্তাপ না প্রাপ্ত হইলে দয়া-লতা অঙ্কুরিত হয় না। ইহা দ্বারা দেখা গেল, দুই তিনটি মূর্তি ভিন্ন প্রায় আর সকলগদুলিতেই দেবীর ভিন্ন ভিন্ন মূর্তির সহিত সভাতার ভিন্ন ভিন্ন অবস্থার সংযোজনা সুন্দর হইয়াছে।

দশমহাবিদ্যার রূপ-বর্ণনা-সম্বন্ধে হেমবাবুর সহিত আমাদের একটু বিবাদ আছে। তিনি কয়েকটি মূর্তি পুরাণোক্ত প্রণালীতে বর্ণনা করিয়াছেন। আবার আর কয়েকটি মূর্তি নিজ-কল্পনা হইতে আঁকিয়া লইয়াছেন। এতদ্ব্যতীত তিনি আর কয়েকটি মূর্তিতে পুরাণ ও স্বকপোল-কল্পনা উভয়ই বিমিশ্রিত করিয়া দিয়াছেন। ‘ছিন্নমস্তা’র রূপ পুরাণানুসারে বর্ণিত হইয়াছে। ইহাতে পুরাণের পরিত্যাজ্য অংশও পরিত্যক্ত হয় নাই। কিন্তু ‘বগলা’ ও ‘ঘোড়শী’ কবি নিজ-কল্পনানুসারে সঙ্কীর্ণ করিয়াছেন। ‘মাতঙ্গী’, ‘ভৈরবী’ মূর্তিতে কল্পনা ও পুরাণ উভয়ই সম্মিলিত আছে। এক্ষণে আমাদের বক্তব্য এই যে, যখন কবি এইরূপ স্বাধীনতা প্রয়োগ করিতে কুণ্ঠিত হন নাই, তখন মূর্তিগদুলির রূপের সহিত তাহাদের সম্পূর্ণ সামঞ্জস্য থাকা উচিত ছিল। কয়েক স্থলে মূর্তিগদুলির রূপের সহিত তাহাদের চরিত্রগত সম্পূর্ণ সামঞ্জস্য আছে। ‘ধূমাবতী’কে শ্রমাতুরা, ক্ষুধাপিপাসাপীড়িতা বৃদ্ধা বিধবার রূপে বর্ণনা করা বড় সুন্দর হইয়াছে। এইরূপে ‘ছিন্নমস্তা’তে মদনোন্মাদের বর্ণনা বড় উপযোগী হইয়াছে। কিন্তু জ্ঞানময়ী ‘তারাকে’ লম্বোদরা বলিয়া বর্ণনা করা হইয়াছে। জ্ঞানের সহিত লম্বোদরতার কি সম্পর্ক? কিংবা জ্ঞানের সহিত পিঙ্গলবর্ণের কি সম্বন্ধ? যিনি স্নেহময়ী, তাহার হস্তে অক্ষুশ কেন? অভয়, বর প্রভৃতি কেন? ‘ভক্তিবিধায়িনী’ ভৈরবীর মস্তকে মালা বড় সুন্দর দেখাইতে পারে। কিন্তু তাহার স্তন রক্ত-লোপিত কেন? যদি হেমবাবু পৌরাণিকী বর্ণনা অক্ষুণ্ণ রাখিতেন, তাহা হইলে তাহার সহিত বিবাদ করিতাম না। কিন্তু যখন তিনি মধ্যে মধ্যে কবিসুন্দর স্বাতন্ত্র্য অবলম্বন করিয়াছেন, তখন সম্পূর্ণ স্বাতন্ত্র্য অবলম্বন করিয়া মূর্তিগদুলির রূপে ও চরিত্রে সম্পূর্ণ সামঞ্জস্য রক্ষা করিলে ভাল হইত।



আমরা ‘দশমহাবিদ্যার’ প্রতিপাদ্য বিষয়-সম্বন্ধে অনেক কথা বলিলাম। এক্ষণে ইহার কল্পনা, ভাষা, চরিত্র-বিন্যাস প্রভৃতি সম্বন্ধে কয়েকটি কথা বলিয়া আমরা হেমবাবুর নিকট হইতে বিদায় গ্রহণ করিব।

### ১ম কল্পনা।

পুত্রাণ, তন্ত্র প্রভৃতিতে দশমহাবিদ্যার রূপ প্রথমে কল্পিত হয়। মার্কণ্ডেয় পুত্রাণে দেবীর দশ রূপের বর্ণনা আছে, কিন্তু ঐ দশ রূপের “দশমহাবিদ্যা” অভিধান তখনও দেওয়া হয় নাই। তিস্তম মার্কণ্ডেয় পুত্রাণোক্ত দেবীর দশ মূর্তির নামগুলির সহিত দশমহাবিদ্যার নামগুলির ঐক্য হয় না। মার্কণ্ডেয় পুত্রাণে দেবীর দশ নাম এই—দুর্গা, দশভুজা, সিংহবাহিনী, মহিষমর্দিনী, জগদ্ধাত্রী, কালী, মদন্তকেশী, তারা, ছিন্নমস্তকা, জগদ্গৌরী। শম্ভুনিশম্ভ-বধ-কালে দেবী পুর্ষোক্ত দশ মূর্তি ধারণ করিয়া ভিন্ন ভিন্ন অসুর বধ করিয়াছিলেন। ইহার পর কালীকৈবল্যাদায়িনী নামক পুস্তকে দেবীর এই দশ মূর্তিকে দশমহাবিদ্যা নামে আখ্যাত করা হইয়াছে। কালীকৈবল্যাদায়িনী বোধ হয় তন্ত্রের পথ অনুসরণ করিয়াছেন। কালীকৈবল্যাদায়িনী দেবীর দশ মূর্তির ভিন্ন আখ্যা দিয়াছেন ; যথা—“কালী, তারা, রাজরাজেশ্বরী, ভৈরবী, ধূমাবতী, ভুবনেশ্বরী, ছিন্নমস্তা, বগলা, মাতঙ্গী, কমলা।” কালীকৈবল্যাদায়িনী-অনুসারেও দেবী অসুর-বধার্থ এই মূর্তি ধারণ করিয়াছিলেন। কিন্তু এখানেও আবার কালীকৈবল্যাদায়িনীতে যে সমস্ত অসুরের নাম বর্ণিত হইয়াছে, মার্কণ্ডেয় পুত্রাণে তাহা হয় নাই। মার্কণ্ডেয় পুত্রাণে ছিন্নমস্তা নিশম্ভ বধ করিয়াছিলেন। কালীকৈবল্যাদায়িনীতে ছিন্নমস্তা অঘোর নামক অসুর বধ করিয়াছিলেন। মার্কণ্ডেয় পুত্রাণে তারা শম্ভু বধ করিয়াছেন, কালীকৈবল্যাদায়িনীতে তারা উদ্ধর্শিখ অসুর বধ করিতেছেন। কিন্তু কালীকৈবল্যাদায়িনী দশমহাবিদ্যার পূজার যে ক্রম লিখিয়াছেন, আজিও বঙ্গদেশে সেই ক্রম অবলম্বিত হইয়া থাকে। কালীকৈবল্যাদায়িনী

‘কার্ত্তিকেয় অমাবস্যা স্নাতিক্ষক্ তায়।

মহানিশা মধ্যোতে পূজিবে কালিকায়।।

\* \* \* \*

তারা পূজা ফাগুন মাসেতে নিরূপিত।

\* \* \* \*

আশ্বিনীতে কোজাগর পৌর্ণমাসী তিথি।

মহালক্ষ্মী আরাধনৈ নক্ষত্র য়েবতী।।”

ইহা দেখিয়া এইরূপ বোধ হয় যে, যদিও কালীকৈবল্যাদায়িনী পৌরাণিক মতের স্ববজ্জা করিয়াছিলেন, তথাপি তাঁহারই মত-অনুসারে বঙ্গদেশ পরিচালিত হইত।\* কালীকৈবল্যাদায়িনীর গ্রন্থকর্তা ভিন্ন অন্য কবিরাও এই দশমহাবিদ্যার উল্লেখ, আরাধনা, স্তব, স্তুতি প্রভৃতি করিয়াছিলেন। মুকুন্দরাম মথ্যে মথ্যে দুই এক মূর্তির উল্লেখ করিয়াছেন। ভারতচন্দ্র দশমহাবিদ্যার ভিন্ন ব্যাখ্যা করিয়াছেন। বসুধীন সময়ের লেখকেরাও দশমহাবিদ্যার কল্পনায় মোহিত হইয়া উহাদের রূপ-বর্ণনা, ব্যাখ্যা প্রভৃতি করিয়াছেন। এই সমস্ত বিবেচনা করিলে স্পষ্টই প্রতীত হয় যে, আমাদের জাতিমধ্যে দশমহাবিদ্যার প্রতি প্রীতি ও ভক্তি বহুকাল হইতেই বিদ্যমান আছে।

ইংলণ্ডের আদিম অধিবাসী কেল্টদিগের ন্যায় ও নরওয়ে-সুইডেনবাসী স্ক্যান্ডিনাভিয়ানদিগের ন্যায় ভারতীয় হিন্দুরাও অস্তুতরসের পক্ষপাতী। এজন্য হিন্দু কবিরাও অনেক সময়ে অস্তুতরসের অবতারণা করিয়া থাকেন। শকুন্তলার জন্ম, শকুন্তলার শকুন্ত-সাহায্যে প্রাণ-রক্ষা, শকুন্তলার অশ্বরা কর্তৃক অপহরণ, মহাদেবের কপাল-নিঃসৃত-জ্যোতিঃ দ্বারা কামদেবের বিনাশ, মন্দার-কুসুমমাঘাতে ইন্দুমতীর প্রাণ-ত্যাগ, সমুদ্র-মল্ধনে ঐরাবত, উচ্চৈঃশ্রবা প্রভৃতির সমুদ্রস্থান, কিশোরবয়স্ক রামচন্দ্র-কর্তৃক তাড়কা-রাক্ষসী-বধ ও হরধনুর্ভঙ্গ, কৃষ্ণের পদতনাবধ, কৃষ্ণের গোবর্দ্ধন-ধারণ প্রভৃতি অস্তুতরস-বহুল নানা চিত্র আমাদের কাব্যে ও পুরাণে ইতীশ্রুতঃ বিক্ষিপ্ত রহিয়াছে। দশমহাবিদ্যার আদ্যোপান্ত অস্তুত ভাব-বহুল। এবং বোধ হয় এই জন্যই দশমহাবিদ্যা আমাদের দেশে প্রাচীন ও নবীন উভয় দল দ্বারাই এত সমাদৃত হইয়া থাকে। হেমবাবু হিন্দু শাস্ত্রোক্ত দশমহাবিদ্যাগণের অস্তুত প্রায়শঃ অক্ষুণ্ণ রাখিয়াছেন। দুই একটি দৃষ্টান্ত দিলেই ইহা বিলক্ষণ অনুভূত হইতে পারিবে।

কালীকৈবল্যাদায়িনীতে ধুমাবতীর বর্ণনা এইরূপ,—

“ধুমারূপে কাত্যায়নী হইল প্রকাশ।  
অতি বৃদ্ধা বিধবার পক্ষ কেশপাশ।।  
বৃদ্ধ কলেবর অতি ক্ষুদ্রায় কাতর।  
ধূমবর্ণা, বাতাসে দুলিছে পয়োধর।।

\* অথবা ইহাও বলা যাইতে পারে যে, বঙ্গদেশের পঞ্জার ক্রম দেখিয়া কালীকৈবল্যাদায়িনী তাহা নিজ-পুস্তকে সন্নিবিষ্ট করিয়া লইয়াছেন।



কালীকৈবল্যাদায়িনী মাতঙ্গীর রূপ বর্ণনা করিতেছেন,—

“পদদ্বাসনা শ্যামা রক্তবসনা মাতঙ্গী।।  
চতুর্ভূজ খঞ্জ-চর্ম্ম-পাশাঙ্কুশ-ধরা।  
ত্রিলোচনী মৃদুকেশী মৃগাঙ্ক-শেখরা।।”

হেমবাবু মাতঙ্গীর এইরূপ বর্ণনা করিতেছেন,—

“সুচারু মনোহর, হের নিকটে তার  
অন্য ভুবন কিবা দোদুল্য গগনে।  
বীণা বাজিছে করে, বাদনে থরে থরে,  
কুন্তল দলমল সুন্দর বদনে।।  
কলহংস-শোভা-সম, শ্বেতমালা নিরুপম,  
শ্যামাঙ্গী শঙ্খের বালা দুই করে পরেছে।  
প্রীতি তুলি ভবতলে, সর্বজীব দঃখ দলে,  
মাতঙ্গীর রূপে সতী পদদলে বসেছে।।”

সত্যের অনুরোধে ইহাও বলিতে হইতেছে যে, কোন কোন স্থলে হেমবাবুও পদ্যবর্তী কবি-কর্তৃক পরাজিত হইয়াছেন।

হেমবাবু ছিন্নমস্তার রূপ বর্ণনা করিতেছেন,—

“হের আর উদ্ধরদেশে, মদনোন্মত্তার বেশে,  
ছিন্নমস্তা ভয়ঙ্করী স্নাত নিজ রুধিরে।।  
বিকট উৎকট স্ফুর্তি— \* \* \* \*  
জগতের সর্বপাপ নিজ অঙ্গে ধরিয়া।।”

কালীকৈবল্যাদায়িনী ছিন্নমস্তার রূপ এইরূপে বর্ণনা করিয়াছেন,—

“স্তবে তুষ্টা হয়ে দেবী করিলা অভয়।  
চিন্তা নাই সুস্থ হও ক্ষুধা শান্তি\* হয়।।  
এত বলি নিজ মন্ড করিয়া ছেদন।  
আপনার বাম করে করিলা ধারণ।।

\* দেবী ছিন্নমস্তারূপে ক্ষুধায় অস্থির হইয়াছিলেন। কিছুতেই তাঁহার ক্ষুধার নিবৃত্তি হয় নাই।

কণ্ঠ হইতে তিন ধারা তিন দিকে ধায়।  
 এক ধারা ছিন্নমস্তা অতি সুখে খায়।।  
 দ্বাই ধারা দ্বাই সখী সুখে করে পান।  
 নিজ-রক্তে ক্ষুধানল করিল নিৰ্বাণ।।”

এইরূপে হেমবাবু কখনও বা পূৰ্ব্ববর্তী কবিগণকে পরাজিত করিয়াছেন, কখনও বা তাঁহাদের কৰ্তৃক পরাজিত হইয়াছেন। কিন্তু তিনি শুদ্ধ পদ্যের মধ্যে নিজ-কল্পনা কারারুদ্ধ করিয়া রাখেন নাই। তিনি নিজে কয়েকটি অদ্ভুত রস-বহুল চিত্রের সৃষ্টি করিয়াছেন। আমরা নিম্নে এইরূপ দ্বাই তিনটি চিত্রের উল্লেখ করিতেছি।

(ক) যেখানে মহাদেব সৃষ্টির আচ্ছাদন অপসারিত করিতেছেন এবং বিশ্ববস্ত্ত যাবতীয় বস্তু একে একে শিব-দেহে প্রবিষ্ট হইতেছে, সেখানে কবির কল্পনা এক সুন্দর ও অদ্ভুত চিত্রের সৃষ্টি করিয়াছে।

“শ্বাসরোধ করি ভীম শূন্যলেন অচিরে।  
 বিশ্ব-অঙ্গ লুকাইল মহাকাল-শরীরে।।  
 একে একে জগতের ভ্রাভরণ খসিল।  
 চন্দ্রতারা রশ্মি মেঘ অঙ্গ-সনে ডুবিল।।

\* \* \* \*

স্বৰ্গপূরী রসাতল হিমালয় ছুটিল।  
 ধারাহারা বসুন্ধরা শিব-অঙ্গে মিশিল।।  
 ঘুরে ঘুরে শূন্য পথে বিশ্বকায় ধায় রে।  
 ঝরে যেন অরণ্যের পল্লবেতে ছায় রে।।”

(খ) কবি আর এক স্থলে সৃষ্টির ও সভ্যতার আদিম অবস্থা বর্ণনা করিতেছেন,-

‘হেন বেগে বিশ্ব ঘুরে নাহি ধরে কল্পনা।  
 ধূমকেতু ভীমগতি নহে তার তুলনা।।  
 আপনার বেগে স্থির মেরুদণ্ড উপরি।  
 স্রোতরূপে খেলে তাহে বেগধারা লহরী।।  
 সচেতন অচেতন যত আছে নিখিলে।  
 কৃমি-কীট প্রাণিকায় জন্মে সে কল্লোলে।।

বিশ্বরূপী প্রাণী জড় জন্মে ষত সেখানে।  
ঘোররূপা মহাকালী গ্রাসে মৃদুবাদ্যানে।।  
অঙ্গ হতে বেগে পদনঃ বেগধারা বিহারে।  
করালবদনা কালী নৃত্য করে হৃৎকারে।।”

(গ) কবি আরও এক স্থলে সভ্যতার প্রথম অবস্থা বর্ণনা করিতেছেন,—

“কেহ নিজ মৃন্ড কাটে, জীয়ে পদনঃ রক্ত চাটে,  
শাকিনীরূপিণী ঘোরা কালিকারে ঘেরিয়া।

\* \* \* \*

কালীর সঙ্গিনী রঙ্গে, ছুটিছে তাদের সঙ্গে  
খিলি খিলি হাসি মৃদুখে, কি বিকট ভঙ্গিমা ;  
মৃদুখে মৃন্ড চিবাইয়া, করে করতালি দিয়া  
ডাকিনী খাইছে কত—সুৰুণী রক্তমা!

\* \* \* \*

জড়প্রকৃতির ছলে, শিবদেহ পদতলে—  
নৃমৃন্ডমালিনী কালী হৃদহৃৎকারি নাচিছে।  
সংহার-নিরূপণ, বদনেতে বিদারণ  
শিশু-কর কড়মাড়ি চর্ষণে গিলিছে।”

(ঘ) বিশ্বস্থ যাবতীয় বস্তু বিশ্বে প্রত্যাবর্তন করিতেছে,—

“ধীরে মলয় বায়ু প্রবাহিল স্বননে।  
ধরণী ধরিল শোভা সহাস্য বদনে।।  
কুঞ্জ ফুটিল লতা তরুকুল হরষে।  
ছুটিতে লাগিল পদনঃ স্রোতধারা তরসে।।  
পতঙ্গা, কীট, পশু, পদনঃ পেয়ে চেতনে।  
গর্জিল চিতসুখে প্রকটিত জীবনে।।  
মিলাইয়া দশ রূপ, উমা-রূপ ধরিল।  
হরগৌরী-রূপে সতী হিমালয়ে উদিল।।”

আমরা এক্ষণে হেমবাবুর ভাষার সম্বন্ধে দুই একটি কথা বলিব। যে  
ভাষাতে ভাবের ছায়া স্পষ্টতঃ লক্ষিত হয়, তাহাকে উৎকৃষ্ট ভাষা বলা যাইতে  
পারে। এইরূপ ভাষাকে ইংরাজীতে ভাবের প্রতিধ্বনি কহে। নব্বকীর নৃত্য  
কখন দ্রুত, কখন বা ধীর হইয়া থাকে। গ্রের নৃত্য-বর্ণনা পাঠ করিলে ঐ

বর্ণনার মধ্যেও যেন দ্রুতত্ব ও ধীরত্ব অনদ্ভূত হয়। দ্রুত নৃত্য গ্রে এইরূপে বর্ণনা করিয়াছেন,—

“ Now pursuing, now retreating  
Now in circling troops they meet.”

আবার ধীর নৃত্য বর্ণনা-কালে কবি বর্ণনা করিতেছেন,—

“ Slow melting strains their queen's approach declare.”

এইরূপ ভাষা বাস্তবিকই ভাবের প্রতিধ্বনি। হেমবাবুর ভাষা অনেক স্থলে ভাবের প্রতিধ্বনি বলিয়া অনদ্ভূত হয়। নারদ বীণা বাদন করিতেছেন, বীণা কখনও বা পঞ্চমে নামিতেছে, কখনও বা সপ্তমে উঠিতেছে। যখন নারদ বীণা পঞ্চমে নামাইতেছেন, তখন কবির ভাষাও সগ্গে সগ্গে পঞ্চমে নামিতেছে।  
বথা,—

“মৃদু মৃদু গুঞ্জন অঙ্গুলি স্ফুরণে।  
সরিৎ প্রবাহিল সুন্দর বাদনে।।  
রুগ্ধ রুগ্ধ নিরুপকোমলে মিলিয়া।”

আবার নারদের বীণা যখন সপ্তমে উঠিতেছে, তখন কবির ভাষাও সেই সপ্তম তানের অনুকরণ করিতেছে,—

“ক্রমে গুরু গর্জন সপ্তমে ছুটিয়া।”

যখন আনন্দের কথা বলা হইতেছে, তখন কবির ভাষাতেও যেন সেই আনন্দের প্রতিধ্বনি হইতেছে,—

“আনন্দে তরুকুল মঞ্জরি হাসিল।  
আনন্দে তরু-ডাল বিহঙ্গে সাজিল।।”

যখন কোথাও ধীর গতির বর্ণনা করা হইতেছে,—

“মৃদু হাসি রঞ্জিল মহাদেব-বদনে।  
বিচলিত কৈলাস মৃদু মৃদু চলনে।।  
ধীর মৃদু গতি কৈলাস চলিল।  
● মধ্য গগন-ভাগে শিবপদরী বসিল।।”

এই কম পঙ্ক্তি পড়িলে মনে হয়, যেন কৈলাস পর্বত ধীরে ধীরে তোমার সম্মুখ দিয়া যাইতেছে।

আবার যখন ভয়ানক বা বীভৎস রসের অবতারণা করা হইয়াছে, তখন হেমবাবুর ভাষার মধ্যেও সেই ভয়ানক ও বীভৎসের ছায়া পড়িয়াছে,—

“শক্তি শম্বুক শাখ,                      মৃদুখব্যাদান ফাঁক  
রক্ত জলধিদেহ লোহি লোহি চলিছে।  
পন্নগ স্নভীষণ                      ফণা-প্রসারণ  
উৎকট গর্জন তরণে দুলিছে।।  
কুস্মকমঠী কুট                      উন্মীতে লটপট  
লোহিততৃষাতুর সংপদট খুলিছে।।”

এইরূপে আরও বহুতর স্থলে ভাষার উৎকর্ষ দেখা যাইতে পারিবে। এক্ষণে চরিত্র-বিন্যাস-সম্বন্ধে দু-একটি কথা বলিয়া আমরা সমালোচনার উপসংহার করিব। আমাদের বিবেচনায় দশমহাবিদ্যার প্রথম কয়েকটি পরিচ্ছেদে শিবের শিবত্ব সংরক্ষিত হয় নাই। যিনি দেবাদিদেব জগদগুরু, তিনি স্ত্রী-শোকে অধীর হইয়া—

“ছুড়ে ফেলি হাড়মাল,                      করে দলি ভস্মজাল,  
বিভূতিবিহীন কৈলা কায়া।”

এখানে মহাদেবকে নিতান্ত প্রাকৃতজনের ন্যায় বর্ণনা করা হইয়াছে।

কাব্যাত্মশে দ্বিতীয় পরিচ্ছেদটি দশমহাবিদ্যার সর্বোৎকৃষ্ট অংশ। বঙ্গভাষার এরূপ হৃদয়বিদারক সুমধুর বিলাপ আর কোথাও আছে বলিয়া আমাদের মনে হয় না।—

“হরষ সুধাসম,                      হৃদয় উচাটিত,  
দম্পতী পরিগল্য বাসে।  
কত সুখে যাপন,                      অহরহ বৎসর,  
দক্ষ-দুর্দহিতা ছিল পাশে।।  
\*                      \*                      \*                      \*  
কর্তবিধ খেলন,                      মুরতি প্রকটন,  
ভুলাইতে শঙ্কর ভোলা।  
থাকিবে চিরদিন,                      হৃদিপটে অঙ্কন,  
সে সব বিলাসিত লীলা।।  
\*                      \*                      \*                      \*



সেই যোগ-সাধন,      কি হেতু ঘুচাইলি,  
 ভিক্ষুকে বসাইলি ঘরে।  
 কি হেতু তেয়াগিলি,      কেনই সমাপিলি,  
 সে সাধ এতদিন পরে।।”

এই সমস্ত কবিতার এক একটি পদ বঙ্গসাহিত্য-রূপ নূতন কাননে এক একটি প্রস্ফুটিত পদ্প, কিন্তু আমাদের মনে হয়, যেন দেবাদিদেব জগৎস্রষ্টা মহাদেবের মূখে এ কথাগুলি তাদৃশ শোভা পাইতেছে না। আমরা স্বীকার করি, মদুকুন্দরাম, ভারতচন্দ্র শিবের যে অবমাননা করিয়াছেন, হেমবাবু তাহা হইতে শিবকে অনেক উচ্চে রাখিয়াছেন ; কিন্তু শিবকে আরও উচ্চে রাখিলে শিবের সম্মান রক্ষা করা যাইত। দেখুন, ঐরূপ অবস্থায় কালিদাস শিবকে কিরূপ চিত্রিত করিয়াছেন। কালিদাসের শিব সতীশোকে ক্রন্দন করিতেছেন না। তিনি হৃদয়ের শোক হৃদয়ে নিরুদ্ধ করিয়া তপোমগ্ন আছেন। দেবদারু-তলে, ব্যাঘ্রচর্ম্ম পরিধান করিয়া মহাদেব তপস্যায় নিমগ্ন আছেন। তিনি আজি বীরাসনে উপবিষ্ট। তাঁহার দেহে, বদনমণ্ডলে শোকের, বিষাদের বা বিলাপের চিহ্নমাত্র নাই। তিনি ধীর, স্থির ও নিশ্চল।

“অবৃষ্টিসংরম্ভমিবাম্বুবাহম্  
 অপামিবাধারমনন্তরঙ্গম্।  
 অন্তশ্চরাণাং মরুতাং নিরোধান্  
 নিবাতনিষ্কম্পমিব প্রদীপম্।।”

মহাদেব অবৃষ্টিসংরম্ভ মেঘের ন্যায়, তরঙ্গবিহীন সমুদ্রের ন্যায়, নিবাত-নিষ্কম্প প্রদীপের ন্যায়। কালিদাস এখানে শোকের বর্ণনা করিয়াও শিবের শিবত্ব অক্ষুণ্ণ রাখিয়াছেন। যদি হেমবাবু পুরাণোক্ত শিব-বিলাপ বর্ণনা না করিয়া কালিদাসের শিব-চিত্র আমাদের সম্মুখে তাঁহার অনুপম ভাষায় বর্ণনা করিতেন, তাহা হইলে ‘দশমহাবিদ্যা’ আরও মহামূল্য ও নিরবদ্য হইত।

আমরা নিরপেক্ষভাবে যথাশক্তি হেমবাবুর কাব্যের দোষ-গুণ বিচার করিলাম। যদি কেহ আমাদের সমালোচনা এতদূর পাঠ করিয়া থাকেন, তাহা হইলে তিনি অবশ্যই আমাদের সহিত স্বীকার করিবেন যে, ‘দশমহাবিদ্যা’ বঙ্গভাষায় এক অতি উজ্জ্বল রত্ন।

[বাল্মব, ১২৪৯]

# সমালোচনা ও সমালোচক

ঠাকুরদাস মদুথোপাধ্যায়

কোনও দ্রব্যের স্বরূপ নির্ণয় করিতে হইলে তাহার সমালোচনা করা প্রয়োজন। সভ্যজগতে দ্রব্যমাত্রেরই যথাসম্ভব স্বরূপ নির্ণীত হওয়া আবশ্যিক ; সুতরাং সমালোচনা অবশ্যম্ভাবী। মনুষ্যের চিন্তা-শক্তি তাহার জ্ঞানমাত্রের মৌলিক কারণ। সমালোচনা চিন্তা-শক্তি-পরিচালনের নামান্তরমাত্র। জ্ঞান-মাত্রেরই মূলে সমালোচনা স্বতঃনিহিত। সমালোচনা-রূপ সোপান-দ্বারাই মনুষ্য জ্ঞান-রূপ উচ্চ শৈলে আরোহণ করিতে সমর্থ হয়। সমালোচনা ব্যতিরেকে জ্ঞান অসম্ভব। বস্তু হইতে অবস্তু বা অবস্তু হইতে বস্তু-জ্ঞান জন্মে। বস্তু কি জ্ঞানিতে হইলে অবস্তু কি, ইহা জানাও একরূপ অপরিহার্য ; অর্থাৎ, উভয়ের স্বরূপ ও পারস্পরিক সম্বন্ধ কি, ইহা স্থির করার প্রয়োজন। এই স্বরূপ ও সম্বন্ধ-স্থিরীকরণ-প্রক্রিয়াকেই সাধারণতঃ সমালোচনা বলা। সমালোচনা-প্রক্রিয়া প্রধানতঃ কিরূপে সম্পাদিত হয় ও তাহার মৌলিক প্রকৃতি কি, প্রথমতঃ তাহারই আলোচনা করিব।

পদার্থ-তত্ত্ববিৎ স্থির করিলেন যে, পদার্থ (Matter)\* আর কিছুই নয়—কতকগুলি স্বরূপ বা ধর্মের (Properties) সমবায়মাত্র। এই স্বরূপ বা ধর্ম দ্বিবিধ—স্থির ও অস্থির। স্থির ধর্ম,—যথা, ভার, বিস্তার, স্থান-রোধকত্ব, বিভাজ্যতা, স্থিতিস্থাপকত্ব ইত্যাদি। অস্থির ধর্ম,—যথা, আকৃষ্টনীয়তা, প্রসারণীয়তা, ঘনতা, তরলতা, শীতলতা, উষ্ণতা, কাঠিন্য, কোমলতা ইত্যাদি।

এখন জিজ্ঞাস্য এই যে, পদার্থের এই সকল স্বরূপ বা ধর্ম মূলতঃ কিরূপে স্থিরীকৃত হইল। ভারত্ব বা স্থানরোধকত্ব, বিভাজ্যতা বা স্থিতি-স্থাপকত্ব, তরলতা বা কাঠিন্য—এবংবিধ এক-একটি স্বরূপের যে অস্তিত্ব আছে, বৈজ্ঞানিক কিরূপে এই সিদ্ধান্তে উপস্থিত হইলেন? উত্তর,—পর্যবেক্ষণ ও পরীক্ষার দ্বারা। কিন্তু সেই পর্যবেক্ষণ বা পরীক্ষার প্রকৃতি ও প্রকরণ কিরূপ? সূক্ষ্মরূপে বিবেচনা করিলে অনুভূত হইবে যে, কোন একটি স্বরূপের ভাব উপলব্ধি বা নির্ণয় করার পূর্বে বা অন্ততঃ সঙ্গে সঙ্গেই তাহার বিপরীত

\* বলা বাহুল্য যে, এ স্থলে পদার্থের সাধারণ ও মূল অর্থ গ্রহণ করিয়াছি। পদার্থের লক্ষ্য ভব্যটিই 'দায়বর্ষণ'ের উর্ধ্বে প্রবৃত্ত হই নাই।

ভাবের কল্পনা করা অপরিহার্য। ভারত্ব কি জানিতে হইলে যুগপৎ ভার-শূন্যত্বের কল্পনা করিয়া উভয়ের পার্থক্য অনুভব করি, নতুবা ভারত্বের ভাব কিরূপে বদ্বিবি? কোমলতার সহিত কঠিনতার বা কঠিনতার সহিত কোমলতার পার্থক্যানুভূতিই কোমলতা বা কঠিনতার ভাব হৃদয়ঙ্গম ও স্থিরীকরণের একমাত্র উপায়। এইরূপে, পদার্থের স্বরূপ বা ধর্মের নিরূপণ করিতে তদ্বিপরীত স্বরূপের সহিত তাহার তুলনা করিয়া সম্বন্ধ স্থির করার প্রয়োজন হয়। সুতরাং দেখা যাইতেছে যে, স্বরূপ-নির্ণয়ের সঙ্গে সঙ্গেই সম্বন্ধ-নির্ণয়-প্রক্রিয়ার আরম্ভ; অথবা স্বরূপ-নিরূপণ ও সম্বন্ধ-নির্ণয় উভয়ই পরস্পরের অনঙ্গগামী। একটির সহিত অপরের স্বাভাবিক সম্বন্ধ। এই সম্বন্ধ বা বিমিশ্র-প্রক্রিয়াই মূলতঃ সমালোচনা। কথাটা পরিষ্কার হইল না, গুটিকতক উদাহরণ দেওয়া আবশ্যিক।

### ১। বৈজ্ঞানিক 'গতি'র লক্ষণ স্থির করিতেছেন,—

“এক স্থান হইতে অপর স্থানে যাওয়ার নাম গতি (Motion)। মনে কর, যেন আমি কোনও গৃহে বসিয়া আছি, তখন তোমরা আমাকে স্থির বা গতিবিহীন বলিতে পার; কিন্তু তাহার পর যখন আমি ইতস্ততঃ বিচরণ করিতে আরম্ভ করি, তখন আমার অবস্থার নাম 'গতি'। আর, এক স্থানে স্থির হইয়া বসিয়া থাকার নাম 'স্থিতি'। এই গতি ও স্থিতি নিরপেক্ষা ও সাপেক্ষা বা প্রত্যক্ষা উভয়ই হইতে পারে। গতি বা স্থিতি নিরপেক্ষা আমরা হৃদয়ঙ্গম করিতে পারি না। সচরাচর সাপেক্ষা গতি বা সাপেক্ষা স্থিতিই প্রত্যক্ষ করিয়া থাকি, সেই জন্য ইহাদিগকে প্রত্যক্ষাও বলে। যখন কোন একটি বস্তু চলিতেছে, আর-একটি স্থির রহিয়াছে দেখিতেছি, তখন তুলনার দ্বারা—এ চল, ও স্থির; সুতরাং একের গতি ও অপরের স্থিতি পরস্পরের সাপেক্ষ।”\*

### ২। পরন্তু সাহিত্য-সমালোচক গীতিকাব্যের স্বরূপ ব্যাখ্যা করিতেছেন,—

“যখন হৃদয় কোন বিশেষ ভাবে আচ্ছন্ন হয়—স্নেহ, কি শোক, কি ভয়, কি বাহাই হউক—তাহার সমুদয়াংশ কখনও ব্যস্ত হয় না। কতকটা ব্যস্ত হয়, কতকটা ব্যস্ত হয় না। বাহ্য ব্যস্ত হয়, তাহা ক্রিয়ার দ্বারা বা কথার দ্বারা। সেই ক্রিয়া এবং কথা নাটককারের সামগ্রী। ষেটুকু অব্যস্ত থাকে, সেটুকু গীতিকাব্য-প্রণেতার সামগ্রী। ষেটুকু সচরাচর অদৃষ্ট, অদর্শনীয় এবং অন্যের অননুমের অখচ ভাবাপন্ন ব্যক্তির রুদ্ধ হৃদয়-মধ্যে উচ্ছ্বসিত, তাহা তাঁহাকে ব্যস্ত করিতে হইবে। মহাকাব্যের বিশেষ গুণ এই যে, কবির উদ্ভাবিত

অধিকার থাকে, ব্যক্তব্য এবং অব্যক্তব্য উভয়ই তাঁহার আয়ত্ত। মহাকাব্য, নাটক ও গীতিকাব্যে এই একটি প্রধান প্রভেদ বলিয়া বোধ হয়। \* \* সত্য বটে যে, গীতিকাব্য-লেখককেও ব্যাক্যের দ্বারাই রসোদ্ভাবন করিতে হইবে, নাটককারেরও সেই বাক্য সহায়। কিন্তু যে বাক্য ব্যক্তব্য, নাটককার কেবল তাহাই বলাইতে পারেন। যাহা অব্যক্তব্য তাহাতে গীতিকাব্যকারের অধিকার।”\*

৩। পক্ষান্তরে রাজনীতিবেত্তা উৎকৃষ্ট শাসন-প্রণালীর লক্ষণ-স্থিরীকরণ-প্রসঙ্গে ‘উন্নতি কি’ বদ্বাইতেছেন,—

“স্থায়িত্ব ও তন্ত্ৰিত্ব আরও কিছু উন্নতির অন্তর্ভূত। \* \* কোন বিষয়ের উন্নতির সহিত তদ্বিশয়ে স্থায়িত্ব স্বভাবতঃ সংশ্লিষ্ট। কোন বিষয়-বিশেষের উন্নতির জন্য স্থায়িত্ব ধ্বংসীকৃত হইলে তৎসহিত অন্যান্য বিষয়ের উন্নতিরও ধ্বংস সংসাধিত হয়। এই ধ্বংসজনিত ক্ষতির তুলনায় প্রাগুক্ত উন্নতি যদি মূল্যহীন হয়, তাহা হইলে এরূপ বদ্বিতে হইবে যে, কেবলমাত্র স্থায়িত্ব উপেক্ষিত হয় নাই, তাহার সঙ্গে সাধারণতঃ উন্নতির সম্বন্ধেও ভ্রম উপস্থিত হইয়াছিল। \* \* \*

অপিচ, শৃঙ্খলা উন্নতির অন্তর্গত। কিন্তু উন্নতি শৃঙ্খলার অন্তর্গত নহে। শৃঙ্খলা (Order) যাহা অতি অল্প পরিমাণে সম্পাদন করে, উন্নতির দ্বারা তাহা অধিক পরিমাণে সম্পাদিত হয়। \* \* \* উন্নতি-সাধনার্থে শৃঙ্খলা অন্যতম উপায়মাত্র; কেন-না, সুখ-স্বাচ্ছন্দ্যের বৃদ্ধি করিতে হইলে যে পরিমাণে সুখ-স্বাচ্ছন্দ্য বর্তমান আছে, তাহার রক্ষা করা একান্ত আবশ্যিক। ধনবৃদ্ধি করিতে হইলে যাহাতে সঞ্চিত ধনের অপচয় না হয়, তাহাই করা সম্বন্ধে কর্তব্য। অতএব শৃঙ্খলা উন্নতির অংশ ও উপায়মাত্র, উন্নতির অনুরূপ উদ্দিষ্ট বিষয় নহে।”†

৪। দার্শনিক অতঃপর তুলনা-দ্বারা ‘দর্শন’ ও ‘বিজ্ঞান’এর প্রভেদ দেখাওঁতেছেন,—

“দর্শন বিজ্ঞানের অন্তর্গত নহে, এবং বিজ্ঞানও দর্শনের শাখা নহে। দর্শন ও বিজ্ঞান উভয়ের মধ্যে নিগূঢ় ঘনিষ্ঠতা সত্ত্বেও তাহারা স্বতন্ত্র। নীতি-বিজ্ঞান মনুষ্যের নৈতিক বা ধর্মপ্রকৃতিগত ভাব-সমূহের ‘দৈর্ঘ্যপ্রস্থ’ পরিমাপ করে; কিন্তু নীতি-দর্শন উক্ত ভাবনিচয়ের উচ্চতম ও গভীরতম শ্বলানিহিত আভ্যন্তরিক সত্তার পর্যালোচনায় নিযুক্ত। প্রকৃতিগত ভাব-

\* বিবিধ সমালোচনা; শ্রীবিজয়চন্দ্র চট্টোপাধ্যায় প্রণীত। ১৮৭৬।

† *Considerations on Representative Government*, by J. S. Mill.

পরম্পরার একত্ব অস্তিত্ব ও পারস্পরিক আবির্ভাব এবং এতদুভয় হইতে যে সকল সাধারণ নিয়ম নিষ্কাশিত হয়, তাহারই আলোচনা করা বিজ্ঞানের অধিকার। বিজ্ঞান ভাব-পরম্পরার সংযোজন-শৃঙ্খল ও তাহাদিগের অন্ততন্তলনিহিত সার-সত্তার আলোচনায় প্রবৃত্ত হয় না ; কিন্তু দর্শন এতদুভয়েরই অনুসরণ-দ্বারা সমগ্র নৈতিক প্রকৃতির চরম উদ্দেশ্য-নির্ণয়ের চেষ্টা করে। 'বিজ্ঞান এরূপ চেষ্টাকে বৃথা ও নিষ্ফল বলা সত্ত্বেও দর্শন উহা হইতে বিরত হয় না।'\*

আমরা উপরে চারিখানি ভিন্ন ভিন্ন পদ্যস্তক হইতে চারিটি ভিন্ন ভিন্ন বিষয়ের সমালোচনা যথাক্রমে উদ্ধৃত ও অনুদিত করিয়া দিয়াছি। প্রথমতঃ, স্থিতির সহিত গতির তুলনা-দ্বারা বৈজ্ঞানিক গতির সাধারণ লক্ষণ ও ধর্ম বদ্ব্যবহায়েন। স্থিতির 'স্থিতিত্ব'-হেতুই গতির গতিত্ব ; অতএব গতি কি বদ্ব্যবহায়ে হইলে স্থিতির প্রকৃতি-অনুধাবনও আবশ্যিক ; সুতরাং উভয়ের সম্বন্ধ পর্যালোচনা করা অপরিহার্য।

দ্বিতীয় সমালোচনা গীতিকাব্যের। সমালোচক গীতিকাব্য কি স্থির করিতে নাটক ও মহাকাব্যের আংশিক স্বরূপ নির্ণয় করিলেন ; যে হেতু নাটক ও মহাকাব্য কি পদার্থ, ইহা কিয়ৎপরিমাণে না বদ্ব্যবহায়ে গীতিকাব্যের প্রকৃতি উৎকৃষ্টরূপে অনুভূত হয় না। গীতিকাব্য, মহাকাব্য ও নাটক—তিনই কাব্য ; ভিন্ন ভিন্ন প্রকৃতি-অনুসারে ভিন্ন ভিন্ন শ্রেণীভুক্ত হইয়াছে। কিন্তু তিনেরই পারস্পরিক অতি ঘনিষ্ঠ সম্বন্ধ আছে, অতএব একটির লক্ষণ-নিরূপণার্থ অবশিষ্ট দুইটির সহিত তাহার সম্বন্ধ কি, উদ্ঘাটন করা আবশ্যিক।

উদাহরণ—উন্নতি কাহাকে বলে? শূন্য বা মঙ্গলের দিকে অগ্রসর হওয়ার নাম উন্নতি এবং তাহা হইতে বিচ্যুতির নাম অবনতি। উন্নতি-সাধনার্থ অবনতি-নিবারণ করা প্রথমেই আবশ্যিক। অগ্রসর হওয়ার পদার্থে যম্মদ্বারা পশ্চাৎপদ হওয়ার কারণ বিদ্যমান হয়, এমন ব্যবস্থা করার প্রয়োজন। নতুবা প্রকৃত-প্রস্তাবে অগ্রসর হওয়া অসম্ভব। অগ্রসরগই উন্নতি, পশ্চাৎপতনই অবনতি। সুতরাং অবনতির কারণ বিদ্যামানে উন্নতি অসম্ভব। অস্থায়িত্ব ও বিশৃঙ্খলা অবনতির কারণ ; সুতরাং উন্নতির অন্তরায়। অতএব দেখা যাইতেছে যে, স্থায়িত্ব ও শৃঙ্খলা ভিন্ন অস্থায়িত্ব ও বিশৃঙ্খলা অর্থাৎ অবনতি নিবারিত হওয়া অসম্ভব ; সুতরাং উন্নতির সহিত স্থায়িত্ব ও শৃঙ্খলার অপরিহার্য ঘনিষ্ঠতা বস্তুমান। অতএব উন্নতি কি, ব্যাখ্যা

\* *Ethical Philosophy and Evolution*, by Professor W. Knight, *vide* "The Nineteenth Century," No. 19, Sept. 1876.

করিতে স্থায়ীত্ব ও শৃঙ্খলার সহিত তাহার যে সম্বন্ধ, তাহা আলোচিত হইয়াছে।

আর, চতুর্থ বা শেষোক্ত উদাহরণটিতে বিজ্ঞানের সহিত দর্শনের তুলনা। উভয়ের প্রকৃতিগত সাদৃশ্য- ও পার্থক্য-নির্ণয়। এই উদাহরণটি পূর্বোক্ত উদাহরণের সম্পূর্ণ অনুরূপ ; কেবল এই মাত্র বিভিন্নতা যে, ইহাতে সম্বন্ধ-নিরূপণার্থ স্বরূপ নির্ণীত হইয়াছে।

পূর্বোক্ত বলিয়াছি যে, স্বরূপ-নির্ণয় ও সম্বন্ধ-নিরূপণের প্রক্রিয়া পরস্পরে সম্বন্ধ,—একটি অপরাটির অনুরূপ, অথবা একের সম্পাদনার্থ অপরের সাহায্য প্রয়োজন। উপরি-উক্ত প্রথম তিনটি উদাহরণে, স্বরূপ-নির্ণয়ার্থ সম্বন্ধ আলোচিত হইয়াছে ; আর চতুর্থ উদাহরণে সম্বন্ধ-স্থিরীকরণ-উদ্দেশ্যে স্বরূপের ব্যাখ্যা করা হইয়াছে। ফলতঃ উভয় দিকেই প্রক্রিয়া প্রায় একই প্রকার। স্বরূপ-নিরূপণার্থ যেমন সম্বন্ধের আলোচনা করার প্রয়োজন, সম্বন্ধ-নির্ণয়-হেতু তেমনি স্বরূপের তত্ত্বানুসন্ধান আবশ্যক। স্বভাবতঃই একটি কর্তৃক অপরাটি আকৃষ্ট হয়।

পারস্পরিক সম্বন্ধ হইতেই যাবতীয় পদার্থের বৈজ্ঞানিক শ্রেণীবিভাগ হইয়াছে। অতএব সেই ‘সম্বন্ধ’ের পর্যালোচনা-দ্বারা সমালোচনার মৌলিক প্রকৃতির আরও কিঞ্চিৎ ব্যাখ্যা করিতে এবং তন্ম্বারা সমালোচন-প্রক্রিয়া সাধারণতঃ যেভাবে সম্পাদিত হয়, তাহা আরও কিয়ৎপরিমাণে দেখাইতে চেষ্টা করা যাইতেছে।

পার্থক্য ও সাদৃশ্য সম্বন্ধেরই অন্তর্গত, এবং বৈজ্ঞানিক শ্রেণীবিভাগের ও জ্ঞান-নির্বাচনের মূল ভিত্তি। অপিচ, পার্থক্য ও সাদৃশ্যানুভূতি হইতেই মনুষ্য-জ্ঞানের প্রাথমিক বিকাশ। অতএব পদার্থগত অন্যান্য সম্বন্ধের উল্লেখ করিবার পূর্বোক্ত পার্থক্য ও সাদৃশ্যের কিঞ্চিৎ আলোচনা করা আবশ্যক।

পার্থক্য।—সংসারে যত প্রকার দ্রব্য আছে, অর্থাৎ যত প্রকার দ্রব্য এ পর্যন্ত মনুষ্যের জ্ঞানাধীনে আসিয়াছে, তাহাদিগের সকলেরই এক একটি স্বতন্ত্র নাম আছে। দ্রব্যমাত্রই এক একটি স্বতন্ত্র নামে অভিহিত হওয়ার কারণ কি? কারণ—তাহাদিগের পারস্পরিক পার্থক্য বা বিভিন্নতা। আলোক ও অন্ধকার বিভিন্ন পদার্থ, এই কারণেই এতদুভয়ের স্বতন্ত্র নাম। আলোককে আলোক বলা যায়, কারণ উহা অন্ধকারের প্রতিদ্বন্দ্বী। আলোক ও অন্ধকার একই পদার্থ হইলে, উহাদিগের স্বতন্ত্র নাম দিবার কিছুমাত্র আবশ্যকতা হইত না। আলোক অন্ধকার হইতে সম্পূর্ণ বিভিন্ন, এই কারণেই অন্ধকার ও আলোকের স্বতন্ত্র বস্তুত্ব। রাম শ্যাম হইতে বিভিন্ন, এই কারণেই শ্যামের নাম রামেরও স্বতন্ত্র ব্যক্তিত্ব। ক্ষুধা তৃষ্ণা হইতে বিভিন্ন, এই কারণেই ক্ষুধা তৃষ্ণা দুইটি স্বতন্ত্র নাম। এইরূপে দেখা যাইতেছে যে, পার্থক্য বা বিভিন্নতা-

দ্বারাই পদার্থমাত্রের স্বতন্ত্র বস্তুত্ব বা ব্যক্তিত্ব স্থিরীকৃত হয়। ভিন্ন ভিন্ন প্রকৃতি-অনুসারে ভিন্ন ভিন্ন পদার্থের ভিন্ন ভিন্ন নাম দেওয়া হয়।

অনেক বস্তু আছে, যাহাদিগের পরস্পরের মধ্যে বিভিন্নতা স্পষ্ট ও প্রবল ; আবার অনেক বস্তু আছে, যাহাদিগের বিভিন্নতা অতি অল্প ও ক্ষীণ। অল্প বা অধিক পরিমাণে হউক, বস্তুমাত্রেরই কোনও না কোনরূপ পারস্পরিক বিভিন্নতা আছে ; তজ্জন্যই তাহাদিগের স্বতন্ত্র অস্তিত্ব ও বস্তুত্ব।

দ্রব্যমাত্রের পারস্পরিক বিভিন্নতার আধিক্য ও অল্পতানুসারে তাহাদিগকে তুলনাকরণোপযোগী পর্য্যবেক্ষণের তারতম্য হয়। সূর্য্য কিংবা চন্দ্রের সহিত নক্ষত্রগুলির বাহ্যতঃ যে বিভিন্নতা, তাহা উপলব্ধি করা অপেক্ষাকৃত সহজ ও অলপায়াস-সাধ্য ; কিন্তু নক্ষত্রগুলির পারস্পরিক পার্থক্যানুভব করিতে হইলে কিঞ্চিদধিক পর্য্যবেক্ষণ ও চিন্তা-শক্তি পরিচালন করা আবশ্যিক। একটি হস্তীর সহিত একটি পিপীলিকার সাধারণতঃ যে যে অংশে বিভিন্নতা, তাহার নির্ণয় করা যেস্বল্প সহজ, দুইটি পিপীলিকার আকৃতিগত পারস্পরিক পার্থক্য স্থির করা অবশ্য সেরূপ সহজ নহে। তিস্তে ও মধুরে যে আশ্বাদগত পার্থক্য, তাহা অতি অল্প আয়াসেই স্থিরীকৃত হইতে পারে ; কিন্তু দুইটি ‘মধুরের কোনটি কতটুকু মধুর, ইহা প্রভেদ করিতে অপেক্ষাকৃত অধিক বিচক্ষণতা আবশ্যিক হয়। অতএব দেখা যাইতেছে যে, যে সকল স্থলে পার্থক্যের অল্পতা, সেই সকল স্থলে উক্ত পার্থক্য-নিরূপণ করিতে পর্য্যবেক্ষণের সূক্ষ্মতা ও চিন্তা-শক্তির নিপুণতার প্রয়োজন হয়।

বস্তুসমূহের নিকট-সমাবেশ-দ্বারা তাহাদিগের পারস্পরিক পার্থক্যের অধিকতর স্পষ্টরূপে অনুভব করা যায়। দুইটি গোলাপ পুষ্প পাশাপাশি রাখিয়া একটু সূক্ষ্মরূপে তুলনা কর, দেখিবে, উভয়ের আকার, বর্ণ ও সৌরভগত একতাধিক্য সত্ত্বেও গোলাপ দুইটির মধ্যে কোন-না-কোন অংশে কিছ-না-কিছ-বিভিন্নতা আছে। সম্মুখে ঐ স্ফাটিকাধার ভেদ করিয়া বর্ত্তিকালোক সমগ্র গৃহে প্রতিফলিত হইয়াছে। আলোকটি সম্যক্ ঔজ্জ্বল ও দীপ্তিমান। কিন্তু গৃহ-মধ্যে এক্ষণে যদি একটি বাম্পীয়ালোক আনীত হয়, তাহা হইলে বর্ত্তিকালোকের ঔজ্জ্বল্য ও দীপ্তির হ্রাস হইবে। তাহাকে আর আলোকের পূর্ণ আদর্শ বলিয়া বোধ হইবার সম্ভাবনা থাকিবে না। পক্ষান্তরে, বাম্পীয়ালোকের সন্নিহিতে একটি তাড়িতালোক সংস্থাপিত হউক, বর্ত্তিকালোকের ন্যায় বাম্পীয়ালোকও দুর্ব্বল হইয়া পড়িবে, এবং তাড়িতালোকের ঔজ্জ্বল্যই তখন প্রবল ও পূর্ণ বলিয়া বোধ হইবে। এক্ষণে বর্ত্তিকালোক, বাম্পীয়ালোক ও তাড়িতালোক—এই তিনের মধ্যে যে পারস্পরিক বিভিন্নতা, তাহা তাহাদিগের একত্র সমাবেশ-দ্বারাই অপেক্ষাকৃত উৎকৃষ্টরূপে বোধিতে পারি। প্রত্যুত, আলোকগণের একত্র সংস্থাপন কখন প্রত্যক্ষ না

করিলে তাহাদিগের পারস্পরিক বিভিন্নতা কদাপি বিশদরূপে অনুভব করিতে পারিতাম না।

শকুন্তলা ও সাবিদ্রী দুইটি স্বতন্ত্র চিত্র। চিত্রদ্বয়ের সমাবেশ-দ্বারা উভয়ের সৌন্দর্য্যগত পার্থক্য উপলব্ধি করিতে পারি। শকুন্তলা ও সাবিদ্রী উভয়েই প্রণয়ের জীবন্ত প্রতিকৃতি,—পবিত্রতা ও কমনীয়তার অনন্ত আবাসস্থল,—উভয়েই আত্মোৎসর্গের জীবন-সঞ্জীবনী প্রতিমা,—কবি-কল্পনা-প্রসূত মনো-মোহিনী সৃষ্টি। শকুন্তলা সুন্দরী, সাবিদ্রীও সুন্দরী। শকুন্তলার পার্শ্বে সাবিদ্রী দাঁড়াইলেন। সৌন্দর্য্যের সহিত সৌন্দর্য্য মিলিল।

তাড়িতালোকের মিলনে বাষ্পীয় ও বস্তুকালোক যেরূপ ক্ষণপ্রভ হয়, এ স্থলের মিলন সেরূপ নহে। সাবিদ্রীর সৌন্দর্য্য-দ্বারা যেমন শকুন্তলার সৌন্দর্য্যের হ্রাস হয় না, শকুন্তলার সৌন্দর্য্যে তেমনি সাবিদ্রীর সৌন্দর্য্য অক্ষুণ্ণ থাকে ; অথচ উভয়েরই সৌন্দর্য্যের প্রকৃতিগত পার্থক্য আছে।—পার্থক্য আছে বলিয়াই উভয় চিত্রের সমাবেশ অধিকতর সুন্দর। আর সেই পার্থক্য-নিরূপণ করিবার জন্যই উভয়ের সমাবেশ ও সমালোচন আবশ্যিক।

সাদৃশ্য।—একটি বস্তুর সহিত অপর একটি বস্তুর পার্থক্যানুভূতিই ভ্রূৎ-বস্তু-সম্বন্ধীয় জ্ঞানের প্রারম্ভ। পক্ষান্তরে, বস্তুসমূহের পার্থক্যানুভূতির সঙ্গে সঙ্গেই তাহাদিগের মধ্যে সাদৃশ্য পরিলক্ষিত হয়। রামের ব্যক্তিত্ব শ্যামের ব্যক্তিত্ব হইতে পৃথক্ হওয়া সত্ত্বেও রাম ও শ্যাম অনেক অংশে সদৃশ ; কেন-না, উভয়েই মনুষ্য ; উভয়েরই চক্ষু-কর্ণাদি সমান ইন্দ্রিয় আছে ; উভয়েই চিন্তাশক্তিবিশিষ্ট ইত্যাদি। একটি বৃক্ষ অপর একটি বৃক্ষের সদৃশ। এক দিন অপর একদিনের তুল্য। বিষ্ণুমবাবুর দূর্গেশনন্দিনী ও স্কটের আইভ্যান্‌হো সমশ্রেণীর কাব্য।

উপরে যে কয়েকটি পদার্থের নাম উল্লেখ করা হইল, তাহাদিগের সাদৃশ্য অবশ্য পার্থক্যের সহিত বিজড়িত ; যেহেতু পার্থক্য ব্যতিরেকে স্বতন্ত্র বস্তু অসম্ভব।

রামের সহিত শ্যামের অনেক অংশে সাদৃশ্য থাকিলেও অনেক অংশে পার্থক্য আছে। একটি বৃক্ষ অপর একটি বৃক্ষের অনুরূপ হইলেও প্রথমটি হয়ত অধিক পল্লব-পত্রাবিশিষ্ট এবং দ্বিতীয়টি অধিক ফল-পুষ্পযুক্ত। আজ ও কাল দুইদিনই একরূপ ; কিন্তু অদ্যকার উত্তাপ, কলাকার অপেক্ষা অধিক ; তন্নিম্ন আরও গুরুতর বিভিন্নতা আছে। বিষ্ণুমবাবুর দূর্গেশনন্দিনী ও স্কটের আইভ্যান্‌হো সমশ্রেণীর গ্রন্থ হইলেও ভাষা, ভাব ও কাব্যোপলিখিত চরিত্রে বহুবিধ পার্থক্য আছে।

পরন্তু কোনও কোনও দ্রব্যে সম্পূর্ণ সাদৃশ্য আছে—কেবল অবস্থিতির স্থানভেদে তাহাদিগের মধ্যে পার্থক্য লক্ষিত হয়। যেমন দক্ষিণ ও বাম



হস্ত, উভয়ই সম্পূর্ণ অনূরূপ ; কিন্তু স্বতন্ত্র স্থানে অবস্থিত, এ জন্য একখানি দক্ষিণ হস্ত ও অপরখানি বাম হস্ত ।

এইরূপ কোনও কোনও দ্রব্যের মধ্যে পারস্পরিক সাদৃশ্য ও পার্থক্য অল্প, এবং কোনও কোনও দ্রব্যের মধ্যে ঠিক ইহার বিপরীত ; অর্থাৎ, পার্থক্যের আধিক্য ও সাদৃশ্যের অল্পতা পরিলক্ষিত হয় ।

দুইটি বালকের মধ্যে আকৃতিগত ও প্রকৃতিগত সাদৃশ্যের আধিক্য, কিন্তু একটি বালকে ও একটি বৃদ্ধে পার্থক্যই অধিক । পক্ষান্তরে, একটি মনুষ্যে ও একটি পশুতে যে পার্থক্য, তাহা আরও অধিক । কিন্তু ইহারা সকলেই জীবনাবিশিষ্ট ; অর্থাৎ জীবনী-শক্তি ইহাদিগের মধ্যে সাধারণ ; সুতরাং সেই অংশে ইহাদিগের সকলেরই পারস্পরিক সাদৃশ্য আছে ; মূলে একতা আছে ।

একই ভাষায় লিখিত দুইখানি সমশ্রেণীর কাব্য-গ্রন্থের মধ্যে কোনও কোনও বিষয়ে যেসকল সাদৃশ্য থাকিতে পারে, কিন্তু সেই ভাষায় লিখিত একখানি বিজ্ঞান-সম্বন্ধীয় গ্রন্থের সহিত উহাদিগের কাব্য-গ্রন্থদ্বয়ের সেরূপ সাদৃশ্য থাকিতে পারে না । প্রত্যুত, বিলক্ষণ পার্থক্যই লক্ষিত হয় । পরন্তু অপর ভাষায় লিখিত একখানি বিজ্ঞান বা কাব্যের সহিত যখন ঐ একই ভাষায় লিখিত তিনখানি গ্রন্থের কাহারও তুলনা করি, তখন পারস্পরিক পার্থক্যের পরিমাণ অধিকতর হয় । কিন্তু গ্রন্থগুলি ভিন্ন ভিন্ন ভাষায় লিখিত ও ভিন্ন ভিন্ন প্রকৃতির হইলেও সেগুলি সকলেই মনুষ্যের চিন্তা-শক্তি-প্রসূত ও মনুষ্য-ভাষায় লিখিত । অপিচ, উহাদিগের সকলেরই উদ্দেশ্য মনুষ্যের জ্ঞান-বৃদ্ধি বা চিত্ত-স্ফূর্তি সাধন করা । এ কারণ, সাধারণতঃ উহাদিগের পারস্পরিক সাদৃশ্য বিদ্যমান । মূলতঃ উহারা সকলেই এক ।

এইরূপে দেখা যায় যে, একতার মধ্যে বিভিন্নতা ও বিভিন্নতার মধ্যে একতা প্রকৃতির সর্বত্রই বিদ্যমান । একতা হইতে বিভিন্নতা ও বিভিন্নতা হইতে একতা সমালোচনার দুইটি ভিন্ন ভিন্ন প্রণালী-দ্বারা নির্ণীত হইয়া থাকে । এই দুই প্রণালীর একটিকে বিশ্লেষণ (Analysis) ও অপরটিকে সংশ্লেষণ (Synthesis) বলা হয় ।

আপাততঃ পার্থক্য- ও সাদৃশ্য-সম্বন্ধে আমরা মোটের উপর যে কয়েকটি কথাই আলোচনা করিয়াছি, এ স্থলে তাহার সার-সংগ্রহ করা আবশ্যিকঃ—

(১) পার্থক্য-হেতুই ব্যক্তি বা বস্তুমাত্রের স্বতন্ত্র ব্যক্তিত্ব বা বস্তুত্ব এবং এই পার্থক্যানুভূতিই মনুষ্য-জ্ঞানের প্রারম্ভ । (২) পদার্থমাত্রের পারস্পরিক পার্থক্যের ন্যায় পারস্পরিক সাদৃশ্য আছে । (৩) পার্থক্য ও সাদৃশ্যের মূলত্ব ও সূক্ষ্মতা বা ন্যূনাধিক্যানুসারে তাহার নিরূপণোপযোগী পর্য্যবেক্ষণ ও সমালোচনার তারতম্য হয় । (৪) তুলনীয় দ্রব্যসকলের সমাবেশ ও সংস্থিতির নৈকট্য তুলনার বিশেষ উপযোগী । (৫) পার্থক্য- ও সাদৃশ্য-হেতু বিভিন্নতার মধ্যে একতা ও একতার মধ্যে বিভিন্নতা ।

পার্থক্য ও সাদৃশ্যের কথঞ্চিৎ ব্যাখ্যা করা হইল ও তাহার সহিত সাধারণ উদাহরণ-দ্বারা সমালোচন-প্রক্রিয়ার একটি অতি স্থূল অংশ কিয়ৎপরিমাণে দেখান গেল। এক্ষণে আমরা পার্থক্য ও সাদৃশ্য ব্যতীত সম্বন্ধের আর কয়েকটি অংশের সামান্যতঃ উল্লেখ করিব।

সম্বন্ধ।—দুইটি ভিন্ন সত্তার অস্তিত্বকে পার্থক্য বলি। আর পার্থক্য সত্ত্বেও এক বস্তুর অন্য বস্তুগত যে ধর্মবস্তা, তাহাকে সাদৃশ্য বলি। কিন্তু সম্বন্ধ কি? একটি বস্তুর সহিত অপর একটি বস্তুর সাদৃশ্য ও পার্থক্য বলিলে উক্ত বস্তুদ্বয়ের পারস্পরিক সম্বন্ধ অনুসূচিত হয় সত্য, কিন্তু একের সহিত অপরের সম্বন্ধ বলিলে তাহাদিগের উভয়ের পারস্পরিক পার্থক্য ও সাদৃশ্য ভিন্ন আরও কিছু বদ্বায়। অতএব, এক দিকে সাদৃশ্য ও পার্থক্য যেমন সম্বন্ধের অন্তর্গত, অপর দিকে তেমনি আরও কিছু আছে, যাহা সম্বন্ধের অধিকারভুক্ত। সাদৃশ্য ও পার্থক্য বলিলে তুলনীয় বস্তুসমূহের স্বরূপমাত্রেরই সাদৃশ্য ও পার্থক্য বদ্বাইতে পারে; আমরাও ঠিক সেই অর্থে উক্ত দুই শব্দ ব্যবহার করিয়াছি। কিন্তু একটি বস্তুর সহিত অপর একটি বস্তুর সংযোগে উভয়ের পরিবর্তন-দ্বারা বিভিন্ন বা বিমিশ্র প্রকৃতির তৃতীয় আর একটি বস্তুর যে অভ্যুত্থান হয়, এবণবিধ সম্বন্ধসমূহ সাদৃশ্য- ও পার্থক্য-সম্বন্ধের অন্তর্ভূত কদাচিত্ হইতে পারে; আর হইলেও তদ্বারা আমাদের উপস্থিত আলোচ্য বিষয়ের পরিষ্কার ব্যাখ্যা হয় না। এই কারণেই আমরা সম্বন্ধ-শব্দটি স্বতন্ত্র-রূপে ও সম্যক্ প্রাপ্ত অর্থে ব্যবহার করিয়াছি।

অনন্ত বিশ্ব-সংসার অসংখ্য সম্বন্ধ-পরম্পরার সমবায়মাত্র। এই সম্বন্ধ-সমষ্টি-উদ্ঘাটন-প্রয়াস হইতেই বিজ্ঞান, দর্শন প্রভৃতি মনুষ্যের যাবতীয় শাস্ত্রের সৃষ্টি। মনুষ্য যে পরিমাণে সম্বন্ধ-পরম্পরার অর্থ বদ্বিবেচনা করিয়াছে, ঠিক সেই পরিমাণে প্রকৃতি তাহার নিকট উদ্ঘাটিত হইয়াছে। অসীম সম্বন্ধ-শৃঙ্খলের ভিন্ন ভিন্ন অংশে ভিন্ন ভিন্ন শাস্ত্রের অধিকার। সমগ্র শৃঙ্খল পরিমাপ করিয়া তাহার প্রকৃতি ও শক্তি নির্ধারণ করা মনুষ্য-ক্ষমতার অতীত। বহিঃপ্রকৃতিগত ও অন্তঃপ্রকৃতিগত যে সকল সম্বন্ধ দর্শন-বিজ্ঞানাদি শাস্ত্র-কর্তৃক আবিষ্কৃত হইয়াছে, তাহাও বহুবিধ; অতএব সে সমুদায়ের আলোচনা বা উল্লেখ করা এই প্রস্তাবের উদ্দেশ্য নহে। কেবল সমালোচনার প্রকৃতি কল্প, আর একটু বিশদ করিবার জন্য সম্বন্ধ-ঘটিত কয়েকটি মূল-বিষয়ের উল্লেখ করিব।

সম্বন্ধ মোটের উপর দুই ভাগে বিভক্ত করা যাইতে পারে, যথা,—নিত্য ও পরিবর্তনশীল। অগ্নির সহিত উত্তাপের নিত্য-সম্বন্ধ; কেন-না, অগ্নির সহিত উত্তাপ থাকিবেই থাকিবে; উত্তাপবিহীন অগ্নির অস্তিত্ব অসম্ভব। কিন্তু অগ্নির সহিত তাহার বর্ণের সম্বন্ধ পরিবর্তনশীল; যে হেতু অবস্থা-ভেদে অগ্নির বর্ণ ভিন্ন ভিন্ন প্রকার হইতে পারে। আমরা ‘নিত্যসম্বন্ধ’ বিষয়ে

একটু আলোচনা করিব। কেহ কেহ বলেন, নিত্য-সম্বন্ধ-জ্ঞান মনুষ্যের স্বভাবাসিদ্ধ, কিন্তু বস্তুতঃ তাহা কতদূর সম্ভব বলা যায় না। জ্ঞানমাত্রই মনুষ্যের স্বভাবাসিদ্ধ, তাহাতে সন্দেহ নাই। কিন্তু কেবল 'স্বভাবাসিদ্ধি বা আত্মপ্রত্যয়' জ্ঞানের কারণ হইতে পারে না। অগ্নিতে ও উত্তাপে নিত্য-সম্বন্ধ,— ইহা প্রথমতঃ পরীক্ষা ভিন্ন মাত্র 'আত্মপ্রত্যয়'-দ্বারা স্থিরীকৃত হওয়া কিরূপে সম্ভব হইতে পারে?

একটু সূক্ষ্মরূপে বিবেচনা করিলে বৃদ্ধা যায় যে, নিত্য-সম্বন্ধ-জ্ঞান একমাত্র স্বতঃসিদ্ধ-প্রত্যয়-জনিত নহে,—পরীক্ষা ও অভিজ্ঞতা তাহার অন্যতম কারণদ্বয়। প্রথমতঃ পরীক্ষা-দ্বারা অগ্নিতে তাপানুভূতি হইল এবং সকল সময়ে, সকল অবস্থায় ও সর্বত্র অগ্নি হইতে উত্তাপের বিচ্ছিন্নতা কখনই লক্ষিত হইল না। পুনঃপুনঃ পরীক্ষা-দ্বারা অভিজ্ঞতা জন্মিল যে, অগ্নি ও উত্তাপে নিত্য-সম্বন্ধ। এইরূপ পৌনঃপুনিক পরীক্ষা-দ্বারাই ধর্ম-পরম্পরার সমবায়ে নিত্য-সম্বন্ধ-বিষয়ক প্রত্যয় জন্মে। সোডা ও ক্লোরিনের সংমিশ্রণে লবণ প্রস্তুত হয়। ইহাদিগের প্রকৃতিগত এই সম্বন্ধ কখনই বিধ্বস্ত হয় না। যত বার সোডা ও ক্লোরিন একত্র করিলাম, সর্বত্র, সকল সময়ে ও সকল অবস্থাতেই লবণ প্রস্তুত হইল; সুতরাং সোডা ও ক্লোরিন একত্র হইলেই লবণ প্রস্তুত হইবে, ইহা স্বভাবতঃই প্রত্যয় জন্মিল। অপিচ, ইহাও প্রতীত হইল যে, লবণের পূর্ববর্তী অবস্থা সোডা ও ক্লোরিন, এবং উহাদিগের সংমিশ্রণের পরবর্তী ফল লবণ। এইরূপে আমরা বুঝিতে পারি যে, বিশেষ বিশেষ পদার্থ বা ঘটনা-পরম্পরার সমবায়ে দ্বারা অন্যবিধ কতকগুলি পদার্থ বা ঘটনার উৎপত্তি হয়। বলা বাহুল্য যে, পূর্ববর্তী পদার্থ বা ঘটনাগুলি কারণ, আর পরবর্তী পদার্থ বা ঘটনা-পরম্পরা কার্য। এইরূপ কার্য-কারণ-নিহিত সম্বন্ধানুসন্ধান হইতেই মনুষ্যের সর্বপ্রকার জ্ঞান-বিজ্ঞান। কারণমাত্রই কার্যোৎপাদন-শক্তি-সম্পন্ন এবং কার্যমাট্রেই কারণ থাকা একান্ত আবশ্যিক। মনুষ্যের এই সংস্কার পৌনঃপুনিক পরীক্ষা, পর্যবেক্ষণ বা সংক্ষেপতঃ সমালোচনা-দ্বারা লব্ধ। আর কার্য-কারণ সম্বন্ধ-পরম্পরার প্রকার-ভেদমাত্র।

দার্শনিকেরা চারি প্রকার কারণ নির্দেশ করেন। এতৎ-সম্বন্ধে একাটি দৃষ্টান্ত আছে। দৃষ্টান্তটি অতি পুরাতন হইলেও কারণ-চতুষ্টয়ের বিশেষ ব্যাখ্যাপযোগী; এ কারণ, নিম্নে তাহার উল্লেখ করা যাইতেছে।—

কার্য—মন্ময় কলস।

১ম কারণ—মৃত্তিকা, অর্থাৎ যে উপাদানে কলসটি গঠিত।

২য় কারণ—চক্ৰ, দণ্ড প্রভৃতি অর্থাৎ যে সকল যন্ত্রের দ্বারা কলসটি স্বকীয় আকার প্রাপ্ত হইয়াছে।

৩য় কারণ—কুম্ভকার, অর্থাৎ যে ব্যক্তি কলস নিৰ্ম্মাণ করিয়াছে।

৪র্থ কারণ—কলসের উদ্দেশ্য, অর্থাৎ জলাদি রক্ষা করা।

একটু অনুধাবন করিলে প্রতীত হইবে যে, এই চারি প্রকার কারণ কলসের চারিটি সম্বন্ধমাত্র।

যে কোনও বস্তু বা বিষয় সমালোচিত হউক না কেন, তাহার আকৃতি, প্রকৃতি উৎপত্তি-মূল ও উদ্দেশ্য—এই চারিটি বিষয় সাধারণতঃ নির্ণেতব্য।

[ পার্থক্য সমালোচক, ১২৯০ ]

## জীবন-দ্র্যাজেডি

বলেন্দ্রনাথ ঠাকুর

মরণের কথা উঠিলেই লোকে সাধারণতঃ দ্র্যাজেডি ভাবিয়া গম্ভীর হইয়া বসে, বাক্য সংযত করিয়া স্থির নেত্রে চাহিয়া থাকে—চিরজন্ম হৃদয়ে মূর্ছিত থাকিবার মত কি বৃদ্ধি ঘটনা আসিতেছে। হাসিতে ভরসা হয় না, কোথায় রসভঙ্গ হইবে, ভাব মারা যাইবে। লোকে কতকটা কাঁদিবার অবস্থায় আসিয়া অপেক্ষা করে। হাসির কথা যদি উঠে হাসে বটে, কিন্তু নয়নের ছল-ছল ভাব তখনও যায় নাই। মৃত্যুর রহস্য-রাজ্যে আমরা বিভীষিকার একটা করাল কাল মূর্ত্তি খাড়া করিয়া রাখিয়াছি, দিন রাত্রি সেই মূর্ত্তি পানে চাহিয়া বিরহের স্বপ্ন দেখিতেছি; সদুত্তরাং মৃত্যু আমাদের নিকট দ্র্যাজেডি বৈ আর কি? আরম্ভের কথা ভাবিবার আমরা বড় একটা অবসর পাই না, জীবন পড়িয়া থাকে; উপসংহার পড়িয়া দেখি নায়ক নায়িকার কে এক জন সরিয়া গিয়াছে। আমরা কাঁদিয়া উঠি।

কিন্তু যে ঘটনা-স্রোতের মধ্য দিয়া সে উপসংহার রচিত হইয়াছে, তাহার দিকে দৃষ্টিপাত না করিলে আমরা কখনই নিশ্চিত কিছু বলিতে পারি না। উপসংহারেই ত কাব্য বৃদ্ধা যায় না—গঠন দেখিয়াই দ্র্যাজেডি কিনা বলা যায়। সদুত্তরাং মৃত্যুকে দ্র্যাজেডি প্রমাণ করিতে হইলে জীবনের গঠনে তাহার অনুকূল

ঘটনা আছে কি না—আলোচনা করিয়া দেখা আবশ্যিক। তাহার পর দেখিতে হইবে, মৃত্যুর পরিচ্ছেদটি উঠাইয়া লইলে জীবন কিরূপ প্রতিভাত হয়। বিরহমাত্রই ট্র্যাজেডি নহে, বিরহ-বিশেষ ট্র্যাজেডি বটে। সেইরূপ মিলন-বিশেষ ট্র্যাজেডি, আবার মিলন-বিশেষ ট্র্যাজেডি ছাড়িয়া সামান্য প্রহসন। একটি সুক্ষ্ম সূত্রের উপরে ট্র্যাজেডি নির্ভর করে। মিলনই হোক, বিরহই হোক, তাহার ভিতরে অন্তঃসলিলা নদীর মত একটি ভাব বহিয়া চলিয়াছে; ট্র্যাজেডি সেই ভাবের। এই জন্য কাঠাম দেখিয়া কিছু বুঝিবার নাই—জীবনের হৃদয়ে প্রবেশ করিয়া দেখিতে হইবে।

জীবন সম্বন্ধে আমরা হাসিয়া কথা কহি, এই হেতু তাহাকে ট্র্যাজেডি হইতে বিস্তর তফাৎ মনে হয়। জীবন যেন কিছুই নয়, কতকগুলো দিন-সমষ্টি-মাত্র—কোন প্রকারে কাটিয়া যাওয়া বিষয়। দৈনন্দিন ঘটনাসমূহের প্রতি নিরীক্ষণ করিয়া আমরা তাহার ট্র্যাজেডি-গাম্ভীৰ্য্য তেমন উপলব্ধি করিতে পারি না, নিতান্ত প্রহসন না বলিলেও মৃত্যু-তুলনায় লঘু রকম একটা কিছু বুঝি। আমরা জীবনটা উপভোগ করিয়া লই, তাহার দেহটা যত দেখি, আত্মা তত দেখি না। আর মৃত্যুর দেহের দিকে চাহিতে বড় ভরসা হয় না, কল্পনায় তাহার যে ভাব আছে, সেই ভাবেই মুগ্ধ হইয়া থাকি।

জীবনের ট্র্যাজেডি কিন্তু কোথায়? সুখের গভীরতায় আমরা যে দঃখ-প্রবাহ অনুভব করি, সেইখানেই জীবনের ট্র্যাজেডি। বাহিরে সারাদিন হাসিলেও আমাদের অন্তরে একটা অশ্রুদ্রিসিক্ত ভাব বহিয়া যায়, আমাদের মিলনের মধ্যে এমন একটা বিরহ-বিশ্ব ভাব থাকে, যাহাতে জীবন নিতান্ত লঘু হইয়া দাঁড়াইতে পারে না। আমাদের শত সহস্র অক্ষুট ভাবেই ট্র্যাজেডি বজায় থাকে—সুখের মধ্যে দঃখ, শান্তির মধ্যে অতৃপ্তি, ইত্যাদি। কাঁদিয়া ফেলিলেই অনেক স্থলে কমেডি হইয়া দাঁড়ায়, দীর্ঘনিশ্বাস আসিয়া ট্র্যাজেডি রচনা করে। আমরা অতীতে দাঁড়াইয়া বস্তুমান অনুভব করি, সেই বস্তুমানে দাঁড়াইয়া ভবিষ্যতের পানে চাহিয়া দেখি, ট্র্যাজেডি ক্রমাগত যেন ঘনাইয়া আসে।

এত বড় ট্র্যাজেডি আর আছে নাকি? কোথা হইতে কোন হৃদয় আসিয়া অপর হৃদয়ের সহিত মিলিত হইল, সমস্ত মিলন-আনন্দের মধ্যে ভাবনা চিন্তা ভিন্ন মাত্র জাগিয়া। যে উদ্দেশ্যের জন্য খাটিয়া যাও, উদ্দেশ্য সাধিত হইলেই ট্র্যাজেডি। সব যেন ফুরাইল, অবসন্ন উদ্যম এখনও অতৃপ্ত। এই অতৃপ্তিতেই ট্র্যাজেডি; এবং এই জন্যই মৃত্যু-উপসংহারে জীবন-ট্র্যাজেডি ভাবরূপে ফুটিতে পারিয়াছে।

মৃত্যু আসিয়া জীবনের হৃদয়ে একটা ছায়া ফেলিয়া দিল। তাহার মধ্যে এমন একটা অব্যক্ত অক্ষুট রহস্য-সৌন্দর্য্য বিকশিত হইয়া উঠিল যে, হৃদয়ের

গভীরতায় তাহা চিরদিন মৃদু হইয়া থাকে। উপসংহার লঘু হইলে ও ট্রাজেডি মাটী হইয়া যায়। মৃত্যুর উপসংহার জীবন-ট্রাজেডির উপষট্ঠই হইয়াছে। এমন গম্ভীর ভাবময় উপসংহার কোথায় মিলিবে? বিস্তৃত অতীত এবং আরও বিস্তৃত ভবিষ্যৎ, এই দুয়ের মধ্যে সামঞ্জস্য-বন্ধন। ভবিষ্যতের পৃষ্ঠা আর খুলিলা না, অতীতের মধ্য হইতেই ভবিষ্যৎকে অতি ক্ষীণ দেখা যাইতেছে।

জীবন-বিশেষ যে ট্রাজেডি এবং অনেক জীবন ট্রাজেডি নয়, তাহা নহে। পাষাণের মধ্য দিয়াও এক দিন নিভৃত নিম্নার্জনে অশ্রুস্রোত বহে, সেইখানেই তাহার ট্রাজেডি। অশ্রুস্রোত জমিয়া গিয়া যখন কঠিন হইয়া যায়, হৃদয় উঠিতে পারে না, তখনও তাহা ট্রাজেডি। তবে সকল জীবন অবশ্য সমান ট্রাজেডি নয়, এই পর্যন্ত বলা যাইতে পারে।

জীবন যদি তবে ট্রাজেডিই হইল, হাস্যরস কোথা হইতে আসিল? হাস্যরস যে ট্রাজেডিতে থাকিতেই পারে না, এমন কোন আইন নাই। তবে হাস্যরসের প্রাচুর্য্যে গাম্ভীৰ্য্য অনেক সময় নষ্ট হইবার সম্ভাবনা বলিয়াই তাহা ট্রাজেডির অন্তর্কূল রস নহে। তাই বলিয়া প্রথম হইতে চোখ রগড়াইতে আরম্ভ করিলেও ট্রাজেডি হয় না। আমাদের জীবনে সকল বিষয়ে সামঞ্জস্য। হাস্যের অধরে অশ্রুর রেখা—হাসিয়া হাসিয়া গড়াইয়া যাও, কিন্তু কাঁদিতে হইবে। এমন চমৎকার নিখুঁত ট্রাজেডি আর নাই। যত বড় আলংকারিক আসন না কেন, ইহার একটি দোষ বাহির করিতে পারিবেন না।

আর ইহা ট্রাজেডি নয়, এ কথা কেহ বলিতে পারে? জন্মের মধ্যে মৃত্যু বাসিয়া—আরম্ভের মধ্যে অবসান। আর শৈশব, যৌবন, বাক্ক্য যতই আলোচনা করিয়া দেখ, প্রত্যেক পরিচ্ছেদে ট্রাজেডি। শৈশবের সারল্যের মধ্যেও সন্দেহের বীজ রহিয়াছে—কৈশোর যৌবনের অনুরাগ উৎসাহ উদ্যমের মধ্য দিয়া গিয়া সেই সন্দেহ বাক্ক্যে ফুটিয়া উঠে। পরিচ্ছেদের পর পরিচ্ছেদের মধ্য দিয়া নীরবে এই গম্ভীর মহা-ট্রাজেডি গঠিত হইতেছে। এই ট্রাজেডির আদর্শেই মহাভারত, রামায়ণ, হ্যাম্লেট।

সংস্কৃত আলংকারকেরা কিন্তু জীবন-ট্রাজেডি বুঝেন নাই। জীবনের উপসংহার মৃত্যু; তাহাদের নিয়মানুসারে গ্রন্থের উপসংহারে মৃত্যু থাকিবার ঘো নাই। নায়ক নায়িকার মিলন না হইলে তাহারা সন্তুষ্ট নহেন। মিলন হইলেও ট্রাজেডি অবশ্য হইতে পারে, দুই চারি জনের মৃত্যুতেও ট্রাজেডি না হইতে পারে, কিন্তু এ সম্বন্ধে আইন থাকা অবশ্য ভাল নয়। স্বভাবে বাহা নাই—সাহিত্যে তাহা জোর করিয়া রাখা কেন?

স্বভাবে ট্রাজেডিরই অভিনয় চলিয়াছে বোধ হয়। প্রহসন দেখিয়া আমাদের এ সম্বন্ধে বিভিন্ন ধারণা থাকিতে পারে, কিন্তু প্রহসনের মধ্যে অনেক সময় ট্রাজেডি ঘূমাইয়া থাকে। প্রহসন কাস্টহাসি হাসিয়া ট্রাজেডির অভিনয় দেখাইয়া দেয় মাত্র। অনেকেই দেখিয়া হাসে, কিন্তু যাহাদের হৃদয় আছে ঘরে আসিয়া কাঁদে। বলা বাহুল্য, উদ্দেশ্যবিহীন কতকগুলো বিদ্রোষপূর্ণ ব্যঙ্গোক্তি প্রহসন নহে। কিন্তু প্রহসন অবশ্য ট্রাজেডিও নহে, তবে অনেক সময় ট্রাজেডির দিকে অঙ্গুলি নির্দেশ করে বটে।

জীবন-ট্রাজেডিকে ব্যস্ত করিবার জন্য প্রহসন-ঘটনা দুই চারটা থাকে। কিন্তু সে প্রহসনের পরিণাম ট্রাজেডি। বৈচিত্র্যের জন্য তাহাতে সৌন্দর্য্য স্বেচ্ছা হয়। তবে তাহাকে প্রহসন বলা কত দূর সঙ্গত সন্দেহ। জীবন কাঁদিয়া জন্ম গ্রহণ করে, কাঁদিয়া হাসিয়া মরে ; দর্শকেরা কিন্তু তখনই কাঁদিয়া উঠে। এইখানেই জীবনের সমস্ত ট্রাজেডি।

[ ভারতী—১২১৬ ]

## কুরুক্ষেত্র কাব্য

ঠাকুরদাস মদ্বোধোপাধ্যায়

স্বাপরে কৰ্ম্মভূমি মহাভারতের,—কুরুক্ষেত্রের কান্ডারী শ্রীকৃষ্ণ;—কৰ্ম্মী অনেক, অভিনেতা অসংখ্য, উপলক্ষ অবলম্বন ও অন্তরায় কোটী কোটী; কান্ডারী একজন; কান্ডারী,—কৃষ্ণ। কুরুক্ষেত্রে কৃষ্ণ-লীলার বিশাল রাজনীতিক ও ধৰ্ম্মনীতিক বৈচিত্র্য। কৃষ্ণের সেই লীলা-বৈচিত্র্যের ইদানীং অনেকেই অনেক প্রকার ব্যাখ্যা করিতেছেন। “কৃষ্ণ-চরিত্র” সমালোচনায় আজকাল স্বদেশীয় বিদেশীয় বিস্তর লেখক নিযুক্ত। অহো! কি বিরাট বিচিত্র “চরিত্র”। ইহা কি মনুষ্য-সমালোচনার, ব্যাখ্যার ও বিশ্লেষণের আয়ত্ত। আয়ত্ত নহে; তবুও আলোচনীয়। বিশ্বাসী, অবিশ্বাসী, ভক্ত এবং ভণ্ড আলোচনার অধিকার সকলেরই আছে। আলোচনা হইতেছে, হউক। “মরা মরা” বলিতে বলিতেও “রাম রাম” বলা সম্ভব। বৈধ বা অবৈধ হউক, উৎকৃষ্ট, আধ্যাত্মিক বা অগকৃষ্ট অশ্রেয়ই হউক,—“কৃষ্ণ-চরিত্রের” এখনকার ব্যাখ্যা বিশ্লেষণ বা ব্যঙ্গ বিদ্রূপকে কলির কৃষ্ণ-লীলা বলিয়া আমাদের মনে হয়। তবে কেবল একটি মাত্র কথা আছে। মনুষ্য মনুষ্যের চরিত্র সম্যক বিশ্লেষণে—নিজ নিজ চরিত্রের আংশিক উদ্ঘাটনেও—অপারগ অসমর্থ;—মানুষের নিকট একটি মানুষই এতাদৃশ কঠিন সমস্যা! ইংরেজ কবি প্রকৃত মনুষ্য-চরিত্রের দৃষ্টোদ্যতা দর্শন করিয়া কহিতেছেন;—

How poor, how rich, how abject, how august,

How complicate, how wonderful is man!

How passing wonder He who made him such!

“কতই মহিমাম্বিত, অথচ কি অশ্রেয় নীচ এবং ঘৃণিত,—কতই ঐশ্বর্যশালী অথচ কি দরিদ্র, হায়! মনুষ্য! মনুষ্য-প্রকৃতি কতই না জটিল! মনুষ্য কি অত্যাশ্চর্য পদার্থ! জানি না মনুষ্যকে যিনি সৃষ্টি করিয়াছেন, তিনি আরও কত কতই আশ্চর্য!”

কবি, মনুষ্য-প্রকৃতি-পারাবারের সীমা ও সামঞ্জস্য না পাইয়া বিস্মৃতির পর, অবশেষে আত্মীকৃত হইয়া, দুইটি মাত্র কথায় মনুষ্য-চরিত্র অভিহিত করতঃ তাহার দৃষ্টোদ্যতা জ্ঞাপন করিতেছেন;—

A worm! a God! I tremble at myself,  
And in myself am lost.



“মনুষ্য এক দিকে কীটানুকীট! অপর দিকে দেব-স্বভাব!—ইহা দেখিয়া, ইহা চিন্তা করিয়া আমি কম্পিত হই, আমার এই আমাতেই আমার হৃৎকম্প হয়, অবসন্ন হইয়া আমি আমাতে ডুবিয়া যাই।”

ইহা কেবল ভাবদুকতার কথা নহে। জাগ্রত সত্যমূলক জীবন্ত কথা। তাই বলিতেছিলাম যে, মনুষ্যের নিকট মনুষ্য-চরিত্রই স্বর্ন এত জটিল, এত দুর্জের, তখন, দেব-চরিত্রের সমালোচনা ও দেব-স্বরূপের বিশ্লেষণ সংশ্লেষণ করিয়া শুদ্ধ ও সর্বাঙ্গসুন্দর সিদ্ধান্তে উপস্থিত হওয়া তাহার পক্ষে একান্ত অসাধ্য ও অস্বাভাবিক নহে কি? তাহা বামনের চন্দ্রমা-স্পর্শন ও খঞ্জের পর্বত-লঙ্ঘন-প্রয়াস অপেক্ষাও অধিকতর উদ্ভট নহে কি?

উদ্ভট প্রয়াস হইতে উদ্ভট ফলই প্রসূত হয়। অতএব আশ্চর্য্য নহে যে, কৃষ্ণ-চরিত্রের সমালোচকগণ কৃষ্ণ-সম্বন্ধে এক একটি উদ্ভট সিদ্ধান্তে উপনীত হইবেন। সিদ্ধান্তগুণি কেবল উদ্ভট নহে, বিলক্ষণ কৌতুককর। তন্মারা পাঠকের পরিহাস-বৃন্তের অনুশীলন হইতে পারে।

কেহ কেহ বলিতেছেন, “তোমাদের যে এই কৃষ্ণটি,—ইনি কেহই নহেন; কেবল একটি কথার কথা। ইনি বেদে বেদান্তে বিশ্ব-ব্রহ্মাণ্ডে কোথায়ও নাই। উপনিষদে ও ইতিহাসে নাই; ‘শতপথ ব্রাহ্মণেও’ কৃষ্ণের নাম-গন্ধ নাস্তি। কৃষ্ণ, মায় কৃষ্ণ-লীলা ও কৃষ্ণ-কথা,—কেবল “কিংবদন্তী—প্রবাদ, অমূলক উপন্যাস।” আবার কেহ কেহ বলিতেছেন, “সে বাহাই হউক, কৃষ্ণ আর যেখানে খুঁসি থাকুন, ইতিহাসে তাহার অস্তিত্বাভাব, কৃষ্ণ একান্ত অনৈতিহাসিক, মহাভারতের যে সকল স্থলে কৃষ্ণ-নাম, কৃষ্ণ-কথা ও কৃষ্ণের কার্য্য আছে, সে সকল স্থল ইতিহাস নহে, উপন্যাস, আষাঢ়ে গল্প—; কৃষ্ণাংশ কাটিয়া দিলেই মহাভারত ইতিহাস হইতে পারে, কেন-না, কুরু-পাণ্ডালাদি সত্য, কেবল কৃষ্ণই মিথ্যা।” পক্ষান্তরে আর এক দল সমালোচক বহু পরিশ্রমে সাব্যস্ত করেন যে, “মহাভারতে কেবল কুরু-পাণ্ডালেরাই ঐতিহাসিক, পাণ্ডবাদি প্রবাদ। তবে এ প্রবাদ রূপকে রিডিউস করা যাইতে পারে বটে। যেমন পণ্ড পাণ্ডব অর্থে পাণ্ডালের পাঁচটি জাতি, পাণ্ডালীর সঙ্গে পণ্ড পাণ্ডবের বিবাহের অর্থ উক্ত পাঁচ জাতির একজোট হওয়া। পাণ্ডবদের গর-হাজির সময়ে যে রাজ্য ধরে য়েখেছিল সেই ধৃতরাষ্ট্র, অর্থাৎ পাণ্ডবের অস্তিত্বাভাব। কৃষ্ণ মানে আর কিছুই নহে, কেবল আধার, অমাবস্যার ঘোর আধার, সূচীভেদ্য তিমির। পরন্তু অজ্ঞানে অর্থে আলোক, সূভদ্রা মানে সুমঙ্গল, পণ্ড পাণ্ডব অর্থাৎ পণ্ড পাণ্ডাল জাতির সহিত যদুবংশের বন্ধুত্বই,—সূভদ্রা অজ্ঞানে বিবাহ।” পুনশ্চ কোন কোনও পাণ্ডবের মতে কৃষ্ণের কতক কাটিয়া কতক রাখা যাইতে পারে। কিন্তু রাখাকে আদর্শেই রাখা যাইতে পারে না। রাখা আর কোথাও

নাই, আছেন কেবল এক ব্রহ্মবৈবর্ত পদ্রাণে ; কিন্তু এই ব্রহ্মবৈবর্ত পদ্রাণ বার্ণাকুলার বাংগালা সময়ের ভট্টাচার্য্য-রচনা, অতএব অগ্রাহ্য।

ষাউক এ সকল “ঐতিহাসিক গবেষণা”। কুরূক্ষেত্র কাব্যের কবি, কুরূক্ষেত্র সমর-সাগর-তরীর কাণ্ডারী কৃষ্ণের মহিমা কি ভাবে কীৰ্ত্তন করিয়াছেন, তাহাই আমাদের দ্রষ্টব্য এবং আলোচনীয়।

কুরূক্ষেত্র কাব্যের কবি কৃষ্ণকে কবির চক্ষে, ভক্ত এবং ভাবকের চক্ষে, অনেক সময়ে চিন্তাশীল ঐতিহাসিকের চক্ষে,—নানা দিক দিয়া,—নিরীক্ষণ করতঃ নারায়ণের মূর্ত্তি-অঙ্কনে প্রয়াস পাইয়াছেন। নর-চক্ষে নারায়ণ-নিরীক্ষণ! নারায়ণ যেরূপ ভাবে দর্শন দিয়াছেন, কৃপা করিয়া কবি-কল্পনার, কৃষ্ণ-মূর্ত্তি যেমন ও যে পরিমাণে প্রতিভাত করিয়াছেন, কবি যথাসাধ্য তাহারই ছায়াপট প্রকটিত করিয়াছেন। নর-হস্তে নারায়ণের চিত্র,—অস্পষ্ট, অসম্পূর্ণ, অসুন্দর হয় নাই, হইবে না, কে বলিবে? আর সে বিচার করিবার সাধ্যই বা কাহার? কবি স্বকপোল-কল্পিত অশাস্ত্রীয় আলোকে কৃষ্ণ-মূর্ত্তি ও কৃষ্ণ-লীলা অবলোকন করেন নাই। তিনি শ্রীকৃষ্ণের শ্রীমদুখ-নিঃসৃত শ্রীমন্তগবঙ্গীতার পরম পবিত্র, স্বচ্ছ ও শুদ্ধ আলোকের অন্তর্ভুক্ত হইয়াছেন। তবে সে আলোকের অকৃত্রিম ও পূর্ণ জ্যোতিঃ যোগসিদ্ধ সাধু সম্ম্যাসীদিগেরও সুদৃঢ় ভেদ ; অতএব আমাদের কবি সে আলোক কি পরিমাণে অনুসরণ করিতে সমর্থ হইয়াছেন, সে বিচার করিবার ক্ষমতা ও অধিকারও আমাদের নাই। আমরা কেবল এই মাত্র বলিতে পারি যে, গীতার আলোকে কৃষ্ণ-লীলা অবলোকন ও মহাভারত অধ্যয়ন করতঃ এই কুরূক্ষেত্র কাব্য-প্রণয়ন, কবির সৌভাগ্য।

কবির ঐতিহাসিক চক্ষে কুরূক্ষেত্র-যুদ্ধের অব্যবহিত পূর্ব্ববর্ত্তী পৌরাণিক-কাল, তাৎকালিক রাজনীতিক, সমাজনীতিক অবস্থা এবং ধর্ম্ম ও কর্ম্ম-স্রোত কিরূপ প্রতিভাত হইয়াছে, প্রথমে দেখা যাউক। কিন্তু তাহা দেখিতে কিয়ৎকালের জন্য পাঠককে এই কবি-কৃত “রৈবতক কাব্য” দৃষ্টিপাত করিতে হইবে। “কুরূক্ষেত্র কাব্য” “রৈবতক কাব্যের” উত্তর ভাগ। রৈবতকে যে সকল বিষয়ের, চরিত্রের এবং চিত্রের অবতারণা, কুরূক্ষেত্র তাহাদের অধিকাংশের উপসংহার। কুরূক্ষেত্র কাব্য-পাঠার্থীর রৈবতক পাঠ করা একান্ত আবশ্যক। রৈবতকের রমণীয় গিরি-নিবাসে কৃষ্ণার্জুন ও ব্যাসদেবের মন্ত্রণার অভ্যন্তরেই কবি কুরূক্ষেত্রের বীজাঙ্কুর সূচিত করিয়াছেন। কিন্তু তৎকালে ভারত-ভূমির অবস্থা কিরূপ?

মহাভারতীয় দৃশ্যাবলী হইতে সে অবস্থা কবি-কল্পনার প্রতিফলিত হইয়া তদীয় রৈবতক ও কুরূক্ষেত্র কাব্যে যেরূপ প্রতিধ্বনিত হইয়াছে, তাহাকে

পৌরাণিক ও ঐতিহাসিক, উভয়েরই দৃষ্ট সম্পূর্ণ স্বতন্ত্র ও বিপরীত দিক্ দিয়া বিলক্ষণ অমত আছে। আমাদের নিজেরও তাহার অনেক স্থলে যে মতবিরোধ নাই, এমত নহে। কিন্তু ভিন্ন ভিন্ন পক্ষের তর্ক-তরণ উত্তোলন করিবার স্থান ইহা নহে। কবি যাহা বন্ধিয়াছেন এবং বলিয়াছেন, তাহাই আমরা এস্থলে উল্লেখ করিতে বাধ্য।

“দ্বাপরের শেষ ভাগ। পৃথিবীতে কৃষ্ণাবতার অবতীর্ণ হইয়াছেন ; কিন্তু লোকে তখনও তাহার অবতারকে সম্যক্ বিশ্বাসবান্ হয় নাই। ব্রাহ্মণ-সমাজ, প্রধানতঃ দূর্ব্বাসা-প্রমুখ ব্রাহ্মণগণ, কৃষ্ণের কার্য-কলাপে এবং মতামতের অভিনবকে প্রচণ্ড প্রতিবাদ করিতেছেন। তাহারা কৰ্ম্মকাণ্ডের বাহ্যাড়ম্বরে বিষম ব্যাপ্ত,—কৃষ্ণ-প্রবর্তিত বা পুনরুজ্জীবিত নিষ্কাম কৰ্ম্ম পরিগ্রহ করিতে সমর্থ হইতেছেন না। তৎ-প্রচারিত বিকাশোন্মুখ, বৈষ্ণব ধৰ্ম্মে মহা সন্দেহান ও সশঙ্কিত হইয়াছেন। এক দিকে তাহাকে গ্রাহ্য করিতেছেন না, অপর দিকে তাহার প্রত্যেক কার্য প্রত্যেক বাক্যটির পর্যন্ত আলোচনা আন্দোলন করিতেছেন ; তাহার প্রত্যেক পদ-বিক্ষেপ প্রহরীর ন্যায় অবলোকন করতঃ, প্রত্যেক নিম্বাস প্রশ্বাসটি পর্যন্ত একে একে গণিয়া তাহার আশ্রয় লইতেছেন। ব্রাহ্মণ-সমাজ জীর্ণ শীর্ণ মলিন,—বেদবিধি গম্পবাক্যে ও যজ্ঞযুক্ত পরিণত। ব্রাহ্মণ কোপন-স্বভাব, আত্মাভিমানী ও অভিসম্পাদ-পরায়ণ হইয়াছেন। সমাজে একাধিপত্য রক্ষা করিবার জন্য মাথার উষ্ণীষ খুলিয়া কোমর বাঁধিয়াছেন। সমাজ-ধৰ্ম্ম তথা সাম্রাজ্য-নীতি সকল দিকেই বাসুদেবকে বিপ্লবকারী ও প্রবণক বলিয়া ঘোষণা করিতেছে।”

“মগধে দৃষ্টান্ত জরাসন্ধ অত্যাচার-স্রোতে উত্তাল তরণে তুলিয়া চতুর্দিক ভাসাইয়াছে। হস্তিনায় কৌরব-কুলাঙ্গার দুর্য্যোধন মদগন্ধে ক্ষীত, ঈর্ষান্নিতে পাণ্ডবের অস্তিত্ব দৃষ্ট ও বিলুপ্ত করিতে উদ্যত। চেদীশ্বর শিশুপাল চতুর্দিকে বিষদৃষ্টি নিক্ষেপ করিতেছে। যবন ভূপতি ভগদত্ত ভারতভূমির উপর অত্যাচার আরম্ভ করিয়াছে। অনার্য্য নাগজাতির অধিনায়ক বাসুকি পিতৃরাজ্য হইতে বিতাড়িত ; দঃখে, ক্রোধে, প্রতিহিংসায় মৰ্ম্মপীড়িত উন্মত্ত ; বিবের ভরে গর্জিয়া গর্জিয়া, ছুটিয়া বেড়াইতেছে। আর্য্য কুলাঙ্গারগণ অনার্য্য অসুরের সহিত সন্ধিসূত্রে আবদ্ধ হইয়া আর্য্য অনার্য্য উভয় রাজ্যই অত্যাচার অনাচারে প্লাবিত করিবার জন্য উদ্যত ও বন্ধপরিকর হইয়াছে। দূর্ব্বাসা কুরুবংশ ও যদুবংশে নিঃস্বর্গশের অভিশাপাগ্নি উদ্গার করিয়াছেন।”

“ভারতের অদৃষ্ট-আকাশ পাপ-মেঘে আবৃত। মেঘরাশি খণ্ডে খণ্ডে ছুটিয়া আসিয়া একত্রে মিলিতেছে। রাষ্ট্রবিপ্লব অবশ্যম্ভাবী। আগুন চারিদিকেই প্রস্তুত। কেবলমাত্র ফৎকারের অপেক্ষা। পাপ-ভাপ বিদূরিত

করিয়া ধর্মাকাশ পরিস্কৃত ও ধর্মরাজ্য স্থাপন করিবার জন্য কৃষ্ণবতার  
অবতীর্ণ।”

“—————আবির্ভাবে যাঁর  
তুচ্ছ ষড়কুল, নরকুল পবিত্রিত  
যাঁর আবির্ভাবে এই জগতের হার!  
তৃতীয় যুগের সৃষ্টি হইল পূর্ণিত।।”

\* \* \* \*

“স্থাবর জগৎ সমস্ত হইতেছে অবিরত  
সৃষ্টি স্থিত লীন দেহে জলে জলবিস্ময়ত।”

রৈবতকে অজ্ঞান উপাঙ্গ। কৃষ্ণমন্ত্রে দীক্ষিত হইয়াছেন। মানবরূপী  
নারায়ণের ভূভার-হরণ-মন্ত্রণা স্থিরীকৃত হইয়া গিয়াছে। অজ্ঞান স্বেচ্ছায়  
পাণিপীড়ন করিয়াছেন। দুর্যোধনের বর-সম্ভাষণ কেবল লজ্জাতেই পরিণত  
হইয়া গিয়াছে। দুর্যোধন রৈবতকে হইতে অবমানিত, উপহাসিত, নিগূহীত,  
ঘৃণিত ও ধর্মপীড়িত হইয়া, ক্ষিপ্ত ব্যাঘ্রের ন্যায় হস্তিনায় ফিরিয়াছেন।  
কুরূক্ষেত্রের অঙ্কুর উঠিয়াছে অথবা সে অঙ্কুর অনেকটা উদ্ভেদ মাথা তুলিয়া  
দাঁড়াইয়াছে। রৈবতকে যাহা অঙ্কুর, কুরূক্ষেত্র কাব্যে তাহা বৃক্ষে পরিণত।  
কুরূক্ষেত্রে,—

“—————ধ্বংসরূপী নারায়ণ।”

ভাষ্য

“ধ্বংসনীতি ধর্মনীতি।”

কবি ধ্বংসের তাৎপর্য বঝাইতেছেন,—

“পাপের প্রশস্ত দেয় নাহি কর বিনাশিত  
বিশ্বরাজ্য পরিণত নরকে হবে নিশ্চিত।  
না বিনাশ বিষবৃক্ষ, না নিবাও দাবানল  
নাশবে সূর্য্য বন অনল ও হলাহল।  
নির্লিপ্ত পরমরক্ষ, নিত্য সত্য সনাতন,  
সৃষ্টি স্থিতি লয় করে নীতি-চক্রে বিচরণ।  
সংখ্যাতীত ধ্বংস যথা সৃষ্টি তথা সংখ্যাতীত,  
হতেছে মহন্তে, স্থিতি এরূপে হয় সাধিত।  
সম্ভূত হিত ভরে ধ্বংস, নিশ্চয়তা নর;”

পদনশ্চ,

“নহে নিন্দ্যতা, বৎস! ধ্বংস-নীতি দয়াধার।  
 ধ্বংস বিনা এ জগতে উচিত কি হাহাকার!  
 রুদ্ধ কর ধ্বংস-দ্বার; মৃদুহৃৎতে জীবগণ  
 অস্বাভাবে স্থানাভাবে, করিবে কি বিভীষণ  
 দারুণ যন্ত্রণা-ভোগ!—”

আমরা বলিতে বাধ্য যে, কবির এই সকল উক্তি হইতে আধুনিক ইউরোপীয় “সোসিয়ালিজম” ও “নিহিলিজিমে”র বাৎপ ও মৃদুমন্দ বহির্গত হয়। পরন্তু ম্যালথসকেও অল্প পরিমাণে মনে পড়ে। কিন্তু ইহাও ত হইতে পারে যে, আধুনিক নিহিলিজিমাতির অভ্যন্তরে কবির ধর্ম-রাজ্য-সংস্থাপনের বীজ লঙ্কায়িত রহিয়াছে। ভগবানের ভাবী-অবতারের উহাই হয়ত বাঞ্ছিত এবং তিনিই হয়ত আপন আবির্ভাবের পূর্বে ক্ষেত্র প্রস্তুত করিতেছেন।

শরৎ শেষ হয় হয় হইয়াছে। শীতের পূর্বস্বরাগ।

“নির্ম্মল আকাশ

শরতের শেষ মেঘে উজ্জ্বল তরঙ্গিত—

নীরব নিষ্পন্দ ভীত।”

কুরুক্ষেত্রে কুরু-পান্ডব-সেনা সমবেত। ক্ষেত্রের সীমান্তে জনতিদরে, স্থানে স্থানে সৈন্য-শিবির সংস্থাপিত হইয়াছে। শিবির সমুন্নত, শৃংখলা-বদ্ধ, সুন্দর সংখ্যাতীত একাধারে শোভা এবং শক্তা সুচিত করিতেছে। হাস্যাময়ী প্রোতস্বতী হিরণ্যবতী শূদ্র শিবির-মালায় যেন নক্ষত্র-মেখলা-মণ্ডিত; প্রসন্ন-সলিলা আজ কয়েকদিন হইতে প্রগাঢ় গম্ভীর মুক্তি ধারণ করিয়াছেন। জম্বুদ্বীপের যাবতীয় রাজন্যবর্গ, আর্য ও অনার্য, ক্ষত্র ও ব্রাহ্মণ, বন ও শ্লেচ্ছ, ভূপতি ও রথী; রথী, মহারথী, অতিরথী, অম্বারোহী এবং পদাতি ধনুঃশর ধারণে সক্ষম—মহারাজ্যের যিনি যেখানে ছিলেন, সকলেই আসিয়া কুরু বা পান্ডব কোনও না কোনও পক্ষে যোগ দান করিয়াছেন। কুরুক্ষেত্র-যুদ্ধের দশম দিন অতীত। আজ একাদশ দিন। শারদীয় আকাশ—“শরতের শেষ মেঘে উজ্জ্বল তরঙ্গিত”, আর—

“নিম্নে তরঙ্গিত——

চতুরঙ্গে, রণরঙ্গে ভীম উদ্বেলিত,

গর্জিতেছে রক্ত সিংহ মহাভারতের

মহাক্ষেত্র কুরুক্ষেত্র! সান্ধ্য রবিকরে  
দেখাইছে রক্ত মেঘে প্রতিবিম্ব তার  
নীরব নিস্পন্দ ভীত বিশ্ব চরাচরে।”

রক্তসিন্ধুর ‘দুই প্রান্তে’ সংখ্যাতীত সঞ্জিত সৈন্য-শিবির—

“তরুণগত বেলা যেন রণপয়োধির।”

দশম দিনের যুদ্ধ শেষ হইয়া গিয়াছে। ভীষ্ম শর-শয্যায় শায়িত।  
পরলোক-যাত্রায় উত্তরায়ণের অপেক্ষা করিতেছেন। বীরেন্দ্র-কেশরী শর-  
সম্ভাব্ত-অঙ্গ শত লক্ষ বাণবিদ্ধ, ক্ষত-বিক্ষত,—

“অসংখ্য জবায় যেন পদ্পিত পদ্বিজিত।”

ভীষ্মদেব অস্তগামী দিনকরের ন্যায় কুরুক্ষেত্র-বক্ষে শর-শয্যায় শর-উপাখ্যানে  
সংরক্ষিত-মস্তক শোভামান, সজীব দীপ্ত কান্তি,—

“বীরত্বের কি পবিত্র তীর্থ সেই স্থান।”

শান্তনু-সদৃশের শর-শয্যায় পার্শ্বে শিবির সংস্থাপিত।

“সে শিবির কালকক্ষে মৈনাক মহান্।”

মৃত্যুঞ্জয়ী, কুরুপান্ডব-পিতামহ, বীরেন্দ্র-কেশরী সমরক্লান্ত পিপাসার্ত,—  
সংকীর্ণ ঘটের শীতল সুবাসিত বারিতে বীরের পিপাসা-শান্তি হয় না ;—  
বীর পিতামহের বীর পোহ বীর হৃদয়ের বাসনা বৃদ্ধিয়া,—আপাতাল পৃথিবী  
বাণবিদ্ধ করিয়াছেন, ভোগবতী গঙ্গার বিমল পবিত্র বারি উদ্ধর স্রোতে পাতাল  
ও পৃথিবী-বন্ধ বিদীর্ণ করিয়া প্রকৃতি দেবীর স্তন্য-নিঃসৃত দুগ্ধ-প্রবাহের ন্যায়  
শর-শয্যাশায়ী পিতামহের মৃৎপদে নিপতিত হইতেছে।

যুদ্ধের দশ দিন অতীত হইয়া গিয়াছে। আজ একাদশ দিন। এই  
একাদশ দিনে “কুরুক্ষেত্র কাব্যের” দৃশ্যাবলী-অবতারিত কার্য আরম্ভ। প্রথম  
সর্গে সুগভীর উদ্বোধন। শ্রীমন্তগবশ্ৰীতা গ্রন্থাকারে পৃথিবীতে প্রকাশ।  
ভগবদ্-মুখকমল-বিনিঃসৃত গীতামৃত ব্যাসদেব সঙ্কলন করিয়াছেন ; গীতার  
শরীরী সজীব মানুষী মূর্তি সৃষ্টদ্বা শিবিরে আশীর্বাদ প্রেরণ করিতেছেন।

শিষ্য ছদ্মবেশী। কুরুক্ষেত্র কাব্যের একটি প্রধান অংশ,—মন-বিমোহন  
চিত্র,—পুত্র পবিত্র-চরিত্র,—এই শিষ্যটি কাব্যের অমৃত সেচনী অন্যতমা নারিকাকা,  
এই শিষ্য। ব্যাসদেবের গীতাবাহিক্কা এই শিষ্য “শৈলজা”।

শৈলজার সহিত পাঠকের এই খানেই পরিচিত হওয়া উচিত। কিন্তু এ পরিচয়ের জন্য রৈবতকে পদনর্গমনের প্রয়োজন।

শৈলজা অনার্য নাগরাজ চন্দ্রচূড়ের কন্যা ও কবির অভিনব একাট অত্যাৎকৃষ্ট সৃষ্টি। শৈলজা কি অমূল্য রমণীরঙ্গ-অমূল্য রঙ্গরাজির মধ্যেও কি অনুপম,—নিজের অনুপমেয়তা এবং অস্তিত্ব কিরূপ সংযমনক্ষম—রমণীরঙ্গ, তাহা অল্প কথায় আলোচনার চেষ্টা করা বৃথা। শৈলজার স্বর্ণায় সৌন্দর্য্য সন্দর্শন করিতে পাঠককে রৈবতকে ও কুরূক্ষেত্রে কবি-কল্পিত দৃশ্যাবলীর অনুসরণ করিতে হইবে। আমরা সংক্ষেপে শৈলজার অতাল্পমাত্র পরিচয় দিতেছি। কিন্তু ইহার সহিত কবি-কল্পিত অন্যান্য কথারও অবতারণা আবশ্যিক। খাণ্ডবপ্রস্থে, অনার্য নাগজাতির “অলকা সমান” বিস্তৃত রাজ্য। নাগেন্দ্র প্রথম বাসুকি রাজ্যেশ্বর। নাগচূড়ামণি চন্দ্রচূড় তাহার জ্যেষ্ঠ ভ্রাতা। মথুরা-রাজ-কংস-কর্তৃক নাগ-রাজ্য অপহৃত। অনার্য্যচ্ছত্র আৰ্য্য-বিশ্বলব-ঋটিকান্ন উড়িয়া গিয়াছে। নাগজাতির ভগ্নাবশেষ

“—————লহিল আশ্রয়

পাতাল পশ্চিমারণ্যে ; পশ্চিম সাগরে

অস্ত গেলা নাগ-রবি চির দিন তরে।”

প্রথম বাসুকি পরলোকগত। তদীয় পুত্র দ্বিতীয় বাসুকি গিতুরাজ্য উদ্ধারার্থে “জরৎকার্দ নামধারী” দুরন্ত ঋষি দূর্ব্বাসার সহিত সন্ধি-সূত্রে আবদ্ধ। উভয়েই কৃষ্ণজর্জুনদ্বেষী। বাসুকি, জরাগ্রস্ত জরৎকার্দর হস্তে, নীলাক্ষজর্পিণী স্বকীয়া ভগিনী পূর্ণ যুবতী জরৎকার্দকে উদ্বাহসূত্রে অর্পণ করতঃ সন্ধিসূত্র দৃঢ়তর করিয়াছেন। কুরূক্ষেত্রের কবির এ সবই নূতন সৃষ্টি। এ-সব স্থলে তিনি মূল মহাভারতের অনুসরণ করেন নাই। তাহা হইতে আভাস বা ইঙ্গিতমাত্র গ্রহণ করিয়া স্বকপোল-কল্পিত অতিরিক্ত ও অভিনব ঘটনার সহিত অতিরিক্ত ও অভিনব চরিত্র সৃজন করিয়াছেন। দূর্ব্বাসা কৃষ্ণদ্বেষী ; কারণ, কৃষ্ণ অজর্জুনের সহিত এক দিন প্রভাসতীরে যখন ধ্যান-নিমগ্ন, দূর্ব্বাসা শিষ্য তথায় উপস্থিত হইয়া কৃষ্ণজর্জুনকে অথবা কেবল কৃষ্ণকে আশীর্বাদ করিয়াছেন ;—

“হে কৃষ্ণ! দূর্ব্বাসা ঋষি আশীর্বাদ করে”। কিন্তু,—

“এক চিত্তে কৃষ্ণজর্জুন চাহি সিদ্ধপানে

আত্মহার্য্য, চিন্তামগ্ন, চেতনাবিহীন।”

কাজেই, দূর্ব্বাসার আশীর্বাদ গ্রহণ করতঃ অভিবাদন করেন নাই।

দুর্ভাসা ইহাতে অপমান বোধ করিয়া কৃষ্ণাঙ্গদূনকে, কেবল কৃষ্ণাঙ্গদূনকে নহে, তাঁহাদের সমগ্র গোষ্ঠী-গোত্রকে তৎক্ষণাৎ অভিশপ্ত করিয়াছেন ;—

“আমি দুর্ভাসায় তুচ্ছ! লও অভিশাপ—  
যাদব কৌরবকুল হইবে বিনাশ।”

কিন্তু এই অভিশাপেও অতি কোপন দুর্ভাসার দূরন্ত ক্রোধানল নিৰ্ব্বাপিত হয় নাই। তিনি সপ্ত দিনাবধি অনাহারী, বারিবিন্দু গ্রহণ করেন নাই। ক্রোধে, ক্ষোভে, অভিমানে, প্রজ্বলিত প্রতিহিংসায় “গন্ধুৱা-গজ্জনে” গাঞ্জাতেছেন ;—

“সস্তম দিবস আজি, জলবিন্দু নাহি  
পশিয়াছে দেহে মম। সস্তম বৎসর  
থাকে যদি অনাহারে এই ঋষি-দেহ,  
রাখিব তা। যদবধি না করি উপায়  
এই প্রতিহিংসা-ব্রত করিতে সাধন  
জলবিন্দু নাহি, দেব! করিব গ্রহণ।  
জ্ঞাতিতে ব্রাহ্মণ আমি, এত অপমান  
নীচ গোপজাতি হস্তে গাঁহিব কেমনে,  
বহিব কেমনে বদকে!”

কেবল ইহাই নহে। দুর্ভাসার কৃষ্ণ-দ্বৈষের আরও অন্যান্য কারণ বিদ্যমান।

যেখানে সেখানে  
তুচ্ছ করে ব্রাহ্মণেরে, ঋষি অবহেলে ;  
তুচ্ছ করে যাগ-যজ্ঞ! ইন্দ্র চন্দ্র ছাড়ি  
গোবর্দ্ধন-পূজা ব্রজে করিল প্রচার,—  
যেমন মানদ্ব তার দেবতা তেমন!  
জন্ম নীচ গোপকুলে, কৰ্ম্ম ক্ষত্রিয়ের  
চাহে জ্ঞানে ব্রাহ্মণত্ব ; পূজা মাত্র তার  
জারজ স্নেহজ্ঞ সেই ব্যাস দুরাচার—  
শিষ্য উপযোগী গদুৱা।”

“গোপের ক্ষত্রিয়-গৰ্ব্ব,” স্নেহের ব্রাহ্মত্ব, কাকের কোকিলত্ব” দুর্ভাসার অসহ্য।



“——থাকিতে জীবন,  
 ব্রাহ্মণের ব্রাহ্মণ্য যাবে রসাতল  
 সহিব কেমনে তাহা? সেই ব্রহ্মতেজে  
 হে তাত! পরশুরাম! করিলে ভারত  
 একক্ৰমে নিঃক্ষয়িত একবিংশ বার,  
 ব্রাহ্মণের সেই তেজ গেছে কি নিবিয়া?  
 নাই ভুজ-বল সত্য; কিন্তু বুদ্ধি-বলে  
 ব্রাহ্মণের আধিপত্য করিব রক্ষণ,  
 অচল অটল এই রৈবতক মত।”

দুর্ব্বাসা-চরিত্র এক একবার অত্যন্ত বিদ্রুপাত্মক ও বীভৎসভাবে চিহ্নিত করিয়া কবি এক দিকে কাব্যরসের হানি অপর দিকে ব্রাহ্মণ জাতিকে অবস্থা আক্রমণ করিয়াছেন। রৈবতক ও কুরুক্ষেত্র কাব্যের ইহাই মৌলিক এবং স্মার্মান্তিক দোষ। কাব্যদ্বয়ের পুনঃ সংস্করণে আমরা অনুরোধ করি, এ দোষ পরিহার করিবেন। বৈষ্ণবধর্ম্ম ব্রাহ্মণ্যধর্ম্মের বিরোধী হইতে পারে না। প্রথমোক্ত শেখোক্তরই শাখা। কৃষ্ণকে বেদ-বিহিত কর্ম্মকাণ্ডের বিদ্বৈবীৎ চিহ্নিত করাতেই, কবি তৎপ্রতি দুর্ব্বাসার বৈরভাব এতাদিক আকর্ষণ করিতে পারিয়াছেন। এ দুয়ের কিছুই করা শাস্ত্র-সঙ্গত হয় নাই; ইহা আমরা অবশ্যই বলিব।

পশ্চান্তরে, বাসুকির কৃষ্ণ-দ্বৈষের কারণ এই যে, অবস্থা-গাতিকে কৃষ্ণ বাসুকির দুইটি অনুরোধ রক্ষা করিতে সমর্থ হন নাই। বাসুকি-বংশের সহিত কৃষ্ণের বাল্যকালাবধি সখ্য।

কংস-কারাগার-রুদ্ধা দেবকীর অষ্টম গর্ভের সন্তান কৃষ্ণ জন্মিবামাত্র, সদ্যোজাত শিশুকে স্থানান্তরিত করিবার জন্য নিরাশ্রয় বসুদেব বদ্ধ বাসুকির শরণাপন্ন হন। বাসুকি—

“কৌশলে প্রহরিগণে করি প্রতারিত,  
 অপহৃত শিশু এক রাখিয়া কৌশলে  
 হরিলেন \* \* \* সদ্যঃ-প্রসূত কুমার।”

সুতরাং বদ্ধ বাসুকি কৃষ্ণের “জীবনদাতা”। সে সুদ্রে কৃষ্ণের পশ্চিমারণ্য পাতালপুত্রে বাল্যাবধি গতিবিধি, তরুণ বাসুকি ও তদীয় ভগিনী জরৎকারদুর সহিত কৈশোর সখ্য। বাসুকি কৃষ্ণ-ভগিনী সুভদ্রার প্রণয় ও পাণিপ্রার্থী; জরৎকারদু-মনসা কৃষ্ণের রূপবিমুদ্রা, কৃষ্ণের প্রেম-ও পতিত্বপ্রার্থিনী; ভ্রাতা

ভাগিনী—যথাক্রমে অপর ভাগিনী ভ্রাতাতে অন্তর্ভুক্ত ; কবির অভিনব সৃষ্টি। কৃষ্ণ-কর্তৃক কংস-বধের পর, তরুণ বাসুকি কৃষ্ণের নিকট মথুরারাজ্য ও সুভদ্রার পরিণয় প্রার্থনা করেন। তদন্তরে কৃষ্ণ বলেন, “দেখ বাসুকি, তোমার নিকট আমি অনন্ত ঋণী ; কিন্তু মথুরারাজ্য আমার নিজের নহে, উগ্রসেনের, অতএব ভাই, আমি তোমার তাহা কিরূপে দিব? তবে, কংসরাজ তোমার পিতৃ-রাজ্য যে বলে অপহরণ করিয়াছিল, আমি উগ্রসেনের নিকট তাহার প্রত্যর্পণ কামনা করিব। তারপর দেখ ভাই, ভদ্রা এখন বালিকা, তাহার বিবাহই বা এখন কিরূপে হইতে পারে?” কৃষ্ণের এই উত্তরে বাসুকি ক্রোধান্বিত হন, কৃষ্ণকে নানা তিরস্কার করেন। কৃষ্ণ কোনও কথা কহেন না। বলরাম বাসুকিকে শিক্ষা দেন। বাসুকির ক্রোধের কারণ এই। সুতরাং তিনি দৃষ্টান্তসহিত সন্ধিসূত্রে বদ্ধ। বাসুকির অগোচরে কর্ণের সহিত দৃষ্টান্তসহিত আবার আর একটা সন্ধি বিদ্যমান। দাতা কর্ণ দৃষ্টান্তসহিত শিষ্য। গুরুদেব ইচ্ছা শিষ্যকে ভারত-সিংহাসনে স্থাপন করা। কিন্তু আমরা শৈলজার কথা বলিতেছিলাম। তাহার ইতিবৃত্ত বলিতে গিয়া, এ সকল কথা অগত্যা বলিতে বাধ্য হইয়াছি।

বাসুকি-বংশীয় নাগশ্রেষ্ঠ চন্দ্রচূড় তাহার একমাত্র তনয়া অষ্টমবর্ষীয়া শৈলজার জন্য দৃষ্ট সংগ্রহে যাইয়া অজ্ঞানের শরাঘাতে হত হন। পতির সহিত পত্নী সহমৃত্যু। শৈলজা শৈশবেই পিতৃ-মাতৃ-হীনা অনাথা। পাতালপুত্রে পিতৃব্য-পুত্র বাসুকির গৃহে প্রতিপালিত।

অজ্ঞান চন্দ্রচূড়-বধাবধি অত্যন্ত অনন্তত। অনন্ততাপের কারণ চন্দ্রচূড়ের করুণ কাহিনী,—তাঁহার পুত্র গৌরব, রাজশ্রী ও পরবর্তী দরিদ্রতা, সম্বোধন তাঁহার শিশু বালিকা ;—

“অষ্টম বর্ষীয়া শিশু বালিকা তাহার  
কাঁদে দৃষ্ট লাগি।”

সেই দৃষ্ট সংগ্রহে যাইয়া অজ্ঞানের বাণে অকারণে হত। সুতরাং অজ্ঞান অনন্তত। অনন্ততাপি কিছুতেই নিষ্পাপিত হইতেছে না। তিনি গৌরব চৌরধারী হইয়া সম্মানসিবেশে শৈলজার অন্বেষণে দেশ-দেশান্তরে ফিরিতেছেন,—কোথাও তাহার উদ্দেশ্য পাইতেছেন না।

অজ্ঞান সেই অনন্ততাপি বৃদ্ধে করিয়া রৈবতকে আসিয়া উপস্থিত। শৈলজা বাসুকি-গৃহেই ছিল। শৈলকে সম্বোধন করিয়া বাসুকি এক দিন বলিলেন ;—

“————পিতৃহন্তা তোর  
আসিয়াছে রৈবতকে ; \* \*

\* \* \* \*

ছদ্মবেশে করি তার দাসত্ব গ্রহণ,  
কাল ভুজ্জিগ্নী মত করিবি দংশন।”

বাসুকির আদেশানুসারে শৈল পদ্রুপবেশী ভূত্য সাজিয়া রৈবতকে আসিল ; অজ্জুনের দাসত্ব গ্রহণ করিল। অজ্জুন শৈলজার সংবাদেব জন্য, তাহাকে আবিষ্কার করিবার জন্য কাতর, এ দিকে শৈলজা “শৈল” নামে অজ্জুনের নিকট অষ্টপ্রহর উপস্থিত ; তাহার একান্ত অনুগত প্রিয় পরিচারক। শৈলের বয়স তখন অষ্টাদশ। শৈল—

“নহে দীর্ঘ, নহে স্থূল, স্নাতস্বী শরীর,—  
শান্তি করুণার যেন পবিত্র মন্দির।”

শৈলের অতি শীতল মাধুর্য ; নেত্র ঈষৎ সজল ; এক নেত্রে শান্তি, অপরে করুণা ; শান্তি ও করুণার দু’খানি স্বর্গীয় দর্পণ। শৈলের বর্ণ-নীলিমা হইতে,—আহা সেই বর্ণ-নীলিমা, প্রস্ফুটোন্মুখ যৌবনের—

“বালাকর্কিরণে দীপ্ত, নীল হৃদাশন।”

শৈলের বর্ণ-নীলিমা হইতে, তাহার অঙ্গ-মাধুর্যের প্রত্যেক মধুর রেখা হইতে শান্তি ও করুণা উছলিয়া পড়ে। তাহার “ঈষদ্ আরম্ভ ক্ষুদ্র অখর কোণায়,” স্বভাবহস্ত-সংস্থাপিত শান্তি-করুণার স্বপ্ন,—সে স্বপ্ন হইতে সতত শান্তি ও করুণার সজীব কার্য প্রবাহিত। শৈলের ছোট বৃকটকুর মধ্যে, শান্তি-করুণার সলিলময় প্রেম-পারাবার। প্রেম-পারাবার নীরব, তাহা হইতে, কি যেন এক

“————করুণা উচ্ছ্বাস  
অন্তর অন্তরে ধীরে ফেলিছে নিশ্বাস।”

শৈলের মুখখানি সরলতা মাখা,—সুকুমার বালকের মত।

“কিন্তু সেই শান্তি শোভা স্থিরা সরসীর  
নহে বালিকার,—চিন্তা রেখা স্ফুটভীর।”

এই অষ্টাদশবর্ষীয়া বালিকা,—হাঁ বালিকাই বটে! কারণ শৈল বাঙালীর মেয়ে নহে।

শৈল, প্রভু অজ্জুনের কাছে কাছে থাকে। ইঙ্গিতমায়ে আদেশ পালন করে ; মৃদু-ভাব দেখিয়া মনোভাব বৃদ্ধি ; মনোভাব বৃদ্ধিয়া মন যোগায় ;

মনিব মহাশয়কে মৃথের কথাটি খরচ করিয়া ক্লেষ করিতে হয় না। শৈল অৰ্জুনের কাছে কাছে থাকে। কবচ, কিরীট, বস্ম প্রভৃতি পরাইয়া দেয়,— অৰ্জুনের অঙ্গ হইতে সে-সকল আবার উন্মোচন করে। গা টিপিয়া দেয়, পা টিপিয়া দেয়, উকীষ বাঁধিয়া ও পরিচ্ছদ পরাইয়া দেয়। শৈল ধনুর্বাণ নইয়া অৰ্জুনের সহিত শিকারে যায়, শিকার করে, সমরাঙ্গনে অৰ্জুনের অদরে থাকিয়া সমর করে। শৈল শিক্ষিত সৈনিক, তাহার শর-লক্ষ্য অব্যর্থ। শিকার ও সমর-প্রাঙ্গণের ন্যায় শয়ন-কক্ষেও শৈল ভূতাবৎ অৰ্জুনের সেবা করে। রৈবতকে পদ্রুপ মহিলা সকলেই শৈলকে ভালবাসে ;—মহিলা-মহলে তাহার আরও বেশী মান। “আহা, কেমন ছেলোটি।”

শৈলের প্রথমাবস্থা এই রৈবতকে। কিন্তু রৈবতকেই আবার এই অবস্থার বকাশ এবং সে বিকাশের পদনঃ বিবর্তন আছে।

শৈলজা রৈবতকে আসিবার সময় পাতালপদ্রুপ হইতে কিঞ্চিৎ দ্বৈষ হিংসা-রূপে না আনিয়াছিলেন, এমন নহে। “কাল-ভুজাঙ্গিনী” কালকট উগ্ধার গরিবারই কথা। কিন্তু শৈলজা নিজেই বলিতেছেন,—

“দেখিলাম দেবরূপ রৈবতকে বনে ;—  
আসিলাম দেবপদ্রে ; শৃঙ্খলাম কাণে—  
গোকপূর্ণ অন্ততাপ জনকের তরে,  
অনাথার অবেষণ দেশ দেশান্তরে ;—  
ভরিল হৃদয় ক্ষুদ্র। করিন্দু অর্পণ  
পিতৃ-হন্তা-পদে এই অনাথ জীবন।”

কেবল জীবন নহে, যাহা জীবনাপেক্ষাও মহার্ঘ, রমণীর জীবনের জীবন,— মণী-হৃদয় এবং সে হৃদয়ের পবিত্র পূর্ণ ভালবাসা শৈল “পিতৃহন্তার পদে” নে মনে উৎসর্গ করিল। শৈল প্রেমের প্রথম উচ্ছ্বাসে অনেক স্নেহ-স্বপ্ন রাখিল ; কিন্তু

“————পড়িল ভাঙ্গিয়া  
অঁচরে সে স্বপ্ন-সৃষ্টি, আশার মন্দির,  
যেন বালিকার ক্রীড়া-কুসুম-কুটীর।”

শৈল কিছুদিন রৈবতকে থাকার পর দেখিল স্বেচ্ছা অৰ্জুনে বিবাহ-সম্বন্ধ উপস্থিত। বিবাহের সম্বন্ধ-সূচনা, পরিণয় ও প্রণয়ের পদ্য-বাণ চলিতেছে। সতরাং শৈলজার স্নেহ-স্বপ্ন স্বপ্নেই থাকিয়া গেল। এ স্বপ্নের সৌন্দর্য এই

যে, স্বপ্ন,—জাগরণের অতি কঠোর জীবন্ত মূর্তি দেখিয়া, তাহার সহিত প্রত্যক্ষ ও প্রচণ্ড ঘাত-প্রতিঘাতে আসিয়াও, ভাঙিল না। শৈলজা ভাবিল,—

“এ জগতে স্বপ্ন শান্তি, দুঃখ জাগরণ।”

শৈলজা জাগিল না ; সমগ্র রমণী-হৃদয়খানি স্বপ্নময়,—সমগ্র ব্রহ্মাণ্ডখানি অজ্ঞানময় করিবার পথ অন্বেষণ করিতে লাগিল। এই পথ-অন্বেষণে কবি যে কাব্য-রসের সৃষ্টি করিয়াছেন, তাহা উপভোগ ও তাহার অধৈতানন্দ আশ্বাদন করিতে হইলে সম্বাগ্রে রৈবতক ও কুরুক্ষেত্র কাব্য পাঠ করিতে হয়।

শৈল ভদ্রাজ্ঞানের কাছে কাছে ফিরিতেছে, তাঁহাদের পুস্করাগের নিভৃত প্রণয়োচ্ছ্বাস অতি গোপনীয় নিশ্বাসটি পর্য্যন্ত প্রত্যক্ষ দেখিতেছে ; ইহাতে প্রতিযোগিনী প্রেমিকা রমণীর হৃদয় কিরূপ উদ্বেলিত হয়, তাহা কেবল অনুভবনীয় ; কিন্তু শৈলজা শান্ত, সংযত ; প্রেমের সজীব সকরুণ পাষণময়ী প্রতিমা। শৈলজার এক অংশ এই ; অপর অংশে সে চটপটে, ফুটফুটে, ফিটফাট ‘পেজ’।

শৈলের এই অবস্থার মদুখরী,—সে শ্রী অজ্ঞান একদিন মদুহৃদের জন্য মনোযোগের সহিত দেখিয়াছিলেন,—

“—————যথা সমীরণ  
সরাইয়া লতা, দেখে কানন-কুসুম।”

দেখিয়াছিলেন,—

“—————সেই বিস্তৃত নয়নে,  
সেই ঘন শ্রু-রেখার, ক্ষুদ্র ওষ্ঠাধরে,  
প্রভাত-শিশির-সিক্ত অপরাজিতার  
করুণা-মণ্ডিত সেই বর্ণ-নীলিমায়,  
কি মহত্ত্ব, কি সৌন্দর্য্য, কিবা কোমলতা,  
কিবা নিরাশ্রয় ভাবে কি যেন দৃঢ়তা!”

এক নিশাতে রৈবতকে নাট্যরঙ্গ ও নৃত্যাভিনয় উপস্থিত। বাদব-বাদবী-দিগের মধ্যে “রাস-কীড়া” অথবা এখনকার চলিত কথায়, “বল” হইতেছে। অজ্ঞান প্রমোদ-সজ্জার সজ্জিত, সুভদ্রা ফুলবালা সাজিয়াছেন। কুন্দের

কিরীট, ফুলের কঙ্কণ, ফুলের দল, ফুলের সাতনহর, ফুলের চন্দ্রহার।  
সুভদ্রার—

“বিমুক্ত অলকাকাশে  
নক্ষত্রের মত ভাসে  
ফুল দল।”

সুভদ্রা যেন একখানি পূর্ণিমা চাঁদ ; চাঁদখানি বেড়িয়া ফুলগুলি সব  
নক্ষত্র। ফুল-সাজ-সজ্জিতা ভদ্রাকে দেখিয়া, ততোধিক তাঁহার কোমল কণ্ঠে  
কৃষ্ণ-গীতি শুনিয়া অজ্ঞানের সম্মোহিত, তৃতীয় প্রহর রজনীতে স্বকক্ষে সমাগত ;  
প্রণয়ী, প্রণয়িনীর উদ্দেশে উচ্ছ্বাসিত হৃদয়ের উষ্ণ-নিশ্বাস নিভুতে উৎসর্গ  
করিলেন। শৈল তখনও অজ্ঞানের আগমন-প্রতীক্ষায় তাঁহার শয়ন-কক্ষের  
বাতায়ন-অন্তরালে দাঁড়াইয়া আছে ; অজ্ঞানের প্রেমোচ্ছ্বাস গদগদ নিশ্বাসের  
শব্দ শুনিল। ভূত্যবৎ কাছে যাইয়া দাঁড়াইল। অজ্ঞানের প্রমোদ-সজ্জা  
উন্মোচন করিল। অজ্ঞান জিজ্ঞাসা করিলেন, “কি শৈল, তুমি কি নৃত্য  
গীত দেখিয়া বেড়াইতেছিলে!”

শৈল। আজ্ঞা, না।

অজ্ঞান। তবে কেন এখনও নিদ্রা যাও নাই?

শৈল। প্রভুর পদসেবার জন্য প্রতীক্ষা করিতেছিলাম।

শৈল পদসেবা করিতে লাগিল। অজ্ঞান তাঁহার রাজেশ্বরী সুভদ্রাকে স্বপ্ন  
দেখিতে দেখিতে নিদ্রা গেলেন। শৈল তখন উঠিয়া গেল। অদ্রবন্তী বন-  
মধ্যে প্রবেশিল। বাসুকি তথায় শৈলের আগমন-প্রতীক্ষা করিতেছিলেন।  
শৈল যাইয়া তাঁহার সহিত মিলিল। দুই জনে অনেক কথা হইল। শৈল  
বাসুকিকে বুঝাইল, হাতে পায়ে ধরিয়া কাঁদিয়া বলিল, দাদা!—

“হেন পাপ-অভিসন্ধি কর পরিহার।

নহ নিরমম তুমি।”

অভাগ্য অনার্য কঙ্কালসার হইয়াছে।

“কেন মিছে দাবানল করি প্রজ্বলিত

ভস্মবে কঙ্কালরাশি? ঘোর পাপানে

পোড়াবে ভগিনী তব, পুড়িবে আপনি?”

বাসুকি বিষম রুদ্ধ হইলেন, শৈলকে পদাঘাত করিলেন। বলিলেন,—

“অবহেলি আজ্ঞা মম এই ধর্ম্মনীতি

শিখিছিস রৈবতকে, শিখাতে আমারে,

কৃতঘ্ন।”

‘কৃতঘ্ন’ কথাটা শৈলের বদকে বড় বাজিল। শৈল প্রতিজ্ঞা করিল বাসুদিক-প্রবর্তিত পাপ-পথে সে কিছুতেই যাইবে না।

বাসুদিক শৈলের মদ্যে শুনিয়া গেলেন, ভদ্রাজ্ঞানে বিবাহ-সম্বন্ধ উপস্থিত এবং রৈবতকে আগামী কল্য কুমারী ব্রতের উৎসব হইবে। বাসুদিক কুমারী-দিগকে আক্রমণের আভাস দিয়া গেলেন। শৈল ফিরিয়া আসিয়া অজ্ঞানের শয্যা-পার্শ্বে পদনরায় বসিল। অজ্ঞান প্রভাতে নিদ্রাভঙ্গে দেখেন পর্যাঙ্ক পার্শ্বে—

“বসি করবোড়ে শৈল জান্দু পাতি ভূমে—  
মদ্য শান্ত, দৃষ্টি শান্ত, অঙ্গ অবিচল।”

শৈল অজ্ঞানের অনুরাগ ও অপ্রকাশ অঙ্গীকার গ্রহণ করিয়া, অজ্ঞানকে গোপনে একটি কথা বলিল। অজ্ঞান শুনিয়া শিহরিলেন। ভাবিলেন, “এ ছোकरা ছদ্মবেশী গদ্যচর নহে ত।”

কিন্তু শৈল অজ্ঞানের কাণে কাণে কি বলিল? বাসুদিকের নামটি গোপন করিয়া, “দস্যু কর্তৃক আজ রাজপথে কুমারী ব্রতের কৈশরী যাদবীগণ আক্রান্ত হইবে, দস্যু স্ভদ্রা-হরণের চেষ্টা করিবে” এই কথা শৈল অজ্ঞানকে শুনাইয়া দিল।

অজ্ঞান রণ-সজ্জার রাজপথে বাহির হইলেন। শৈলও সঙ্গে গেল।

বাসুদিকপ্রমদ্য দস্যুদল কুমারীকুঞ্জ আক্রমণ করিয়াছে। যাদবীগণ দ্রুত ব্যস্ত হইয়া ছুটিতেছেন, পলাইতেছেন,—শৈল অজ্ঞানাপেক্ষা অধিকতর ক্রিপ্র হস্তে যুদ্ধ করিয়া দস্যু-কর হইতে যাদবীদিগকে রক্ষা করিল, স্ভদ্রাকে রক্ষা করিল; শরাসনভ্রষ্ট অজ্ঞানকে বাসুদিকের নিষ্কাশিত অসি হইতে রক্ষা করিল।

এইদিন স্ভদ্রার সহিত শৈলের প্রথম সাক্ষাৎ-পরিচয়। স্ভদ্রা কণ্ঠের রক্তহার খুলিয়া শৈলকে উপহার দিলেন। বলিলেন, “ভাই! আমাদের কৃতজ্ঞ হৃদয়ের যৎসামান্য প্রতিদানস্বরূপ ভগ্নীর এই কণ্ঠহারটি গ্রহণ কর।”

শৈল হার লইল। লইয়া আবার ভদ্রাকে ফিরাইয়া দিল। বলিল, “দিদি, তোমার হারে, আমার প্রাণের ‘পূর্ণ প্রীতি’ মাখাইয়া তোমাকেই উপহার দিলাম। ‘আমি বনবাসী, কি দিব আর।’” শৈল আরও—

“কহিল, ভগিনি! প্রতিজ্ঞা মম,—  
বেই এক হার, তপস্যা আমার,  
নাহি দিল যদি প্যাষণ-মন  
নিদারুণ বিধি, অন্য হার, দিদি,  
পরিব না কভু গলায় আর,  
বিনা তাঁর স্মৃতি।”

সুভদ্রা শৈলজার এ কথার অর্থ অবশ্য তখন কিছই বদ্বিধিতে পারিলেন না। তাহার পর বদ্বিধিয়াছিলেন।

অজ্ঞানও এ পর্যন্ত শৈলের প্রকৃত পরিচয় পান নাই ; তাহাকে রমণী বলিয়াও চিনেন নাই। ক্রমে অজ্ঞানের রৈবতক-ভ্যাগের সময় উপস্থিত। শৈল অজ্ঞানের অঙ্গে অস্থ বস্ম পরাইতেছে। অজ্ঞান বলিলেন, “শৈল, আমার রৈবতক-বাস শেষ হইয়াছে, তুমি কি এখন আমার ছাড়ায়া আপন গৃহে যাইবে ?” শৈল কাতরে কহিল—

“নাহি গৃহ এ দাসীর।”

অজ্ঞান বিস্মিত হইলেন। কিছই বদ্বিধিলেন না। “এ দাসীর!” সে কি ?

“পার্থ ভাবিলেন ভ্রম ; বাত্পরুদ্ধ স্বরে  
কহিলেন ;—‘শৈল, তবে চল হস্তিনায়,  
পাবে প্রেমপূর্ণ গৃহ। পদ নিষির্দেশে  
পালিবে তোমায় পার্থ।’”

শৈল আর সহ্য করিতে পারিল না। স্বকক্ষে ছুটিয়া গেল। অজ্ঞান অতঃপর শৈলের রমণী-মুর্তি চিনিলেন। বিস্ময়বিহীন পার্থ বলিতে লাগিলেন, “শৈল, শৈল!”

“—————দেবী কি মায়াবী  
কে তুমি? এরূপে কেন ছলিলে আমার?”

শৈল উত্তর দিল। পার্থের পদতলে বসিয়া ধীরে ধীরে উত্তর দিল।

“—————ছলনা দাসীর  
ক্ষমা কর বীরমণি। ভেবেছিলাম মনে  
অজ্ঞাতে চরণাবদ্বজে হইয়া বিদায়  
ছলনা করিব পূর্ণ। কিন্তু এই পাপে  
সতত ব্যথিত প্রাণ ; করিলাম স্থির  
এই প্রাণশিষ্ট পদে। কহিব দাসীর  
আত্ম-পরিচয়, কিন্তু সেই শোক-গীত  
করুণ হৃদয় তব করিবে ব্যথিত।”

অজ্ঞান আত্মবিস্মৃত হইয়া শূন্যতেছেন ; শৈল আত্মকথা বলিতেছে। সে সক্রুণ কথার পায়ালও বিদীর্ণ হয়। অজ্ঞান কখনও শোকে সন্তপ্ত, কখনও অনুতাপে উন্মত্ত,—কখনও অতীত স্মৃতির ক্লেবে কাতর হইতেছেন।



শৈল পরলোকগত পিতা-মাতার অনেক কথা তাহার পর কহিল—

“অষ্টম বৎসর যবে, অষ্টম বৎসরে  
ভাঙ্গিল কপাল, দেব, এই অভাগীর!—

\* \* \* \*

হইন্দু পীড়িতা আমি। দৃষ্টি-অশ্রুধারা  
গেলা পিতা ইন্দুপ্রস্থে ফিরিল না আর ;  
তব অশ্রু ”

অজ্ঞান আর আত্মসংবরণ করিতে পারিলেন না। কাঁদিয়া কহিলেন—

“শৈলজ্যে! শৈলজ্যে! তুমি সে অনাথা বালা!  
চন্দ্রচূড়-কন্যা তুমি!”

“আমি তোমার পিতৃহন্তা। ইহা জানিয়াও তুমি কিরূপে আমার দেবতার  
মত সেবা করিলে! কে বলে এ পৃথিবীতে স্বর্গ নাই?”

“করেছি বৎসর দশ তব অশ্রুধারা  
শৈল আমি। আমি পাপী, ক্ষমিয়া আমার  
দেহ পিতৃ——”

“অধিকার” কথাটি অজ্ঞান উচ্চারণ করিতেছিলেন, কিন্তু নাগবালা মুখে  
হাত দিয়া সরিয়া দাঁড়াইল। অজ্ঞান নারীর অন্তঃকরণ বদলিলেন না। শৈলের  
মাতৃসংবাদ জিজ্ঞাসা করিলেন। শৈল বলিল, “মাও গিয়াছেন”—

“যথায় জনক মম বৈকুণ্ঠ যথায়।”

শৈল অজ্ঞানের জিজ্ঞাসায় আত্মকাহিনী আরও অনেক বিবৃত করিয়া,  
প্রকারান্তরে নিজ প্রাণের প্রেম জানাইল। অন্ততাপ-দহ পার্থ কাতরে  
কহিলেন,—

“———করেছি প্রতিজ্ঞা  
জনক-শ্মশানে তব, দহিতার মত  
পালিব তোমার আমি। \* \* \* \*  
চল ইন্দুপ্রস্থে শৈল। অথবা খান্ডব  
পোড়াইয়া অস্থানে করিয়া উদ্ধার—  
হিংস্র বন্য-পশু-বাস ; স্থাপিব আবার  
পিতৃরাজ্য তব ;”

“শৈল, তুমি তোমার পিতৃ-সিংহাসনে বসিবে, তোমার শান্তি দেখিয়া আমি শান্ত হইব।”

উত্তরে শৈল কহিল, “শান্তিরাজ্য আমারও বাসনা ; কিন্তু সে অন্য রূপ। আমার শান্তিরাজ্য সংস্থাপিত হইয়াছে। তুমি সে রাজ্যের রাজা।”

“.....মাতা প্রকৃতির  
বনে বনে অশ্বেক অশ্বেক করিয়া ভ্রমণ  
বাড়াইব সেই রাজ্য। বিশ্ব চরাচর  
হবে সব পার্থময়। বনের কুসুম,  
গগনের সুধাকর, নিখর সলিল,  
হইবে অঞ্জর্ন সম ; আমার হৃদয়—  
রহিবে অভিন্ন নিত্য অঞ্জর্নেতে লয়।  
তুমি পিতা, তুমি মাতা, তুমি প্রাণেশ্বর,  
তুমি শৈলজার এক অনন্ত ঈশ্বর।”

শৈলজা এত দূর বলিয়া আবার বলিতেছে,—

“যেই রক্ত-বাসে যোগী সাজি, প্রাণনাথ,  
খুঁজিলে এ আভাগীরে ; পুরি’ সেই বাস  
তব পুরাতন, নাথ ! শৈলজা তোমার  
চলিল খুঁজিতে আজি অঞ্জর্ন তাহার।”

পাঠক অবশ্যই বুঝিয়াছেন শৈলজার এই “অঞ্জর্ন” বিশ্বপ্রেম,—  
বিশ্বেশ্বর। শৈল আরও কয়েকটি কথা কহিয়া তাহার করুণ-কাহিনীর  
উপসংহার করিল।

“বাজিছে মৃগল বাদ্য, পদ্রনারীগণ  
চলিয়াছে দ্বারবতী, যাও প্রাণনাথ  
শুভ বিভাবরী এবে হয়েছে প্রভাত।  
লও এই ফুলমালা ; রগান্তে যখন  
পরিবে সুভদ্রা-হার, দ্বিদিবভূষণ,  
শুকানে পড়িবে মালা ; মালাদায়ী, হার !  
হয় ত বাসুকি-অস্ত্রে শুকাবে ধরায়।”

পার্থ মোহিত স্তম্ভিত। অগ্রপ্রবাহ বীর-বক্ষে বহিয়াছে,—তাঁহার সুদীর্ঘ  
নিশ্বাস হইতে কয়েকটি কথা ফুটিল,—

“ব্যাসদেব ! আজি  
তব ভবিষ্যদ্বাণী ফলিল দুর্বার—  
পিতৃহন্তা হলো আজি হন্তা অনাথার।”

কিন্তু শৈলজা অন্তর্হিত হইয়াছে। অম্বর্জনের সহিত শৈলজার আর কোথায়ও সাক্ষাৎ হইল না ; পদ্বর্ষ পশ্চিম উত্তর দক্ষিণে কোথাও তাহার উদ্দেশ্য পাইলেন না।

উপরি-উক্ত ঘটনার পর শৈলজা বনবাসিনী। সে মনোমোহিনী বনবাস-কাহিনীতে কুরঙ্গেশ্বর কাব্যের একাদশ সর্গ পরিপূর্ণ। শৈলজা এখন ব্যাসদেবের শিষ্য হইয়া আপনার অষ্টেত ব্রত-বিধায়িনী শিক্ষা সমাপ্ত করিতেছেন। গদ্রদেবের আজ্ঞানুসারেই পদ্রুমবেশ,—নাহিলে ব্যাসদেবের ছাত্রমণ্ডলী সে রূপ-প্রভার পতঙ্গবৎ পড়াইয়া মরিবে। শৈলজার পদ্রুমবেশ,—অম্বর্জন-পরিত্যক্ত সেই গৈরিক চীরই তাহার পরিধানে আছে। উত্তরীয় অঞ্চলে গীতা বাঁধিয়া লইয়া, গদ্রদেবের আজ্ঞায় শৈলজা কুরঙ্গেশ্বর সদ্ভদ্রার শিবিরে বাইতেছেন,—সমালোচ্য কাব্যের প্রথম সর্গে। কিন্তু আমরা (এ প্রবন্ধে) আর অগ্রসর হইতে সাহসী নহি। আর একটি প্রবন্ধ ব্যতীত সপ্তদশ সর্গব্যাপিনী কাব্য-রস-সরসী সন্তরণে পার হওয়া সম্ভাবিত হইবে না। শক্তিশূন্য সমালোচক লক্ষ্যন-কার্যে একান্ত অসমর্থ।

[জন্মভূমি, ১৩০০]

## রাজসিংহ

রবীন্দ্রনাথ ঠাকুর

রাজসিংহ প্রথম হইতে উল্টাইয়া গেলে এই কথাটি বারম্বার মনে হয় যে, কোনো ঘটনা কোনো পরিচ্ছেদ কোথাও বসিয়া কালক্ষেপ করিতেছে না। সকলেই অবিপ্রাম চলিয়াছে। এবং সেই অগ্রসর-গতিতে পাঠকের মন সবলে আকৃষ্ট হইয়া গ্রন্থের পরিণামের দিকে বিনা আয়াসে ছুটিয়া চলিয়াছে।

এই অনিবার্য অগ্রসর-গতি সঞ্চার করিবার জন্য বশীকমবাব তাহার প্রত্যেক পরিচ্ছেদ হইতে সমস্ত অনাবশ্যক ভার দূরে ফেলিয়া দিয়াছেন। অনাবশ্যক কেন, অনেক আবশ্যক ভারও বর্জন করিয়াছেন—কেবল অত্যাবশ্যকটুকু রাখিয়াছেন মাত্র।

কোনো ভীরা লেখকের হাতে পাড়িলে ইহার মধ্যে অনেকগুলি পরিচ্ছেদে ষড়ো বড়ো কৈফিয়ৎ বসিত। জবাবদিহির ভয়ে তাহাকে অনেক কথা বাড়াইয়া লিখিতে হইত। সম্রাটের অন্তঃপুরের মধ্যে প্রবেশ করিয়া বাদসাহজাদীর সহিত মোবারকের প্রণয়ব্যাপার, তাহা লইয়া দুঃসাহসিকা আতরওয়ালী দরিয়ার প্রগল্ভতা, চণ্ডলকুমারীর নিকট আপন পরামর্শ ও পাজাসমেত বোধপূরী বেগমের দৃতীপ্রেরণ, সেনাপতির নিকট নৃত্যকোশল দেখাইয়া দরিয়ার পদুব-বেশী অশ্বারোহী সৈনিক সাজ্জিবার সম্মতি-গ্রহণ—এ-সমস্ত যে একেবারেই সম্ভবাতীত তাহা না হইতে পারে—কিন্তু ইহাদের সত্যতার বিশিষ্ট প্রমাণ আবশ্যিক। বাকিমবাবু এক একটি ছোটো ছোটো পরিচ্ছেদে ইহাদিগকে এমন অবলীলাক্রমে অসংকেচে ব্যস্ত করিয়া গেছেন যে কেহ তাহাকে সন্দেহ করিতে সাহস করে না। ভীতু লেখকের কলম এই সকল জায়গায় ইতস্ততঃ করিত, অনেক কথা বলিত এবং অনেক কথা বলিতে গিয়াই পাঠকের সন্দেহ আরো বেশি করিয়া আকর্ষণ করিত।

বাকিমবাবু একে তো কোথাও কোনোরূপ জবাবদিহি করেন নাই, তাহার উপরে আবার মাঝে মাঝে নির্দোষ পাঠকদিগকেও ধমক দিতে ছাড়েন নাই। মাণিকলাল যখন পথের মধ্যে হঠাৎ অপরিচিতা নিশ্চলকুমারীকে তাহার সহিত এক ঘোড়ায় উঠিয়া বসিতে বলিল এবং নিশ্চল যখন তাহার নিকট বিবাহের প্রতিশ্রুতি গ্রহণ করিয়া অবিলম্বে মাণিকলালের অনুরোধ রক্ষা করিল, তখন লেখক কোথায় তাহার স্বরচিত পাত্রগুলির এইরূপ অপদৃশ্য ব্যবহারে কিঞ্চিৎ অপ্রতিভ হইবেন, তাহা না হইয়া উল্টিয়া তিনি বিস্মিত পাঠকবর্গের প্রতি কটাক্ষপাত করিয়া বলিয়াছেন—

“বোধ হয় কোটেশিপটা পাঠকের বড়ো ভাল লাগিল না। আমি কি করিব? ভালবাসাবাসির কথা একটাও নাই—বহুকাল-সংগীত-প্রণয়ের কথা কিছু নাই—‘হে প্রাণ!’ ‘হে প্রাণাধিকা!’ সে-সব কিছুই নাই—‘ধিক্!’”

এই গ্রন্থ-বর্ণিত পাত্রগণের চরিত্রের বিশেষতঃ স্ত্রী-চরিত্রের মধ্যে বড়ো একটা দ্রুততা আছে। তাহারা বড়ো বড়ো সাহসের এবং নৈপুণ্যের কাজ করে, অথচ তৎপূর্বে যথেষ্ট ইতস্ততঃ অথবা চিন্তা করে না। সুন্দরী বিদ্যুৎরেখার মতো এক নিমেষে মেঘাবরোধ ছিন্ন করিয়া লক্ষ্যের উপর গিয়া পড়ে, কোনো প্রস্তর-ভিত্তি সেই প্রলয়গাতিকে বাধা দিতে পারে না।

স্ত্রীলোক যখন কাজ করে তখন এমনি করিয়াই কাজ করে। তাহার সমগ্র মনপ্রাণ লইয়া বিবেচনা-চিন্তা বিসর্জন দিয়া একেবারে অবাবহিত ভাবে উদ্দেশ্যসাধনে প্রবৃত্ত হয়। কিন্তু যে হৃদয়বৃত্তি প্রবল হইয়া তাহার প্রাত্যহিক গৃহকর্মসীমার বাহিরে তাহাকে অনিবার্যবেগে আকর্ষণ করিয়া আনে, পাঠককে পদূষ হইতে তাহার একটা পরিচয় একটু সংবাদ দেওয়া আবশ্যিক। বাকিমবাবু তাহা পরাপূরি দেন নাই।

সেইজন্য রাজসিংহ প্রথম পড়িতে পড়িতে মনে হয় সহসা এই উপন্যাস-জগৎ হইতে মাধ্যাকর্ষণ-শক্তির প্রভাব যেন অনেকটা হ্রাস হইয়া গিয়াছে। আমরাদিগকে যেখানে কণ্ঠে চলিতে হয়, এই উপন্যাসের লোকেরা সেখানে লাফাইয়া চলিতে পারে। সংসারে আমরা চিন্তা-শঙ্কা-সংশয়-ভারে ভারাক্রান্ত, কার্যক্ষেত্রে সম্বদাই স্বীচাপরায়ণ মনের বোঝাটা বহিয়া বেড়াইতে হয়—কিন্তু রাজসিংহ-জগতে অধিকাংশ লোকের যেন আপনার ভার নাই।

যাহারা আজকালকার ইংরাজি নভেল বেশি পড়ে, তাহাদের কাছে এই লঘুতা বড়ো বিস্ময়জনক। আধুনিক ইংরাজি নভেলে পদে পদে বিশ্লেষণ—একটা সামান্যতম কার্যের সহিত তাহার দূরতম কারণপরম্পরা গাঁথিয়া দিয়া সেটাকে বৃহদাকার করিয়া তোলা হয়—ব্যাপারটা হয় তো ছোটো কিন্তু তাহার নথীটা বড়ো বিপর্যয়। আজকালকার নভেলিষ্টরা কিছুই বাদ দিতে চান না, তাহাদের কাছে সকলই গুরুতর। এইজন্য উপন্যাসে সংসারের ওজন ভয়ঙ্কর বাড়িয়া উঠিয়াছে। ইংরাজের কথা জানি না, কিন্তু আমাদের মতো পাঠককে তাহাতে অত্যন্ত ক্লিষ্ট করে।

এইজন্য আধুনিক উপন্যাস আরম্ভ করিতে ভয় হয়। মনে হয়, কর্মক্লান্ত মানব-হৃদয়ের পক্ষে বাস্তব জগতের চিন্তাভার অনেক সময়ে যথেষ্টের অপেক্ষা বেশি হইয়া পড়ে, আবার যদি সাহিত্যও নিশ্চয় হয় তবে আর পলায়নের পথ থাকে না। সাহিত্যে আমরা জগতের সত্য চাই, কিন্তু জগতের ভার চাই না।

কিন্তু সত্যকে সম্যক্ প্রতীয়মান করিয়া তুলিবার জন্য কিয়ৎ পরিমাণে ভারের আবশ্যক, সেটুকু ভারে কেবল সত্য ভালোরূপে অনুভবগম্য হইয়া হৃদয়ে আনন্দ উৎপাদন করে; কম্পনা-জগৎ প্রত্যক্ষবৎ দৃঢ় স্পর্শযোগ্য ও চিরস্থায়ি-রূপে প্রতিষ্ঠিত বোধ হয়।

বিশ্বকমবাবু রাজসিংহে সেই আবশ্যক ভারেরও কিয়দংশ যেন বাদ দিয়াছেন বোধ হয়। ভারে যেটুকু কম পড়িয়াছে গতির দ্বারায় তাহা পূরণ করিয়াছেন। উপন্যাসের প্রত্যেক অংশ অসলিদ্ধরূপে সম্ভবপর ও প্রশ্নসহ করিয়া তুলেন নাই, কিন্তু সমস্তটার উপর দিয়া এমন দ্রুত অবলীলা-ভঙ্গীতে চলিয়া গিয়াছেন যে প্রশ্ন করিবার আবশ্যক হয় নাই। যেন রেলপথের মাঝে মাঝে এমন এক আধটা ব্রিজ আছে, যাহা পুরো মজবুত বলিয়া বোধ হয় না—কিন্তু চালক তাহার উপর দিয়া এমন দ্রুত গাড়ি লইয়া চলে যে, ব্রিজ ভাঙিয়া পড়িবার অবসর পায় না।

এমন হইবার কারণও স্পষ্ট পড়িয়া রহিয়াছে। যখন বৃহৎ সৈন্যদল যুদ্ধ করিতে চলে, তখন তাহারা সমস্ত ঘরকরুনা কাঁধে করিয়া লইয়া চলিতে পারে না। বিস্তর আবশ্যক দ্রব্যের মাঝাও তাহাদিগকে ত্যাগ করিতে হয়।

চলৎ-শক্তির বাধা তাহাদের পক্ষে মারাত্মক। গৃহস্থ মানুষের পক্ষে উপকরণের প্রাচুর্য্য এবং ভার-বাহুল্য শোভা পায়।

রাজসিংহের গল্পটা সৈন্যদলের চলার মতো—ঘটনাগুলা বিচিত্র বৃহৎরচনা করিয়া বৃহৎ আকারে চলিয়াছে। এই সৈন্যদলের নায়ক যাহারা, তাহারাও সমান বেগে চলিয়াছেন, নিজের সুখদুঃখের খাতরে কোথাও বেশিক্ষণ থামিতে পারিতেছেন না।

একটা দৃষ্টান্ত দেওয়া যাক্। রাজসিংহের সহিত চণ্ডলকুমারীর প্রণয়-ব্যাপারটা তেমন ঘনাইয়া উঠে নাই বলিয়া কোনো কোনো পাঠক এবং সম্ভবত বহুসংখ্যক পাঠিকা আক্ষেপ করিয়া থাকেন। বঙ্কিমবাবু বড়ো একটি দুর্লভ অবসর পাইয়াছিলেন—এই সুযোগে কন্দর্পের পশুশরে এবং করুণরসের বরুণ-বাণে দিগিদিক্ সমাকুল করিয়া তুলিতে পারিতেন।

কিন্তু তাহার সময় ছিল না। ইতিহাসের সমস্ত প্রবাহ তখন একটি সঙ্কীর্ণ সন্ধিপথে বজ্রস্তনিতরবে ফেনাইয়া চলিতেছে—তাহারই উপর দিয়া সামাল্ সামাল্ তরী! তখন রহিয়া-বসিয়া ইনিয়া-বিনিয়া প্রেমাভিনয় করিবার সময় নহে।

তখনকার যে প্রেম, সে অত্যন্ত বাহুল্যবর্জিত সংক্ষিপ্ত সংহত। সে তো বাসর-রাত্রের সুখশয্যার বাসন্তী প্রেম নহে—ঘন বর্ষার কালরাতে মৃত্যু হঠাৎ পশ্চাৎ হইতে আসিয়া দোলা দিয়াছে।—মান-অভিমান লাজ-লজ্জা বিসর্জন দিয়া হস্ত নায়িকা চকিত বাহুপাশে নায়ককে বাঁধিয়া ফেলিয়াছে। এখন সুদীর্ঘ সুমধুর ভূমিকার সময় নহে।

এই অকস্মাৎ মৃত্যুর দোলায় সকলেই সজাগ হইয়া উঠিয়াছে এবং আপনার অন্তরবাসী মহাপ্রাণীর আলিঙ্গন অনুভব করিতেছে। কোথায় ছিল ক্ষুদ্র রূপনগরের অন্তঃপদ্র-প্রান্তে একটি বালিকা,—কালক্রমে সে কোন্ ক্ষুদ্র রাজপুত্র নৃপতির শত রাজ্যীর মধ্যে অন্যতম হইয়া অসম্ভব-চিহ্নিত লতার উপরে অসম্ভব-চিহ্নিত পক্ষী-খচিত শ্বেতপ্রস্তররচিত কক্ষপ্রাচীর-মধ্যে পদ্রু গালিচায় বসিয়া রঙ্গসংগীতগণের হারিসিটিকারী-পরিবৃত হইয়া আলবোলায় তামাকু টানিত, সেই পদ্প্রতিমা সুকুমার সুন্দর বালিকাটুকুর মধ্যে কি এক দৃষ্টির দৃষ্টি প্রাণশক্তি জাগ্রত হইয়া উঠিল—সে আজ বাঁধমুক্ত বন্যার একটি গর্বেক্ষিত প্রবল তরণের ন্যায় দিল্লীর সিংহাসনে গিয়া আঘাত করিল। কোথায় ছিল মোগল রাজপ্রাসাদের রত্নখচিত রঙমহলে সুন্দরী জেবুউমিসা—সে সুখের উপর সুখ বিলাসের উপর বিলাস বিকীর্ণ করিয়া আপনার অন্তরাত্মাকে আরামের পুষ্পরাশির মধ্যে আচ্ছন্ন অচেতন করিয়া রাখিয়াছিল, সে-দিনের সেই মৃত্যুদোলায় হঠাৎ তাহার অন্তরশয্যা হইতে জাগ্রত হইয়া তাহাকে কোন্ মহাপ্রাণী এমন নিষ্ঠুর কঠিন বাহুবলে পীড়ন করিয়া

ধরিল, সম্রাট্‌দুহিতাকে কে সেই সর্ষগ্রামী দঃখের হস্তে সমর্পণ করিল, যে-দঃখ প্রাসাদের রাজরাজেশ্বরীকেও কুটীরবাসিনী কৃষক-কন্যার সহিত এক বেদনা-শয্যায় শয়ন করাইয়া দেয়। দস্যু মাণিকলাল হইল বীর, রূপমন্ডল মোবারক মৃত্যু-সাগরে আত্মবিসর্জন করিল, গৃহপিঞ্জরের নির্মলকুমারী বিপ্লবের বহিরাকাশে উড়িয়া আসিল এবং নৃত্যকুশলা পতঙ্গচপলা দরিয়া সহসা অট্টহাস্যে মৃদুকেশে কাল-নৃত্যে আসিয়া যোগ দিল।

অন্ধারাত্রির এই বিশ্বব্যাপী ভয়ঙ্কর জাগরণের মধ্যে কি মধ্যাহ্ন-কুলায়বাসী প্রণয়ের করুণ কপোতকজন প্রত্যাশা করা যায়?

রাজসিংহ দ্বিতীয় বিষবৃক্ষ হয় নাই বলিয়া আক্ষেপ করা সাজে না। বিষবৃক্ষের স্নাতীর সুখদঃখের পাকগুলা প্রথম হইতেই পাঠকের মনে কাটিয়া-কাটিয়া বসিতেছিল। অবশেষে শেষ কয়টা পাকে হতভাগ্য পাঠকের একেবারে কণ্ঠরুদ্ধ হইয়া আসে। রাজসিংহের প্রথম দিকের পরিচ্ছেদগুলি মনের উপর সেরূপ রক্তবর্ণ স্নগভীর চিহ্ন দিয়া যায় না; তাহার কারণ রাজসিংহ স্বতন্ত্র জাতীয় উপন্যাস।

প্রবন্ধ লিখিতে বসিয়াছি বলিয়াই মিথ্যা কথা বলিবার আবশ্যক দেখি না। কাল্পনিক পাঠক খাড়া করিয়া তাহাদের প্রতি দোষারোপ করা আমার উচিত হয় না। আসল কথা এই যে, রাজসিংহ পড়া আরম্ভ করিয়া আমারই মনে প্রথম প্রথম খট্কা লাগিতেছিল। আমি ভাবিতেছিলাম, বড়ই বেশী তাড়াতাড়ি দেখিতেছি—কাহারো যেন মিষ্ট মূখে দৃঢ়তা ভদ্রতার কথা বলিয়া যাইবারও অবসর নাই। মনের ভিতর এমন আঁচড় দিয়া না গিয়া আর একটু গভীরতর-রূপে কষণ করিয়া গেলে ভালো হইত।—যখন এই সকল কথা ভাবিতেছিলাম, তখন রাজসিংহের ভিতরে গিয়া প্রবেশ করি নাই।

পশ্চত হইতে প্রথম বাহির হইয়া যখন নির্বরগুলা পাগলের মতো ছুটিতে আরম্ভ করে, তখন মনে হয় তাহারা খেলা করিতে বাহির হইয়াছে—মনে হয় না তাহারা কোনো কাজের। পৃথিবীতেও তাহারা গভীর চিহ্ন অঙ্কিত করিতে পারে না। কিছ্‌ দুই তাহাদের পশ্চাতে অনুসরণ করিলে দেখা যায়, নির্বরগুলা নদী হইতেছে—ক্রমেই গভীরতর হইয়া ক্রমেই প্রশস্ততর হইয়া পশ্চত ভাঙিয়া পথ কাটিয়া জয়ধ্বনি করিয়া মহাবলে অগ্রসর হইতেছে—সমুদ্রের মধ্যে মহাপরিণাম প্রাপ্ত হইবার পূর্বে তাহার আর বিশ্রাম নাই।

রাজসিংহেও তাই। তাহার এক একটি খণ্ড এক একটি নির্বরের মতো দ্রুত ছুটিয়া চলিয়াছে। প্রথম প্রথম তাহাতে কেবল আলোকে

ঝিকিমিকি এবং চঞ্চল লহরীর তরল কলধ্বনি—তাহার পর যষ্ঠ খণ্ডে দেখি ধ্বনি গম্ভীর, স্রোতের পথ গভীর এবং জলের বর্ণ ঘনকৃষ্ণ হইয়া আসিতেছে ; তাহার সপ্তম খণ্ডে দেখি কতক বা নদীর স্রোত, কতক বা সমুদ্রের তরঙ্গ, কতক বা অমোঘ পরিণামের মেঘগম্ভীর গর্জন, কতক বা তীর লবণাশ্রুনিমগ্ন হৃদয়ের স্দগভীর, ক্রন্দনোচ্ছ্বাস, কতক বা ব্যক্তিবিশেষের মজ্জমান তরণীর প্রাণপণ হাহাধ্বনি। সেখানে নৃত্য অতিশয় রুদ্র, ক্রন্দন অতিশয় তীব্র এবং ষটনাবলী ভারত-ইতিহাসের একটি যুগাবসান হইতে যুগান্তরের দিকে ব্যাপ্ত হইয়া গিয়াছে।

রাজসিংহ ঐতিহাসিক উপন্যাস। ইহার নায়ক কে কে? ঐতিহাসিক অংশের নায়ক ঔরংজেব, রাজসিংহ এবং বিধাতাপদ্রুশ—উপন্যাস-অংশের নায়ক আছে কি না জানি না, নায়িকা জেব্‌উন্নিসা।

রাজসিংহ, চঞ্চলকুমারী, নিশ্চলকুমারী, মাণিকলাল প্রভৃতি ছোটো বড়ো অনেকে মিলিয়া সেই মেঘদুর্দ্দিন রথযাত্রার দিনে ভারত-ইতিহাসের রথ-রজ্জ্ব আকর্ষণ করিয়া দৃগম বন্ধুর পথে চলিয়াছিল। তাহাদের মধ্যে অনেকে লেখকের কল্পনাপ্রসূত হইতে পারে, তথাপি তাহারা এই ঐতিহাসিক অংশেরই অন্তর্গত। তাহাদের জীবন-ইতিহাসের, তাহাদের স্খন্দঃখের স্বতন্ত্র মূল্য নাই—অর্থাৎ এ-গ্রন্থে প্রকাশ পায় নাই।\*

জেব্‌উন্নিসার সহিত ইতিহাসের যোগ আছে বটে, কিন্তু সে যোগ গোঁগভাবে। সে যোগটুকু না থাকিলে এ-গ্রন্থের মধ্যে তাহার কোনো অধিকার থাকিত না। যোগ আছে কিন্তু বিপুল ইতিহাস তাহাকে গ্রাস করিয়া আপনার অংশীভূত করিয়া লয় নাই, সে আপনার জীবন-কাহিনী লইয়া স্বতন্ত্রভাবে গীপ্যমান হইয়া উঠিয়াছে।

সাধারণ ইতিহাসের একটা গৌরব আছে। কিন্তু স্বতন্ত্র মানবজীবনের মহিমাও তদপেক্ষা নূন্য নহে। ইতিহাসের উচ্চচূড় রথ চলিয়াছে, বিস্মিত হইয়া দেখ, সমবেত হইয়া মাতিয়া উঠ, কিন্তু সেই রথচক্রতলে যদি একটি মানবহৃদয় পিষ্ট হইয়া ক্রন্দন করিয়া মরিয়া যায়, তবে তাহার সেই মর্মান্তিক আন্তর্ধ্বনিও—রথের চূড়া যে গগনতল স্পর্শ করিতে স্পর্শ করিতেছে—সেই গগনপথে উচ্ছ্বাসিত হইয়া উঠে, হয় তো সেই রথচূড়া ছাড়াইয়া চলিয়া যায়।\*

বিক্ষমবাবু সেই ইতিহাস এবং মানব উভয়কেই একত্র করিয়া এই ঐতিহাসিক উপন্যাস রচনা করিয়াছেন।

তিনি এই বৃহৎ জাতীয় ইতিহাসের এবং তীব্র মানব-ইতিহাসের পরস্পরের মধ্যে কিস্তিপরিমাণে ভাবেরও যোগ রাখিয়াছেন।



মোগল সাম্রাজ্য যখন সম্পদে এবং ক্ষমতায় স্ফূর্তি হইয়া একান্ত স্বার্থপর হইয়া উঠিল, যখন সে, সম্রাটের পক্ষে ন্যায়পরতা অনাবশ্যক বোধ করিয়া, প্রজার সুখদুঃখে একেবারে অন্ধ হইয়া পড়িল, তখন তাহার জাগরণের দিন উপস্থিত হইল।

বিলাসিনী জেব্‌উন্নিসাও মনে করিয়াছিল সম্রাটদ্বিতীয়ের পক্ষে প্রেমের আবশ্যক নাই, সুখই একমাত্র শরণ্য। সেই সুখে অন্ধ হইয়া যখন সে দম্য-ধর্মের মস্তকে আপন জরি-জহরঞ্জড়িত পাদুকাখচিত সুন্দর বামচরণখানি দিয়া পদাঘাত করিল, তখন কোন্ অজ্ঞাত গৃহাতল হইতে কুপিত প্রেম জাগ্রত হইয়া তাহার মর্ম্মস্থলে দংশন করিল, শিরায় শিরায় সুখমন্থরগামী রক্তস্রোতের মধ্যে একেবারে আগুন বহিতে লাগিল, আরামের পুষ্পশয্যা চিতাশয্যার মতো তাহাকে দহ করিল—তখন সে ছুটিয়া বাহির হইয়া উপেক্ষিত প্রেমের কণ্ঠে বিনীত দীনভাবে সমস্ত সুখসম্পদের বরমালা সমর্পণ করিল—দুঃখকে স্বেচ্ছায় বরণ করিয়া হৃদয়াসনে অভিষেক করিল। তাহার পরে আর সুখ পাইল না, কিন্তু আপন সচেতন অন্তরাত্মাকে ফিরিয়া পাইল। জেব্‌উন্নিসা সম্রাট-প্রাসাদের অবরুদ্ধ অচেতন আরামগর্ভ হইতে তীব্র যন্ত্রণার পর খুলায় ভূমিস্ত হইয়া উদার জগতীতলে জন্মগ্রহণ করিল। এখন হইতে সে অনন্ত জগৎ-বাসিনী রমণী।

ইতিহাসের মহাকালাহলের মধ্যে এই নবজাগ্রত হতভাগিনী নারীর বিদীর্ণ-প্রায় হৃদয় মাঝে মাঝে ফুলিয়া ফুলিয়া কাঁদিয়া কাঁদিয়া উঠিয়া রাজসিংহের পরিণাম অংশে বড়ো একটা রোমাঞ্চকর সুবিশাল করুণা ও ব্যাকুলতা বিস্তার করিয়া দিয়াছে। দুর্যোগের রাতে একদিকে মোগলের অভ্রভেদী পাষণপ্রাসাদ ভাঙিয়া ভাঙিয়া পড়িতেছে, আর একদিকে সর্ব্বভাগিনী রমণীর অব্যক্ত ক্রন্দন ফাটিয়া ফাটিয়া উঠিতেছে; সেই বৃহৎ ব্যাপারের মধ্যে কে তাহার প্রতি দৃক্‌পাত করিবে—কেবল যিনি অন্ধকার রাতে অতন্দ্র থাকিয়া সমস্ত ইতিহাস-পর্যায়কে নীরবে নিয়মিত করিতেছেন, তিনি এই খুলিলদ্যুতমান ক্ষুদ্র মানবীকেও অনিমেষ লোচনে নিরীক্ষণ করিতেছিলেন।

এই ইতিহাস এবং উপন্যাসকে এক সঙ্গে চালাইতে গিয়া উভয়কেই এক রাশের দ্বারা বাঁধিয়া সংযত করিতে হইয়াছে। ইতিহাসের ঘটনা-বহুলতা এবং উপন্যাসের হৃদয়-বিশ্লেষণ উভয়কেই কিছু খর্ব্ব করিতে হইয়াছে—কেহ কাহারও অগ্রবর্তী না হয়, এ-বিষয়ে গ্রন্থকারের বিশেষ লক্ষ্য ছিল দেখা যায়। লেখক যদি উপন্যাসের পাত্রগণের সুখদুঃখ এবং হৃদয়ের লীলা বিস্তার করিয়া দেখাইতে বাসিতেন তবে ইতিহাসের গতি অচল হইয়া পড়িত। তিনি একটি প্রবল স্রোতস্বিনীর মধ্যে দুটি একটি নৌকা ভাসাইয়া দিয়া নদীর স্রোত এবং নৌকা উভয়কেই এক সঙ্গে দেখাইতে চাহিয়াছেন। এইজন্য চিত্রে নৌকার

আয়তন অপেক্ষাকৃত ক্ষুদ্র হইয়াছে, তাহার প্রত্যেক সুক্ষ্মানুসূক্ষ্ম অংশ দৃষ্টগোচর হইতেছে না। চিত্রকর যদি নৌকার ভিতরের ব্যাপারটাই বেশী করিয়া দেখাইতে চাহিতেন, তবে নদীর অধিকাংশই তাহার চিত্রপট হইতে বাদ পড়িত। হইতে পারে কোনো কোনো অতিকৌতুহলী পাঠক ঐ নৌকার অভ্যন্তর ভাগ দেখিবার জন্য অতিমাত্র ব্যগ্র, এবং সেইজন্য মনোহাভে লেখককে তাহারা নিন্দা করিবেন। কিন্তু সেরূপ বৃথা চপলতা পরিহার করিয়া দেখা কর্তব্য, লেখক গ্রন্থবিশেষে কি করিতে চাহিয়াছেন এবং তাহাতে কতদূর কৃতকার্য হইয়াছেন। পূর্বে হইতে একটি অমূলক প্রত্যাশা ফাঁদিয়া বসিয়া তাহা পূর্ণ হইল না বলিয়া লেখকের প্রতি দোষারোপ করা বিবেচনা-সঙ্গত নহে। গ্রন্থ-পাঠ্যরম্ভে আমি নিজে এই অপরাধ করিবার উপক্রম করিয়াছিলাম বলিয়াই এ কথাটা বলিতে হইল।

[ ১৩০০ ]

## প্রাচীন সাহিত্যলোচনা

হীরেন্দ্রনাথ দত্ত

ভাষার প্রবাহ নদীর গতির সহিত তুলনীয়। কোন্ অজ্ঞাত অধিত্যকার কোন্ অজ্ঞাত শৈলোৎস হইতে নদীর উৎপত্তি। কত ক্ষুদ্র-বৃহৎ, স্বচ্ছ-পাঙ্কজ, ক্ষার-স্বাদ্ জলস্রোতে নদীর অঙ্গপদৃষ্টি। সমবেত সলিল-সমষ্টির কেমন উচ্ছলিত বহু খর ভগ্নীময় গতি। শেষে, সাগরসংগমে নদীর কেমন মল্লর আয়ত শতমুখ ধারা। ভাষা-প্রবাহও নদী-গতির তুল্য।

কোন্ আন্তের দীর্ঘস্বাসে, কোন্ প্রণয়ীর প্রেমোচ্ছ্বাসে, কোন্ বীরের উদ্দীপনায়, কোন্ ভক্তের ভক্তি-সাধনায় ভাষার উদ্ভব, কে স্থির করিবে? কত কবি, গায়ক, লেখক, ভাবকের কাব্য-স্রোত, গীত-স্রোত, রচনা-স্রোত, চিন্তা-স্রোতে ভাষার কলেবর-পদৃষ্টি সাধিত হয়। জাতির মধ্যজীবনে সুদৃষ্ট ভাষার কেমন গদ্য-পদ্য-নাটক-কাব্য-উপন্যাসময় নব রস-রুচির অভিরাম প্রবাহ লক্ষিত হয়। শেষে, ভাষার চরম উন্নতির কালে জাতীয় সাহিত্যের কেমন প্রশান্ত, গম্ভীর সর্বাঙ্গোদ্ভব প্রসার। তাই বলিতেছিলাম, ভাষার প্রবাহ নদীর গতির সহিত তুলনীয়।

সকল নদীই জলস্রোত ; কিন্তু নদীতে নদীতে কত প্রভেদ! এই প্রভেদ বৃদ্ধিতে হইলে, নদীর এই বিশেষত্ব বৃদ্ধিতে হইলে, নদীর উৎপত্তি ও অঙ্গপূর্ণতা বৃদ্ধা চাই। সিন্ধুনদে বর্ষায় বন্যা না হইয়া শীতকালে কেন বন্যা হয়, আর গঙ্গানদীতে শীতে বন্যা না হইয়া বর্ষাকালে কেন বন্যা হয়—এ প্রভেদ, নদনদীর এই বিশেষত্ব, তাহাদিগের উৎপত্তি ও অঙ্গপূর্ণতা না বৃদ্ধিলে বৃদ্ধা যায় না। ভাষারও এইরূপ। সকল ভাষাই বাক্যস্রোত। কিন্তু ভাষাতে ভাষাতে কত প্রভেদ! এই প্রভেদ বৃদ্ধিতে হইলে, ভাষাগত এই বিশেষত্ব বৃদ্ধিতে হইলে, ভাষার উদ্ভব ও কলেবর-পূর্ণতা বৃদ্ধা চাই। গ্রীসে হোমর কেন, ইতালীতে দান্তে কেন, ভারতে কালিদাস কেন, ইংলণ্ডে সেক্সপীয়র কেন—এ প্রভেদ, গ্রীক ইতালীয় সংস্কৃত ও ইংরাজি ভাষার এই বিশেষত্ব, তাহাদিগের উদ্ভব ও কলেবর-পূর্ণতা না বৃদ্ধিলে বৃদ্ধা যায় না।

নানা কারণে কয়েক শতাব্দী ধরিয়া নদীর উৎপত্তি ও অঙ্গপূর্ণতা বৃদ্ধিবার জন্য সভ্য-জগৎ সচেতন হইয়াছেন। স্বল্পপুণ্যনদী কি মানসসরোবরজাত, ইহার অঙ্গ কি সাম্পদ্র জলে পূর্ণ ; নীলনদী কি নায়েন্জা হ্রদ হইতে উদ্ভূত, ইহার অঙ্গ কি অটবরার সলিলে প্রবাহ,—এই সকল কথার সন্মীমাংসার অন্য কত ভূগোলবিদ কত নৌ-যাত্রার শ্রম, ব্যয়, বিপদ ও অধ্যবসায় স্বীকার করিয়াছেন। বোধ হয়, সভ্য জগতের এই শ্রম, ব্যয়, বিপদ, অধ্যবসায়ের মূলে জাতীয় স্বার্থান্বেষণ নিহিত আছে। বোধ হয়, তাহারা বৃদ্ধিলাভে, জাতীয় স্বার্থ-সিদ্ধির জন্য নদীর গতি বৃদ্ধা আবশ্যিক। আর নদীর গতি বৃদ্ধিবার জন্য তাহার উৎপত্তি ও অঙ্গপূর্ণতা বৃদ্ধা আবশ্যিক। তাই তাহাদিগের নৌ-যাত্রার এত শ্রম, ব্যয়, বিপদ ও অধ্যবসায়-স্বীকার। ভাষার উদ্ভব ও কলেবর-পূর্ণতা বৃদ্ধিবার জন্যও ভাষা-স্রোতে নৌ-যাত্রা আবশ্যিক। এই নৌ-যাত্রার জন্য প্রয়োজন-মত শ্রম, ব্যয়, বিপদ ও অধ্যবসায় স্বীকার করা আবশ্যিক। অন্যথা ভাষার প্রভেদ, ভাষার বিশেষত্ব—ভাষা-প্রবাহের স্বরূপ বৃদ্ধা যাইবে না।

নদীর স্রোতের মত ভাষার স্রোতেও কয়েক বৎসর হইতে সভ্য-জগৎ নৌ-যাত্রা আরম্ভ করিয়াছেন। জননী লাটিন ভাষার কোন 'প্রাকৃত' প্রত্যঙ্গ হইতে ফরাসীর উৎপত্তি, বর্তমান যুগের ইংরাজি আদি কবি চরিত্রের সহিত ফরাসী রোমান্স-লেখকদিগের কি সম্বন্ধ, লুথরের বাইবেলের অনুবাদ কি পরিমাণে জার্মান ভাষার শিশু-অঙ্গ পরিপূর্ণ করিয়াছিল,—এই সকল কথার সন্মীমাংসার জন্য কত ভাষাতত্ত্ববিদ কত শ্রম, ব্যয়, আয়াস, অধ্যবসায় স্বীকার করিয়াছেন। অবশ্য সভ্য-জগতের এই শ্রম, ব্যয়, আয়াস, অধ্যবসায়ের মূলেও জাতীয় স্বার্থান্বেষণ নিহিত আছে। তাহারা অবশ্য বৃদ্ধিলাভে, জাতীয় স্বার্থ-সিদ্ধির জন্য ভাষার প্রবাহ বৃদ্ধা আবশ্যিক। আর ভাষার প্রবাহ

বুদ্ধিব্যবহার জন্য তাহার উদ্ভব ও কলেবর-পদ্ধি বৃদ্ধা আবশ্যিক। তাই তাঁহাদিগের ভাষা-স্রোতে নোঁ-যাঘার এত শ্রম, ব্যয়, আয়াস ও অধ্যবসায়।

ভাষার এই উদ্ভব কোথায়? ভাষার এই কলেবর-পদ্ধি কোথা হইতে? দেশ, কাল ও অবস্থাভেদে ভাষার উদ্ভব কোথায়ও আন্তের দীর্ঘ-স্বাসে, কোথায়ও প্রণয়ীর প্রেমোচ্ছ্বাসে, কোথায়ও বীরের উদ্দীপনায়, কোথায়ও ভক্তের ভক্তি-সাধনায়। ভাষা-প্রবাহের যে অংশ আমাদের নয়নের সম্মুখে প্রবাহিত হইতেছে, সে অংশ উদ্ভব-স্থান হইতে এত যোজন দূরে যে, বহু আয়াসেও ভাষাতত্ত্ববিদের গবেষণা-নৌকা তত দূর পহুঁছিতে পারে না। সুতরাং অনেক ভাষার উদ্ভব-স্থান আজিও স্থির হয় নাই; কখনও হইবে কি না, বিশেষ সন্দেহ।

কবি, গায়ক, লেখক ও ভাবকের কাব্য-স্রোত, গীত-স্রোত, রচনা-স্রোত এবং চিন্তা-স্রোত মিলিয়া ভাষার কলেবর-পদ্ধি সাধিত হইয়াছে। ভাষাতত্ত্ব-বিদের গবেষণার লক্ষ্য এই প্রাচীন কবি, গায়ক, লেখক, ভাবকের কাব্য-গীত-রচনা-চিন্তার সংগ্রহ। তাঁহার আলোচনার বস্তু এই প্রাচীন কাব্য-গীত-রচনা-চিন্তার প্রকৃতি, গতি, স্থিতি, বিকাশ ও বিরাম। ভাষাতত্ত্ববিদ বুদ্ধেন যে, এ সকল না বুদ্ধিলে ভাষার কলেবর-পদ্ধি বৃদ্ধা যাইবে না। আর ভাষার কলেবর-পদ্ধি না বুদ্ধিলে ভাষার প্রবাহ বৃদ্ধা যাইবে না। সেই জন্যই প্রাচীন কাব্য-গীত-রচনা-চিন্তা বুদ্ধিব্যবহার জন্য ভাষাতত্ত্ববিদের এত শ্রম, ব্যয়, আয়াস ও অধ্যবসায়-স্বীকার।

প্রয়োজন-সিদ্ধির উদ্দেশ্যেই কার্যে প্রবৃত্তি হয়, অন্যথা হয় না। অবশ্যই কোন প্রয়োজন-সিদ্ধির জন্য, কোন উচ্চ জাতীয় স্বার্থ-সাধনের জন্য ভাষাতত্ত্ববিদ এই শ্রম, ব্যয়, আয়াস, অধ্যবসায় স্বীকার করিতেছেন। এই প্রয়োজন কি? প্রাচীন কাব্য-গীত-রচনা-চিন্তার আলোচনার প্রয়োজন কি? প্রয়োজন বিশেষই আছে। আর প্রয়োজন এক নহে, অনেক। কথাটার একটু অনুধাবন করা আবশ্যিক।

প্রথমতঃ, নবীন সাহিত্যের আলোচনায় যে ফল, প্রাচীন সাহিত্যের আলোচনায়ও সেই ফল অনেক পরিমাণে সাধিত হয়। এ ফল কি, কাব্যমোদী মাত্রেই বিদিত আছে। এ ফল হৃদয়ের একটা প্রসার, জ্ঞানের একটা বিস্তৃতি, চিন্তার একটা গভীরতা। সুখের একটা পরাকাস্তা, একটা ভূমানন্দ-লাভ। অধিকন্তু প্রাচীন সাহিত্যে প্রথম উচ্ছ্বাসের একটা আবেগ, একটা প্রথম উদ্দীপনার নব-ভাব, একটা সারল্য, স্বাভাবিকতা, অকপট-ভাব আছে। যাহা নবীন সাহিত্যে প্রায়ই দৃষ্ট হয় না। প্রাচীন সাহিত্যের আলোচনায় এইটুকু অধিক ফল।

দ্বিতীয় কথা, নবীন সাহিত্য সম্যক্রূপে বদ্বিধিতে হইলে তাহাকে প্রাচীন সাহিত্যের বিবর্তনরূপে বদ্বিধা চাই ; অর্থাৎ প্রাচীন সাহিত্যের কোন বীজ কিরূপে কত দিনে ক্রম-বিকাশিত হইয়া নবীন সাহিত্যের শাখা-কাণ্ডে পরিণত হইল, তাহা বদ্বিধা চাই। অর্থাৎ এ সকল বিষয় ঐতিহাসিকের চক্ষে, ঐতিহাসের আলোকে দেখা চাই। যেমন বাষ্পীয় যানের স্বরূপ বদ্বিধিতে আমরা চারি সহস্র বৎসর পূর্ব্বে আবিষ্কৃত বাষ্প-কৌড়ায়ন্ত্রের ক্রমোন্নতি ধারাবাহিকরূপে আলোচনা করি, যেমন শঙ্করের বেদান্ত-মত বদ্বিধিতে আমরা ছয় সহস্র বৎসর পূর্ব্বে প্রচলিত অদ্বৈতবাদের ক্রমবিকাশ ধারাবাহিকরূপে আলোচনা করি, এইরূপ নবীন সাহিত্য সম্যক্ বদ্বিধিবার জন্য প্রাচীন সাহিত্যের ধারাবাহিকরূপে আলোচনা করা চাই। এইরূপে আমরা নবীন সাহিত্যের স্বরূপ হৃদয়ঙ্গম করিতে পারিব ; অন্য রূপে নহে। এ বিষয়ে একজন বিজ্ঞ ফরাসী সমালোচক কতকগুলি সারণ্য কথ্য বলিয়াছেন, তাহা নিম্নে উদ্ধৃত হইল। সমালোচক ঐতিহাসিকের চক্ষে মহাকাব্যাদি না পড়িয়া স্তাবক বা উপাসকের চক্ষে ঐ সকল গ্রন্থ-পাঠের নিন্দা করিতেছেন।—“এরূপ পাঠে আলোচনা হয় না, ইহাতে অযথা উপাসনারই প্রশ্রয় দেওয়া হয়। ইহাতে আমাদের সম্মুখে একটা আদর্শ স্থাপিত হয়, কিন্তু আদর্শের উদ্ভব কিরূপে, তাহা আমরা জানিতে পাই না। বিশেষতঃ, ঐতিহাসিকের পক্ষে মহাকাব্যের কাব্যাদির এরূপভাবে আলোচনা বড় অসংগত। এরূপে আমরা কবিকে কালের সম্বন্ধ হইতে অপসৃত করিয়া লই, কবির প্রকৃত জীবন, কবির ঐতিহাসিক সম্বন্ধ হইতে বিমুক্ত করিয়া লই। এরূপে সমালোচনা প্রচলিত অযথা আদরের অনুবর্ত্ত হয় ; এবং সাহিত্যের বিকাশক্রমে আলোচনা-বিষয়ে অশ্রদ্ধ ঘটে।”\*

ফরাসী সমালোচক মহাকাব্যের কাব্য-সম্বন্ধে যে সকল কথা বলিলেন, নবীন সাহিত্য-সম্বন্ধেও ঐ সকল কথা বলা যায়। নবীন সাহিত্যও ঐতিহাসিক সম্বন্ধবিহীন করিয়া, সাহিত্যের বিকাশক্রমের প্রতি লক্ষ্য না রাখিয়া রীতিমত আলোচিত হইতে পারে না। নবীন সাহিত্যের ভাব, ভাষা, ছন্দোবন্ধ, শব্দ-বিন্যাস, রচনা-প্রণালী বদ্বিধিতে হইলে প্রাচীন সাহিত্যের ভাব, ভাষা, ছন্দোবন্ধ, শব্দ-বিন্যাস, রচনা-প্রণালীর পরিজ্ঞান থাকা আবশ্যিক। অতএব প্রাচীন

\* “ It (a classic) claims not study but veneration ; it does not show us how the thing is done, it imposes upon us a model. Above all for the historian, this creation of classic personages is inadmissible ; for it withdraws the poet from his time, from his proper life, it breaks historical relationships, it blinds criticism by conventional admiration and renders the investigation of literary origins unacceptable.”

—M. Charles, d'Hericault quoted in M. Arnold's *Essays in Criticism*.

কাব্য-গীত-রচনা-চিন্তার আলোচনার বিশেষ প্রয়োজন আছে। আর এই প্রয়োজন এক নহে, অনেক।

তৃতীয় কথা, ব্যাণ্ট মানুষের যেমন জীবনের একটা ইতিহাস আছে, সমষ্টি মানুষ-সমাজের তেমনি জীবনের একটা ইতিহাস আছে। আর সমাজের যে প্রধান বন্ধনী—ভাষা, যাহাতে বায়ু-তাড়িত বালুকণার মত ব্যাণ্ট মানুষ দশ দিকে বিক্ষিপ্ত না হইয়া সমাজে দলবদ্ধ থাকে, সেই ভাষারও একটা ইতিহাস আছে। সজীব মানুষের ভাষাও সজীব। ভাষাও অব্যাকৃত হইতে ব্যাকৃত, অবিশেষ হইতে বিশেষ, অব্যক্ত হইতে ব্যক্ত, অবিকাশ হইতে বিকাশ প্রাপ্ত হয়। ব্যাকৃত-বিশিষ্ট ব্যক্ত-বিকাশিত ভাষারও অঙ্কুর হইতে পল্লব, পল্লব হইতে শাখা, শাখা হইতে কাণ্ড, কাণ্ড হইতে মহামহীরুহের প্রকাশ লক্ষিত হয়। এই প্রকাশের ক্রমই ভাষার ইতিহাস। ইংরাজি ভাষার ইতিহাসজ্ঞ পাঠক জানেন যে, গাথিক হইতে স্যাকসন, স্যাকসন হইতে অঙ্ক-স্যাকসন, অঙ্ক-স্যাকসন হইতে আদ্য ইংরাজি, আদ্য ইংরাজি হইতে মধ্য ইংরাজি, মধ্য ইংরাজি হইতে পুরাতন ইংরাজি, পুরাতন ইংরাজি হইতে আধুনিক ইংরাজির প্রকাশ হইয়াছে। এই প্রকাশের ক্রমই ইংরাজি ভাষার ইতিহাস।\* এইরূপ বাঙালা ভাষার।

বাঙালা ভাষার ইতিহাসজ্ঞ পাঠক জানেন যে, বৈদিক সংস্কৃত হইতে ভাষা-সংস্কৃত, ভাষা-সংস্কৃত হইতে গাথা, গাথা হইতে পালী, পালী হইতে প্রাকৃত মাগধী, মাগধী হইতে আদ্য বাঙালা, আদ্য বাঙালা হইতে মধ্য বাঙালা, মধ্য বাঙালা হইতে আধুনিক বাঙালার প্রকাশ হইয়াছে। এই প্রকাশের ক্রমই বাঙালা ভাষার ইতিহাস। এই ভাষার ইতিহাস-জ্ঞান প্রাচীন সাহিত্যের জ্ঞান-সাপেক্ষ। অতএব ভাষার ইতিহাস-জ্ঞানের জন্য প্রাচীন কাব্য-গীত-রচনা-চিন্তার আলোচনার প্রয়োজন।

আর এক কথা। কোন ভাষার ব্যাকরণ সংকলন করিতে হইলে সেই ভাষার প্রাচীন সাহিত্যের জ্ঞান থাকা চাই। ব্যাকরণ ভাষার অঙ্গ-প্রত্যঙ্গের বিশ্লেষণ, অস্থি মজ্জা মেদ মাংস শিরা স্নায়ু প্রভৃতির পরীক্ষা। এই পরীক্ষার সুসিদ্ধির নিমিত্ত প্রাচীন সাহিত্যের পরিজ্ঞান আবশ্যিক। এ বিষয়ে পাণিনির দৃষ্টান্ত গ্রহণ করুন। এ সম্বন্ধে পণ্ডিত মোক্ষমূলরের মত এই,—“ব্রাহ্মণ-জাতির প্রাচীনতম কাব্য বেদ-অধ্যয়নের ফলে সংস্কৃত ব্যাকরণের সৃষ্টি।

\* “The grammar of modern English is not the same as the grammar of Wycliffe. Wycliffe’s English, again, may be traced back to what we may call Middle English from 1500 to 1330; Middle English to Early English from 1330 to 1290; Early English to Semi-Saxon from 1290 to 110 and Semi-Saxon to Anglo-Saxon.”

—Max Müller, *Science of Language*, First Series, p. 132.

বেদ-মন্ত্রের ভাষা এবং পরবর্তী কালের রচনার ভাষা, এই উভয়ের প্রভেদ সম্বন্ধে লিখিত ও রক্ষিত হইত। ব্যাকরণশাস্ত্রে প্রথম উদ্যমের নিদর্শন প্রাতিশাখ্য। ঐ সকল গ্রন্থের উপর ভিত্তি করিয়া বৈয়াকরণের পর বৈয়াকরণ যে অন্তত অট্টালিকা নিৰ্ম্মাণ করেন, তাহা পাণিনির ব্যাকরণে সম্পূর্ণতা লাভ করে।”\*

এইরূপে বৈজ্ঞানিক প্রণালীতে রচিত যে কোন ভাষার ব্যাকরণ অধ্যয়ন করুন, দেখিবেন, পৃষ্ঠায় পৃষ্ঠায় সেই ভাষার প্রাচীন সাহিত্য-পাঠের লক্ষণ স্পষ্ট রহিয়াছে; কারণ কোন ভাষার প্রাচীন কাব্য-গীত-রচনা-চিন্তার পরিজ্ঞান না থাকিলে সে ভাষার ব্যাকরণ-সংকলন সম্বাদা অসম্ভব।

আর যাহাকে ভাষা-বিজ্ঞান বলে, সে বিজ্ঞানের অস্তিত্ব প্রাচীন সাহিত্যের আলোচনার সহিত ঘনিষ্ঠ সম্বন্ধযুক্ত। যে একই আৰ্য ভাষা সংস্কৃত, গ্রীক, লাতিন, গথিক, কেল্টিক ও স্লাভনিক, এ সকল ভাষার জননী, ইহারা যে পরস্পর ভগিনী-স্থানীয়া, এ তত্ত্বের উদ্ভাবন ও মীমাংসা কেবল ঐ সকল ভাষার প্রাচীন সাহিত্যের আলোচনা-দ্বারা সম্ভাবিত হয়। এইরূপ যদি আমরা সংস্কৃতের দহিতভূতা বাঙ্গালা, হিন্দী, গুরুমুখী, মহারাষ্ট্রী, উড়িয়া, আসামী প্রভৃতি প্রচলিত ভাষার ভগিনী-সম্বন্ধ বুঝিতে ইচ্ছা করি, যদি একটা ভারতীয় ভাষা-বিজ্ঞান রচনা করিবার প্রয়াস করি, তবে আমাদেরকে ঐ সকল ভাষার প্রাচীন কাব্য-গীত-রচনা-চিন্তার বহুল আলোচনা করিতে হইবে।

চতুর্থ কথা, কোন ভাষার প্রণালী-বিশুদ্ধ অভিধান সংকলন করিতে হইলে সেই ভাষার প্রাচীন সাহিত্যের পরিজ্ঞান থাকা চাই। অভিধান বলিলে শব্দ প্রচলিত শব্দ-সকলের প্রচলিত অর্থ-সংগ্রহ বুঝিতে হইবে না। প্রণালী-বিশুদ্ধ অভিধানে অধুনা-প্রচলিত বা ইতঃপূর্বে প্রচলিত সকল শব্দের অর্থ, উৎপত্তি এবং ইতিহাসের বিশিষ্ট বিবরণ থাকা চাই। এ বিষয়ে মারের নূতন ইংরাজি অভিধানের দৃষ্টান্ত গ্রহণ করা যাইতে পারে। এই অভিধান ভাষা-বিজ্ঞান-বিষয়ে ইংরাজ-জাতির আয়াস ও অধ্যবসায়ের চরম উদাহরণ। এই অভিধান-সংকলন-বিষয়ে সহস্র সহস্র মনীষী পরিশ্রম করিতেছেন, লক্ষ লক্ষ মূদ্রা ব্যয়িত হইতেছে। অভিধান-সংকলনের উদ্দেশ্য-বিষয়ে সম্পাদক মারে সাহেব এইরূপ† লিখিয়াছেন,—“এই অভিধানে প্রত্যেক শব্দ-সম্বন্ধে নিম্নলিখিত

\* Max Müller, *Science of Language*, First Series, p. 126.

† “It endeavours (1) to shew with regard to each individual word when how in what shape and with what signification it became English; what development of form and meaning it has since received; which of its uses have in the course of time become obsolete and which still survive; what uses have since arisen by what processes and when: (2) to illustrate

বিষয়গুণিল দেখাইবার চেষ্টা হইয়াছেঃ—কবে কিরূপে কি আকারে কি অর্থে ঐ শব্দের প্রথম প্রয়োগ হয় ; কালে কালে উহার আকার ও অর্থের কি বিকাশ হইয়াছে ; ঐ আকার ও অর্থের কোনগুণিল প্রচলিত, কোনগুণিল অপ্রচলিত। কি প্রণালীতে, কত দিন হইল, কি নূতন প্রয়োগ আরম্ভ হইয়াছে। ঐ বিষয়গুণিল আবার দৃষ্টান্তসহ দেখাইবার জন্য সেই শব্দের প্রথম প্রয়োগ হইতে আরম্ভ করিয়া শেষ প্রয়োগ বা আজ-কালকার প্রয়োগ পর্যন্ত উদাহরণ উদ্ধৃত করা হইয়াছে। এইরূপে সেই শব্দের ইতিহাস ও অর্থক্রম প্রকটিত হইয়াছে ; এবং ঐতিহাসিক নিয়মে, আধুনিক শব্দ-বিজ্ঞানের প্রণালী-অনুসারে সেই শব্দের ব্যুৎপত্তি সিদ্ধ করা হইয়াছে।” বলা বাহুল্য, এই রীতি-অনুসারে অভিধান-সংকলন হওয়া উচিত ; আর এইরূপে অভিধান সংকলিত করিতে হইলে প্রাচীন সাহিত্যের প্রভূত আলোচনা আবশ্যিক। মারের অভিধান-গত একটা শব্দের প্রতি দৃষ্টিপাত করিলে এ কথা বেশ হৃদয়ঙ্গম হইবে। বিড় শব্দের প্রতি লক্ষ্য করুন। ঐ শব্দের অর্থ বদ্বাইতে প্রাচীন ও নবীন সাহিত্য হইতে অন্ততঃ দেড় শত প্রয়োগ উদ্ধৃত হইয়াছে। প্রাচীন কাব্যাদি হইতে উদ্ধারের সংখ্যা অধিক। প্রায় নয় শত বৎসর পূর্বে রচিত গ্রন্থাদি হইতে উদ্ধারেরও অভাব দৃষ্ট হয় না। অতএব এই একটি শব্দের অর্থ পরিস্ফুট করিবার জন্য নয় শত বৎসরের প্রাচীন সাহিত্য আলোচনা করিতে হইয়াছে। বোধ হয়, এখন সকলেই স্বীকার করিবেন যে, অভিধান-সংকলনের জন্য প্রাচীন কাব্য-গীত-রচনা-চিন্তার প্রভূত আলোচনা আবশ্যিক।

পঞ্চম কথা, পাশ্চাত্যেরা যাহাকে তন্তু-বিচ্ছেদ\* বলেন, ভাষার উদ্ভাস যৌবনে প্রায়ই তাহা ঘটিবার সম্ভাবনা। শিক্ষা-বিস্তারের সাহিত্য ভাব ও ভাষার একটা আন্তর্জাতিক আদান-প্রদানের আরম্ভ হয়। তাহার ফলে জাতীয় সাহিত্য বিজাতীয় আদর্শের অনুগামী হইয়া বিকৃত হইয়া পড়ে। অবশ্য বিদেশীয় সাহিত্যের অনুকরণে জাতীয় সাহিত্যের অনেক বিষয়ে উন্নতি সাধিত হয় ; কিন্তু প্রাচীন ও নবীন সাহিত্যের যে সংযোগ-তন্তু, যে ধারাবাহিক ক্রম, তাহার বিচ্ছেদ ঘটে। এ বিষয়ে বাঙালা ভাষার দৃষ্টান্ত গ্রহণ করা যাইতে পারে। বহুদিন হইতে ইংরাজি সাহিত্যের ভাব ও ভাষার অনুকরণে

these facts by a series of quotations ranging from the first known occurrence of the word to the latest or down to the present day; the word being thus made to exhibit its own history and meaning: and (8) to treat the etymology of each word strictly on the basis of historical fact and in accordance with the methods and result of modern philological science.”

—Murray's *New English Dictionary*, Preface.

\* Solution of continuity.



বাংগালা সাহিত্য জাতীয় বিশেষত্ব হারাতে আরম্ভ করিয়াছে। তাই সুস্কন্দদর্শী চন্দ্রনাথবাবু এক স্থলে লিখিয়াছেন, “এখনকার বাংলা কাবিতা (সাহিত্য বলিলে হয় না?) প্রায়ই চিনিতে পারি না; সে জন্য আমি বড় কাতর।” মনীষী বাণিকমচন্দ্র এ সম্বন্ধে লিখিয়াছেন,—“এখনকার বাংলা কাবিতার ভাষা কিছু বিকৃত রকম হইয়াছে; ইংরাজি যে না জানে, সে বোধ হয়, সকল সময়ে বুদ্ধিতে পারে না।” এই বিকৃতি দূর করিবার জন্য, প্রাচীন ও নবীন সাহিত্যের সংযোগ-তন্তু অবিচ্ছিন্ন রাখিবার জন্য প্রাচীন সাহিত্যের আলোচনা আবশ্যিক। বিজাতীয় আদর্শের পার্শ্বে প্রাচীন জাতীয় আদর্শ সাহিত্যসেবীর নয়নের সম্মুখে রাখা আবশ্যিক। অতএব প্রাচীন কাব্য-গীত-রচনা-চিন্তার আলোচনার এই আর এক প্রয়োজন।

শেষ কথা, জাতীয় সাহিত্য জাতীয় জীবনের প্রতিরূপ। কবির হৃদয় প্রশস্ত দর্পণ-তুলা; যে কালে জাতীয় জীবনের যে ভাব, জাতির যাহা রীতি-নীতি, প্রণালী-পদ্ধতি,—সেই কালের কবির কাব্যে তাহার ছায়াপাত দৃষ্ট হয়। সেন্সপায়ার যে নাটকে স্বভাবের প্রতিবিস্ব-গ্রহণের উল্লেখ করিয়াছেন, সে এই মন্সের কথা। এ হিসাবে কবি সমসাময়িক কালের নিপুণ ঐতিহাসিক। কত সহস্র বৎসর বৈদিক যুগ অতীত হইয়াছে; সে বৈদিক ঋষি, বৈদিক যাগ, বৈদিক জীবন, বৈদিক আচার-ব্যবহারের চিহ্নমাত্র নাই; কিন্তু বেদের সুস্তে তৎসমুদয়ের কেমন সুস্পষ্ট ইতিহাস অঙ্কিত রহিয়াছে। এইরূপ ইলিয়াদে\* অতীত গ্রীক-জীবনের এবং এদায়† অতীত স্ক্যান্ডিনেভীয়-জীবনের চিত্র উজ্জ্বল বর্ণে চিত্রিত আছে। বাস্তবিক, জাতীয় ইতিহাস-লেখকের জাতীয় সাময়িক সাহিত্য উৎকৃষ্ট অবলম্বন। মেকলে সাহেব সপ্তদশ শতাব্দীর ইংলন্ডের ইতিহাস লিখিতে তাৎকালিক নাটকাদি হইতে বিশেষ সাহায্য পাইয়াছেন। অতএব অতীত যুগের জাতীয় জীবন, সেই কালের সামাজিক, নৈতিক ও আধ্যাত্মিক অবস্থা বুদ্ধিবার জন্য তখনকার রীতি-নীতি, আচার-বিচার, প্রণালী-পদ্ধতি জানিবার জন্য প্রাচীন সাহিত্যের অনুশীলন—কাব্য-গীত-রচনা-চিন্তার বহুল আলোচনার প্রয়োজন।

সেইজন্য বলিতেছিলাম, প্রয়োজন যথেষ্টই আছে; আর প্রয়োজন এক নহে, অনেক। প্রথম, প্রাচীন কাব্যাদির অকপট ভাব ও স্বাভাবিকতার আশ্বাদ; দ্বিতীয়, নবীন সাহিত্যে প্রাচীন সাহিত্যের বিকাশের ঐতিহাসিক ক্রমনির্ণয়; তৃতীয়, ভাষার ইতিহাস ও ব্যাকরণ-সংকলন এবং ভাষা-বিজ্ঞান-রচনা; চতুর্থ, প্রণালী-বিশুদ্ধ অভিধান-প্রণয়ন; পঞ্চম, প্রাচীন ও নবীন

\* Homer's Iliad.

† The Two Eddas.

সাহিত্যের অবিচ্ছিন্ন সংযোগ; শেষ, জাতীয় অতীত জীবনের ইতিবৃত্তজ্ঞান। এই সকল প্রয়োজন-সিদ্ধির জন্য প্রাচীন কাব্য-গীত-রচনার-চিন্তার আলোচনা অপরিহার্য। বলা বাহুল্য, এই সকল অতি উচ্চ প্রয়োজন, এবং ইহাদিগের সম্যক্ সাধনেই জাতীয় সাহিত্যের শ্রীবৃদ্ধি এবং উদ্ধরণ।

[ বঙ্গীয় সাহিত্য-পরিষৎ-পত্রিকা, ১৩০১ ]

## চণ্ডীদাসের কবিত্বস্বাদন

উমেশচন্দ্র বটব্যাল

সই কেবা শুনাইল শ্যাম নাম।	*নাম পরতাপে যার
কাণের ভিতর দিয়া	ঐছন করিল গো,
মরমে পশিল গো,	অঙ্গের পরশে কিবা হয়। (১০)
আকুল করিল মোর প্রাণ।। (৪)	যেখানে বসতি তার
	নয়নে দেখিয়া গো,
না জানি কতেক মধু	যুবতী ধরম কৈছে রয়।। (১৬)
শ্যাম নামে আছে গো,	পাসরিতে করি মনে
বদন ছাড়িতে নাহি পারে। (৭)	পাসরা না যায় গো,
	কি করিব কি হবে উপায়। (১৯)
জপিতে জপিতে নাম	কহে দ্বিজ চণ্ডীদাসে
অবশ করিল গো,	কুলবতী কুল নাশে
কেমনে পাইব সই তারে।। (১০)	আপনার যৌবন যাচায়।। (২২)

অদ্য নূনান্বিক পাঁচ শত বৎসর অতীত হইল রাঢ় দেশে চণ্ডীদাসের কণ্ঠ হইতে এই সংগীতের তান উঠিয়াছিল। বাঙ্গালার এমন কবিতা তৎপদুর্ষে আর রচিত হয় নাই। বাঙ্গালীরা মৃদ্ধ হইয়া জাতীয়কণ্ঠে গ্রহণ করায় সর্ষসংহারক কাল সেই ধ্বনিকে বিনাশ করিতে পারিল না। ইহা আপন গুণে অমরত্ব লাভ করিয়াছে।

কবিতাটিকে একেবারে অনলংকৃত বলিলেও চলে। ইহাতে একটিও উপমা কি রূপক নাই। প্রথম পঙ্ক্তিতে কিংবদন্তি অনুপ্রাস আছে, তন্তিন্ন আর কোথাও বিশেষ কোনও শব্দালংকারও দেখি না। ছন্দেও মিষ্টাক্ষরের সম্পূর্ণ মিল নাই। অথচ কবিতাটিতে এক অনিশ্চয়চর্চনীয় অদ্ভুত সৌন্দর্য্য অনুভব হয়।

ভাষা যেমন সরল, ভাব তেমনি স্বচ্ছ। কিন্তু স্বচ্ছ হইলেও বিচিত্র।

কবিতাটি একটি হীরকখণ্ডের ন্যায়, ইহাতে নানা বর্ণের ভাব প্রতিফলিত। তাই ইহা উৎকৃষ্ট ‘ধ্বনি’ কাব্যের মধ্যে পরিগণিত হইবার যোগ্য।

শিক্ষার ও অভ্যাসের বৈচিত্র্য-অনুসারে আমাদের রুচির বৈচিত্র্য হইয়া থাকে। দেশ কাল পাত্রভেদেও তাহা ঘটে। পাঁচ শত বৎসর পূর্বে এ দেশে লোকের ঘেরূপ রুচি ছিল, এখন তাহার অনেক পরিবর্তন হইয়াছে। আদিরসের সহিত ভক্তিরসের মিশ্রণ এক্ষণকার অনেকের রুচি-বিরুদ্ধ। সেই ভাব দেখিলে কাব্যটি দোষাশ্রিত সন্দেহ নাই, অর্থাৎ এ কালের রুচিকর নহে। কিন্তু কাব্যের আস্বাদন করিতে গেলে কবির সহিত এবং তৎকালীন শ্রোতাদের সহিত তন্ময় হওয়া চাই। অন্যথা তাহার মাধুর্য্য উপলব্ধি হইবার নহে।

ফলতঃ প্রাচীন কাব্যের মাধুর্য্যবোধ কিংবদন্তি শিক্ষার অপেক্ষা রাখে। অহংময়তার সৎকোচ এবং তন্ময়তার বিকাশ যে শিক্ষার ফল, তাদৃশ শিক্ষার অপেক্ষা রাখে। আপন আসন পরিত্যাগ করিয়া পরের আসন হইতে বস্তু-বীক্ষণের শক্তি যে শিক্ষায় দেয়, সেই শিক্ষার অপেক্ষা রাখে।

কুলটা স্ত্রীলোককে আমরা অদ্য ঘেরূপ ঘৃণা করি, চণ্ডীদাস সেরূপ ঘৃণা করিতেন না। আমরা ভাল, না চণ্ডীদাস ভাল? আমরাই ভাল, তাহাতে কোনও সন্দেহ নাই। অধর্ম্মকে আমরা অদ্য ঘেরূপ চক্ষে দেখি, চণ্ডীদাস সেরূপ দেখিতেন না। আমরা ভাল, না চণ্ডীদাস ভাল? আমরাই ভাল, তাহাতেও কোনও সন্দেহ নাই। কিন্তু তাই বলিয়া যদি মূখ বাঁকাইয়া চলিয়া যাই তাহাতে এক্ষণে চণ্ডীদাসের কোনও ক্ষতি নাই। কেবল আমরা তাঁহার কাব্যের মাধুর্য্যাস্বাদ হইতে বঞ্চিত থাকিলাম। অনেক লোক যাহাকে ভাল বলিয়া আসিয়াছে, আমাদের যদি তাহা ভাল না লাগে, তবে আমরাই এক রসাস্বাদন হইতে বঞ্চিত থাকিলাম।

যে শিক্ষায় কার্য্যক্ষেত্রে আমরাদিককে অহংময় করে, এবং ভোগক্ষেত্রে তন্ময় করে, তাহাই সমীচীন—আত্মবিষম্বৃত্ত হইয়া পরের আনন্দে যোগদান করিতে পারিলে লাভ বই অলাভ নাই। তাহাতে ভোগের সীমা বর্দ্ধিত হইবার কথা।

চণ্ডীদাসের রাধা কুলটা রমণী সন্দেহ নাই। সে পরপুরুষের প্রেমে কুল ও ধর্ম্মে জলাঞ্জলি দিতে প্রস্তুত। তাহার সহিত সহানুভূতি কিরূপে সম্ভব হইতে পারে? আমরা তন্ময় হইয়া কি আনন্দ পাইতে পারি?

অনেক বিষয়ে মনুষ্যের রুচি ও স্বভাবগত বৈচিত্র্য থাকিলেও কতকগুলি বিষয় আছে, যাহা দেশ কাল পাত্র কিছুরই অপেক্ষা না রাখিয়া সর্ব্বদেশে সর্ব্বকালে সর্ব্ব মনুষ্যের হৃদয়ে সমান ভাবে প্রতিভাত হইয়া থাকে। আমাদের ধর্ম্মশাস্ত্রে ধর্ম্ম দুই প্রকার—এক সাধারণ ধর্ম্ম আর এক বর্ণাশ্রমের ধর্ম্ম; সত্য শৌচ দয়া ঋজুতা চিরকালের সকল দেশের সকল মানবের ধর্ম্ম। কেহ যদি তাদৃশ ধর্ম্মের অবমাননা করিয়া কাব্য রচনা করে, তবে সে কাব্য মনুষ্য-হৃদয়ে কদাচ প্রীতিদায়ক বলিয়া বিবেচিত হইতে পারে না। তাহার সহিত মনুষ্য-হৃদয়ের এমনই অসঙ্গতি আছে যে তন্ময়তা অসম্ভব।

আবার কোন কোন বিষয় আছে, যাহার এক দেশ ভাল ও এক দেশ মন্দ। তাহা কিছুর বাদসাদ দিয়া লইলে ভোগের উপযুক্ত হয়। চণ্ডীদাসের রাধা আমার বিবেচনায় এই শ্রেণীর বস্তু।

চণ্ডীদাস যে দেশে জন্মগ্রহণ করিয়াছিলেন সে দেশে জাতিভেদের নিয়ম প্রচলিত। জাতিভেদের নিয়ম-অনুসারে ভিন্ন জাতীয় নরনারীর প্রেম নিন্দনীয়। ব্রাহ্মণ জাতীয় পুরুষ ও ধোপা জাতীয়া মহিলার মধ্যে যদি প্রেমের সম্ভার হয় তবে সে প্রেম অকৃত্রিম হইলেও নিন্দনীয় কি না?

জাতিভেদ-বিশিষ্ট-সমাজে তাহা অবশ্যই নিন্দনীয়; কিন্তু মনে কর, ব্রাহ্মণ—ব্রাহ্মণ নহে, ধোপা—ধোপা নহে। উভয়েই রক্ত মাংসে গড়া মনুষ্যমাত্র। তাদৃশ দুই নরনারীর মধ্যে যদি অকৃত্রিম প্রেম দেখা যায়, তাহারা যদি আপনাদের জাতি ভুলিয়া কেবল আপনাদিগকে নরনারী মাত্র জ্ঞানে পরস্পরের গুণে পরস্পর মগ্ন হয়, পরস্পরকে আত্ম সমর্পণ করে,—তবে সমাজে তাহারা ন্যায্য কারণে নিন্দনীয় ও দণ্ড্য হইতে পারে, সমাজের হিতার্থে তাহারা আত্ম-সংযমে অক্ষম বলিয়া বিবেচক লোকের চক্ষে তাহারা গর্হণীয় হইতে পারে,—কিন্তু তাহারা একেবারে মনুষ্য-হৃদয়ের সহানুভূতি হইতে বঞ্চিত হইতে পারে না। কেননা, মনুষ্যের প্রতি মনুষ্যের প্রেম স্বতঃই এক উৎকৃষ্ট বস্তু; তাহার সহিত সামাজিকতা বিস্মৃত হইয়া আমাদের তন্ময় হওয়া চলে; সুতরাং যদি কোনও কবি তাদৃশ প্রেম অবলম্বন করিয়া কাব্য রচনা করেন, তবে পাঠ করিয়া প্রীতলাভ অসম্ভব নয়।

তদ্রূপ চণ্ডীদাস যে দেশে জন্মগ্রহণ করিয়াছিলেন, সে দেশে পাত্র ও পাত্রীর ইচ্ছামত বিবাহ হয় না;—তথায় পিতামাতা বা অন্য অভিভাবকের

ইচ্ছায় বর কন্যা আজীবন পরিণয়-সূত্রে আবদ্ধ হয়। সে দেশের নিয়ম-অনুসারে পতির পত্নীকে ভালবাসা এবং পত্নীর পতিকে ভালবাসা ধর্ম বলিয়া গণ্য। যেখানে স্বাভাবিক মনুষ্য-হৃদয় ভালবাসিতে চায় না, সমাজ সেখানেও ভালবাসার শাসন করিয়াছে। সেই শাসন প্রতিপালন করা 'শক্তি-সাপেক্ষ'। তাহাতে প্রভূত পরিমাণে আত্মসংযমের আবশ্যক। কিন্তু যদি দূর্ব্বলহৃদয় নরনারী সে শাসন প্রতিপালন করিতে অসমর্থ হয়, স্বাভাবিক প্রবৃত্তি-অনুসারে যদি পরস্পরের প্রতি পরস্পরের অরুচি জন্মে এবং তাহারা পরস্পরের প্রতি পরাশ্রয় হইয়া অন্য নরনারীর প্রেমে আকৃষ্ট হইয়া দাম্পত্য ধর্ম জলাঞ্জলি দেয়, তবে তাহারা নিন্দনীয় কি না? দূর্ব্বলহৃদয় বলিয়া অবশ্যই নিন্দনীয়, সন্দেহ নাই; আত্মসংযমে অক্ষম বলিয়া তাহারা গহণীয় বটে; কিন্তু তাহারা স্বতঃপ্রবৃত্ত হইয়া যে প্রেমবিস্তার করে তাহা যদি অকৃত্রিম হয়, তবে তাহাতেও মাধুর্য আছে অবশ্য স্বীকার করিতে হইবে, এবং তন্ময় হইয়া সেই মাধুর্য আশ্বাদন করিতেও আমরা সমর্থ।

যে দেশে নরনারীগণ পরিণত বয়সে আপন আপন রুচি-অনুসারে পরস্পরের প্রেমে আকৃষ্ট হইয়া বিবাহ-সূত্রে আবদ্ধ হয়, তথায় যদি পতি বা পত্নী পরস্পরকে আজীবন ভালবাসার প্রতিজ্ঞা ভগ্ন করিয়া সত্যের অবমাননা করে এবং ইন্দ্রিয়ের উত্তেজনায় আপন আপন ধর্ম নাশ করে,—তবে তাহাদের অধর্ম অসম্মদেশের বিপথগামী পতি-পত্নীর অধর্ম অপেক্ষা মন্দ। এখানে একটি বালক ও একটি বালিকা বিবাহ কি তাহা না জানিয়া বিবাহিত হইয়া পরে প্রৌঢ়াবস্থায় যদি পরস্পরকে ভালবাসিতে না পারে, তবে তাহাদের দূর্ব্বলতা অসাধারণ বলিয়া গণনীয় হইবার যোগ্য নহে। ঈদৃশ অবস্থায় যদি ধর্ম ও প্রেমের মধ্যে বিবাদ উপস্থিত হয় এবং প্রেমের অনুরোধে যদি ধর্ম জলাঞ্জলি দেওয়া হয়, তবে তাহা নিন্দনীয় কি না? নিন্দনীয় তাহাতে আর সন্দেহ নাই। কাম ও ধর্মের বিবাদে ধর্মেরই জয়লাভ হওয়া উচিত; ধর্মের পরাজয় কেবল সেই স্থানে, যথায় তাহার ফল অমঙ্গল। যে নিয়ম সমাজে মঙ্গলকর বলিয়া পরিগণিত, বিচারে যাহার ফল অমঙ্গল বলিয়া প্রতিপন্ন করা যায় না, সেই সাধারণ হিতকর নিয়ম বা ধর্মের পদতলে ব্যক্তিগত কামনা বিরুদ্ধ হইলে বলিদান দিতেই হইবে সন্দেহ নাই।

কিন্তু সেখানেও একটা “কিন্তু” আছে। স্বেচ্ছায় কখনও পূর্ব্ব যেখানে আত্মসমর্পণ করা হয় নাই, সেখানে দূর্ব্বলহৃদয় নরনারী যদি আত্মসংযমে অসমর্থ হইয়া ধর্ম অর্থাৎ সামাজিক নিয়ম-বিশেষের বাধা অতিক্রম করিয়া স্বাভাবিক প্রবৃত্তির উত্তেজনায় অকৃত্রিম প্রণয়ের বশীভূত হইয়া অন্য পুরুষ বা স্ত্রীতে আত্মসমর্পণ করিয়া বসে, সেখানে তাহারা একপক্ষে নিন্দনীয়

হইলেও সাধারণ নরনারীর সহানুভূতি হইতে একেবারেই বঞ্চিত হইবার যোগ্য নহে।

ফলতঃ স্বাভাবিক অরুচি সত্ত্বেও ধর্মবোধে দাক্ষিণ্য ও আত্মসংযমের অনুশীলনে যে নরনারীর হৃদয়ে অকৃত্রিম প্রেমের সঞ্চার হয়, তাহারা কাব্যে উৎকৃষ্ট নায়ক নায়িকা বলিয়া গণ্য হইবার যোগ্য ; আর স্বাভাবিক অরুচিবশতঃ, হৃদয়ের দৌর্ভাগ্য-হেতু ধর্মবোধে আত্মসংযমের অনুশীলন অসম্ভব হওয়ায়, অর্নপিতপদার্থ হৃদয়কে যে নরনারী অকৃত্রিম প্রেমে আকৃষ্ট হইয়া অন্যের হস্তে সমর্পণ করে, কাব্যে তাহারা মধ্যম নায়ক নায়িকা বলিয়া পরিগণিত হইবার যোগ্য ; আর একবার প্রেমের বশীভূত হইয়া স্বেচ্ছায় অপরকে মনঃপ্রাণ সমর্পণ করার পর যে নরনারী অধৈর্যবশতঃ সত্য-ভঙ্গ করে, তাহারা অধম নায়ক নায়িকা বলিয়া বিবেচিত হইবার যোগ্য।

চণ্ডীদাসের রাধা মধ্যম শ্রেণীর নায়িকা। তিনি যখন প্রেমের অনুরোধে ধর্মকে বিসর্জন করা অপরিহার্য বোধ করিলেন, তখন তাঁহার জন্য আমরা দুঃখিত হইলাম ; কিন্তু তাঁহার প্রেমের স্রোত এমনি প্রবল যে তাহা আমাদের কাছেও ভাসাইয়া লইয়া যায়, অনিচ্ছাতেও ভাসাইয়া লইয়া যায়।

তজ্জন্য সুন্দর হইলেও চণ্ডীদাসের কাব্য নিশ্চেষ্ট নহে। কিন্তু তাহার সৌন্দর্য দেখিয়া অনেক সময়ে দোষ ভুলিয়া যাইতে হয়। কলংকী চাঁদের ন্যায় তদীয় কাব্য মনোহর।

সাধারণ নায়িকার আক্ষেপোক্তি ধরিলে চণ্ডীদাসের কাব্যের আশ্বাদ এইরূপ ; কিন্তু ভক্ত পাঠকের চক্ষে ইহাতে আর এক ভাব দৃষ্ট হয়। রাধা সামান্য নায়িকা মাত্র নয়, উহা ঈশ্বরপ্রেমে আকৃষ্ট মনুষ্য-হৃদয়ের রূপক মাত্র। কবিও অনেকটা এই ভাবেই রচনা করিয়াছেন। সামান্য নায়ক নায়িকার কথা ভুলিয়া গিয়া ঈশ্বর-সমাগম-লোলূপ মানব-হৃদয়ের আক্ষেপোক্তি ধরিলে তাঁহার কাব্য কেমন লাগে ?

মনুষ্যের হৃদয় ঈশ্বরকে না দেখিয়াই তদীয় মাধুর্য্যে আকৃষ্ট হইয়া একপ্রকার অনির্বচনীয় প্রেম অনুভব করে। ঈশ্বরের মহিমায় হৃদয়ে বিস্ময় জন্মে, ঐশ্বর্য্যে ভয় জন্মে, মাধুর্য্যে প্রেম জন্মে। এই বিস্ময়, ভয় ও প্রেম মিশ্রিত হইয়া ভক্তিতে পরিণত হয়। কোনও ভক্তের প্রেম ও ভয় অপেক্ষা বিস্ময় অধিক, কাহারো বা প্রেম ও বিস্ময় অপেক্ষা ভয় অধিক, কাহারো আবার বিস্ময় ও ভয় অপেক্ষা প্রেমই অধিক। প্রথম শ্রেণীর ভক্তকে 'ব্রাহ্ম' ভক্ত বলা যাইতে পারে ; ঈশ্বর তাঁহার চক্ষে অতি বৃহৎ বস্তু, অতি বৃহৎ পদার্থ বা 'ব্রহ্ম' অসীম, অনন্ত, ইয়ত্তা করার অসাধ্য সামগ্রী। তাদৃশ ভক্ত জ্ঞানমার্গে ঈশ্বরের পরিচয়-লাভের জন্য আজীবন যত্নশীল। বিস্ময়ে তাঁহার জ্ঞান-স্পৃহা

উত্তরোত্তর কেবল সম্বুদ্ধিগত হইতে থাকে। দ্বিতীয় শ্রেণীর ভক্তকে ‘শৈব’ ভক্ত বলা যায় ; ঈশ্বর তাঁহার চক্ষে মহাকাল বা মহারুদ্ধের ন্যায় ভীষণ ; সৰ্ব্বদা ভাঙিতেছেন, সৰ্ব্বদা গড়িতেছেন, দয়া নাই, মমতা নাই, ক্রন্দনের প্রতি দ্রুত্বেপ নাই, হাস্যের প্রতি কটাক্ষ নাই ; আপনার নেশায় আপনি বিভোর, এই সংসারকে শ্মশান-তুল্য করিয়া কি জানি কি বদ্বিষ্যা আপনার মনে গড়াকে ভাঙিতেছেন, ভাঙাকে গড়িতেছেন। তাঁহাকে দেখিলে হৃদয় কম্পিত হয়, প্রাণ শূন্য হইয়া যায়, চক্ষু মৃদুয়া লুকাইয়া থাকিতে ইচ্ছা হয়। ঈদৃশ ভক্ত বৈরাগ্যমার্গে সংসার হইতে পালাইয়া বন বা গিরিগুহা আগ্রয় কামনা করে। তৃতীয় শ্রেণীর ভক্তকে ‘বৈষ্ণব’ ভক্ত বলা যাইতে পারে। তাঁহার চক্ষে ঈশ্বর এক পরম রমণীয় সত্ত্ব ; তাঁহার লাভণ্যের ছবি এই ব্রহ্মাণ্ডে প্রতিফলিত ; আকাশে বায়ুতে ধরাতলে তিনি এক মহা সৌন্দর্য্যের মেলা বসাইয়াছেন এবং মধুর বংশীরবে জীবকে সেই সৌন্দর্য্যের আস্বাদ লইতে আহ্বান করিতেছেন। তিনি নিজে আনন্দময়—আনন্দের উৎসে হ্রিভুবনকে প্লাবিত করিতেছেন। জীবের প্রতি তাঁহার অনিস্বর্চনীয় প্রেম,—অবিরাম জীবকে নিকৃষ্ট দশা হইতে উৎকৃষ্ট দশায় তুলিতেছেন, আপনার সমীপে আকর্ষণ করিতেছেন, নিজেও আকৃষ্ট হইয়া তাহার সমীপে আসিতেছেন, পরমাশ্রয় ভাবে সখার ন্যায় জীবাত্মাকে আলিঙ্গন করিতেছেন, জীবের সহিত বিহার করিয়া নিজেও প্রীতি অনুভব করিতেছেন, জীবকেও প্রীতিবদ্ধ করিতেছেন। অনুরাগমার্গে এই শ্রেণীর ভক্ত নরনারীগণ পরস্পরের প্রতি অকৃত্রিম প্রেমসুদ্রে আবদ্ধ হইয়া সেই প্রেম ক্রমশঃ ঈশ্বরে সঞ্চারিত করিতে প্রয়াসী হইয়েন।

আমাদের কবি এই তৃতীয় শ্রেণীর ভক্ত ছিলেন। তিনি ঈশ্বরের মহিমায় তাদৃশ বিস্মিত নহেন, অথবা তদীয় ঈশ্বর্য্যে তাদৃশ বিভীষিকায়ুক্ত নহেন, যেমন তদীয় মাধুর্য্যে প্রীতিমান। বংশীবদন শ্যামসুন্দরের নাম কাণের ভিতর দিয়া মরমে পশিয়া তাঁহার প্রাণকে আকুল করিয়াছিল। শ্যামসুন্দরের মধুর নামে যে কত মধু আছে, তাহা তিনি ইয়ত্তা করিতে অসমর্থ। তিনি তাহা দিবানিশি জপ করেন এবং কেমনে তাঁহাকে পাইবেন এই ভাবিয়া ব্যাকুল। যে মদনমোহনের গুণ শুনিয়াই তিনি এত অধীর হইয়াছেন, তাঁহাকে যখন স্বচক্ষে দেখিবেন, তখন না জানি কি অনিস্বর্চনীয় আনন্দই উপভোগ করিবেন।

এই পর্য্যন্ত আমার বেশ লাগে। কিন্তু হায়!

প্রায়েণ সামগ্র্যবিধৌ গুণানাং

পরাত্মদুখী বিশ্বসজ্জঃ প্রবৃন্তঃ।

কবিতার শেষ অংশটুকু পদ্যের ন্যায় মনোহর নয়।

যেখানে বসতি তার  
নয়নে দেখিয়া গো  
যুবতী ধরম কৈছে রয়।

এই অংশটুকু তাদৃশ মনোরম নহে। ঈশ্বরকে দেখিয়া আমরা ধর্মরক্ষা করিতে অসমর্থ হইব, এ যেন একটা কিম্বদন্তি ক্রিমাকার কথা।

পাসরিতে চাহি মনে  
পাসরা না যায় গো  
কি করিব কি হবে উপায়।

কেন?—ঈশ্বরকে মনে পাসরিতে কি জন্য চাহিব? এখানে ভক্তিভাব বিলুপ্ত হইয়াছে। এটুকু খাটী কুলটার উক্তি। কুলটার এ উক্তিভেদে আহা বলিয়া দয়ার উদ্বেক সম্ভব; কিন্তু ঈশ্বরকে ভুলিতে চাহি, ভুলিতে পারিতেছি না, উপায় কি—এ ভাবে রমণীয়ত্ব কিছই নাই।

অবশেষে কুলবতী কুলনাশ করিয়া আপন যৌবন দিতে চাহে, ইহাও পবিত্র ভক্তিরসের বিসম্বাদী মলিন ভাব। ফলতঃ ধর্ম বা ভক্তির চক্ষে রাধাকৃষ্ণের লীলা অতি অপকৃষ্ট পদার্থ। ইহা যেন একটি ভাল ফল পাকিয়া পচিয়া গিয়াছে। অন্য পদ্যের প্রতি অন্য স্ত্রীর প্রেমের সহিত পরমাত্মার প্রতি জীবাত্মার প্রেমে যে কি সাদৃশ্য আছে, তাহা আমি তলাইয়া পাই না। ঈশ্বর-প্রেম বিস্ময় ও ভয় মিশ্রিত হইয়া ভক্তির অঙ্গীভূত হইলেই শোভা হয়; আর সামান্য নায়ক নায়িকার প্রেমের সহিত বিশেষতঃ তাদৃশ নায়ক নায়িকার ধর্ম-বিরুদ্ধ প্রেমের সহিত উপমিত হইলে তাহা মলিন হইয়া পড়ে।

চণ্ডীদাসের কাব্য যদি ভক্তিভাবে পাঠ করা যায়, তবে তাহার কিয়দংশ মলিন না বলিয়া থাকা যায় না। আর যদি লৌকিকভাবে পাঠ করা যায়, তবে তাহা মধ্যম রকমের। কিন্তু যে কবিতাটি আমরা আলোচনা করিতেছি, কেবল রচনা-অংশে ইহার সৌন্দর্য্য একেবারে অতুলনীয়। মনের ভাব এরূপ মধুর ও প্রাজ্ঞভাবে কয় জন কবি ভাষায় প্রকাশ করিতে পারেন?

চণ্ডীদাস কি করিবেন—তিনি হতভাগিনী রাধার মূখে কথা কহিতেছেন, মলিন-জলপ্রণালী দিয়া তিনি যখন ভাবের স্রোত চালিত করিয়াছেন, তখন তাহা নিস্মল হইয়া বাহির হওয়া অসম্ভব। তিনি যেখানে “যুবতী ধরম কৈছে রয়” লিখিয়াছেন; তথায় “যুবতী ধৈর্য কৈছে রয়” লিখিলে আমাদের সমধিক প্রীতিকর হইত। কিন্তু “পাসরিতে করি মনে” ইত্যাদি শেষাংশটুকুর ভক্তিভাবে আর সংস্কারের উপায় দেখি না।



ফলতঃ রাধার উক্তি না বলিয়া, কবিভাটিকে যদি চণ্ডীদাস-প্রণয়িনী শ্রীমতী রামাদাসীর উক্তি বলিয়া পাঠ করা যায়, তবে এটিকে সামাজিকতার হিসাবে না হউক অন্ততঃ কাব্য্যাংশে অতি উৎকৃষ্ট না বলিয়া থাকা যায় না। রাধা অপেক্ষা রামা উৎকৃষ্ট সন্দেহ নাই। চণ্ডীদাস ও রামা পরস্পরের প্রতি অকৃত্রিম প্রণয়ে আকৃষ্ট হইয়া প্রেম কি পদার্থ, তাহা অনুভব করিয়াছিলেন। তাঁহারা যে জাতি ও সামাজিক ধর্ম প্রণয়ের অনুরোধে বিসর্জন দিয়াছিলেন, সাহিত্যক্ষেত্রে তজ্জন্য অপরাধী নহেন; অপরাধী হইলেও সে কথাটা আমরা উপেক্ষা করিতে পারি। নাম্নরের একটি অবিবাহিত দরিদ্র ব্রাহ্মণ এবং একটি বিধবা দরিদ্র রজকী পরস্পরকে ভালবাসিয়াছিল এবং সেই ভালবাসা হইতে বাঙালা সাহিত্যের উদ্যানে সর্বপ্রথমে একটি সুন্দর পদ্য প্রস্ফুটিত হয়। জাতিশূন্য সমাজ-বহিস্কৃত নরনারীর অকৃত্রিম প্রেমও মধুর পদার্থ। রামা রজকীর সহিত তন্ময় হইয়া—

“পাসরিতে করি মনে

পাসরা না যায় গো

কি করিব কি হবে উপায়!”

এই অংশটি যদি পাঠ করা যায়—তবে এমন পাঠক কে আছে তাহার সহিত কিঞ্চৎ সহানুভূতিও প্রকাশ না করিয়া থাকিতে পারে? রামা ও চণ্ডীদাস যদি হিন্দু না হইতেন, তবে তাঁহারা উদ্বাহসূত্রে আবদ্ধ হইয়া পবিত্র দাম্পত্য প্রণয়ের আদর্শ হইতে পারিতেন। কিন্তু তাঁহারা যে হিন্দু ছিলেন—সে আর তাঁহাদের দোষ নহে, বিধাতার দোষ। আমরা দেশ কাল পাঠ অতিক্রম করিয়া যদি কেবল বস্তুর স্বভাব দেখি, তবে রজকী ও ব্রাহ্মণ বটুর মধ্যে যে অকৃত্রিম প্রেম জন্মিয়াছিল, তাহার সৌন্দর্য্য অনুভব না করিয়া থাকা যায় না। অকৃত্রিম প্রেম পৃথিবীতে অনুপম পদার্থ এবং চিরকালই তাহা উৎকৃষ্ট কাব্যের অবলম্বন। সেই অকৃত্রিম প্রেমের সৌরভ চণ্ডীদাসের কাব্যকুসুমে সঞ্চারিত হইয়া তাহাকে চিরকালের জন্য উপাদেয় করিয়াছে।

(২)

তড়িত বরণী

হরিণ নয়নী

দেখিন্দু আঙ্গিনা মাঝে। (৩)

কিবা বা দিগ্ধা

অমিয়া ছানিয়া

গড়িল কোন্ বা রাজে।। (৬)

বড়ই রসের কূপ।। (১০)

সোণার কটোরি

কুচয়ুগ গিরি

কনক মন্দির লাগে। (১৩)

তাহার উপরে চুড়াটি বনালে

সে আর অধিক ভাগে।। (১৬)

কে এমন কারিগর  
 বনাইল ঘর  
 দেখিতে নারিন্দু তারে। (১৯)  
 সেই কিবা সে সুন্দর রূপ।  
 চাহিতে চাহিতে  
 পশি গেল চিতে  
 দেখিতে পাই তু  
 শিরোপা করিত  
 এমতি মন যে করে।। (২২)  
 হৃদয়ে আছিল  
 বেকত হইল  
 দেখিতে পাইনু সে। (২৫)  
 ঐছন মন্দিরে  
 শয়ন করে যে  
 সে মেনে নাগর কে।। (২৮)  
 হিয়ার মালা  
 যোবনের ডালা

পসারী পসারল যেন। (৩১)  
 চাকুতে কাটিয়া  
 চাক যে করিয়া  
 তাহাতে বসাইল হেন।। (৩৪)  
 অধর সুধা  
 পড়িছে জুদা  
 দশন মকুতা শশী। (৩৭)  
 মোর মনে হয়  
 এমতি করয়  
 তাহাতে যাইয়া পশি।। (৪০)  
 চন্দীদাসে কয়  
 ও কথা কি হয়  
 মরম কাহিলে বটে। (৪৩)  
 আর কার কাছে  
 কহ যদি পাছে  
 তবে যে কুৎসা রটে।। (৪৬)

এই কাব্যে অলংকারের ছড়াছড়ি। উপমার উপর উপমা, রূপকের উপর রূপক পদ্যজীভূত। কিন্তু ভাবের উচ্ছ্বাস এতই প্রবল যে নানাবিধ উপমা যেন একত্রে তাল বাঁধিয়া গিয়াছে। নায়িকার বক্ষস্থল গিরিচূড়ার ন্যায়, কি সুবর্ণ কটোরির ন্যায়, কি কনক মন্দিরের ন্যায়, তাহা কবি নিশ্চয় করিতে অসমর্থ; তদীয় মনোহর দন্তাবলী মুক্তা না চন্দ্র, তাহা কবির ভাবিয়া স্থির করিবার অবসর নাই; তাহা মৃদুস্তাও বটে, চন্দ্রও বটে। সেই মৃদুস্তাচন্দ্র হইতে অধর-রূপ সুধা পৃথক হইয়া পড়িয়াছে। কোনও কোনও স্থলে ভাবোচ্ছ্বাস এতই প্রবল যে তাহা মৃদু দিয়া বাহির হইবার পদ্বর্ষে যেন হৃদয় বিদীর্ণ করিয়া কিয়দংশ বাহির হইয়াছে, আর কিয়দংশ মনের ভিতরই থাকিয়া গিয়াছে। নায়ক নায়িকাকে দেখিবামাত্র ভাবী মিলনের আশায় ক্ষিপ্ত হইয়া দুইটি ফুলে একটি মালা গাঁথার ছবি দেখিতেছেন। মনোভাব মালাকার যেন ছুরি দিয়া তাহার হৃদয়-রূপ ফুলটি কাটিয়া লইয়া গেল এবং নায়িকার হৃদয়-রূপ পদ্পের সহিত গাঁথিয়া, যোবনের ডালাতে 'হিয়ার মালার' পসার দিল। নায়িকার লাবণ্য যেন এক অশুভ মন্দির, তাহা—

“হৃদয়ে আছিল  
 বেকত হইল  
 দেখিতে পাইনু সে।”

নায়ক যাহা কল্পনায় বা স্বপ্নে দেখিয়াছিলেন, অদ্য তাহা প্রত্যক্ষ করিলেন। এমন মন্দিরে যে শয়ন করিবে, না জানি সে কি ভাগ্যবান! ফলতঃ কবিতাটি অতীব মধুর। সাহিত্য-ভাণ্ডারে ইহা একটি অমূল্য রত্ন।

হায়! অমূল্য রত্নেও কিন্তু একটুকু খুঁত আছে। যে নায়িকাকে দেখিয়া নায়ক পাগল হইয়াছেন, সে ‘পরকীয়া’। তিনি যে প্রেম অনুভব করিলেন, তাহা অকৃত্রিম, সন্দেহ নাই;—কিন্তু তাহা প্রকাশ পাইলে লোক-সমাজে কুৎসারটনার কথা! ইহা সমাজের দোষ, না নায়ক নায়িকার দোষ? কাব্যের আশ্বাদ গ্রহণ করিতে হইলে তাহা সমাজেরই দোষ বলিয়া ধরিয় লইতে হইবে। চণ্ডীদাস ব্রাহ্মণ আর রামা রজকী; যাহারা ব্রাহ্মণ ও রজকে ভেদ দেখে, কাব্যের অনুরোধে তাহাদের সহিত আমাদের কিয়ৎকালের জন্য সহানুভূতি ত্যাগ করিতে হইবে। রামা বিধবা; বিধবাকে ভালবাসাতে যাহারা দোষ দেখে, কাব্যের অনুরোধে তাহাদের সহিতও কিয়ৎকালের জন্য আমাদের সহানুভূতি ত্যাগ করিতে হইবে। কল্পনায় খুঁটান বা মদুসলমান হইয়া যদি এই কাব্যটি পাঠ করা যায়, তবে ইহার মাধুর্য্য মোহিত না হইয়া থাকা যায় না। চণ্ডীদাসের অকৃত্রিম প্রেমের ভিত্তিতে যে কুৎসার সম্ভাবনা রহিয়াছে, সে কেবল হিন্দুজাতির মধ্যে।

যাহা হউক, চণ্ডীদাসের দুর্ভাগ্যবশতঃ তিনি ও তাঁহার নায়িকা হিন্দুকুলে জন্মিয়াছিলেন। এই বিধি-বিপাকে যে অকৃত্রিম প্রণয়ে কেবল অনিশ্চিনীয় সুখেরই আশা করা যায়, তাহাতে তিনি দুঃখও ভোগ করিয়াছিলেন। সেই দুঃখের কাহিনী তিনি এইরূপে গান করিয়া গিয়াছেন।

### (৩)

পিরীতি সুখের	গুরুজন জ্বালা
সাগর দেখিয়া	জলের শিহালা
নাহিতে নামিলাম তায়। (৩)	পড়শী জিয়ল মাছে। (১৫)
নাহিয়া উঠিয়া	কুল পানিফল
ফিরিয়া চাহিতে	কাঁটা যে সকল
লাগিল দুখের বাস।। (৬)	সলিল বোড়িয়া আছে।। (১৮)
কেবা নিরমিল	কলঙ্ক পানায়
প্রেম সরোবর	সদা লাগে গায়
নিরমল তার জল। (৯)	ছাঁকিয়া খাইল যদি। (২১)
দুখের মকর	অন্তর বাহিরে
ফিরে নিরন্তর	কুটু কুটু করে
প্রাণ করে টলমল।। (১২)	সুখে দুখ দিল বিধি।। (২৪)

কহে চণ্ডীদাস                      সুখের লাগিয়া  
শুন বিনোদিনী                    যে করে পিরীতি  
সুখ দুখ দুটি ভাই। (২৭)        দুখ যায় তারি ঠাঞি।। (৩০)

প্রেমিক চণ্ডীদাস এবং তৎ-প্রণয়িনী রজক-বধূ প্রেমের অনুরোধে এই সকল যন্ত্রণা ভোগ করিয়াছিলেন, কিন্তু প্রেম তাঁহাদের হৃদয়ে প্রবিষ্ট হইয়া প্রাণের সহিত অভিন্ন হইয়া দাঁড়াইয়াছিল! যদি জীবন রাখিতে হয়, তবে এ প্রেম ছাড়া যাইতে পারে না, ইহা তাঁহারা অনুভব করিয়া প্রেমের অনুরোধে আপনাদের জাতি কুল অকিঞ্চৎকর বলিয়া বিসম্ভর্জন দিয়াছিলেন। লোকে তাঁহাদের অনেক নিন্দা করিত, তাহাতে তাঁহারা দুঃখিত হইয়াও অবশেষে লোকনিন্দা উপেক্ষা করিতে শিখিয়াছিলেন। প্রেমকে প্রাণসম্বল জানিয়া লোকনিন্দাকে উপেক্ষা করাই শ্রেয়ঃ বিবেচনায় চণ্ডীদাস একটি অপূর্ষ পদ রচনা করিয়া গিয়াছেন।

(৪)

পিরীতি বলিয়া                      জনমে জনমে  
এ তিন আঁখর                      কি সুখ জানয়ে তারা।। (১৬)  
সিরাজিল কোন্ খাতা। (৩)        যে জন যা বিনে  
অবাধ জানিতে                      না রহে পরাণে  
সুধাই কাহাতে                      সে যে হৈল কুলনাশী। (১৯)  
ঘুচাই মনের ব্যথা।। (৬)        তবে কেন তারে  
পিরীতি মদুরতি                      কলঙ্কিনী বলে  
পিরীতি রতন                      অবোধ গোকুলবাসী।। (২২)  
যার চিতে উপজিল। (৯)        গোকুল নগরে  
সে ধনী কতেক                      কেবা কি না করে  
জনমে জনমে                      অবদুখ মদু সে লোকে। (২৫)  
যজ্ঞ করিয়াছিল।। (১২)        চণ্ডীদাসে ভণে  
সই! পিরীতি না জানে যারা। (১৩)    মরুক সে জনে  
এ তিন ভুবনে                      পর চরচায় থাকে।। (২৮)

পুণ্ডেই বলিয়াছি, এটি একটি অপূর্ষ কবিতা। চণ্ডীদাসের জীবনের ইতিহাস ইহাতে প্রতিবিস্মিত হইয়াছে, এবং ইহাতে তিনি অকপটভাবে যেখানে আত্মদোষ স্ফালন করিয়াছেন, তাহাতে তাঁহার সরলতায় মৃদ্ধ না হইয়া থাকা যায় না। যে ব্যক্তি বাহাকে ছাড়িয়া প্রাণ ধারণ করিতে পারে

না, সে যদি তাহার জন্য জাতি কুল বিসর্জন দেয়, তাহাকে দোষ দেওয়া বৃথা; জাতি কুলের জন্য প্রাণ পরিত্যাগ করাও যাঁহাদের সম্ভব, তাঁহারা উত্তম নায়ক নায়িকা হইতে পারেন;—কিন্তু চণ্ডীদাস বলিতেছেন, ভাই! আমার দূর্ষল হৃদয়ে সে শক্তি নাই। কিন্তু তোমরা যে আমার নিন্দা কর—তোমরা কি না করিতেছ?

গোকুল নগরে কেবা কি না করে?—

এই সংসার প্রধানতঃ দূর্ষলহৃদয় নরনারীরই বাসস্থান নহে কি? আমি প্রেমের অনুরোধে জাতি কুল পরিত্যাগ করিয়াছি, কিন্তু তোমাদের মূখে নিন্দা উচিত নহে।

ফলতঃ চণ্ডীদাস প্রেমকে যেরূপ চক্ষে দেখিতেন—তাহাও অতি বিচিত্র।

সই! পিরীতি না জানে যারা।

এ তিন ভুবনে

জনমে জনমে

কি সুখ জানয়ে তারা।।

প্রেম হইতে উৎকৃষ্ট যে কোন বস্তু আছে, তাহা তাঁহার বুদ্ধিতে প্রবেশ করে নাই। অধিক কি, তিনি প্রেমকে ভজনা বলিয়া গ্রহণ করিয়াছিলেন; প্রেমই পরলোকে সঙ্গতির দ্বার-স্বরূপ বলিয়া তাঁহার মনে হইয়াছিল। এ বিচিত্র ভাব যে কেবল চণ্ডীদাসের, তাহা নহে; ইহা একটি সাম্প্রদায়িক ভাব।

ভারতবর্ষে একদা অশ্বৈতবাদের বড় ধুম পড়িয়া গিয়াছিল। আজিও হিন্দুধর্মের ইহা একটি প্রধান অঙ্গ বলিয়া অনেকে বিবেচনা করেন। এই অশ্বৈতবাদের মর্ম এই যে সংসারে নিত্যবস্তু এক বই দ্বিতীয় নাই, এবং সেই নিত্যবস্তুর নাম পরমাত্মা। শাহা সচরাচর জীবাত্মা বলিয়া কথিত হয়, প্রকৃত পক্ষে তাহাতে এবং পরমাত্মাতে কোনও ভেদ নাই। জীবাত্মা মায়ায় মগ্ন হইয়া আপনাকে ভিন্ন বোধ করে মাত্র। তুমি আমি সবাই ঈশ্বর।

অশ্বৈতবাদের আমি ঈশ্বর, তুমি ঈশ্বর, এই কথাটি অনেক ধার্মিক ব্যক্তির বিবেচনায় অতীব অসঙ্গত বলিয়া প্রতীয়মান হইয়াছিল। অথচ তাঁহারা বেদের “একমেবাদ্বিতীয়ং” মতও পরিত্যাগ করিতে সাহসী হইতে পারিলেন না। এই ব্যক্তিদের মধ্যে বিশিষ্টাশ্বৈতবাদ নামক এক প্রকার মত আবিষ্কৃত হয়। তদনুসারে আদিতে একমাত্র পরমাত্মা ভিন্ন আর কিছুই ছিল না সত্য বটে এবং তিনি কামনা করিয়া বহু হইয়াছেন, এ কথাও সত্য বটে। কিন্তু

পরমাত্মার ইচ্ছা-প্রসূত তদীয় বহুত্বভাব যে অলীক, তাহাও নহে। একমাত্র অদ্বিতীয় ঈশ্বর ইচ্ছা করিয়া আপনাকে অসংখ্য নর-নারীতে পরিণত করিয়াছেন, এবং তাহাতে এই অপূৰ্ণ সংসারের অবির্ভাব হইয়াছে ; কিন্তু ঈশ্বরের এই ইচ্ছা অনন্তকাল স্থায়ী, সুতরাং নর-নারী-স্বরূপ জীবাত্মাসকলও পৃথক ভাবে অনন্তকাল স্থায়ী ; এই সকল জীবাত্মা ঐশ্বরিক নিয়মের অধীন হইয়া সৃষ্টি দৃষ্ট ভোগ করে। কখনও বা হীন-দশাগ্রস্ত হয়, কখনও বা উন্নত অবস্থা প্রাপ্ত হয় ; এবং হৃদয়ে ভক্তিরসের আবির্ভাব হইলে লোকান্তে ঈশ্বরের সংগম-রূপ মহানন্দলাভের পাত্র হয়।

ভক্তির প্রধান অঙ্গ প্রেম। অতএব ইহজীবনে যদি অকৃগ্রিম প্রণয়ের সম্ভব হয়, তবেই পরলোকে সম্ভাবিত সম্ভাবনা। প্রেমের পাত্র একমাত্র ঈশ্বর, কিন্তু এ জীবনে তাঁহাকে কেহ দোঁখিতে পায় না। তথাচ, যখন সেই ঈশ্বর নর-নারীর বিগ্রহে আপনাকে পরিণত করিয়াছেন—তখন নর, নারীর প্রতি এবং নারী, নরের প্রতি অকৃগ্রিম প্রেম অনুভব করিতে সমর্থ হইলে তাহার ঈশ্বর-প্রেম উৎপন্ন হইল বিবেচনা করিতে হইবে। অতএব নর-নারী পরস্পরের প্রতি অকৃগ্রিম প্রেম অনুভব করিতে সমর্থ হইলেই পরলোকে সম্ভাবিত উপযুক্ত হইল। সাধারণতঃ প্রেম মাত্রই উৎকৃষ্ট, কিন্তু ইহার মধ্যেও আবার তারতম্য আছে। কোনও ক্ষেত্রে বা প্রেম কিছু তরল, কোনও ক্ষেত্রে অতীব গাঢ়। ইহা কোথাও বা ক্ষুদ্র স্রোতের ন্যায় ধীরে চলে, কোথাও বা জলপ্রপাতের ন্যায় প্রবল আবেগময়। উদাসীনের শান্ত প্রেম, পিতা-মাতার বাৎসল্য প্রেম, বন্ধুর সখ্য প্রেম, অধীনের দাস্য প্রেম,—ধর্ম্মের উপরোধে নর-নারীর দাম্পত্য-প্রেম, অপেক্ষাকৃত ক্ষীণ প্রেমের উদাহরণ;—কিন্তু অবিবাহিত নর-নারীর মধ্যে যৎপ্রসূত অকৃগ্রিম সতেজ আবেগময় প্রেম মানব-প্রেমের পরাকাষ্ঠা-স্বরূপ। এই প্রবল প্রেমের স্রোত-স্বরূপ গঙ্গায় ভাসিতে পারিলে আমাদের জীবন-তরণী—সবেগে ঈশ্বর সংগম-রূপ মহাসমুদ্রে উপস্থিত হইতে পারিবে। নর, নারীকে রাখা বা ঈশ্বরী জ্ঞানে, এবং নারী, নরকে কৃষ্ণ বা ঈশ্বর জ্ঞানে অকৃগ্রিম প্রেমোপহারে ভজনা করিতে পারিলে, তাহাই উৎকৃষ্ট ঈশ্বরোপাসনা বলিয়া বিবেচিত হইবার যোগ্য।

কাব্যস্বাদনের জন্য এই অঙ্কিত মতে বিস্মিত হইবার আবশ্যক নাই এবং এই মত অসার বলিয়া খণ্ডন করিতে বা ধ্বংস সত্য বলিয়া সমর্থন করিতে অগ্রসর হইবারও আবশ্যক নাই। সহৃদয় পাঠক বিবেচনা করিবেন যে, এক সম্প্রদায়ের লোকের মনেব ভাব এইরূপ এবং আমাদের আদি কবিগণও মনের ভাব এইরূপ ছিল। তাঁহার সঁহিত তন্ময় হইয়া তদীয় কবিত্বস্বাদনে যদি আমাদের স্পৃহা থাকে, তবে ক্ষণকালের জন্য আমাদেরকে তাঁহার মতে সার

দিতে হইবে। তখন তিনি কি ভাবে রজক-বধূকে আত্মসমর্পণ করিয়াছিলেন এবং সে তাহাকে আত্মসমর্পণ করিয়াছিল, তাহা আমরা বন্ধিতে সক্ষম হইব। কৃষ্ণ-রাধাকে নায়ক নায়িকা করিয়া চণ্ডীদাস যে সকল উৎকৃষ্ট পদ রচনা করিয়াছিলেন, প্রকৃতপক্ষে তিনিই তাহার নায়ক এবং তাহার হৃদয়েশ্বরী রামাই তাহার নায়িকা সন্দেহ নাই।

তিনি কৃষ্ণের সাজ সাজিয়া শ্রীমতী রামীকে বলিতেছেন:—

( ৫ )

আর এক বাণী	নব সন্নিপাত
শুন বিনোদিনি,	দারদ্রণ বেয়াধি
দয়া না ছাড়িও মোরে। ( ৩ )	পরাণে মরিলাম আমি। ( ২১ )
ভজন সাধন	রসের সায়রে
কিছুই না জানি	ডুবায় আমারে
সদাই ভাবিহে তোরে।। ( ৬ )	অমর করহ তুমি।। ( ২৪ )
ভজন সাধন	যেবা কিছু আমি
করে যেই জন	সব জান তুমি
তাহারে সদয় বিধি। ( ৯ )	তোমার আদেশ সার। ( ২৭ )
আমার ভজন	তোমারে ভজিয়া
তোমার চরণ	নায়ে কাড়ি দিয়া
তুমি রসময়ী নিধি।। ( ১২ )	ডুবে কি হইব পার।। ( ৩০ )
ধাওত পিরীতি	বিপদ পাথার
মদন-বেয়াধি	না জানি সাঁতার
ভনদ মন হলো ভোর। ( ১৫ )	সম্পত্তি নাহিক মোর। ( ৩৩ )
সকল ছাড়িয়া	বাশদলী আদেশে
তোমারে ভজিয়া	কহে চণ্ডীদাসে
এ দশা হইল মোর।। ( ১৮ )	যে হয় উচিত তোরে।। ( ৩৬ )

এরূপ অস্তুত কবিতা অপর কোনও দেশের সাহিত্যে আছে কি না জানি না, ভারতবর্ষ ব্যতিরেকে ইহার উৎপত্তিই অসম্ভব। যে দেশে ব্রাহ্মণে ও রজকে বিবাহ অসম্ভব, যথায় বিধবাবিবাহ অসম্ভব, যে দেশে সতীত্ব স্বাভাবিক প্রবৃত্তিজনিত প্রেম-রসের মুখাপেক্ষী নহে, তথায় নর-নারী সামাজিক নিয়ম ভুলিয়া অথবা সেই নিয়মের মস্তকে পদাঘাত করিয়া পরস্পরের মধ্যে যখন বদ্ধ্ৰূপসদৃশ স্বাভাবিক অকৃত্রিম প্রেমকে অঙ্গীকার করে এবং লজ্জা মান পরিত্যাগ করিয়া অকুতোভয়ে সমাজ-শাসনের বিরুদ্ধে বিদ্রোহ-পতাকা উদ্ভীন করিয়া আপনাদের প্রেমকে প্রেমের পরাকাস্তা বলিয়া বিবেচনা করে, তখন

আদর্শ রমণী রাধা বিগ্রহে পরিণত হয়েন। যিনি সেই রমণীর প্রেমিক, তিনি কেবল প্রেমিক নহেন, তিনি তাঁহার উপাসক। আর তাঁহার উপাসনাও কল্পিত ওপচারক উপাসনা নহে, তাহা হৃদয়ের উপাসনা ; এক প্রকার বিচিত্র ধর্ম্ভাবে উপাসনা।

চণ্ডীদাস করুণ স্বরে আপন প্রাণেশ্বরীকে বলিতেছেন, তোমার জন্য আমি এই সংসারের সামাজিক স্নেহে জলাঞ্জলি দিয়াছি। আমি জ্ঞাতচ্যুত, সমাজ-বহিস্কৃত ব্যক্তি। লোকে আমাকে ঘৃণা করে, কেহ আমার সহিত আলাপ করে না, কেহ আমাকে স্পর্শ করে না। আমি জীবন্মৃত হইয়াছি। সকল ছাড়িয়া তোমাকে ভজিয়া আমার এই দশা হইল। আমার প্রেম-ব্যাধি নূতন স্নিগ্ধপাতের ন্যায় আমার প্রাণনাশ করিল ; কিন্তু হে প্রাণেশ্বরী!

“রসের সাগরে  
ডুবায়ে আমারে  
অমর করহ তুমি।”

হা হতভাগ্য প্রেমিক! কেন তুমি এইরূপে আত্মবিনাশ সাধন করিলে?  
রজকীর সহিত প্রেম তোমার যদি অপরিহার্য্য হইয়াছিল, তবে “গোকুল নগরে কেবা কি না করে?” তুমি গোপনে প্রেম করিতে পারিলে না ; হা স্বর্ধ! তুমি প্রকাশ্যে এ কাজ কেন করিতে গেলো?—এই ভাব মনে উদয় হইলে কবি বলিতেছেন—ছিছি! প্রেমের সহিত কপটতা! প্রেমের সঙ্গো ছল!! আমি কি অপাত্রে আত্মসমর্পণ করিয়াছি ; তুমি কি ঈশ্বরী নহ? এ বড় অপদূর্ষ ভাব।

“তোমাতে ভজিয়া  
নায়ে কিড়ি দিয়া  
ডুবে কি হইব পার?”

অকৃত্রিম পবিত্র প্রেম যখন সংসাররূপ-নদী-পারের নৌকা-স্বরূপ, তখন প্রকাশ্যভাবে তাহাতে আরোহণ করিব না কেন?

অকৃত্রিম প্রণয়ের ঐদৃশ মাহাত্ম্য চণ্ডীদাস ব্যতিরেকে আর কোনও দেশের কবি বর্ণন করিয়াছেন কি না সন্দেহ। ইহা কিছু বাড়াবাড়ি সন্দেহ নাই। কিন্তু কিছু না বাড়াইলে কাব্য হয় না। অপিত আমাদের চক্ষে বাড়াবাড়ি বোধ হইলেও কবির নিজ-চক্ষে ইহা খাঁটি সত্য। সে বোধ না থাকিলে অকপটভাবে এমন সুন্দর কাব্য তিনি কদাচ রচনা করিতে পারিতেন না। চণ্ডীদাসের বিজ্ঞাতীয়া বল্লভা তাঁহাকে পরলোকে অমরত্ব দান করিতে সক্ষম হইয়াছেন কি না, ঈশ্বর জানেন—কিন্তু সাহিত্য-সংসারে তাঁহাকে যে অমর করিয়াছেন, তদ্বিশেষে আর সন্দেহ নাই। তদীয় চিত্তহারিণী রজক-বধু



চণ্ডীদাসের চক্ষে যেমন সাক্ষাৎ ঈশ্বরী রাধিকা, রামীর চক্ষেও চণ্ডীদাস তদ্রূপ সাক্ষাৎ ঈশ্বর কৃষ্ণ। চণ্ডীদাস নিজ-প্রণয়িনীর হৃদয়ের ভাবকেও আপন অঙ্কুরিত কবিত্বে মণ্ডিত করিয়া রাখিয়া গিয়াছেন, যথাঃ—

( ৬ )

ব'ধু তুমি সে আমার প্রাণ। ( ১ )	তুমি মোর গতি ..
দেহ মন আদি	মন নাহি আন ভায়।। ( ১৬ )
তোহারে সংপেছি	কলঙ্কী বলিয়া
কুলশীল জাতি মান।। ( ৪ )	ডাকে সব লোকে
অখিলের নাথ	তাহাতে নাহিক দৃখ। ( ১৯ )
তুমি হে কালিয়া	তোমার লাগিয়া
যোগীর আরাধ্য ধন। ( ৭ )	কলঙ্কের হার
গোপ গোয়ালিনী	গলায় পরিতে সৃখ।। ( ২২ )
হাম অতি হীনা	সতী বা অসতী
না জানি ভজন পূজন।। ( ১০ )	তোমাতে বিদিত
পিরীতি রসেতে	ভালমন্দ নাহি জানি। ( ২৫ )
ঢালি তনু মন	কহে চণ্ডীদাস
দিয়াছি তোমার পায়। ( ১৩ )	পাপপুণ্য মম
তুমি মোর পতি	তোহারি চরণখানি।। ( ২৮ )

ইহার উপর আর কথা নাই। যাহা ঈশ্বরসংগম-লাভের উপায়-স্বরূপ, তাহাকে তোমার ইচ্ছা হয় পুণ্য বল, আর ইচ্ছা হয় পাপ বল—তাহা যে-জিনিস, সেই জিনিসই থাকিবে। চণ্ডীদাসের কাব্যে অকৃত্রিম প্রেম তাদৃশ পদার্থ এবং তিনি প্রেমকে এইরূপ চক্ষে দেখিয়া আপন কাব্যে যে আকার দিয়াছেন, তাহা অতীব বিচিত্র সন্দেহ নাই।

চণ্ডীদাসের কবিতা অপরিণত-বুদ্ধি পাঠক-পাঠিকার পক্ষে উপযোগী কি না, তদ্বিশয়ে অনেকের সন্দেহ আছে। তাহারা বিবেচনা করেন, কোমলমস্তি তরুণ-তরুণীদের হৃদয় হইতে সীতা ও সাবিত্রীকে নিষ্বাসিত করিয়া, তথায় শ্রীমতী রাধাকে বসাইয়া দিলে মহান্ অনর্থের সম্ভাবনা। এ আশঙ্কা যে অমূলক, তাহা বিবেচনা করি না। কিন্তু সংসারে যাহাদের ভাল মন্দ বাছিয়া লইবার শক্তি নাই, তুমি তাহাদের কি করিতে পার? তাহাদের আত্মবিনাশের পথ কে রোধ করিবে? অবিবেচক লোকের সম্বন্ধাশ হইতে পারে বলিয়া কে কোথায় উপদেশ দ্রব্যকে সমুদ্রের তলে ডুবাইয়া দিতে ইচ্ছা করে?

[ ভারতী, ১০০২ ]

## মহাকাব্যের লক্ষণ

রামেন্দ্রসুন্দর দ্বিবেদী

ইংরাজি এপিक्-শব্দের অনুবাদে মহাকাব্য-শব্দের প্রয়োগ চলিয়া আসিতেছে; কিন্তু এপিকের সমস্ত লক্ষণের সহিত মহাকাব্যের সমস্ত লক্ষণ মিলে কি না, তাহা বলিতে পারি না। সংস্কৃত অলংকারশাস্ত্রে আমার কিছুমাত্র জ্ঞান নাই, কিন্তু শুনিয়াছি যে, আলংকারিকেরা মহাকাব্যের লক্ষণ যেরূপ সূক্ষ্মভাবে বাঁধিয়া দিয়াছেন, তাহাতে মহাকাব্যগণের চিন্তার কারণ কিছুই রাখেন নাই। কালিদাস, ভারবি, মাঘ প্রভৃতি কবিগণের রচিত মহাকাব্য এ দেশে চলিত আছে, এবং ঐ সকল মহাকাব্য সম্ভবতঃ অলংকারশাস্ত্রসম্মত মহাকাব্য। রামায়ণ ও মহাভারত, এই দুই গ্রন্থকে মহাকাব্য বলা চলে কি না, তাহা লইয়া একটা তুমুল সমস্যা গোড়াতেই দাঁড়ায়। ইংরাজি পুস্তকে রামায়ণ ও মহাভারত এপিक् বলিয়া নির্দিষ্ট হয়, কিন্তু আমাদের পণ্ডিতেরা উহাদিগকে মহাকাব্য বলিতে সর্বদা সম্মত হন না। প্রথমতঃ, এ দুই গ্রন্থ অলংকারশাস্ত্রের নিয়মাবলি অত্যন্ত উৎকটরূপে লঙ্ঘন করিয়াছে। দ্বিতীয়তঃ, মহাকাব্য বলিলে উহাদের গৌরবহানির সম্ভাবনা জন্মে। ইতিহাস, পুরাণ, কৰ্ম্মশাস্ত্র ইত্যাদি আখ্যা দিলে বোধ করি এই দুই গ্রন্থের মৰ্য্যাদা রক্ষা হইতে পারে। কিন্তু মহাকাব্য বলিলে উহাদের মাহাত্ম্য খর্ব্ব করা হয়।

বস্তুতঃই মাহাত্ম্য খর্ব্ব করা হয়। কুমারসম্ভব ও কিরাতার্জুনীয় যে অৰ্থে মহাকাব্য, রামায়ণ-মহাভারত কখনই সে অৰ্থে মহাকাব্য নহে। কুমার-সম্ভব, কিরাতার্জুনীয় যে শ্রেণীর—যে পর্যায়ে গ্রন্থ, রামায়ণ-মহাভারত কখনই সে শ্রেণীর—সে পর্যায়ে গ্রন্থ নহে। একের নাম মহাকাব্য দিলে, অন্যকে মহাকাব্য বলা কিছুতেই সঙ্গত হয় না।

রামায়ণ-মহাভারতের ঐতিহাসিকত্বে ও ধৰ্ম্মশাস্ত্রে সম্পূর্ণ আস্থাবান থাকিয়াও আমরা স্বীকার করিতে বাধ্য যে, উহাতে কাব্যরসও যথেষ্ট পরিমাণে বিদ্যমান। মহর্ষি বাস্মীক ও কৃষ্ণদ্বৈপায়নের মূখ্য উদ্দেশ্য যাহাই থাকুক, উহারা যাহা লিখিয়া ফেলিয়াছেন, তাহাতে প্রচুর পরিমাণে কবিত্ব রহিয়া গিয়াছে,—হয় ত উহাদের সম্পূর্ণ অজ্ঞাতসারে রহিয়া গিয়াছে; কিন্তু কবিত্ব যে আছে, সে বিষয়ে কাহারও সন্দেহ করিবার উপায় নাই।

রামায়ণ-মহাভারতে কবিষ্মের অস্তিত্ব স্বীকার করিতে গেলেই, মহর্ষিঋষকে মহাকবি ও তাঁহাদের কাব্যঋষকে মহাকাব্য না বলিলে চলে না। কেন না, ভাষাতে আর কোন শব্দ নাই, যন্ত্রা এই কাব্যঋষের সঙ্গত নামকরণ চলিতে পারে। কুমারসম্ভব-কিরাতার্জুনীয়কে আপাততঃ মহাকাব্যের শ্রেণী হইতে খারিজ করিয়া দিয়া আমরা রামায়ণ-মহাভারতকেই মহাকাব্য বলিয়া গ্রহণ করিলাম।

মনে হইতেছে মেকলে কোথায় বলিয়াছেন, সভ্যতার সহিত কবিষ্মের কতকটা খাদ্য-খাদক বা অহি-নকুল সম্বন্ধ রহিয়াছে। সভ্যতা কবিষ্মকে গ্রাস করে ; অথবা সভ্যতার আওতায় কবিতার লতা বাড়িতে পায় না। বলা বাহুল্য, মেকলের অনেক উক্তির মত এই উক্তিটিকেও সদ্ধীজনে উপহাস করিয়া উড়াইয়া দিয়াছেন। বিগত ঊনবিংশ শতাব্দীতে সভ্যতার আশ্রয়নে সত্ত্বেও ইউরোপ-খণ্ডে কবিষ্মের যে রূপ ক্ষুদ্র দেখা গিয়াছে, তাহাই তাহার প্রমাণ। অন্য প্রমাণের প্রয়োজন নাই।

কিন্তু আমার বোধ হয় মেকলের ঐ উক্তির ভিতর একটু প্রচ্ছন্ন সভ্য আছে। সভ্যতা কবিষ্মের মস্তক চর্ষণ না করিতে পারে, কিন্তু মহাকাব্যকে বোধ করি সশরীরে গ্রাস করিয়া ফেলে। আবার বলা আবশ্যিক, মহাকাব্য-শব্দ আমি আলংকারিকসম্মত অর্থে ব্যবহার করিতেছি না। রঘুবংশ, কুমারসম্ভব ও প্যারাডাইস্ লস্টকে আমি এস্থলে মহাকাব্যের মধ্যে ফেলিতেছি না। রামায়ণ-মহাভারত যে পর্যায়ের কাব্য, সেই পর্যায়ের কাব্যকেই আমি মহাকাব্য বলিতেছি। পৃথিবীতে কত কবি কত কাব্য লিখিয়া যশস্বী হইয়াছেন, কিন্তু মহাকাব্য সে-ই কোন্ কালে রচিত হইয়া গিয়াছে, তাহার পর আর একখানাও রচিত হইল না। পাশ্চাত্য কাব্যসাহিত্যে লেখকের কিছুমাত্র ব্যুৎপত্তি নাই ; কিন্তু সন্দেহ হয়, কেবল হোমারের নামে প্রচলিত গ্রন্থ দুইখানি ব্যতীত আর কোন কাব্যকে রামায়ণ-মহাভারতের সমান পর্যায়ের স্থান দেওয়া যাইতে পারে না। পাশ্চাত্যদেশে সভ্যতাবৃদ্ধির সহিত কবিষ্মের অবনতি হইয়াছে, এ কথা কেহই বলিতে পারিবেন না ; কিন্তু শেকস্পীয়রের নাম মনে রাখিয়াও অকুতোভয়ে বলা যাইতে পারে, ইউরোপ-মহাদেশেও একবারের বেশী হোমারের জন্ম হয় নাই।

বস্তুতঃই পৃথিবীর সাহিত্যের ইতিহাসে ও সভ্যতার ইতিহাসে কোন্ প্রাচীনকালে বাস্মীক, ব্যাস ও হোমারের উদ্ভব হইয়াছিল ; তাহার পর কত-হাজার বৎসর অতীত হইয়া গেল, কিন্তু মহাকাব্যের আর উৎপত্তি হইল না। কেন এরূপ হইল, তাহার কারণ চিন্তনীয় ; কিন্তু সেই কারণ আবিষ্কারে লেখকের ক্ষমতা নাই। তবে এক-একবার মনে হয়, মনুষ্য-সমাজের বর্ত্তমান অবস্থাই বোধ করি আর সেই-শ্রেণীর মহাকাব্য উৎপাদনের পক্ষে অনুকূল নহে।

রামায়ণ-মহাভারত ও হোমারের মহাকাব্যে আমরা মনুষ্যসমাজের যে চিত্র অঙ্কিত দেখি, তাহাতে সেই সমাজকে আধুনিক হিসাবে সভ্য বলিতে পারা যায় না। মনুষ্যসমাজের সে অবস্থা আবার কখনও ফিরিয়া আসিবে কি না, তাহা জানি না ; কিন্তু তাত্‌কালিক সমাজে যে সকল ঘটনা প্রতিদিন সংঘটিত হইত, সমাজের বর্তমান অবস্থায় তাহা ঘটিতে পারে না। আমরা এমন কল্পনায় আনিতে পারি না যে, আমেরিকার যুক্তরাজ্যের সভাপতি কোন ইউরোপের রাজসভায় আতিথ্যস্বীকার করিয়া অবশেষে রাজলক্ষ্মীকে গ্টীমারে তুলিয়া প্রস্থান করিতেছেন, ও তাহার প্রতিশোধগ্রহণার্থ ইউরোপের নরপালবর্গ ওয়শিংটন অবরুদ্ধ করিয়া দশ বৎসরকাল বসিয়া আছেন। ডিলারী বন্দীকৃত লর্ড মেথুয়েনকে গাড়ির চাকায় বাঁধিয়া দক্ষিণ আফ্রিকার বন্দুর উপত্যকায় ঘুরাইয়া লইয়া বেড়াইতেছেন, ইত্যাদি কোন দিনের টেলিগ্রামে দেখিবার কেহ আশা করেন নাই। সিডানক্ষেত্রে বিসমার্ক লুই নেপোলিয়নকে হস্তগত করিয়াছিলেন সত্য, কিন্তু তাহার বৃদ্ধ চিরিয়া নেপোলিয়ান-বংশের শোণিতের আশ্বাদগ্রহণ আবশ্যিক বোধ করেন নাই। গ্রেতাযুগ-অবসানের বহুদিন পরে বুররদেশে লঙ্কাকাণ্ডের অপেক্ষাও তুমুল ব্যাপার ঘটিয়া গিয়াছে সত্য, কিন্তু কোন বিজয়ী মহাবীরকে তজ্জন্য লাঙ্গলের ব্যবহার করিতে হয় নাই।

সেকালের এই অসভ্যতা আমাদের চোখে বড়ই বীভৎস ঠেকে, সন্দেহ নাই ; কিন্তু সেকালের সামাজিকতার আর একটা দিক আছে, একালে সে দিকটাও তেমন দেখিতে পাই না। বার্ক এক সময় আপনার মহাপ্রাণতার খোঁকে বলিয়াছিলেন, শিভাল্লুরি দিন গত হইয়াছে। শিভাল্লুরি-নামক অনিশ্চিষ্ট বস্তু নগ্ন বস্ত্রতরতার সহিত নিরাবরণ মনুষ্যের অপদ্রব্য মিশ্রণে সম্মুখ। একালে মানুষ মানুষের রক্তপান করিয়া জিঘাংসার তৃপ্তি করিতে চাহে না বটে, কিন্তু আবার জ্যেষ্ঠ্যাতার কটাক্ষমাত্র-শাসনে, পত্নীর অপমান স্বচক্ষে দেখিয়াও, আত্মসংযমে সমর্থ হয় কি না, বলা যায় না। একালের রাজারা মালকোঁচা মারিয়া যুদ্ধক্ষেত্রে গদাহস্তে অবতীর্ণ হন না সত্য বটে, কিন্তু ভীমরতিগ্রস্ত পিতার একটা কথা রাখিবার জন্য ফিজি-দ্বীপে নিবাসিন গ্রহণ করিতে প্রস্তুত থাকেন কি না, বলিতে পারি না। অশ্বখামা ঘোর নিশাকালে সুখসুপ্ত বালকবৃন্দের হত্যাসাধন করিয়া ক্রুরতা দেখাইয়াছিলেন, সন্দেহ নাই ; কিন্তু সভা ডাকিয়া ও খবরের কাগজে প্রবন্ধ লিখিয়া সেই ক্রুরতার সমর্থন তাহার নিতান্তই আবশ্যক হয় নাই। খ্রীষ্টিসহস্র পাণ্ডবগণ যখন জয়বিষয়ে নিতান্ত হতাশ হইয়া নিশাকালে শত্রুশিবিরে ভীষ্মের নিকট দীনভাবে উপস্থিত হইয়াছিলেন, তখন তাহারা ভীষ্মকে তাহার জীবনটুকু দান করিতে অনুরোধ করিয়াছিলেন সত্য, কিন্তু তাহাদের লৌহবর্ষের অন্তরালে কারেনন্স নোটের গোছা লইয়া যাওয়া আবশ্যক বোধ করেন নাই।

গত চারি হাজার বৎসরের মধ্যে মনুষ্যসমাজের বাহিরের মূর্তিটা অনেকটা পরিবর্তিত হইয়া গিয়াছে সত্য কথা, কিন্তু তাহার আভ্যন্তরিক প্রকৃতির কতটা পরিবর্তন হইয়াছে, তাহা বলা দূষকর। মনুষ্যের বাহিরের পরিচ্ছদটা সম্পূর্ণ বদলাইয়াছে, কিন্তু মনুষ্যের ভিতরের গঠন অনেকটা একরূপই আছে। সেকালের রাজারাজড়াও বোধ করি সময়মত কৌপীনধারী হইয়া সভামধ্যে বাহির হইতে লম্জিত হইতেন না ; কিন্তু এখনকার অম্মহীন শ্রমজীবীরাও সমস্ত অঙ্গের মালিন্য ও বিরূপতা পোষাকের আচ্ছাদনে আবৃত রাখিতে বাধ্য হয়। সেকালে ক্রুরতা ছিল, বর্বরতা ছিল, পাশবিকতা ছিল, এবং তাহা নিতান্ত নগ্ন, নিরাবরণ অবস্থাতেই ছিল। তাহার উপর কোনরূপ আচ্ছাদন, কোনরূপ পালিশ, কোনরূপ রঙফলান ছিল না। একালেও ক্রুরতা, বর্বরতা ও পাশবিকতা হয় ত ঠিক তেমনি বর্তমান আছে, তবে তাহার উপর একটা কৃত্রিম ভণ্ডামির আবরণ স্থাপিত হইয়া তাহার বীভৎস ভাবকে আচ্ছন্ন রাখিয়াছে। সম্প্রতি চীনদেশে সভ্য ইউরোপের সম্মিলিত সেনা যে পরাক্রম প্রদর্শন করিয়া আসিয়াছে, তাহাতে আটলা ও জাংগসুখার প্রেতাশ্বার আর লম্জিত হইবার কোন কারণই নাই।

বস্তুতঃই চারি হাজার বৎসরের ইতিহাস সূক্ষ্মভাবে তলাইয়া দেখিলে বদ্বা যায়, মনুষ্যচারিত্র অধিক বদলায় নাই ; তবে সমাজের মূর্তিটা সম্পূর্ণ পরিবর্তিত হইয়া গিয়াছে। এবং মনুষ্যসমাজের অবস্থা যে কাব্যগ্রন্থে প্রতিফলিত হইয়া থাকে, সেই কাব্যের মূর্তিও যে তদনুসারে পরিবর্তিত হইয়া যাইবে, তাহাতে বিস্ময়ের কারণ নাই। বিস্ময়ের কারণ থাক্ আর নাই থাক্, আধুনিক কালের সাহিত্যে বাস্মীক, ব্যাস ও হোমারের আর আবির্ভাব হয় নাই, এবং আর যে কখনও হইবে, তাহা আশা করাও দূষকর। সাহিত্যে মহাকাব্যের যুগ বোধ হয় অতীত হইয়া গিয়াছে। কালের যখন অবধি নাই ও পৃথ্বী যখন বিপদলা, তখন বড় কবির ও বড় কাব্যের অসম্ভাব কখন হইবে না, কিন্তু মনুষ্যসমাজের সেই প্রাচীন অবস্থা ফিরিয়া আসিবার যদি সম্ভাবনা না থাকে, তাহা হইলে মহাকাব্যের ও মহাকাব্যের বোধ করি আবির্ভাব আর হইবে না।

বস্তুতঃই আর আবির্ভাবের আশা নাই। মহাকাব্যের মধ্যে একটা উন্মুক্ত অকৃত্রিম স্বাভাবিকতা আছে, তাহা বোধ করি আর কখনও ফিরিয়া আসিবে না। সূনিপদ শিশু একালে তাজমহল গাড়িতে পারেন, কিন্তু পিরামিডের দিন বৃদ্ধি একবারে চলিয়া গিয়াছে। মহাকাব্যগুলিকে আমরা মহাকার অদ্ভুত পিরামিডের সঙ্গে তুলনা করিতে পারি। এক-একবার মনে হয়, উহাদিগকে কোন মানবহস্তনির্মিত কৃত্রিম কারুকার্যের সহিত তুলনা না করিয়া প্রকৃতির হস্তনির্মিত নৈসর্গিক পদার্থের সহিত উপমিত করা উচিত। -

আমাদের ভারতবর্ষের মহাভারতকে এক-একবার ভারতবর্ষের হিমাচলের সঙ্গে তুলনা করিতে ইচ্ছা হয়। হিমাচল যেমন তাহার বিপুল পাষণ-কলেবরের অশ্বকদেশে ভারতবর্ষকে রক্ষা করিতেছে, মহাভারতের বিপুল কলেবর তেমনি ভারতীয় সাহিত্যকে কত সহস্র বৎসর কাল অশ্বক রাখিয়া লালনপালন ও পোষণ করিয়া আসিতেছে! হিমাচলের বিশাল বক্ষোদেশ হইতে বিন্যস্ত সহস্র উৎস হইতে সহস্র স্রোতস্বিনী অমৃতরসপ্রবাহে ভারতভূমিকে আদ্র ও সিক্ত করিয়া ‘সুজলা সুফলা শস্যশ্যামলা’ পণ্যভূমিতে পরিণত করিয়াছে,— সেইরূপ মহাভারতের মধ্য হইতে সহস্র উপাখ্যান, সহস্র কাহিনী, সহস্র কথা সমগ্র জাতীয় সাহিত্যের মধ্যে সহস্র ধারা প্রবাহিত করিয়া পুণ্যতর ভাবপ্রবাহে জাতীয় সাহিত্যকে চিরহরিৎ রাখিয়া বহুকোটি লোকের জাতীয় জীবনে পুষ্টি ও কান্তি প্রদান করিয়া আসিতেছে। ভূতত্ত্ববিৎ যেমন হিমাচলের ক্রম-বিন্যস্ত স্তর-পরম্পরা পর্যবেক্ষণ করিয়া তাহার মধ্য হইতে কত বিস্ময়কর জীবের অস্থি-কঙ্কাল উদ্ধার করিয়া অতীতের লুপ্তস্মৃতি কালের কুক্ষি হইতে উদ্ঘাটন করেন, সেইরূপ প্রকৃত্ত্ববিৎ এই বিশাল গ্রন্থের স্তর-পরম্পরা হইতে ভারতীয় জনসমাজের অতীত ইতিহাসের বিস্মৃত নিদর্শনের চিহ্ন ধরিয়া ইতিহাসের অতীত অধ্যায় আবিষ্কার করেন।

ভূতত্ত্ববিৎ তাহার মানসচক্ষু অতীতকালের পরপারে প্রসারিত করিয়া দেখিতে পান, বসুন্ধরার ইতিহাসে এমন একদিন আসিয়াছিল, যখন মহাকাল স্বয়ং আপনার ভীমবাহু প্রসারণ করিয়া উত্তপ্ত ধরাগর্ভে বিপুল শক্তিরশি কেন্দ্রীভূত করিতেছিলেন, দেখিতে দেখিতে সেই পুঞ্জীকৃত শক্তিসমষ্টি আপনাকে প্রসারিত করিয়া ভুবক্ষ বিদারণ করিয়া বিহগত হইল। ভীষণ ভূকম্প ধরাপৃষ্ঠ মূহুর্মূহুঃ আলোড়িত হইল। সাগরবক্ষ উচ্ছ্বসিত হইয়া পুনরায় ভীতিভরে অপসরণ করিল। পূর্বসাগরের বেলাভূমি হইতে পশ্চিম-সাগরের বেলাভূমি পর্য্যন্ত ভূগর্ভ বিদারণ করিয়া মহাকায় পাষণ-কলেবর হিমাচল গাগ্রোথান করিল। তাহার তুহিনমণ্ডিত সূর্য্যকিরণোজ্জ্বল শৃঙ্গসমূহ বোঁকিত করিয়া ঝঞ্জাবায়ু ঘোর রাবে প্রদক্ষিণ করিতে লাগিল। ধূম্রবর্ণ কাদম্বিনীর বক্ষোদেশে সৌদামিনী স্ফূর্তিত হইতে লাগিল। শৃঙ্গের উপর শৃঙ্গ আসিয়া ভাঙিয়া পড়িল; দ্রোণদেশ অধিতাকায় উথিত হইল ও অধিতাকা দ্রোণদেশে নামিয়া গেল; অরণ্যানী জ্বলিয়া উঠিল, জীবকুল নীরব হইল, মহাকালের তান্ডব নর্ত্তনের সহকারে অট্টহাস্যে দিগন্ত নিনাদিত হইতে লাগিল।\*

\* ভূতত্ত্ববিদের মধ্যে ষাঁহাবা লায়ালের শিষ্য, তাঁহাদের হিমালয়োৎপত্তির এই কাল্পনিক ধর্ম্ম নাম শক্তি হইবার কারণ নাই। প্রাদেশিক catastrophe লায়ালের মতের বিরোধী।

কেন এমন হয় জানি না, কিন্তু নিসর্গের ইতিবৃত্তে যেমন মহাকাল মাঝে মাঝে এইরূপ তান্ডব নৃত্যের উন্মত্ত ক্রীড়া প্রদর্শন করেন, মানবসমাজের ইতিবৃত্তেও সেইরূপ সময়ে সময়ে তাঁহার অটুহাস্যের নির্বোধধ্বনি শুনতে পাওয়া যায়। মহাভারতের ঘটনা প্রাচীন ভারতসমাজের একদেশে সংঘটিত হইলেও, ইহাকে আমরা সমগ্র মনুষ্যসমাজের একটা মহাবিপ্লবের চিত্র বাঁলিয়া গ্রহণ করিতে পারি। মনুষ্যহৃদয়ের ঈর্ষ্যা, ঘৃণা, জিগীষা ও জীঘাংসা প্রভৃতি উৎকট দন্দম প্রবৃত্তিসমূহ কালে কালে কেন্দ্রাকৃষ্ট ও পুঞ্জীকৃত, ঘনীভূত ও স্তূপীকৃত হইয়া যখন আপনার শক্তিতে আপনি বাহির হইতে চাহে, তখন উহা লেলিহান অগ্নিজিহ্বা ব্যাদান করিয়া সমাজমধ্যে আপনার জ্যোতির্ময়ী জ্বালা প্রসারণ করে ; ভক্তিপ্রদ্বা, প্রীতিপ্রেমের উৎস পর্যন্ত সেই ভীষণ উত্তাপে শুকাইয়া যায় ; সমগ্র সমাজের পৃষ্ঠদেশ বিপ্লবের ভূমিকম্পে মৃদু, মৃদু, আন্দোলিত হইয়া উঠে। অন্তর্নিহিত শক্তির শিখর সমাজের কলেবরকে বিদীর্ণ করিয়া, সহস্র খণ্ডে চূর্ণ করিয়া ইতস্ততঃ বিক্ষিপ্ত করে ; লক্ষ বৎসরের সঞ্চিত সৌন্দর্য্যরাশি ও রূপরাশি সেই তরল অনল-প্রবাহে ভস্মীভূত হইয়া যায়। মহাভারতের বর্ণিত ঘটনার মধ্যে আমরা মহাকালের অটুহাস্যের প্রতিধ্বনি দূর হইতে শুনতে পাইয়া স্তব্ধ হই ও মূহমান হই। এ সেই মানবসমাজের চিরন্তন বিপ্লবের ইতিহাস—যাহা যুগযুগান্তরে ঘুরিয়া-ফিরিয়া প্রত্যাবর্তন করে ; যাহা সাগরগর্ভকে মালক্ষেপে উত্তোলিত করিয়া মালক্ষেপকে সাগরগর্ভে নিমগ্ন করে ; যাহা পর্বতচূড়ার সহিত পর্বতচূড়ার সংঘর্ষে উপস্থিত করিয়া প্রলয়ান্নির সৃষ্টি করে। সেই অগ্নিশিখায় অরণ্যানী মরুভূমিতে পরিণত হয়, জীবকুল ধরাপৃষ্ঠে অস্থি-কঙ্কাল রাখিয়া কালের কুক্ষিতে অন্তর্হিত হয়। ইহা সেই সনাতন অধর্ম্মের অভ্যুত্থান, যাহা দলিত, পীড়িত ও সংকুচিত করিয়া ধর্ম্মের পুনঃ স্থাপনের জন্য মহেশ্বরের মহেশ্বরের অবতারণা আবশ্যক হয়—ভীত, বিস্মিত মানবচিত্ত যখন সেই ঐশ্বরের মহিমায় মোহপ্রাপ্ত হইয়া তাহার চরণোপান্তে আপনাকে লুণ্ঠিত করে।

মহাভারতের বর্ণিত ইতিহাস মানবসমাজের বিপ্লবের ইতিহাস। ভারত-বাসীর জাতীয় ইতিহাসে বাস্তবিকই কোনদিন এইরূপ মহাবিপ্লব উপস্থিত হইয়াছিল কি না, তাহা ঐতিহাসিক ও প্রত্নতত্ত্ববিৎ অনুসন্ধান করিবেন। হয় ত কোন ক্ষুদ্র প্রাদেশিক ঘটনার স্মৃতিমাত্র অবলম্বন করিয়া মহাকবি আপনার চিত্তবস্তুর সমাধিকালে মানবসমাজের মহাবিপ্লবের স্বপ্ন দেখিয়াছিলেন ; এবং সেই স্বপ্নদৃষ্ট ধ্যানলব্ধ মহাবিপ্লবের—ধর্ম্মের সহিত অধর্ম্মের মহাসমরের—চিত্র ভবিষ্যৎ যুগের লোকশিক্ষার জন্য অঙ্কিত করিয়া গিয়াছেন। ভূগর্ভে সঞ্চিত যে শক্তির বলে হিমাচল ভূগর্ভ ভিন্ন করিয়া গাত্রোত্থান করিয়াছিল, সে শক্তি এখন সাম্যাবস্থা প্রাপ্ত হইয়া উপশান্ত হইয়াছে ; এখন

হিমাচলের সান্নিদেশ নিবিড় বনস্থলীতে শ্যামায়মান হইয়াছে ; তাহার আয়ত বক্ষে এখন নিবিড় জলদমালা বারিবর্ষণ করিয়া সেই শ্যামভূমির হরিৎ কান্তি অব্যাহত রাখিয়াছে ; আর সেই জলদমালার বহু উদ্ভেদ ধবলগিরি ও গৌরীশঙ্করের শূদ্রোজ্জ্বল দেহ দূর হইতে দর্শকের বিস্ময় উৎপাদন করিতেছে।

যে সামাজিক বিপ্লবে, যে অধর্মের অভ্যুত্থানে প্রাচীন ভারতসমাজে অশান্তির ঝটিকা বহিয়াছিল, ধর্মের প্রতিষ্ঠার পর সেই ব্যাপারের স্মৃতি পর্যন্ত প্রায় বিলুপ্ত হইয়া গিয়াছে ; ঝটিকা শান্ত হইয়াছে ; মহাসিন্ধুর কল্লোল স্তব্ধ হইয়াছে, বনানীর দাবান্ন-গর্জন নীরব হইয়াছে ; এখন সেই মহাভারত হইতে সহস্র সাহিত্যধারা প্রবাহিত হইয়া আমাদের জাতীয় সাহিত্যের ও জাতীয় জীবনে শাখাপল্লবের ও পত্রপুষ্পের উদ্গম করিয়া তাহাকে বিকশিত ও প্রফুল্ল রাখিয়াছে ; আর আমরা দূর হইতে ভীমার্জুন, কর্ণ-দ্রুপাধন, ভীষ্ম-দ্রোণ, অশ্বত্থামা-কৃতবর্মান দৃঢ়গঠিত, উন্নতশীর্ষ, জ্যোতির্দীপ্ত কলেবরকে ধবলমুকুট-ধারী কিরণোজ্জ্বল ধবলগিরির ন্যায় ভারত-সমাজক্ষেত্রের দূরস্থিত দিগ্বলয়ে দণ্ডায়মান দেখিয়া বিস্মিত ও পুলকিত হইতেছি।

এই হিমালয়ঘাটিত উপমাটা এতক্ষণ অনুগ্রহপরায়ণ পাঠকবর্গের নিতান্তই কর্ণশূন্য হইয়া পড়িয়াছে সন্দেহ নাই, কিন্তু এই সম্পর্কে আর একটা কথা নব বলিয়া নিরস্ত হইতে পারিতেছি না। মহাভারতকে আদর্শ মহাকাব্য বলিয়া গ্রহণ করিয়া এবং হিমগিরির সহিত তুলনা করিতে গিয়া লেখক মহাকাব্যের একটা লক্ষণ নির্ধারণ করিয়া ফেলিয়াছেন। বলা বাহুল্য, এই আবিষ্কার জগতের যাবতীয় অলংকারশাস্ত্রের রোমহর্ষ উৎপাদন করিবে! তাহা জানিয়াও সেই আবিষ্কারটি পাঠকগণের সম্মুখে উপস্থিত করিবার দ্বঃসাহস আশ্রয় করিলাম ; আশা করি, তাঁহাদের শূদ্রোজ্জ্বলদর্শনচ্ছটা লেখককে রণারশ্ভেই পৃষ্ঠপ্রদর্শনে বাধ্য করিবে না।

লেখকের মতে, যে কাব্য পড়িতে হয় না, তাহারই নাম মহাকাব্য। না পড়িয়াই আমরা মহাকাব্যের কাব্যরসাস্বাদনে অনেকটা অধিকারী হইতে পারি। রামায়ণের চতুর্বিংশতিসহস্র শ্লোকের ও মহাভারতের লক্ষ শ্লোকের অধিকাংশই অপঠিত রহিয়াছে, ইহা স্বীকার করিলে বোধ করি পাঠকসমাজের অধিকাংশই লজ্জিত হইবেন না। তথাপি এই পাঠকসমাজ উভয় মহাকাব্যের আস্বাদন জানেন না, ইহা স্বীকার করিতে তাহারা কখনই সম্মত হইবেন না। রামচরিত্র ও কৃষ্ণচরিত্র, লক্ষণচরিত্র ও কর্ণচরিত্র, দশাননচরিত্র ও দ্রুপাধনচরিত্র, ভরতচরিত্র ও ভীষ্মচরিত্র, মহাকাব্যের গহনবন ভেদ করিয়া এই সকল মহামানব-চরিত্রের



স্পর্শলাভ আমাদের অধিকাংশের ভাগ্যেই ঘটে নাই। আমরা দূর হইতে উহা নিরীক্ষণ করিয়াছি মাত্র ; তথাপি দূর হইতেই তাহার মাহাত্ম্যে আমরা বিস্মিত ও স্তম্ভিত হইয়া রাহিয়াছি। জিজ্ঞাসা করা যাইতে পারে, ভারতবর্ষে আর্থসমাজে জন্মগ্রহণ করিয়া যে ব্যক্তি মাতৃস্তন্য পান করিয়া বর্ধিত হইয়াছে, অথচ রামচারিত ও সীতাচারিতের পুণ্যধারা সেই মাতৃস্তনের প্রবাহের মত তাহার আধ্যাত্মিক জীবনের শিরায় শিরায় সঞ্চারিত হয় নাই, স্নায়ুতন্ত্রীতে তাড়িতস্রোতের সঞ্চারিত করে নাই, তাহার অস্থিতে, তাহার মজ্জায়, তাহার পেশীতে বল বিধান করে নাই, সেই হতভাগ্যের—সেই পিণ্ডীভূত জড়ের— ভারতসমাজে স্থান কোথায়? পঞ্চবিংশতি-কোটি হিন্দুসন্তানের অধিকাংশ, অন্য কারণ না থাকিলেও, শুদ্ধ ভাষা-জ্ঞানের অভাবে, সেই পুণ্য স্রোতীস্বনীর মূল প্রস্রবণে গিয়া তৃষ্ণা-নিবারণে অশক্তি আছে, সন্দেহ নাই ; কিন্তু লক্ষ্যণের মত ভাই, হনুমানের মত দাস, ভীষ্মের ন্যায় পিতামহ ও কর্ণের ন্যায় বৈরীর জাগ্রত-জীবন্ত প্রতিমূর্ত্তি কয়জনের মানসচক্ষুর সম্মুখে দণ্ডায়মান নাই? আমাদের বঙ্গদেশেরই অসংখ্য নরনারী মাতৃমুখে লঙ্কাদাহনের ও লক্ষ্মণ-ভোজনের কথা শুনিয়াছে ; কথকের মুখে, গায়কের মুখে মন্থরার লাজুনা ও অঙ্গদ-রাবণ-সংবাদে অতিরঞ্জন আমোদিত হইয়াছে ; যাত্রায়, গানে ভরত-মিলন ও সীতানির্ব্বাসন অভিনীত, হইতে দেখিয়া অশ্রুবিসর্জন করিয়াছে ; কৃতিবাসী রামায়ণ-হস্তে অবকাশরঞ্জন করিয়াছে ; এবং শেষের সোদীন রামনাম শুনিতে শুনিতে জগৎসংসারের নিকট হইতে চিরবিদায় গ্রহণ করিয়াছে ; কিন্তু সেই আদিকবির অমৃত লেখনীর সহিত সাক্ষাৎ পরিচয় তাহাদের ভাগ্যে ঘটে নাই। কিন্তু আপনি জ্ঞানী, আপনি পণ্ডিত, আপনি কলাবিৎ, আপনি সমালোচক, আপনি সমজ্জ্ৱার, আপনি সন্তরণ দিয়া সংস্কৃতসাহিত্যসমুদ্রের পার দেখিয়াছেন, আপনার সন্তকান্ড রামায়ণ আদ্যন্ত কণ্ঠস্থ রাহিয়াছে, আপনার যদি বিশ্বাস থাকে যে, ঐ পল্লীবাসিনী মূর্খ বৃদ্ধার অপেক্ষা আপনি নিঃসংশয়ে রামরসায়নে অধিকতর রসগ্রাহী হইয়াছেন, তাহা হইলে আপনাকে দ্রান্ত বলিয়া নির্দেশ করিব।

বস্তুতঃই আমার বিশ্বাস, মহাকাব্যের লক্ষণ এই যে, উহার আগাগোড়া অক্ষরে অক্ষরে পড়িবার প্রয়োজন নাই। মূল হোমার পৃথিবীতে কয়জন লোক পড়িয়াছে? পণ্ডিতসমাজের মধ্যে কয়জন লোক হোমারের তর্জমা পর্যন্ত পাঠ করিয়াছেন? অধিকাংশের পক্ষে কেবল হোমারের গল্প শুনা আছে মাত্র। অথচ ট্রয়-নগরের প্রাকার-সম্মুখে সমুদ্রবেলা পূর্ণ করিয়া আমরা আগামেমন-পরিচালিত গ্রীক অস্কোহিণীর সন্নিবেশ বর্তমান মূহুর্ত্তে চক্ষের সম্মুখে স্পষ্ট তুলিকায় চিত্রিত দেখিতেছি। সেই বিস্তীর্ণ স্তম্ভ সেনাকুলিত স্নিগ্ধাঙ্গনের উপর দিয়া একিলীস্, আজাক্স্ ও দায়োমীদে

বিশালবক্ষা পরিগন্ধকন্ধর শালপ্রাংশু জীবন্ত মূর্তি বিচরণ করিতেছে ; বৎসরের পর বৎসর অতিক্রান্ত হইতেছে, কিন্তু ট্রয়-নগরের দুর্ভেদ্য প্রাকার ভগ্ন হইল না ; গ্রীক্ বীরগণের শিবিরमध्ये মানবহৃদয়ের সনাতন ঈর্ষ্যা-বিদ্বেষ ধূমায়মান হইতে লাগিল। সেই ধূম হইতে অগ্নি জ্বলিয়া উঠিল, গ্রীক্ বীরগণ ক্ষণেকের জন্য উদ্দেশ্য-ভ্রান্ত ও লক্ষ্য-ভ্রষ্ট হইয়া পরস্পর আত্মকলহে প্রবৃত্ত হইলেন ; তার পর-অঙ্কের যবনিকা তুলিবামাত্র অকস্মাৎ পাথোক্লসের চিতাধূম প্রশমিত হইতে না হইতে একিলীসের রোষাগ্নি প্রজ্বলিত হইয়া উঠিল ; রোষাগ্নিদীপ্ত রুদ্ধমূর্তি হৃৎকার করিয়া গর্জন করিল ; পরক্ষণেই দেখিতে পাই, মহাবীর হেক্টরের শবদেহ সেই ভীমকম্মার রথচক্রে নিষ্পেষিত হইয়া রুদ্ধিরধারায় রণক্ষেত্র শোণিতাক্ত করিতেছে ও মর্ত্যে নরগণের ও আকাশে দেবগণের মুগ্ধ নেত্র বিস্মারিত হইয়া সেই রুদ্ধ কন্মের প্রতি নীরবে নিষ্কম্পত রহিয়াছে।

পাঠকবর্গ যদি এতক্ষণ বুদ্ধিয়া থাকেন, কুন্তিবাস পড়িলেই বাস্মাণিক পড়ার কাজ হইবে, এবং যে সকল পাঁচালী-পয়ার শুনিয়া কাশীদাস ভারত-কথা বর্ণনা করিয়া গিয়াছেন, সেই পাঁচালী পড়িলেই আর বৈপায়ন-ঋষির শরণ লইতে হইবে না, তাহা হইলে লেখকের নিতান্ত দুর্ভাগ্য। বদরিকাশ্রম-যাত্রী যাহারা হিমালয়ের চড়াই-উতরাই অতিক্রম করিয়া আসিয়াছেন, কৈলাসযাত্রী যিনি যোল হাজার ফুট উপরে উঠিয়া ‘নীতি-পাস্’ অতিক্রম করিয়া আসিয়াছেন, এমন কি দার্জিলিঙে কিংবা সিমলা-শৈলের আলোকমণ্ডিত রাজপথে যাহারা বিহার করিয়া আসিয়াছেন, তাহারা হিমালয়ের যে সৌন্দর্য্য দেখিয়াছেন, হিমালয়ের পাদদেশের সমতলবাসীর পক্ষে তাহা ইন্দ্রিয়মনের অগোচর, সন্দেহ নাই। কিন্তু আশঙ্কা হয়, হিমালয়ের এক এক দেশে, এক এক অঙ্গে, তাহার কিম্বরীসেবিত গুহামধ্যে, তাহার সরলদ্রুমাচ্ছন্ন সানুদেশে, তাহার গৈরিকখচিত উপত্যকায়, তাহার মারুতপূর্ণরম্ব আপাদিতবেদুক্রুতা কীচকবনে, তাহার হিমশীকরবাহি-পবন-সেবিত গিরিনিঝরপ্রান্তে চিত্তবিভ্রমকর অতুল্য শোভা আছে সত্য ; কিন্তু সেই একদেশব্যাপী শোভা, সেই প্রাদেশিক মূর্তি, সমগ্র হিমাচলের প্রতি নিরীক্ষণের বড় অবকাশ দেয় না। হিমাচলের বিরাট্ মূর্তির শোভা হৃদগত করিতে হইলে যেমন দূরে থাকিয়া তাহার তুঙ্গ শিখররাজির দিকে অবলোকন আবশ্যক, সেইরূপ রামায়ণ-মহাভাবতের বিশাল মহাকাব্যের মধ্যে অসংখ্য খণ্ডকাব্য নিবিষ্ট রহিয়াছে। অনেক বনজঙ্গল ভেদ করিয়া, অনেক প্রস্তর-কঙ্কর অতিক্রম করিয়া, অনেক চড়াই-উতরাই পার হইয়া, ক্রান্তশরীরে সেই সকল খণ্ডকাব্যের সৌন্দর্য্য-দর্শনে অধিকারী হইতে পারিলে দর্শকের মন অভিপ্লবিত হয়, সন্দেহ নাই : সেই সকল খণ্ডকাব্যের উপমাও অন্যত্র দুলভ, সন্দেহ নাই ; কিন্তু সমগ্র মহাকাব্যের মাহাত্ম্য-উপলব্ধির বিষয়ে

সেই খণ্ডকাব্যের আলোচনা বিশেষ সাহায্য করে না। সমগ্র মহাকাব্যের মহিমা উপলব্ধি করিতে হইলে, যেন মহাকাব্য হইতে কতকটা দূরে থাকাই সঙ্গত। সেই সকল খণ্ডকাব্যের খণ্ড সৌন্দর্য্যকে চক্ষুর সম্মুখ হইতে সরাইয়া মহাকাব্যের বিশালায়তনের প্রতি দৃষ্টিনিষ্ক্ষেপ করাই সঙ্গত।

আমাদের মধ্যে অনেকেই মূল মহাকাব্য পড়েন নাই, কিন্তু সকলেই দূর হইতে সেই মহাকাব্য দেখিয়াছেন ; ভীষ্ম-দ্রোণ-কর্ণ-অশ্বত্থামার উন্নত চরিত্র হিমগিরির উন্নত শৃঙ্গের ন্যায় দূর হইতে সকলেরই নেত্রগত হইয়াছে। তথাপি আমরা মহাকাব্যের মাহাত্ম্য বৃদ্ধিতে পারি। ইউরোপীয় সমালোচকদের অবস্থা অন্যরূপ। রামায়ণ-মহাভারতের ইউরোপীয়গণের লিখিত সমালোচনা পড়িয়া আমাদের মত নিরাশ হইতে হয়। তাঁহারা আমাদের মত দূর হইতে নয়ন ভরিয়া মহাকাব্যের কাব্য-সৌন্দর্য্য দেখিতে পান নাই ; নিকটে গিয়াও সমগ্র মহাকাব্য-অধ্যয়নের অবকাশ তাঁহাদের পক্ষে ঘটে না। বিশেষতঃ পশ্চাতে উঠিবার সময়ে তাহার বনজঙ্গল, তাহার প্রস্তর-কঙ্কর, তাঁহাদিগকে ক্লান্ত ও অবসন্ন করিয়া দেয় ; তাঁহাদের ধৈর্য্য ও অধ্যবসায় পরাস্ত হইয়া যায়। তবে যিনি সৌভাগ্যক্রমে কোন একটা প্রদেশের, কোন একটা অঙ্গের শোভাদর্শনে সফল হন, তিনি সেই শোভা বর্ণনা করিয়াই আপনার কাজ শেষ হইল মনে করেন। মহাভারতের অন্তর্গত শকুন্তলার উপাখ্যান, নলোপাখ্যান, সাবিট্রীর উপাখ্যান প্রভৃতি ক্ষুদ্র ক্ষুদ্র খণ্ডকাব্য সৌন্দর্য্য-গৌরবে গরিষ্ঠ, সন্দেহ নাই ; ইউরোপীয় সমালোচকেরা ঐ সকল উপাখ্যানের প্রশংসা করেন। কিন্তু আমরা জানি, ঐ সকল খণ্ডকাব্যের যতই সৌন্দর্য্য থাক, মহাকাব্যের বিশাল সৌন্দর্য্যের নিকট তাহা স্থান পায় না। কিন্তু ইউরোপীয় সমালোচকের লেখনী এই সকল খণ্ডকাব্যের সমালোচনায় যেমন উদার হইয়া পড়ে, মূল মহাকাব্যের প্রশংসায় তেমন উদারভাব দেখাইতে পারে না।

যাহা পড়িতে হয় না, তাহাই মহাকাব্য ; মহাকাব্যের এই লক্ষণ-নির্দেশের অর্থ বোধ করি এতক্ষণে অনেকটা স্পষ্ট হইয়া থাকিবে। মহাকাব্য না পড়িলে চলিতেও পারে ; কিন্তু যাহা মহাকাব্য নহে, তাহা না পড়িলে একেবারেই চলে না। কালিদাস খুব বড় কবি, হয় ত ব্যাস-বাল্মীকি হইতেও বড় কবি ; কিন্তু তিনি মহাকাব্য লেখেন নাই। কুমারসম্ভব বৃদ্ধিতে হইলে তাহার গম্প শূন্যে চলিবে না, তাহার অনুবাদ পড়িলে চলিবে না ; তাহা হইলে মূল কুমারসম্ভব তন্ন তন্ন করিয়া স্কুলের ছাত্রের মত টীকা-টিপ্পনীসহ পড়িতে হইবে। নহিলে কুমারসম্ভব পড়াই হইবে না। কালিদাসের ভাষা, কালিদাসের ছন্দ, কালিদাসের ধর্মান, কালিদাসের নিকটে না গেলে শূন্যে পাইবে না ; দূর হইতে তাহার কিছুই বৃদ্ধিবে না। কালিদাস শিল্পী ; তিনি পাথরের উপর পাথর বসাইয়া সৌধনির্ম্মাণ করিয়াছেন, শাদা ধপ্পে মাৰ্বেলের ইটের উপর ইট বসাইয়া দেয়াল তুলিয়াছেন, সেই দেয়ালের গায়ে মণিমাণিক্য-রত্ন-

প্রবালের লতাপাতা কাটিয়া তাহাকে বিচিত্র শোভায় অলঙ্কৃত করিয়াছেন। তিনি তাজমহল গাথিয়াছেন, আলহাম্ব্রা গাঁথিয়াছেন; সেই সকল কারু-শিল্পের শোভা দেখিতে হইলে নিকটে যাইতে হইবে; সকলেও সে শোভা দেখিবে না; সমজ্জ্বারের চোখ লইয়া ও সমালোচকের রুচি লইয়া সেখানে যাইতে হইবে। নতুবা দেখিতে পাইবে না ও বদ্বিধিতে পাবিবে না।

শেক্স্পীয়র হয় ত আরও বড় কবি, তাঁহার স্থান হয় ত হোমারেরও অনেক উচ্চে, কিন্তু তিনিও মহাকাব্য লেখেন নাই। গ্রীক কবির হেলেনকে আমরা চোখে দেখি নাই, তাঁহার গল্প শুনিয়াছি মাত্র; কিন্তু যে রূপের আগুনে ট্রয়-নগর ভস্মীভূত হইয়াছিল, তাহা আমাদের কল্পনার নেত্রকেও অদ্যাপি ঝলসিয়া দিতেছে। কিন্তু শেক্স্পীয়রের নায়িকাগণের সৌন্দর্য্য বদ্বিধিতে হইলে কেবল গল্প শুনিলে বা অনুবাদ পড়িলে চলিবে না। তাহাদিগকে নিকটে গিয়া স্বচক্ষে দেখিতে হইবে; সমজ্জ্বারের চোখ লইয়া দেখিতে হইবে। শেক্স্পীয়রের ভাষা, তাঁহার ছন্দ, তাঁহার ধ্বনি হইতে দূরে থাকিয়া শেক্স্পীয়রকে চিনিবার আশা করা যায় না। এক-একবার মনে হয় বটে, শেক্স্পীয়রের এক-একখানা খণ্ডকাব্যের ভিতর হইতে যেন সাগর-কল্লোলের অথবা ভূগর্ভ-তরঙ্গের মত শব্দ বাহির হইয়া আসিতেছে, যেন দাবদাহের গম্ভীর শব্দ দূর হইতে কাণে বাজিতেছে, কিন্তু নিকটে না গেলে সে শব্দের প্রকৃত পরিচয় পাওয়া যায় না। শেক্স্পীয়র হয় ত একালের মহাকবি, কিন্তু তিনি মহাকাব্য রচনা করেন নাই।

কৃষ্ণ পদার্থের সৌন্দর্য্যের সহিত স্বাভাবিক পদার্থের সৌন্দর্য্য ঠিক তুলনা হয় না। কোন সৌন্দর্য্য বড়, তাহার তুল্যদণ্ডে পরিমাপ চলে না। মনুষ্য-প্রতিভা সময়ে সময়ে যেন বিধাতার সৃষ্টিকেও পরাস্ত করে। সেইজন্য কৃষ্ণের পার্শ্বে স্বাভাবিককে দাঁড় করাইয়া কে ছোট কে বড় নির্দেশ করিতে যাওয়া সমীচীন নহে। কৃষ্ণে যাহা আছে, তাহা স্বাভাবিকে থাকে না; আবার স্বাভাবিকে যাহা থাকে, তাহা কৃষ্ণে থাকে না। উভয় বস্তু ভিন্ন পর্যায়ে। মহাকাব্য চতুরাননের বদন হইতে বিনির্গত হয় নাই, উহা মনুষ্যেরই রচনা, সন্দেহ নাই; কিন্তু উহাতে একটা স্বাভাবিকতা আছে, তাহা সেই মনুষ্যের রচিত অন্য উৎকৃষ্ট বা উৎকৃষ্টতর কাব্যে নাই। তাহাতে বনজঙ্গল, প্রস্তর-কঙ্কর থাকিলেও তাহার একটা গৌরব আছে, তাহাকে দূর হইতে দেখিলেই চেনা যায়; তাহার গল্প শুনিলে মন অভিভূত হয়; তাহাকে বদ্বিধিতে হইলে সমজ্জ্বার হইতে হয় না, শিক্ষানবিশী করিতে হয় না; চশ্মা পরিতে হয় না, স্বভাবদত্ত চন্দ্র লইয়াই তাহাকে চিনিতে ও বদ্বিধিতে পারা যায়। এই অলঙ্কারহীন, পরিচ্ছদহীন মূর্ত্ত স্বাভাবিকতাই মহাকাব্যের বিশিষ্ট লক্ষণ। মনুষ্যের সভ্যতা, অন্তত বর্ত্তমান কালের সভ্যতা অত্যন্ত কৃষ্ণ বস্তু। এই কৃষ্ণমতার আমি নিন্দা করিতেছি না; হয় ত কৃষ্ণমতাই মনুষ্যত্বের প্রধান

লক্ষণ; হয় ত কৃত্রিমতা মনুষ্যত্ব হইতে অভিন্ন; অন্তত মানবিকতার সহিত পাশবিকতার যাহা পার্থক্য, তাহারই নাম কৃত্রিমতা। সুতরাং কৃত্রিমতার নিন্দা করিলে মনুষ্যের বিশিষ্ট ধর্মকেই নিন্দা করা হয়। এইজন্য কৃত্রিমতার নিন্দা করিতে চাহি না। কৃত্রিমতাই মনুষ্যের গৌরব বলিলেও বিস্মিত হইব না। কৃত্রিমতাতেই মনুষ্যত্বের চরম স্বর্গীকৃত, তাহাও বলা যাইতে পারে। কৃত্রিম সৌন্দর্যের সৃষ্টিতেই মানব-প্রতিভার পরাকাষ্ঠা, তাহাও স্বীকার করিতে প্রস্তুত আছি। কিন্তু তথাপি কৃত্রিম শিল্প কৃত্রিম। উহাতে চাকচিক্য আছে, গাঁথনি আছে, ওস্তাদি আছে ও সকলের উপর উহার চেষ্টাকৃত নিৰ্মাণ-কম্পনায়—উহার ডিজাইনে—মনুষ্যের সৃষ্টি-কর্তৃত্বের আভাস আছে; আর যাহা স্বাভাবিক তাহাতে চাকচিক্য নাই, গাঁথনি নাই, তাহা অযত্নকৃত অযথাবিন্যস্ত ঝটিকাভগ্ন বারিধারাবর্ষিত বৃহৎ দ্রব্যের সমাবেশে গঠিত। মানুষ্যের বর্তমান কালের সভ্যতা অত্যন্ত কৃত্রিম। সেইজন্য মহাকাব্যের প্রধান লক্ষণ যে স্বাভাবিকতা, সেই স্বাভাবিকতার অভাবে বোধ হয় বর্তমান সভ্যতায় মহাকাব্যের উৎপত্তির প্রতিরোধ করে। আধুনিক সভ্যতা কবিত্বসৃষ্টির অন্তরায় নহে, কিন্তু মহাকাব্য-সৃষ্টির বোধ হয় অন্তরায়। এখন কস্ম্যন্শে ভ্রমমাণ মনুষ্যকে তাহার নিরবকাশ জীবনের কথিঞ্চৎ-লব্ধ অবসরের ক্ষুদ্র মনুষ্যগুণলিকে খণ্ডকাব্যের ও খণ্ড সৌন্দর্যের জ্বালা ও বৈচিত্র্য দ্বারা পূর্ণ করিতে হয়, বৃহৎ পদার্থে দৃষ্টি আবদ্ধ রাখিয়া তাহার বিশাল সৌন্দর্যের উপভোগের অবকাশ থাকে না। সেইজন্যই বোধ হয়, সভ্যসমাজে শেক্সপীয়র জন্মিয়াছেন, কালিদাস জন্মিয়াছেন, কিন্তু হোমার জন্মেন নাই বা বাল্মীকি জন্মেন নাই। ইহাতে মনুষ্যজাতির ক্ষতি বা লাভ, তাহা গণনার অবসর লেখকের নাই। আমরা যাহা পাইয়াছি, তাহাতেই আমরাইগকে তৃপ্ত থাকিতে হইবে। সংসারের স্রোত উল্টাইবার ক্ষমতা আমাদের নাই। আমরা সহস্র চেষ্টা করিলেও মহাকাব্যের উৎপাদনে সমর্থ হইব না। তবে কাল নিরবধি ও পৃথ্বী বিপুল; আবার যদি কালের স্রোতে মহাকাব্যের উৎপত্তি ঘটে, তাহাতেও আমরা বিস্মিত হইব না।

[ বঙ্গদর্শন (নবপরিচয়), ১৩০৯ ]

# সাহিত্য-সমালোচনা

রবীন্দ্রনাথ ঠাকুর

ঘরে বসিয়া আনন্দে যখন হাসি এবং দৃঃখে যখন কাঁদি, তখন এ কথা কখনো মনে উদয় হয় না যে, আরও একটু বেশি করিয়া হাসা দরকার বা কান্নাটা ওজনে কিছু কম পড়িয়াছে। কিন্তু পরের কাছে যখন আনন্দ বা দৃঃখ দেখানো আবশ্যক হইয়া পড়ে, তখন মনের ভাবটা সত্য হইলেও বাহিরের প্রকাশটা সম্পূর্ণ তাহার অনুযায়ী না হইতে পারে।

এমন কি, মা-ও যখন সশব্দ বিলাপে পল্লীর নিদ্রা-তন্দ্রা দূর করিয়া দেয়, তখন সে যে শুদ্ধমাত্র পদ্রশোক প্রকাশ করে, তাহা নয়,—পদ্রশোকের গৌরব প্রকাশ করিতেও চায়। নিজের কাছে দৃঃখ-সদৃশ প্রমাণ করিবার কোন প্রয়োজন হয় না—পরের কাছে তাহা প্রমাণ করিতে হয়। স্নাতরাং শোক-প্রকাশের জন্য যেটুকু কান্না স্বাভাবিক, শোক-প্রমাণের জন্য তাহার চেয়ে সদর চড়াইয়া না দিলে চলে না।

ইহাকে কৃত্রিমতা বলিয়া উড়াইয়া দিলে অন্যায় হইবে। শোক-প্রমাণ শোক-প্রকাশের একটা স্বাভাবিক অঙ্গ। আমার ছেলের মূল্য যে কেবল আমারই কাছে বেশি, তাহার বিচ্ছেদ যে কতখানি মর্মান্তিক ব্যাপার, তাহা পৃথিবীর আর কেহই যে বুঝিবে না, তাহার অভাব-সত্ত্বেও পৃথিবীর আর সকলেই যে অতান্ত স্বচ্ছন্দ-চিত্তে আহার-নিদ্রা ও আপিস-যাতায়াতে প্রবৃত্ত থাকিবে,—শোকাতুর মাতাকে তাহার পদ্রের প্রতি জগতের এই অবজ্ঞা আঘাত করিতে থাকে। তখন সে নিজের শোকের প্রবলতার দ্বারা এই ক্ষতির প্রাচুর্যকে বিশ্বের কাছে ঘোষণা করিয়া তাহার পদ্রকে যেন গৌরবান্বিত করিতে চায়।

যে অংশে শোক নিজের, সে অংশে তাহার একটা স্বাভাবিক সংযম থাকে : যে অংশে তাহা পরের কাছে ঘোষণা, তাহা অনেক সময়েই সঙ্গীতির সীমা লঙ্ঘন করে। পরের অসাড় চিত্তকে নিজের শোকের দ্বারা বিচলিত করিবার স্বাভাবিক ইচ্ছায় তাহার চেষ্টা অস্বাভাবিক উদ্যম অবলম্বন করে।

কেবল শোক নহে, আমাদের অধিকাংশ হৃদয়-ভাবেরই এই দুইটা দিকই আছে,—একটা নিজের জন্য, একটা পরের জন্য। আমার হৃদয়-ভাবকে সাধারণের হৃদয়-ভাব করিতে পারিলে তাহার একটা সান্ধনা, একটা গৌরব আছে। আমি যাহাতে বিচলিত, তুমি তাহাতে উদাসীন,—ইহা আমাদের কাছে ভাল লাগে না ; কারণ, নানা লোকের কাছে প্রমাণিত না হইলে সভ্যতার প্রতিষ্ঠা

হয় না। আমিই যদি আকাশকে হৃদে দেখি, আর দশ জনে না দেখে, তবে তাহাতে আমার ব্যাধিই সপ্রমাণ হয়। সেটা আমারই দূর্দ্বলতা।

আমার হৃদয়-বেদনায় পৃথিবীর যত বেশি লোক সমবেদনা অনুভব করিবে, ততই তাহার সত্যতা প্রতিষ্ঠিত হইবে। আমি যাহা একান্তভাবে অনুভব করিতেছি, তাহা যে আমার দূর্দ্বলতা, আমার ব্যাধি, আমার পাগলামি নহে, তাহা যে সত্য, তাহা সর্বসাধারণের হৃদয়ের মধ্যে প্রমাণিত করিয়া আমি বিশেষভাবে সান্ত্বনা ও সুখ পাই।

যাহা নীল, তাহা দশ জনের কাছে নীল বলিয়া প্রচার করা কঠিন নহে, কিন্তু যাহা আমার কাছে সুখ বা দুঃখ, প্রিয় বা অপ্রিয়, তাহা দশ জনের কাছে সুখ বা দুঃখ, প্রিয় বা অপ্রিয় বলিয়া প্রতীত করা দূরূহ। সে অবস্থায় নিজের ভাবকে কেবলমাত্র প্রকাশ করিয়াই খালাস পাওয়া যায় না ; নিজের ভাবকে এমন করিয়া প্রকাশ করিতে হয়, যাহাতে পরের কাছেও তাহা যথার্থ বলিয়া অনুভূত হইতে পারে।

সদুত্তরাং এইখানেই বাড়াবাড়ি হইবার সম্ভাবনা। দূর হইতে যে জিনিষটা দেখাইতে হয়, তাহা কতকটা বড় করিয়াই দেখানো আবশ্যিক। সেটুকু বড়, সত্যের অনুরোধেই করিতে হয় ; নহিলে জিনিষটা যে-পরিমাণে ছোট দেখায়, সেই পরিমাণেই মিথ্যা দেখায়। বড় করিয়াই তাহাকে সত্য করিতে হয়।

আমার সুখ-দুঃখ আমার কাছে অব্যবহিত, তোমার কাছে তাহা অব্যবহিত নয়। আমি হইতে তুমি দূরে আছ। সেই দূরত্বটুকু হিসাব করিয়া আমার কথা তোমার কাছে কিছূ বড় করিয়াই বলিতে হয়।

সত্যরক্ষাপদার্থক এই বড় করিয়া তুলিবার ক্ষমতায় সাহিত্যকারের যথার্থ পরিচয় পাওয়া যায়। যেমনটি ঠিক, তেমন লিপিবদ্ধ করা সাহিত্য নহে ; কারণ, প্রকৃতিতে যাহা দেখি, তাহা আমার কাছে প্রত্যক্ষ, আমার ইন্দ্রিয় তাহার সাক্ষ্য দেয়। সাহিত্যে যাহা দেখা যায়, তাহা প্রাকৃতিক হইলেও তাহা প্রত্যক্ষ নহে। সদুত্তরাং সাহিত্যে সেই প্রত্যক্ষতার অভাব পূরণ করিতে হয়।

প্রাকৃত-সত্যে এবং সাহিত্য-সত্যে এইখানেই তফাৎ আরম্ভ হয়। সাহিত্যের মা যেমন করিয়া কাঁদে, প্রাকৃত-মা তেমন করিয়া কাঁদে না। তাই বলিয়া সাহিত্যের মার কান্না মিথ্যা নহে। প্রথমত, প্রাকৃত-রোদন এমন প্রত্যক্ষ যে, তাহার বেদনা আকারে, ইঙ্গিতে, কণ্ঠস্বরে, চারিদিকের দৃশ্যে এবং শোক-ঘটনার নিশ্চয় প্রমাণে আমাদের প্রতীতি ও সমবেদনা উদ্বেক করিয়া দিতে বিলম্ব করে না। দ্বিতীয়ত, প্রাকৃত-মা আপনার শোক সম্পূর্ণ ব্যক্ত করিতে পারে না, সে ক্ষমতা তাহার নাই, সে অবস্থাও তাহার নয়।

এই জন্যই সাহিত্য ঠিক প্রকৃতির আরাণি নহে। কেবল সাহিত্য কেন, কোনো কলাবিদ্যাই প্রকৃতির যথার্থ অনুকরণ নহে। প্রকৃতিতে প্রত্যক্ষকে আমরা প্রতীতি করি, সাহিত্যে এবং ললিতকলায় অপত্যক্ষ আমাদের কাছে

প্রতীয়মান। অতএব এ স্থলে একটি অপরাটের আরাশি হইয়া কোন কাজ করিতে পারে না।

এই প্রত্যক্ষতার অভাববশত সাহিত্যে ছন্দোবন্ধ-ভাষাভঙ্গীর নানাপ্রকার কল-বল আশ্রয় করিতে হয়। এইরূপে রচনার বিষয়টি বাহিরে কৃত্রিম হইয়া অন্তরে প্রাকৃত অশ্বেক্ষা অধিকতর সত্য হইয়া উঠে।

এখানে ‘অধিকতর সত্য’ এই কথাটা ব্যবহার করিবার বিশেষ তাৎপর্য আছে। মানুষের ভাব-সম্বন্ধে প্রাকৃত-সত্য জড়িত-মিশ্রিত, ভগ্নখণ্ড, ক্ষণস্থায়ী। সংসারের ঢেউ ক্রমাগতই ওঠা-পড়া করিতেছে—দেখিতে দেখিতে একটোর ঘাড়ে আর একটা আসিয়া পড়িতেছে, তাহার মধ্যে প্রধান-অপ্রধানের বিচার নাই—তুচ্ছ ও অসামান্য গায়ে-গায়ে ঠেলাঠেলি করিয়া বেড়াইতেছে। প্রকৃতির এই বিরাট রঙ্গশালায় যখন মানুষের ভাবাভিনয় আমরা দেখি, তখন আমরা স্বভাবতই অনেক বাদ-সাদ দিয়া বাছিয়া লইয়া, আন্দাজের দ্বারা অনেকটা ভর্তিক করিয়া, কল্পনার দ্বারা অনেকটা গাড়িয়া তুলিয়া থাকি। আমাদের একজন পরমাত্মীয়ও তাঁহার সমস্তটা লইয়া আমাদের কাছে পরিচিত নহেন। আমাদের স্মৃতি নিপুণ সাহিত্য-রচয়িতার মত তাঁহার অধিকাংশই বাদ দিয়া ফেলে। তাঁহার ছোট-বড় সমস্ত অংশই যদি ঠিক সমান অপক্ষপাতের সহিত আমাদের স্মৃতি অধিকার করিয়া থাকে, তবে এই স্টুডেন্সের মধ্যে আসল চেহারাটি মারা পড়ে ও সবটা রক্ষা করিতে গেলে আমাদের পরমাত্মীয়কে আমরা যথার্থভাবে দেখিতে পাই না। পরিচয়ের অর্থই এই যে, যাহা বর্জন করিবার তাহা বর্জন করিয়া, যাহা গ্রহণ করিবার তাহা গ্রহণ করা।

একটু বাড়াইতেও হয়। আমাদের পরমাত্মীয়কেও আমরা মোটের উপরে অল্পই দেখিয়া থাকি। তাঁহার জীবনের অধিকাংশ আমাদের অগোচর। আমরা তাঁহার ছায়া নহি, আমরা তাঁহার অন্তর্যামীও নহি। তাঁহার যে অনেকখানিই আমরা দেখিতে পাই না, সেই শূন্যতার উপরে আমাদের কল্পনা কাজ করে। ফাঁকগুলি পূরাইয়া লইয়া আমরা মনের মধ্যে একটা পূর্ণ ছবি আঁকিয়া তুলি। যে লোকের সম্বন্ধে আমাদের কল্পনা খেলে না, যাহার ফাঁক আমাদের কাছে ফাঁক থাকিয়া যায়, যাহার প্রত্যক্ষগোচর অংশই আমাদের কাছে বর্তমান, অপ্রত্যক্ষ অংশ আমাদের কাছে অস্পষ্ট—অগোচর, তাহাকে আমরা জানি না, অল্পই জানি। পৃথিবীর অধিকাংশ মানুষই এইরূপ আমাদের কাছে ছায়া, আমাদের কাছে অসত্যপ্রায়। তাহাদের অনেককেই আমরা উকিল বলিয়া জানি, ডাক্তার বলিয়া জানি, দোকানদার বলিয়া জানি—মানুষ বলিয়া জানি না; অর্থাৎ আমাদের সঙ্গে যে বহির্বিশ্বে তাহাদের সংস্রব, সেইটাকেই সম্বাপেক্ষা বড় করিয়া জানি—তাহাদের মধ্যে তদপেক্ষা বড় যাহা আছে, তাহা আমাদের কাছে কোন আমল পায় না।



সাহিত্য যাহা আমাদিগকে জানাইতে চায়, তাহা সম্পূর্ণভাবে জানায় : অর্থাৎ স্থায়ীকে রক্ষা করিয়া, অবান্তরকে বাদ দিয়া, ছোটকে ছোট করিয়া, বড়কে বড় করিয়া, ফাঁককে ভরাট করিয়া, আল্গাকে জমট করিয়া দাঁড় করায়। প্রকৃতির অপক্ষপাত প্রাচুর্যের মধ্যে মন যাহা করিতে চায়, সাহিত্য তাহাই করিতে থাকে। মন প্রকৃতির আরশি নহে, সাহিত্যও প্রকৃতির আরশি নহে। মন প্রাকৃতিক জিনিষকে মানসিক করিয়া লয়—সাহিত্য সেই মানসিক জিনিষকে সাহিত্যিক করিয়া তোলে।

দুয়ের কার্যপ্রণালী প্রায় একই রকম। কেবল দুয়ের মধ্যে কয়েকটা বিশেষ কারণে তফাৎ ঘটিয়াছে। মন যাহা গড়িয়া তোলে, তাহা নিজের আবশ্যকের জন্য—সাহিত্য যাহা গড়িয়া তোলে, তাহা সকলের আনন্দের জন্য। নিজের জন্য একটা মোটামুটি নোট করিয়া রাখিলেও চলে—সকলের জন্য আগাগোড়া সুসম্বন্ধ করিয়া তুলিতে হয়, এবং তাহাকে এমন জায়গায়, এমন আলোকে, এমন করিয়া ধরিতে হয়, যাহাতে সম্পূর্ণভাবে সকলের দৃষ্টিগোচর হয়। মন সাধারণত প্রকৃতির মধ্য হইতে সংগ্রহ করে—সাহিত্য মনের মধ্য হইতে সংগ্রহ করে। মনের জিনিষকে বাহিরে ফলাইয়া তুলিতে গেলে বিশেষভাবে সৃজনশক্তির আবশ্যক হয়। এইরূপে প্রকৃতি হইতে মনে ও মন হইতে সাহিত্যে যাহা প্রতিফলিত হইয়া উঠে, তাহা অনুকরণ হইতে বহু দূরবর্তী।

প্রকৃত সাহিত্যে আমরা আমাদের কল্পনাকে, আমাদের সুখ-দুঃখকে, শুদ্ধ বস্তুমান কাল নহে,—চিরন্তন কালের মধ্যে প্রতিষ্ঠিত করিতে চাই। সুতরাং সেই সুবিশাল প্রতিষ্ঠা-ক্ষেত্রের সহিত তাহার পরিমাণ-সামঞ্জস্য করিতে হয়। ক্ষণকালের মধ্য হইতে উপকরণ সংগ্রহ করিয়া তাহাকে যখন চিরকালের জন্য গড়িয়া তোলা যায়, তখন ক্ষণকালের গাপকাঠি লইয়া কাজ চলে না। এই কারণে প্রচলিত কালের সহিত, সংকীর্ণ সংসারের সহিত উচ্চ সাহিত্যের পরিমাণের প্রভেদ থাকিয়া যায়।

অন্তরের জিনিষকে বাহিরের, ভাবের জিনিষকে ভাষার, নিজের জিনিষকে বিশ্বমানবের এবং ক্ষণকালের জিনিষকে চিরকালের করিয়া তোলা সাহিত্যের কাজ।

জগতের সহিত মনের যে সম্বন্ধ, মনের সহিত সাহিত্যকারের প্রতিভার সেই সম্বন্ধ। এই প্রতিভাকে বিশ্বমানব-মন নাম দিলে ক্ষতি নাই। জগৎ হইতে মন আপনার জিনিষ সংগ্রহ করিতেছে, সেই মন হইতে বিশ্বমানব-মন পুনশ্চ নিজের জিনিষ নিষ্কাশন করিয়া নিজের জন্য গড়িয়া লইতেছে।

বুঝিতেছি, কথাটা বেশ ঝাপসা হইয়া আসিয়াছে ; আর একটু পরিষ্কৃত করিতে চেষ্টা করিব। কৃতকার্য হইব কি না, জানি না।

আমরা আমাদের অন্তরের মধ্যে দুইটা অংশের অস্তিত্ব অনুভব করিতে পারি,—একটা অংশ আমার নিজস্ব, আর একটা অংশ আমার মানবস্ব। আমার ঘরটা যদি সচেতন হইত, তবে সে নিজের ভিতরকার খণ্ডাকাশ ও তাহারই সাহিত্য পরিব্যাপ্ত মহাকাশ, এই দুইটাকে ধ্যানের দ্বারা উপলব্ধি করিতে পারিত। আমাদের ভিতরকার নিজস্ব ও মানবস্ব সেই প্রকার। যদি দুয়ের মধ্যে দূর্ভেদ্য দেয়াল তোলা থাকে, তবে আমরা অন্ধকূপের মধ্যে বাস করে।

প্রকৃত সাহিত্যকারের অন্তঃকরণে যদি তাহার নিজস্ব ও মানবস্বের মধ্যে কোন ব্যবধান থাকে, তবে তাহা কল্পনার কাচের সার্বশির স্বচ্ছ ব্যবধান। তাহার মধ্য দিয়া পরস্পরের চেনা-পরিচয়ের ব্যাঘাত ঘটে না। এমন কি, এই কাচ দূরবীক্ষণ ও অণুবীক্ষণের কাচের কাজ করিয়া থাকে—ইহা অদৃশ্যকে দৃশ্য, দূরকে নিকট করে।

সাহিত্যকারের সেই মানবস্বই সৃজনকর্মে। লেখকের নিজস্বকে সে আপনার করিয়া লয়, দার্শনিককে সে অমর করিয়া তোলে, খণ্ডকে সে সম্পূর্ণতা দান করে।

জগতের উপরে মনের কারখানা বসিয়াছে এবং মনের উপরে বিশ্ব-মনের কারখানা—সেই উপরের তলা হইতে সাহিত্যের উৎপত্তি।

পৃথ্বেই বলিয়াছি, মনোরাজ্যের কথা আসিয়া পড়িলে সত্যতা বিচার করা কঠিন হইয়া পড়ে। কালোকে কালো প্রমাণ করা সহজ, কারণ, অধিকাংশের কাছেই তাহা নিশ্চয় কালো; কিন্তু ভালকে ভাল প্রমাণ করা তেমন সহজ নহে, কারণ, এখানে অধিকাংশের এক-মত সাক্ষ্য সংগ্রহ করা কঠিন।

এখানে অনেকগুলি মূস্কিলের কথা আসিয়া পড়ে। অধিকাংশের কাছেই যাহা ভাল, তাহাই কি সত্য ভাল,—না, বিশিষ্ট সম্প্রদায়ের কাছে যাহা ভাল, তাহাই সত্য ভাল?

যদি বিজ্ঞানের কথা ছাড়িয়া দেওয়া যায়, তবে প্রাকৃত বস্তুসম্বন্ধে এ কথা নিশ্চয় বলিতে হয় যে, অধিকাংশের কাছে যাহা কালো, তাহাই সত্য কালো। পরীক্ষার দ্বারা দেখা গেছে, এ সম্বন্ধে মতভেদের সম্ভাবনা এত অল্প যে, অধিক সাক্ষ্য সংগ্রহ করিবার কোন প্রয়োজন হয় না।

কিন্তু ভাল যে ভালই এবং কত ভাল, তাহা লইয়া মতের এত অনৈক্য ঘটিয়া থাকে যে, সে সম্বন্ধে কিরূপ সাক্ষ্য লওয়া উচিত, তাহা স্থির করা কঠিন।

বিশেষ কঠিন এই জন্য, সাহিত্যকারদের শ্রেষ্ঠ চেষ্টা কেবল বর্তমান কালের জন্য নহে। চিরকালের মনুষ্য-সমাজই তাঁহাদের লক্ষ্য। যাহা বর্তমান ও ভবিষ্যৎ কালের জন্য লিখিত, তাহার অধিকাংশ সাক্ষ্য ও বিচারক বর্তমান কাল হইতে কেমন করিয়া মিলিবে?

ইহা প্রায়ই দেখা যায় যে, যাহা তৎসাময়িক ও তৎস্থানিক তাহাই অধিকাংশ লোকের কাছে সর্বপ্রধান আসন অধিকার করে। কোন একটি বিশেষ সময়ের সাক্ষি-সংখ্যা গণনা করিয়া সাহিত্যের বিচার করিতে গেলে, বিচার হইবার সম্পূর্ণ সম্ভাবনা আছে। এই জন্য বর্তমান কালকে অতিক্রম করিয়া সর্বকালের দিকেই সাহিত্যকে লক্ষ্যনিবেশ করিতে হয়।

কালে-কালে মানুষের বিচিত্র শিক্ষা, ভাব ও অবস্থার 'পরিবর্তনসত্ত্বেও যে সকল রচনা আপন মহিমা রক্ষা করিয়া চলিয়াছে, তাহাদেরই অগ্নি-পরীক্ষা হইয়া গেছে। মন আমাদের সহজগোচর নয় এবং অল্প সময়ের মধ্যে আবদ্ধ করিয়া দেখিলে অবিশ্রাম গতির মধ্যে তাহার নিত্যানিত্য সংগ্রহ করিয়া লওয়া আমাদের পক্ষে দুঃসাধ্য হয়। এই জন্য সুবিপুল কালের পরিদর্শনশালার মধ্যেই মানুষের মানসিক বস্তুর পরীক্ষা করিয়া দেখিতে হয়। ইহা ছাড়া নিশ্চয় অবধারণের চূড়ান্ত উপায় নাই।

কিন্তু কাজ চলিবার মত উপায় না থাকিলে সাহিত্যে অরাজকতা উপস্থিত হইত। হাইকোর্টের আপিল-আদালতে যে জজ-আদালতের সমস্ত বিচারই পর্যন্ত হইয়া যায়, তাহা নহে। সাহিত্যেও সেইরূপ জজ-আদালতের কাজ বন্ধ থাকিতে পারে না। আপিলের শেষ-মীমাংসা অতি দীর্ঘকাল-সাপেক্ষ—ততক্ষণ মোটামুটি বিচার এক রকম পাওয়া যায় এবং বিচার পাইলেও উপায় নাই।

যেমন সাহিত্যের স্বাধীন রচনায় এক-একজনের প্রতিভা সর্বকালের প্রতিনিধিত্ব গ্রহণ করে,—সর্বকালের আসন অধিকার করে, তেমন সমালোচনার প্রতিভাও আছে। এক-একজনের পরখ করিবার শক্তিও স্বভাবতই অসামান্য হইয়া থাকে। যাহা ক্ষণিক, যাহা সঙ্কীর্ণ, তাহা তাহাদিগকে ফাঁকি দিতে পারে না ; যাহা ধ্রুব, যাহা চিরন্তন, এক মুহূর্তেই তাহা তাহারা চিনিতে পারেন। সাহিত্যের নিত্য বস্তুর সহিত পরিচয়-লাভ করিয়া নিত্যের লক্ষণগুলি তাহারা স্ফুটসারে এবং অলক্ষ্যে অন্তঃকরণের সহিত মিলাইয়া লইয়াছেন—স্বভাবে এবং শিক্ষায় তাহারা সর্বকালীন বিচারকের পদ গ্রহণ করিবার যোগ্য।

আবার ব্যবসাদার সমালোচকও আছে। তাহাদের পুণ্ড্রিগত বিদ্যা। তাহারা সারস্বত-প্রাসাদের দেউড়িতে বসিয়া হাঁক-ডাক, তর্জন-গর্জন, ঘৃষ ও ঘৃষির কারবার করিয়া থাকে—অন্তঃপুরের সহিত তাহাদের পরিচয় নাই। তাহারা অনেক সময়েই গাড়ি-জুড়ি ও ঘাড়ের চেন দেখিয়াই ভোলে। কিন্তু বীণাপাণির অনেক অন্তঃপুরচারী আত্মীয় বিরলবেশে দাঁনের মত মার কাছে যায় এবং তিনি তাহাদিগকে কোলে লইয়া মস্তকান্ধা করেন। তাহারা কখন-কখন তাহার শব্দ্র অঙ্গুলে কিছু কিছু ধূলিক্ষেপও করে—তিনি তাহা হাসিয়া ঝাড়িয়া ফেলেন। এই সমস্ত ধূলা-মাটি-সত্ত্বেও দেবী তাহাদিগকে আপনার

বলিয়া কোলে তুলিয়া লন—দেউড়ির দারোয়ানগদুলা তাহাদিগকে চিনিবে কোন লক্ষণ দেখিয়া? তাহারা পোষাক চেনে, তাহারা মানুষ চেনে না। তাহারা উপাত্ত করিতে পারে, কিন্তু বিচার করিবার ভার তাহাদের উপর নাই। সারস্বতদিগকে অভ্যর্থনা করিয়া লইবার ভার যাহাদের উপরে আছে, তাহারাও নিজের সারস্বতীর সন্তান—তাহারা ঘরের লোক, ঘরের লোকের মর্যাদা বোঝেন।

[ বঙ্গদর্শন (নবপর্ব্যায়), ১৩১০ ]

## কবিকঙ্কণ চণ্ডী

যোগেশচন্দ্র রায়

কবি মুকুন্দরাম চক্রবর্তী কবিকঙ্কণ রাঢ়ের পশ্চিম সীমায় তিন শত বৎসর পূর্বে যে গান গাহিয়াছিলেন, সেই গান চিরদিন বাংলা ভাষার ও সাহিত্যের মুকুটমণি হইয়া থাকিবে। সংস্কৃত মার্কণ্ডেয় চণ্ডী ও বাংলা কবিকঙ্কণ চণ্ডী উভয় কাব্যেই চণ্ডীর মাহাত্ম্য কীর্ত্তিত হইয়াছে। মার্কণ্ডেয় চণ্ডীতে দেবতা বিপন্ন হইয়া চামুন্ডার শরণ লইয়াছিলেন, এবং তাহাদিগকে উদ্ধার করিতে অসুন্দরলনীর রণসাজে সজ্জিত হইয়াছিলেন। কবিকঙ্কণের চণ্ডীতে অভয়া কলিকালে মর্ত্যলোকে নিজের পূজা-প্রচারের অভিপ্রায়ে, কখনও কৌতুকে, কখনও ষড়্ভুজিতে, সামান্য মানুষকে কণ্ঠে ফেলিয়া নিজের মহিমা প্রচার করিয়াছিলেন।

কবিকঙ্কণও পুরাতন ঋষির ন্যায় সৃষ্টির আরম্ভ হইতে আখ্যান আরম্ভ করিয়াছেন। আদিতে একমাত্র নারায়ণ ছিলেন। তাহার কৃপাদৃষ্টিতে বিধাতা ত্রিভুবন নিৰ্ম্মাণ করিলেন। বিধাতার পুত্র দক্ষ। দক্ষের কন্যা হইয়া চণ্ডী সতীরূপে আবির্ভূতা হইলেন। দক্ষযজ্ঞে দেহত্যাগ করিয়া সতী গিরিরাজ-গহিষী মেনকার কন্যা হইলেন। নাম হইল গৌরী। জয়া, বিজয়া ও পদ্মা তিন দাসী হইল। হরের সহিত গৌরীর বিবাহ হইল, প্রথমে গণেশের উৎপত্তি

হইল. পরে কার্ত্তিকের জন্ম হইল। এত দিন হর হিমালয়ে ঘরজামাই ছিলেন।  
একদিন মেনকা কন্যাকে বলিলেন, দেখ,

প্রভাতে খাইতে চাহে কার্ত্তিক গণাই।  
চারি কড়া সম্ভাবনা তোর ঘরে নাই।।  
দরিদ্র তোমার পাত পরে বাঘছাল।  
সবে ধন বুড়া বৃষ গলে হাড়মাল।।  
দুই পদ্বী তিন দাসী স্বামী শূলপাণি।  
প্রেত ভূত পিশাচের লেখা নাহি জানি।।  
মিছা কাজে ফিরে স্বামী নাহি চাষবাস।  
অন্ন বস্ত্র কতেক যোগাব বারমাস।।  
নিরন্তর আমি কত সহিব উৎপাত।  
রান্ধে বাড়ে দিতে মোর কাঁখে হৈল বাত।।  
দক্ষ উথলিলে তুমি নাহি দেও পানি।  
পাশা খেলাইয়া গোঁয়াও দিবস রজনী।।

মা যেমন ঝাঁও তেমন। তিনি ঈষৎ হাসিয়া বলিলেন, কেন,

জামাতারে বাপ মোর দিল ভূমি দান।  
তথি ফলে মসুর কাঁপাস মায় ধান।।  
রান্ধে বাড়ে দেও বলে কত দেও খোঁটা।  
তব ঘরে আসিতে দ্বায়ে দিও কাঁটা।।

ইহার পর হিমালয়ে আর থাকা চলে না। হরগৌরী কৈলাসে চলিয়া গেলেন।  
সেখানে কিন্তু সম্বল কিছুমাত্র নাই। হর ভিক্ষা করিয়া আনিলেন, গৌরী  
রাঁধিয়া দিলেন। এইরূপে একটি দিন গেল। পরদিন হর বিশ্রাম করিতে  
বসিলেন। কিন্তু বিশ্রামের সময়েও ক্ষুধা থাকে। গৌরীকে হর ঝাট স্নান  
করিয়া রন্ধন চড়াইতে বলিলেন, নানাবিধ ব্যঞ্জনের আদেশ করিলেন। কিন্তু  
রন্ধনের কথা শুনিয়া গৌরীর চক্ষু স্থির। তিনি বলিলেন,

রন্ধন করিতে ভাল বলিলা গোঁসাই।  
প্রথম পাত্রে যাহা দিব তাহা ঘরে নাই।।  
কালিকার ভিক্ষা নাথ উদার সর্ধিন্দু।  
অবশেষে যাহা ছিল রন্ধন করিন্দু।।  
আছিল ভিক্ষার শেষ পালি দুই ধান।  
গণেশের মৃষিক করিল জলপান।।  
আজিকার মত যদি বান্ধা দেও শূল।  
তবে সে পারিব নাথ আনিতে তণ্ডুল।।

তখন পশুপতি সক্রোধে বলিলেন, “আমি ছাড়ি ঘর, যাব দেশান্তর, কি মোর ঘর করণে।” পার্শ্বতীও খেদ করিতে লাগিলেন,

কি জানি তপের ফলে পাইয়াছি হর।  
সই-সাজ্জাগতি নাই থাকে দেখে দিগম্বর।।  
উন্মত্ত ল্যাঙ্গাটা হর চিতাধূলি গায়।  
ছাড়িলে শিরের জটা অবনী লোটায়ে।।  
একাসনে শূতে নারি সাপের নিশ্বাসে।  
ততোধিক পোড়ে প্রাণ বাঘছালবাসে।।  
বাপের সাপ পোষের ময়ূর সদাই করে কেলি।  
গণার মূষা কাটে বর্দাল আমি খাই গালি।।

গৌরী বাপের বাড়ী যাইবার কল্পনা করিলেন। কিন্তু গৌরীকে পশ্চাৎ সন্তদ্বীপে যুগে যুগে তাঁহার অর্চনা প্রচার করিতে বলিলেন। অর্চনা পাইলে গৌরীর অশ্রবশ্রের অভাব আর থাকিবে না।

এই উদ্দেশ্যে প্রথমে চাঁডকা দ্বাপর-যুগের শেষে বিশ্বকর্মান্নকে কলিঙ্গরাজ্যে দেশে এক দেউল নিৰ্ম্মাণ করিতে বলিলেন, এবং রাজাকে স্বপ্নে বলিলেন, “করি বহু পরামর্শ আইনু ভারতবর্ষ, লইব তোমার পূজা আগে।” সন্তরাং রাজা হৈমবতীর পূজা করিলেন। পূজার পরে চাঁডকা ঘরে ফিরিতোঁছিলেন, পথে বিশ্ব্যগিরির পশুগণ তাঁহাকে ধরিয়া বসিল, এবং বনফুল আম জাম শেহাকুল কাল-চিতাফল দিয়া পূজা করিল।

যখন ভবানী কলিঙ্গ-দেশে গেলেন, তখন মহেশ্বের দিন চলা ভার হইল। তিনিও মন্ত্যের পূজা-সংগ্রহে বাহির হইলেন। পরে হরপার্শ্বতী উভয়ে কৈলাসে আবার একত্র হইলেন। এবার উভয়ের মধ্যে যুদ্ধ হইল যে, ইন্দ্রের পুত্র নীলাম্বরকে অভিষাপ দিয়া মর্ত্যলোকে পাঠাইতে হইবে। “তবে যে প্রচার হয় পূজার পদ্ধতি।” নারদের উপদেশে ইন্দ্র শিবপূজা আরম্ভ করিলেন। শিশুপুত্র নীলাম্বরের প্রতি নন্দনকাননে ফুল তুলিয়া আনিবার আদেশ হইল। এমন সময় নীলাম্বরের মাথার উপরে শকুনি ডাকিল, এবং সে জেঠীর ডাকও শুনিতে পাইল। মাথার উপরে বাধা পড়িল, সে ফুল তুলিতে যাইতে চায় না। ইন্দ্র ক্রুদ্ধ হইলেন, এবং পিতার প্রতি পুত্রের কণ্ঠব্য বিষয়ে অনেক পুরাণ প্রমাণ শুনাইলেন।

নাই নিয়োজিনু রণে,                      দূরন্ত অসুর সনে,  
নাই পাঠাইনু দূর দেশ।  
সবে চারি দণ্ড বাবে,                      কুসুম আনিয়া দিবে,  
ইথে কেন মনে ভাব ক্রেশ।।

বিষম আরতি নয়,                      সবে যাবে দণ্ড ছয়,  
 এ নন্দন কানন ভিতরে।  
 নিকটে কুসুম আছে                      উঠিতে না হবে গাছে,  
 আরাধনা করিব শঙ্করে।।

অগত্যা নীলাম্বর ‘পান লইল,’ এবং হরপার্শ্বতীর যদুজ্জ্বলে পাড়িয়া ব্যাধ কালকেতু-রূপে মর্ত্যে চণ্ডিকার পূজা প্রচার করিল। কালকেতুকে চণ্ডিকা অনেক ধন দিলেন। সে কালিঙ্গ-দেশের নিকটে গুজরাট নামে এক নগর নিৰ্ম্মাণ করাইল, অনেক প্রজা বসাইল। বিপদের সময় চণ্ডিকা তাহার সহায় থাকিতেন ; কেন না, তিনি মন্দিরে পূজা পাইতেন। কালিঙ্গ-দেশের রাজা কালকেতুর শত্রু হওয়াতে বিলক্ষণ শিক্ষা পাইলেন। তিনিও চণ্ডিকার ভক্ত হইলেন।

“গুজরাটে কালকেতু খ্যাত হইল রাজা।  
 আর যত ভূঞা রাজা করে তাঁর পূজা।।”

কিন্তু এইরূপে কতকাল চলে? নীলাম্বরের শাপের কাল ফুরাইল। সে জায়া-সঙ্গে পদুপক বিমানে চাপিয়া ইন্দ্ৰাণ্ডালে ফিরিয়া গেল। কাজেই পার্শ্বতী আবার পদ্যাবতীর সহিত যদুজ্জ্বল করিলেন। শঙ্করও অবশ্য যোগ দিলেন। এবার রত্নমালা নামে ইন্দ্রের এক নর্ত্তকী অভিশপ্ত হইল। ইচ্ছানি নগরে লক্ষপতি নামে এক ধনশালী গন্ধৰ্বগণিক ছিল। রত্নমালা তাহার কন্যারূপে জন্মগ্রহণ করিল। নাম হইল খুল্লনা। উজানী নগরে ধনপতি নামে এক সাধু (সওদাগর) ছিল। লহনা তাহার প্রথম বনিতা ছিল। খুল্লনা ধনপতির দ্বিতীয় বনিতা হইল।

খুল্লনা চণ্ডীর দাসী, চণ্ডীর ভক্ত। কিন্তু খুল্লনার স্বামী ধনপতি, ‘মেয়ে দেব’ দেখিতে পারিত না। এমন কি, যখন ধনপতি উজানী নগরে রাজার আদেশে সাত ডিঙা ভরিয়া সিংহলে বাণিজ্য করিতে যায়, খুল্লনার প্রতিষ্ঠিত চণ্ডীর ঘট পায়ে ফেলিয়া দেয়! ধনপতি কিন্তু শঙ্করের ভক্ত ছিল। সকল দিক্ ভাবিয়া হরপার্শ্বতী আবার যদুজ্জ্বল করিয়া ইন্দ্রের আর এক কুমার মালাধরকে শাপ দিলেন। সে ও তাহার দুই স্ত্রী মর্ত্যে মান্দুষ রূপে জন্মগ্রহণ করিল। মালাধর, খুল্লনার পুত্র শ্রীমন্ত হইল, এবং মালাধরের দুই বনিতার এক জন সিংহল-রাজকন্যা, এবং অপর জন উজানী-রাজকন্যা হইল। সিংহল-যাত্রায় চণ্ডিকা শ্রীমন্তের পিতা ধনপতিকে মগরার মোহানায় নাকের জলে চোখের জলে করিলেন। একটি ডিঙী লইয়া ধনপতি কোন-রূপে প্রাণে প্রাণে সিংহলে উপস্থিত হইল। সিংহলের নিকটে কালীদেহে মায়ী পাতিয়া চণ্ডিকা

তাহাকে অপৰূপ কমলে-কামিনী প্রদর্শন করান। ধনপতি কর্ণধারকে দেখাইল,  
কিন্তু সে দোঁখিতে পাইল না,—

অপরূপ হের আর, দেখে ভাই কর্ণধার,  
কামিনী কমলে অবতার।  
ধরি রামা বাম করে, উগরয়ে করিবরে,  
পুনরপি করয়ে সংহার।।  
কমল কনকরুচি, স্বাহা স্বধা কিবা শচী,  
মদন সুন্দরী কলাবতী।  
সরস্বতী কিবা রমা, চিত্রলেখা তিলোত্তমা,  
সত্যভামা রম্ভা অরুণ্ডতী।।  
প্রামাণিক যোজন গভীর বহে জল।  
ইথে উপজয়ে ভাই কেমনে কমল।।  
কর্মালিনী নাহি সহে তরঙ্গের ভর।  
তরঙ্গহিস্তোলে রামা করে থর থর।।  
নিবসে রমণী তাহে ধরিয়া কুঞ্জর।  
হরি হরি নলিনী কেমনে সহে ভর।।  
হেলায় কামিনী উগরয়ে যুথনাথে।  
পলাইতে চাহে গজ ধরে বাম হাতে।।  
পুনরপি তায় রামা করয়ে গরাস।  
দেখিয়া আমার হৃদে লাগয়ে তরাস।।

সিংহলের রাজার নিকটে এমন অসম্ভব কথা বলিয়া ধনপতি কারাগারে রুদ্ধ হইল। পরে শ্রীমন্ত চণ্ডিকার কৃপায় নানা বিঘ্ন বিপত্তি হইতে উদ্ধার পাইয়া সিংহলের রাজাকে কমলে-কামিনী দেখায়, এবং রাজকন্যা বিবাহ করিয়া পিতাকে লইয়া স্বদেশে প্রত্যাগত হয়। এখানেও সেই বিপত্তি। উজ্জানী নগরের রাজা কমলে-কামিনীর অসম্ভব কথায় শ্রীমন্তকে মশানে বধের আজ্ঞা দিলেন। চণ্ডিকা এখানেও রাজার সৈন্যের সহিত যুদ্ধ করিলেন, এবং পরে নদ সৃষ্টি করিয়া তাহাতে কমলে-কামিনী রূপে উজ্জানীর রাজাকে দর্শন দিলেন। ফলে সিংহলে ও উজ্জানী নগরে চণ্ডিকার পূজা প্রচারিত হইল।

এইরূপে ষোল পালা গান হইয়াছে। এই গানের নায়ক নায়িকা কে?—  
হরগোরী। উপনায়ক উপনায়িকা অনেক আছে। বাঁহারা প্রধান, তাঁহারা  
ইন্দের কুমার, ইন্দের পদ্মবধূ, ইন্দের নর্তকী। সংসারে যদি কোনও ব্যক্তি  
প্রধান হন, গ্রামা লোকের বিশ্বাস, তিনিই শাপভ্রষ্ট কোনও দেবতা। হর-  
পার্শ্বতীর মানব-ভাব যেমন আছে, তেমনই তাঁহাদিগের দেব-ভাবও আছে।



এই ভাব ধরিয়া কবিকঙ্কণ আমাদিগকে কাব্য-শাস্ত্রের সারভূত নবরস পূর্ণমাত্রায় ঢালিয়া দিয়াছেন। তাঁহার কবিত্বপটুত্ব, তাঁহার শব্দযোজনা, তাঁহার মানব-চরিত্র-জ্ঞান, সংসারে সহস্র খুঁটিনাটিটির জ্ঞান চণ্ডী-গ্রন্থের প্রাতি কাব্য-রসগ্রাহীর চিত্ত চিরকাল আকর্ষণ করিবে।

মুকুন্দরাম দরিদ্র গ্রাম্য কবি। তাঁহার শ্রোতা তাঁহারই মত গ্রাম্য। তাহাদের সুখ-দুঃখ আশা-আকাঙ্ক্ষা তিনি যেমন মস্মে মস্মে অনুভব করিয়াছিলেন, কোন নাগরিক কবি সুখ-শান্তির শীতল ছায়ায় কদাপি তেমন অনুভব করিতে পারিতেন না। এই জন্যই ভারতচন্দ্রের বিদ্যাসুন্দর ছাড়িয়া তাহারা কবিকঙ্কণ চণ্ডীর আদর করে। বন-সান্নিহিত গ্রামে বাসিয়া গ্রাম্য কবি গ্রাম্য চিত্র ব্যতীত অন্য চিত্র লিখিতে পারিতেন না। তিনি মানব-চিন্তের ভাব-লহরীর অবিকল চিত্র লিখিয়াছেন। তাহাতে কাব্যালংকার প্রচুর আছে, কিন্তু অতিশয়োক্তি নাই। ছন্দের মাধুর্য্য আছে, কিন্তু শব্দের আড়ম্বর নাই। ভাষায় তাঁহার কি অতুলনীয় অধিকার ছিল! গভবতী নারী কি ব্যঞ্জনের সাধ করে, অন্ন-কষ্ট-কাতর ব্যক্তির ভোগলালসার সীমা কি,—ইহা তিনি যেমন জানিতেন, তেমনই সন্তান-প্রসবের পর কি কি কার্য্য করিতে হয়, বিবাহের সময় কি কি বিধি পালন আবশ্যক, তাহাও তিনি তেমনই জানিতেন! বন্য জন্তু পক্ষী সর্পের নাম চান, কবিকঙ্কণকে জিজ্ঞাসা করুন। ফুলের নাম, আরণ্য বৃক্ষের নাম, অষ্ট অলংকার, ‘ব্যাল্লিশ বাজনা’, যুদ্ধের অস্ত্র শস্ত্র জানিতে চান, কবিকঙ্কণ চক্রবর্তীকে ধরুন। অভাগী নারী পতিসোহাগ-কামনায় কি ঔষধ প্রয়োগ করিবে, কি গাছের গন্ধে সর্প পলায়ন করে, হাটে কি দ্রব্যের কি দর, কি দ্রব্য-সংযোগে কি ব্যঞ্জন রান্নিতে হয়, পাড়াগাঁয়ে মালা লইয়া কেমন দলাদলি হয়, ভিন্ন ভিন্ন জাতির ব্যবসায় কি, জাতি-চরিত্রই বা কি, ইত্যাদি এমন কোন গ্রাম্য ব্যাপার নাই, যাহা চক্রবর্তী মুকুন্দরাম জানিতেন না, এবং সুযোগমত আমাদিগকে বলেন নাই। গ্রাম্য শ্রোতা এই সকল কথা যেমন বুঝে, তেমন কি প্রকৃতির শোভা কি দ্রব্যবিশেষ দেখিয়া কবির কবিত্বোচ্ছ্বাস বুঝিতে সমর্থ?

এ কথা সত্য যে, কবিকঙ্কণ চণ্ডীতে অনেক সংস্কৃত শব্দ আছে ; কিন্তু ইহাও সত্য, সে সকল শব্দ সত্ত্বেও রসভঙ্গ হয় নাই। আমাদের বোধ হয়, ইচ্ছা করিয়াই এবং কবিত্বের গাম্ভীর্য্য বাড়াইতে গিয়াই মুকুন্দরাম স্থানে স্থানে সংস্কৃত শব্দ পদঞ্জীভূত করিয়াছেন। গ্রাম্য শ্রোতা সকল শব্দ নাই বুঝে, কিন্তু শব্দের ঝঙ্কার অনুভব করিতে পারে। স্বর্ণগোধিকারূপিণী অভয়ার নিজ-মূর্ত্তি-ধারণ পড়ুন,—

হৃৎকারে ছিঁড়িয়া দড়ী,

পরিয়া পাটের শাড়ী,

ষোড়শ বৎসরের হৈলা রামা।

খঞ্জন গঞ্জন আঁখি,                      অকলংক শশীমুখী,  
 কিবা দিব রূপের উপমা ।।  
 স্ফুটান্ন নিতম্ব সাজে,                      চরণে পঙ্কজ রাজে,  
 মণিময় কাণ্ডন নৃপদর ।  
 বিমল অঙ্গের আভা,                      নানা অলংকার শোভা,  
 রবির কিরণ করে দর ।।  
 ত্রিবাণি বলিত মাঝে,                      সুবর্ণ কিশকণী সাজে,  
 উরুযুগ রম্ভার সমান ।  
 \*                      \*                      \*                      \*  
 সর্বাঙ্গে চন্দন পঙ্ক,                      অনঙ্গ বলয় শঙ্খ,  
 বাহু বিভূষণ সুশোভন ।  
 সকল অঙ্গুলি ভরি,                      মাণিক্য অঙ্গুরী পরি,  
 দন্তরুচি ভুবনমোহন ।।  
 মৃৎচন্দ্র অনুপাম,                      বিন্দু বিন্দু শোভে ঘাম,  
 সিন্দুর-তিলক তিমিরারি ।  
 অধরে বিদ্যুৎদ্যুতি,                      তাম্বুলের রাগ তথি,  
 নাসাগ্রে মাণিক মনোহারী ।।

কবিকঙ্কণের বিশেষত্ব অনেকে অনেক স্থলে দেখাইয়াছেন। একটির  
 টল্লেক্স এখানে করা যাইতেছে। তিনি তাঁহার কাব্যে একই প্রকার ব্যাপার ভিন্ন  
 ভিন্ন স্থানে বর্ণনা করিয়াছেন। দারিদ্র্যের কথা, ঘরোয়া কন্দলের কথা,  
 ভোজনের কথা, গর্ভবতীর সাধ খাওয়ার কথা, বিবাহের কথা, যুদ্ধের কথা,  
 সিংহল-যাত্রার কথা একাধিক বার বর্ণনা করিয়াছেন। আরও দেখা যায়,  
 একই বিষয়ের বর্ণনায় ভাষাও প্রায় একরূপ, এমন কি, কোনও কোনও স্থলে  
 একই পদ্য বাহির হইয়াছে। ইহাৎ পড়িবার সময় পুনরুক্তিদোষ মনে পড়ে।  
 মনে হয়, কবিকঙ্কণের বৈচিত্র্যজ্ঞান ছিল না, হয় ত কবিতা-রচনা তাঁহার সহজ  
 ছিল না। কিন্তু যখন মনে করি, তাঁহার “অভয়া-মঙ্গল” ষোল পালায়  
 গাহিবার গান, যখন মনে করি, বর্দ্ধমান জেলার প্রসিদ্ধ চণ্ডী-গায়ক জগাই  
 সেকরা একই ভাবের গান, একই কবিতা আবৃত্তি-দ্বারা কত দিন ধরিয়া  
 শ্রোতাদিগকে মন্ত্রমুগ্ধ করিয়া রাখিত, তখন কবিকঙ্কণের উদ্দেশ্য সম্যক  
 বুদ্ধিতে পারি, এবং ভাবি যে, পুনরুক্তি দোষের না হইয়া গল্পের কারণ হইয়াছে।  
 মনে রাখিতে হইবে, কবিকঙ্কণ গান গাহিয়াছেন, আধুনিক কাব্য লেখেন নাই।  
 শ্রোতা উন্মুগ্ন হইয়া থাকে, কি আসিতেছে, তাহা সে পশ্চ হইতেই কিছু  
 কিছু বুদ্ধিতে পারে, এবং কিঞ্চিৎ রূপান্তরিত-ভাবে কবিতা শুনিয়া তাহার  
 পূর্ণ রস গ্রহণ করে। প্রচলিত চণ্ডীর গান নিরবচ্ছিন্ন গান নহে। কোন

গান কিংবা যাত্রা নিরবচ্ছিন্ন গান? গানের মধ্যে মধ্যে কথা আছে, কবিতা-আবৃত্তি আছে। যমজ পদ্য দুই পার্শ্বে লইয়া যখন জগাই সেকরা কবিতা কেবল আবৃত্তি করিয়া যাইত, তখন তালে তালে আবৃত্তির ঠমক, বোধ হয়, তাহার গানকেও পরাজিত করিত। বোধ হয়, গোবিন্দ অধিকারীর গান অপেক্ষা তাহার কথায় শ্রোতার মন অধিক আকৃষ্ট হইত। কথার এক ইংগিতে বহু কাব্য লুদ্ধায়িত থাকিত। এইখানেই কবির গদ্যগণনা। সে গদ্যগণনা কবিকঙ্কণ প্রচুর দেখাইয়াছেন। বস্তুতঃ তাহার চণ্ডী কাব্যালঙ্কারিকের নিকট বাঙ্গালা ছন্দের দৃষ্টান্তের আকর, ভাষা-শিক্ষার্থীর নিকট শব্দকোষ, ইতিহাস-রসিকের নিকট রাঢ়ের প্রাচীন সামাজিক ইতিহাস।

কত প্রচলিত বাক্যে কবিকঙ্কণকে দেখিতে পাই, তাহার ইয়ত্তা হয় না। ‘নিশিতে জাগিয়া থাক, প্রহরে প্রহরে ডাক, হবে তুমি শিয়াল প্রহরী।’ ‘এ বিরহ জ্বরে, পতি যদি মরে, কোন ঘাটে খাবে পাণি।’ ‘পিপীড়ার পাখা উঠে মরিবার তরে।’ ‘মাণিক্য অঙ্গুরী সপ্ত নৃপতির ধন।’ ‘আমার নগরে বৈস, যত ভূমি চাহ চস, তিন সন বই দিও কর।’ ‘দুই চক্ষু জিনি নাটো’ ‘কুমারের চাক যেন ফিরে।’ ‘এক তিল যথা যাই, জুড়াইতে নাহি ঠাই।’ ‘কি জান দৈবের মায়া, আসি কোন পথ দিয়া, নারিকেল সান্দ্রাইল পাণি।’ ‘অলকা তিলকা পর মোহন কাজল।’ ‘আকাশ ভাঙিয়া পড়ে মূণ্ডে।’ ‘আপনি রাখিলে রয়ে মান।’ ‘দেখয়ে সরিষা ফুল।’ ‘নদী নালা একাকার।’ ‘বসে খেতে নাহি আঁটে।’ ইত্যাদির অংশবিশেষ প্রায় কবির ভাষায় গ্রাম্য লোকে অদ্যাপি বলিয়া থাকে।

কবিকঙ্কণ তিন শত বৎসর পূর্বের যে সামাজিক চিত্র অঙ্কন করিয়াছেন, তাহা ঐতিহাসিকের নিকট চিরদিন অমূল্য বিবেচিত হইবে। পূর্ব বলিয়াছি, কবিকঙ্কণ গ্রাম্য দৃষ্টি কবি, তাহার শ্রোতা তাহারই তুল্য গ্রাম্য লোক। দেখা যায়, এখন যেমন, তখনও গর্ভিণী নারীর সন্তান-প্রসবে বিলম্ব হইলে তাহাকে জল-পড়া (মন্দ্রপূত জল) খাওয়ান হইত। প্রসবের পর আঁতুড়ঘরের দ্বারে গরুর মাথার ষষ্ঠী রাখা হইত, এবং তিন দিনে, ছয় দিনে, আট দিনে, নয় দিনে, ও একত্রিশ দিনে এক এক উৎসব হইত। এখন অনেক স্থানে একত্রিশ দিন পর্যন্ত অপেক্ষা না করিয়া একুশ দিনেই প্রসূতি আঁতুড়ঘর হইতে বাহির হইয়া থাকে। শাস্ত্রীয় বিধি-অনুসারে পুত্রের ছয় মাসে, এবং কন্যার সাত মাসে অন্নপ্রাশন হইত। পাঁচ বৎসর বয়সে গন্ধর্বাণকের পুত্রও কণ্ঠবেধান্তে বিদ্যা-শিক্ষার নিমিত্ত গুরু মহাশয়ের হাতে অর্পিত হইত। সাত বৎসর বয়সে কন্যারও কণ্ঠবেধ হইত, কিন্তু সকলে বিদ্যা-শিক্ষা করিত না। শ্রীমন্তের মা খুল্লনা পত্র পাড়িতে পারিত, কিন্তু তাহার সংমা পারিত না। অথচ দুই জনেই এক বাড়ীর মেয়ে ছিল।

বালাবিবাহ ও পদ্রুঘের বহুবিবাহ বিলক্ষণ প্রচলিত ছিল। এগার-বার বৎসর বয়সে কন্যার বিবাহ হইত। বর গলায় রত্নমালা ও হাতে সোনার তাড়ুবালা পরিয়া, গায়ে কুঙ্কুম লেপিয়া, পাটের (পটুবস্ত্রের) দোলায় চাঁড়য়া গোখর্দলি সময়ে বিবাহ করিতে যাইত। সঙ্গে নানাবিধ বাজনা ও দলে দলে বরীতি (বরষাত্রী) চলিত। বিবাহের পর বর-কন্যা অরুন্ধতী দেখিত। এই রীতি বাঙ্গালা দেশ হইতে এখন উঠিয়া গিয়াছে। প্রাচীন কালে ছিল, এখনও ওড়িষ্যার ব্রাহ্মণেরা বিবাহান্তে রাত্রিকালে অরুন্ধতী দেখেন। দম্পতী বশিষ্ঠ-অরুন্ধতীর ন্যায় অবিচ্ছেদে চিরদিন ঘর করিবে, অরুন্ধতী দেখার এই অর্থ ছিল। কন্যার শুভ কামনা করিয়া তাহার মা, বিবাহের পূর্বে বাড়ী বাড়ী ঔষধ করিয়া ফিরিত। সতীনের কুহক হইতে কন্যাকে রক্ষা করিবার উদ্দেশ্যে এইরূপ ঔষধের প্রয়োজন হইত। বিবাহের পর শয্যা তোলার কড়ি দিতে হইত।

কন্যা অল্প বয়সেই স্বামীর ঘর করিতে যাইত। স্বামী বশীভূত করিতে বয়োজ্যেষ্ঠা সত্য 'কাঙর-কামিষ্কার' তন্ত্র-মন্ত্র ও নানাবিধ ঔষধ করিত। অর্থর্ব-বেদ হইতে তন্ত্র-মন্ত্র এ দেশে প্রচলিত আছে। বোধ হয়, মহাভারতের সত্যভামাকেও ঔষধ ঋজিতে হইয়াছিল। স্বামীকে 'ওষধ' করা যে এখন উঠিয়া গিয়াছে, এমন নয়। সতীনের কন্দল এখনও শূন্যে পাতাওয়া যায়। পাটের শাড়ী ও সোনার চুড়ী দিয়া স্বামীকে কন্দল মিটাইতে হইত। বোধ হয়, ব্রাহ্মণের ঘরেই বহু স্ত্রী থাকিত, এবং অন্য জাতির মধ্যে প্রথমা পত্নী বাঁঝা, এবং স্বামী ধনবান্ হইলে ঘরে দুই স্ত্রী বিরাজ করিত। 'এক জন সাঁহলে কন্দল হয় দূর। বিশেষিয়া জানেন চক্রবর্তী ঠাকুর।'—ইহাতে বোধ হয় মৃকুন্দরামেরও দুই স্ত্রী ছিল, কিংবা তাঁহার যে এক স্ত্রী ছিল, তিনি তাদৃশ মধুরভাষিণী ছিলেন না।

সুখের বিষয়, সতীর সহমরণ উঠিয়া গিয়াছে। 'সিন্দূর তিলক ভালে, চিরণী কুলতলে দোলে, সঘনে নাড়য়ে আশ্রয়াল। সঘনে হৃদয়ে পড়ে, ছায়া চতুর্দলে ডেড়ে, ইন্দ্রের হৃদয়ে বাজে শাল।' ইন্দ্রের পুত্রবধূ ছায়া স্বামীর সহমৃত্যু হইয়াছিলেন। বোধ হয়, আর কিছু কাল পরে, এই সহমরণ-বর্ণনা বঙ্গীয় পাঠক ঠিক হৃদয়ঙ্গম করিতে পারিবে না।

ধনপতি সাধু পিতৃশ্রদ্ধ করিবে। ভাট নানা স্থানে পত্র লইয়া গেল। 'বুলন কাণ্ডার' ঘরে ঘরে গদ্যা ও সন্দেশ দিয়া নিমন্ত্রণ করিয়া আসিল। বন্ধুমান ও হুগলী জেলার নানা স্থানের ষোল শত বেণে ধনপতির বাড়ী আসিল। কেহ দোলায়, কেহ ঘোড়ায়, কেহ হাতীতে, কেহ বাঁকে, কেহ নৌকায় চাপিয়া আসিল। কেহ কেঁহ এমন ধনী ছিল যে, তাহাদের রথ সাত ঘোড়ায় দিন রাত বহিত; কাহারও বাহির মহলে সাত মরাই টাকা থাকিত। কিন্তু 'ধন হইতে হয় কি বা কুলের প্রকাশ।' ধনপতি আগে কার কপালে চন্দন ও

গলায় মালা দিবে, তাহা লইয়া তুমুল বিবাদ আরম্ভ ও ঘরের কুৎসা বাহির হইল। কারও ঘরে ছয় বউ পতির সহমৃতা হয় নাই, কারও বাপ হাটে আমলা (আমলকি) বোঁচিত, এবং স্নান না করিয়া খাইতে বসিত। শেষে ধনপতির নিজের ঘরের কথা বাহির হইল। যখন সে রাজার কাছে বিদেশে<sup>\*</sup> ছিল, তখন তাহার বড় স্ত্রী কন্দল করিয়া মারিয়া ধরিয়া ছোট খুঁল্লনাকে ঘর হইতে বাহির করিয়া দিয়াছিল। শুধু ইহাই নহে, অভাগী খুঁল্লনাকে ধনে বনে ছাগল চরাইতে হইয়াছিল। তখন তার বয়স সবে বার তের বৎসর। কিন্তু বনে শতক মাতাল বেড়ায়, কে জানে খুঁল্লনার সতীত্ব ছিল কি না। সে সতীত্বের পরীক্ষা না দিলে কেহই তার রান্না খাইবে না। ধনপতি বিষম ফাঁপরে পড়িল; তাহার শব্দর রাজার দোহাই দিল। কিন্তু জ্ঞাতিকে রাজ-বল দেখান মিছা। রাজা ধন ও প্রাণ লইতে পারেন। কিন্তু 'জ্ঞাতি বন্ধুজন'\* জ্ঞাতি লইতে পারে। ধনপতি লক্ষ তঙ্কা দিয়া বান্ধব বশ করিতে ইচ্ছা করিল। খুঁল্লনা বুদ্ধিমতী। সে বলিল, 'আজি ধন দিলে দিবা বৎসরে বৎসরে'; অথচ তাহার কলঙ্ক ঘুঁচিবে না। সে পরীক্ষা 'লইবে'। গঙ্গাজলে স্নান করিয়া সে সর্ষমণ্ণলার পূজা করিল। অভয়া অভয় দিলেন। সভায় শত পণ্ডিত একবুদ্ধি হইয়া পরীক্ষার বিধি স্থির করিলেন। অশ্বখপত্রে মন্ত্র লিখিয়া দুই পথকের মাথায় দিয়া সরোবরের জলে ডুবান হইল। পথিকদ্বয় পাতা লইয়া উঠিল, খুঁল্লনার জয় হইল।

কিন্তু জলের পরীক্ষা কিছু নয়। হয় ত পথিক দু-জনের সঙ্গে ধনপতির 'সাঁট' ছিল। মাল ডাকা হইল, এক নতুন ঘটের ভিতরে বিষধর সাপ ও সোনার অঙ্গুরী রাখা হইল। খুঁল্লনা সেই ঘটের ভিতরে হাত দিয়া সাত বার অঙ্গুরী তুলিল।

এই পরীক্ষাও কিছু নয়। সাপের মূখ বাঁধা যায়। তখন কামার আগুনে শাবল তাতাইয়া লাল করিল। অশ্বখপত্রে বীজমন্ত্র লিখিয়া খুঁল্লনার হাতে দিয়া সেই জ্বাবর্ণ শাবল রাখা হইল। খুঁল্লনা শাবল ধরিয়া দূরে তৃণের উপরে ফেলিয়া দিল। তৃণ পড়িয়া গেল।

তথাপি বিপক্ষ দলের মন উঠিল না। কে না জানে, 'আগুন ভারিলে হয় জল।' আগুনে ঘি গরম করা হইল। খুঁল্লনা সেই আগুন-সমান ঘি-এ সোনা ফেলিয়া হাত ডুবাইয়া তুলিয়া লইল। কিন্তু সে আগুনও ত ভায়া যায়। যাহা হউক, এত দ্বন্দ্বে কাজ নাই। এক লক্ষ তঙ্কা দিলেই সকল পাপ ঘুঁচিয়া যায়। তখন ধনপতি রোষযুক্ত হইয়া তুলা পরীক্ষা করাইল। ইহাতেও

\* এখন বাঙ্গালায় জ্ঞাতি-কুটুম্ব। কবিকল্পে বন্ধু শব্দ সংস্কৃত অর্থে প্রযুক্ত হইয়াছে। সংস্কৃত কুটুম্ব অর্থে পবিত্রবর্গ, এবং বন্ধু অর্থে আত্মবন্ধ, পিতৃবন্ধ ও মাতৃবন্ধ। অর্থাৎ বাঙ্গালা কুটুম্ববর্গ বুঝায়। ওড়িয়া কুটুম্ব = বাঙ্গালা পরিজন ও জ্ঞাতি। ওড়িয়া বন্ধু = বাঙ্গালা কুটুম্ব।

বণিক্‌গুলা হারিল, কিন্তু তাহাদের কানাকানি থামিল না। তখন ধনপতির এক পিসাত ভাই সীতার জোঁগুহ-পরীক্ষার কথা তুলিল। সে উচিত কথা কহিতে চায়, ‘ভাইবউ’ জোঁগুহ করুন, সকলের মনে সন্তোষ হউক।

নগরে নগরে লোক ছুটিল। বাঁশের মাথায় পাটের পাছড়ায় শত পল সোনার চেংগড়া (চাপ) বাঁধিয়া নগরে নগরে ফিরান হইল। যে জোঁঘর নিৰ্ম্মাণ করিবে, সে সেই সোনা পাইবে। কিন্তু সব কারিগর মাথা হেঁট করিল। দেবতার পরীক্ষা দেবতাই জানেন, তাহারা জোঁগুহের কথা কানেও শুনে নাই। এমন সময়ে চণ্ডী আকাশ-বিমানে যাইতৌছিলেন, তিনি তাহার দাসী খুল্লনাকে লোক-গঞ্জনা হইতে উদ্ধার করিবার মানসে বিশ্বকৰ্ম্মাকে জোঁঘর নিৰ্ম্মাণ করিতে বলিলেন। বিশাই ও তাহার ছেলে হনুমান্‌ মানুষের আকারে আসিয়া ধনপতির চেংগড়া ধরিলেন। জোর (জন্তুর) প্রকাণ্ড ঘর নিৰ্ম্মিত হইল। খুল্লনা অভয় পদ ধ্যান করিয়া সেই ঘরে ঢুকিলে তাহাতে আগুন লাগান হইল। প্রথমে নীল ধূঁআ আকাশে উঠিল; উত্তর পবন আসিয়া জ্বুটিল, যোজন প্রমাণ আগুন উঠিল, আগুনের ‘দফালে’ ষাঁড়ের গৰ্জ্জন শোনা গেল, গগনবাসী মেঘের আড়ে লুকাইল। কিন্তু সতীর অঙ্গে আগুন মৃণাল-শীতল, তুষার-শীতল হিম বোধ হইল।

কলিযুগে এগন কৰ্ম্ম কেহ করে নাই, কেহ দেখে নাই, কেহ শোনে নাই। খুল্লনা জ্বলন্ত আগুন হইতে বাহির হইল, বণিক্‌সমাজ সতীর শাপের ভয়ে তাহার পায়ে পড়িল। কেহ বলিল, আমি তোর ভাই; কেহ বলিল, মান চাই না। দুটি অন্ন দাও, খেয়ে ঘরে যাই; কেহ বলিল, তুমি মানুষ নও, তা আমি জানি, কিন্তু বলি কারে। খুল্লনা রাঁধিবার আজ্ঞা পাইল, জ্ঞাত-গোত্র কুটুম্বেরা ভোজন করিল। তার পর কেহ দোলা, কেহ ঝারি, কেহ কণ্ঠমালা, কেহ পাটের পাছড়া, কেহ ঘোড়া লইয়া ফিরিয়া গেল।

আজ কাল জীবন-সংগ্রাম বাড়িয়াছে; বারবেলা কালবেলা না মানিয়া লোকে রেল ইষ্টমারে দূর দেশান্তরে যাত্রা করিতেছে। অগত্যা লোকের যান্ত্রিক জ্ঞান ক্ষীণ হইতেছে। সেকালে পথে গোসাপ, কচ্ছপ, গন্ডার, শজার, শশক দেখিলে লোকের যাত্রা ভগ্ন হইত। মাথার উপরে ডোম-চিল ফিরাইলে, পথে কাঠের বোঝা দেখিলে, টিকিটিকর ডাক শুনিলে, পায়ে হুচোট খাইলে, কাপড়ে শেয়াকুল কাঁটা বিধিলে, শুখনা ডালে কাক কা কা শব্দ করিলে, যোগিনী আধখানি লাউ ভিক্ষা করিলে, তেলী তেল লবে, তেল লবে, করিয়া বেড়াইলে, বামে সাপ, দক্ষিণে শিয়ালী বেড়াইলে, অমঙ্গলের আশঙ্কা হইত। এখনও যে হয় না, তা নহে। এখনও দৈবজ্ঞ পাজী খুলিয়া ও রাশিচক্র পাতিয়া যাত্রার শুভাশুভ গণনা করে। তখনও তাহারা শতানন্দের ভাস্বতী ও গ্রীনিবাসের দীপিকা দেখিয়া বালকের জন্মপাতি লিখিত। বোধ হয়, কবিকঙ্কণের সময়ে রাঢ়ে রঘুনন্দনের প্রতিষ্ঠা হয় নাই।

সে কালের বসন ভূষণ এ কালে পরিবর্তিত হইয়াছে। কবিকঙ্কণ যত প্রকার নারী-ভূষণের নাম করিয়াছেন, তাহাদের অধিকাংশ আজ কাল আর নাই। পদ্রুঘের হাতে তাড়বালা, কানে বউলী বগ্নদেশে আর নাই। বস্ত্রের ত কথাই নাই। ধৃতী তখনও কেবল পদ্রুঘের বসন হয় নাই। পার্শ্বতী ও রম্ভাবতী বিবাহের সময় হরিদ্রায়ুত ধৃতী পরিয়াছিলেন। ধৃতী মহার্ঘ ছিল। কোটালেরা লোকের নিকট উৎকোচস্বরূপ ধৃতী লইত। দুরিদ্ভেরা খাদি (ছোট ধৃতী), এবং ছোট খুঞা (তিসীর আঁশের কাপড়), ছেঁড়া কানি, মড়া কাপড় (পাড়হীন খাদি), ও ধোকড়ী (মোট কাপড়) পরিত। শীতকালে দোপাট্টা ও পাছড়ী গায়ে দিত। খুঞা পরিলে গা ঢাকা পড়িত না। এই হেতু দরিদ্র স্থ্রীলোকে ওড়না স্বরূপে খোসলা (কোনও গাছের ছালের মোটা কাপড়) গায়ে দিত। ধনবান্ লোকের জোড় (ধৃতী চাদর) কাপাস ও পাটের লম্বা, মোটা গড়া ছিল। শীতকালে তসর ও 'বিচির পামরী' (শাল) বস্ত্র ও শালের জোড়া ছিল। রমণীরা তসরের ও পাটের, শাদা ও নেতের শাড়ী পরিত। আজ কাল হাওয়া শাড়ী হইয়াছে; পূর্বকালে পাটের নেত ছিল। এ জন্য তাহারা দোছটী করিয়া শাড়ী পরিত, এবং নানা চিত্র-বিচিত্র বিনোদ কাঁচলী গায়ে দিত। তাহারা মেঘডম্বর (নীলাম্বরী) কাপড়ে প্রীত হইত। ধনবানেরা বাড়ীতেও জুতা পরিত, এবং পাটের দোলায় চাড়িয়া এখানে ওখানে যাইত।

রাজাদের গড় ও গড়ের চৌদিকে বেউড় বাঁশের (ছোট ঘন কাঁটা বাঁশ) বন থাকিত। পদ্রুঘীর চারি দিকে উঁচা পাঁচিল, পাঁচিলে খড়ের ছাউনি থাকিত। 'সাতানই বন্দে' নানাবিধ আবশ্যিক ঘর নিম্মিত হইত। অন্তঃপুরে সরোবর, সপ্তম মহলে দেবদেবীর মন্দির, পাষাণের নাছ-বাট, পাষাণের চতুঃশালা, পাকশালা। উত্তরে খিড়কী, পূর্বে সিংহদ্বার। আওয়াসের পূর্বদিকে বিষ্ণুর দেউল, বামভাগে দুর্গামেলা, এবং সিংহদ্বারের পূর্বে জলাশয়। 'নগর-চাতর' মাঝে শিবের মন্দির, অনাথমন্ডপ ও অন্নশালা। বাসাড়ে জনের নিম্মিত দীর্ঘ মন্দির। এখানে প্রবাসী লোকেরা থাকিত। রাজা নগর বসাইবার নিম্মিত বাছিয়া বাছিয়া প্রজাদিগকে ভূমি ইনাম দিতেন। নানা জাতি নগরে বাস করিয়া স্ব স্ব ব্যবসায়ে নিযুক্ত থাকিত। অন্য দেশ হইতে চন্দন, শঙ্খ, লবণ, সৈন্ধব লবণ, নীলা, মাণিক, মতি, পলা, চামর, পামরী প্রভৃতি কয়েকটি দ্রব্য আনা হইত। রাজার সদাগর থাকিত। তাহারা দেশের উৎপন্ন দ্রব্যের বিনিময়ে সিংহল ও অন্যান্য দেশজাত দ্রব্য আনিত।

রাজাকে শত্রুর সহিত যুদ্ধ করিতে হইত। রাজপুত্র, মন্ত্র ও বাণ্দী, ইহারাই সৈন্য হইত। স্থানবিশেষে মুসলমান সৈন্যও থাকিত। পায়ে দাঁড়াইয়া, এবং ঘোড়া, হাতী ও রথ চালাইয়া চতুরঙ্গ দলে সৈন্যেরা যুদ্ধ করিত। সঙ্গে সঙ্গে 'ব্যাক্সিশ বাজনা' বাজিত। হাতীর পিঠে শূল-শক্তি-জাঠ লইয়া মাহুত যুদ্ধ করিত, হাতীর শৃঙ্গে লোহার মৃগদর বাঁধিয়া দেওয়া হইত।

গাড়ীতে কামান যাইত। সৈন্যের হাতে তীর ধনুক, খাঁড়া, ঢাল, ভিন্দিপাল, ভূষাণ্ড, গদা, তাক, বেলক (বন্দুক) থাকিত। এই সকল অস্ত্রশস্ত্র দেশেই নির্মিত হইত।

ধনী লোকেরা পাঠশালায় বন্ধুদিগের সহিত পাশা খেলিত। স্বামী শ্রীতেও পাশা খেলিতে ভালবাসিত। মাতাল ছিল, কিন্তু তাহারা নগরের প্রান্তে বাস করিত। সমস্ত কবিকঙ্কণ-চণ্ডীতে কেবল যোগেশ্বর মহেশকে সিদ্ধি খাইতে দেখি। গুলী, গাঁজা, আফিম-খোরের উল্লেখ পর্য্যন্ত নাই। এমন কি, তামাক নাই। পান খাওয়া, পান দেওয়া অত্যন্ত প্রচলিত ছিল। কাহাকেও সম্মান করিতে হইলে পাদ্য অর্থাৎ পান, এবং কাহাকেও কোনও কাজের ভার দিতে হইলে তাহাকে পান দিয়া ‘আরতি’ করা হইত।

ধনপতি কুটুম্ব-বন্ধুজনকে খাওয়াইতে ইচ্ছা করিয়া বাড়ীর চেড়ী দূর্ষলাকে পঞ্চাশ কাহন কাড়ি দিয়া হাটে পাঠাইল। আর বলিয়া দিল যে, সে কাড়িতে না আঁটিলে অমরক বেণের কাছে দুই চারি টাকা লইবে। দূর্ষলা তসরের শাড়ী পরিয়া কপালে চন্দন চুয়ার ফোঁটা করিয়া হাতে পান গুল্যা লইয়া হাটে গেল। সঙ্গে দশ জন ভারী গেল। ঐ কাড়িতে দূর্ষলা শাক-পাতা, মাছ, শশক, কচ্ছপ, খাসী, দুধ, দই, ক্ষীর, নারিকেল, কলা, নবাত চিনি, খাঁড় গুড়, আটা, হাড়ী প্রভৃতি রন্ধনের যাবতীয় উপকরণ কিনিয়া আনিল। একটা খাসীর দাম আট কাহন, জীযন্ত শশকের দাম আট পণ, এক পণ পানের দাম এক পণ, এক সের তেলের দাম দশ বড়ী, ভারীর বেতন জন প্রতি এক পণ। সেকালে গোল আলু ছিল না, গরিচের নাম লঙ্কা হয় নাই। হাটে দাস-দাসীও কিনিতে পাওয়া যাইত। রাজার কন্মচারী, বিশেষতঃ মন্ডল হাটে তোলা তুলিত। কোটালের ও মোড়লের দূ’ পয়সা উপরি-পাওনা ছিল। তাই সেয়ানা লোকে মোড়লীর নিমিত্ত রাজার নিকট প্রার্থনা করিত।

শ্রীমন্ত সিংহলে উপস্থিত হইয়া নানাবিধ বাজনা বাজাইয়া নগরে প্রবেশ করিল। দামামার ধ্বনি শুনিয়া পণ্ডপাত্রসহ সিংহল-রাজ চমকিত হইলেন। তখন “কোটাল কোটাল ডাক পড়ে ঘন ঘন। আসিয়া কোটাল নূপে দিল দরশন।। লুটে দেশ খাস্ বেটা দেশের বিধাতা। ভাল মন্দ নাহি দেহ দেশের বারতা।।” তিরস্কৃত কোটাল বাজনা বাজাইবার নিমিত্ত শ্রীমন্তকে প্রথমে ধমকাইল। তার পর উভয়ের ভাব হইল। কোটাল বলিল, “মোর শিরে দায় যদি হয় ডাকাচুরী। পঞ্চাশ কাহন চাই আমার দিগারী।।” শ্রীমন্ত ঐ কাড়ি দিতে স্বীকার করিলে কোটাল প্রীত মনে রাজাকে সংবাদ জানাইল।

সেকালে ময়রা চিনি, নবাত, লাড়ু ও সন্দেশ করিত। লুচী কচুরী ছিল না। দূর্ষলা হাটে রন্ধন-সাজ কিনিয়া স্নান করিল। তার পর দই, গুড়, কলা ভক্ষণ করিল, এবং ভারীদিগকে চিড়া দই কিনিয়া দিল। প্রবাসের পথে



রাঁধিবার অসুবিধা হইলে ধনবান্ পথিক ক্ষীর, গড়, দই, কলা ভোজন করিয়া থাকিতেন।

সেকালে দরিদ্র নারীর সম্বল ছিল, মেটে পাথর ও বাসি পান্ডা। তাহারা অন্যের ধান ভানিত, হাটে নিজের চরকা-কাটা সূতা বেচিত। ছেঁড়া কানি বা মূড়া বা খুঁয়া পরিত, কুঁড়েতে থাকিত।

মুকুন্দরাম নিজে ভুঙভোগী ছিলেন। ধনীর ভোজনেও তিনি পাকাল মাছ দিয়া তেঁতুলের অম্বল ভুলিতে পারেন নাই। পাঠশালায় পাশা খেলিয়া কাল কাটাইতে পারিলে সুখী মনে করিতেন। তাঁহার আদর্শ রাজ্য নিম্নলিখিতরূপে বর্ণনা করিয়াছেন। রাজা বলিতেছেন,—

শুন ভাই বদলান মন্ডল।

আইস আমার পদর,                      সন্তাপ করিব দূর,  
কানে দিব সোনার কুন্ডল।।

আমার নগরে বৈস,                      যত ভূমি চাহ চষ,  
তিন সন বই দিও কর।

হাল পিছে এক তংকা,                      না কর কাহার শংকা,  
পাটায় নিশানি মোর ধর।।

মোর গ্রামে কর বাড়ি,                      রয়ে বসো দিও করিড়ি,  
ডিহিদার না করিব দেশে।

সেলামি কি বাঁশগাড়ি,                      নানা বাবে যত করিড়ি,  
না লইব গুজরাট বাসে।।

পার্বণী পণ্ডক জাত,                      গয়া লোণ সোনা ভাত,  
ধানকাটি কমির কসুরে।

যত বেচ চালু ধান,                      তার না লইব দান,  
অঙ্ক নাহি বাড়াইব পুরে।।

যত বৈসে দ্বিজবর,                      কার না লইব কর,  
চাষী জনে বাড়ি দিব ধান।

হইয়া ব্রাহ্মণদাস,                      পুরাব সবার আশ,  
প্রতিজনে সাধিব সম্মান।।

মুকুন্দরামের নিজের অবস্থা স্মরণ করিলে তাঁহার বর্ণিত আদর্শ রাজ্যে প্রজার সুখ সহজে বুঝিতে পারা যাইবে। তাঁহার ছয় সাত পুরুষ বর্দ্ধমান জেলার দক্ষিণে দামুদ্রা গ্রামে কৃষিজাত শস্যে জীবন কাটাইয়া গিয়াছিলেন। মুকুন্দরামের সময়ে প্রজার পাপে মামুদ সরিফ নামে কোনও ব্যক্তি দামুদ্রার ডিহিদার হইল। যেমন ডিহিদার, তেমনই উজীর। তাহারা ব্রাহ্মণ বৈষ্ণবের

শত্রু হইল। জমীর কোণে কোণে দড়ী ফেলিয়া মাপিতে লাগিল, এবং তাহাতেও তুণ্ট না হইয়া পনর কাঠায় বিঘা ধরিয়া কর বসাইল। প্রজার ‘গোহারি’ শব্দনিলা না, পতিত জমী উষ্মরা বলিয়া লিখিয়া কর আদায় করিতে লাগিল। পোন্দার ৮/১০ আনায় টাকা ধরিয়া প্রতাহ এক পয়সা সুদ লইতে আরম্ভ করিল। ধান গোব্দ কিনিবার লোক নাই। দাম্ভন্যার এক মহাজনকে ডিহিদার বন্দী করিয়া লইয়া গেল। প্রজারা কোথাও পলাইয়া যাইতে পারিল না, তাহাদের দুর্য্যার জুড়িয়া পেয়াদা থানা দিয়া বাসিল। কেহ কেহ ব্যাকুল হইয়া ১৮০ আনায় টাকা হিসাবে ধান গোরু বেচিতে লাগিল। ক্রেশ আর সহ্য করিতে না পারিয়া মদুকুন্দরাম ভাই রানানন্দকে সঙ্গে লইয়া সাত পুরুষের বাস ত্যাগ করিলেন। পথে এক দস্যুর হাতে পড়িয়া তিনি এমন নিঃসম্বল হইলেন যে, অন্যের নিকট পাথের পর্য্যন্ত ভিক্ষা করিতে হইল। মদুকুন্দরাম শ্রী পুত্র ভাই লইয়া নানা গ্রাম ও নদী পার হইয়া চলিতে লাগিলেন। এক দিন কিছুমাত্র সম্বল ছিল না। তাহাকে তৈল বিনা রান করিতে হইল, এবং কেবল উদক পান করিয়া প্রাণ রাখিতে হইল। কিন্তু শিশুপুত্র ত বড়ো না ; ক্ষুধায় কাঁদিতে লাগিল। তিনি এক পুকুর আড়ায় (পাড়ে) শালুক নাড়া (কুন্দ ফুলের নাল) নৈবেদ্য দিয়া ইষ্টদেবতার পূজা করিলেন। ক্ষুধা, ভয় ও পরিশ্রমে সেই পুকুরপাড়ে ঘুমাইয়া পড়িলেন। সেই সময় চণ্ডী তাহাকে স্বপ্নে দেখা দিয়া অভয়া-মংগল-গীত রচনার আদেশ করিলেন। তার পর মদুকুন্দরাম মোদিনীপুর জেলার ব্রাহ্মণভূমি পরগণার আরড়া গ্রামের ব্রাহ্মণ রাজার নিকট উপনীত হইলেন, কবিত্ববাণী শুনাইয়া রাজাকে সম্ভাষণ করিলেন। রাজা বাঁকুড়া রায় দশ আড়া ধান দিলেন, এবং তাহাকে পুত্র রঘুনান্ন রায়ের গুরুদ (গুরুমহাশয়) এবং নিজের সভাসদ নিযুক্ত করিলেন।

এখানে মদুকুন্দরাম নিৰ্ব্বিঘ্নে ছিলেন বটে, কিন্তু দাম্ভন্যার তরে তাহার প্রাণ কাঁদিয়া উঠিত। কারণ, তিনি বুদ্ধিতে, “যেই জন পরাধীন, সে জন অবশ্য দীন, সুখ দুঃখ নাহিক বিশেষ।”

কি দুঃখেই মদুকুন্দরাম এই গান রচনা করিয়াছিলেন!

## কথা-সাহিত্য

দীনেশচন্দ্র সেন

এ দেশের লোকেরা সাধারণতঃ আপনাদের ভোগবিলাসে কুণ্ঠিত ছিলেন। নিজেরা খড়ো ঘরে থাকিয়া দেবমন্দির পাকা করিয়া গাঁথিতেন। তাহাদের যাহা কিছু উৎসব, তাহা ঠাকুর দেবতা লইয়া। দ্বিজ জনাস্পদন, কাণা হরিদন্ত প্রভৃতি কয়েক জন প্রধান কবি অতি ছোট-খাটো ব্রতকথার রচনা করিয়াছিলেন। চণ্ডী, মনসা প্রভৃতি দেবতাদিগের পূজা দেখিতে বহু লোক সমবেত হইত। গৃহস্থ তাহাদের মনোরঞ্জন করিবার জন্য ব্যস্ত হইয়া পড়িতেন। এই উপলক্ষে ব্রতকথা 'গানে' ও 'গান' 'কাব্যে' পরিগত হইল। ষষ্ঠী, শীতলা, ত্রিনাথ, সতানারায়ণ, শনি, মাণিকপীর, সতাপীর প্রভৃতি হিন্দু ও অহিন্দু সমস্ত দেবতারই ছোট-খাটো ব্রতকথা আছে। এই সকল ব্রতকথার সকলগুলিই উত্তরকালে বিকাশ পায় নাই; অনেকগুলি কোরক-অবস্থাতেই লয় পাইয়াছে। বড় বড় দেবতার ব্রতকথা শুনিতে আসর জমিয়া যাইত। সেগুলি ক্রমশঃ কবিগণের তুলিকায় সুরঞ্জিত ও সুর্চিগ্রিত হইয়া বৃহদাকার ধারণ করিয়াছে। হিন্দুর প্রতিভা চিরকালই পূজামণ্ডপে বিকশিত হইয়াছে। যজ্ঞবেদীর আয়তন নির্ণয় করিতে রেখা-গণিতের সৃষ্টি হইয়াছে; যজ্ঞের কাল-শুদ্ধি-বিচারের জন্য জ্যোতিষ-শাস্ত্রের সূত্রপাত হইয়াছে। ঋক্ মন্ত্রে দেবতার যে আহবান ও প্রার্থনা-বাণী শ্রুত হওয়া যায়, এই সকল ব্রতকথার মূখবন্ধে অগ্নি, সূর্য্য প্রভৃতি দেবতার স্তবে অনেক স্থলে সেই আদি স্তোত্রের প্রতিধ্বনি বর্ত্তমান যুগে আমাদের শ্রুতিগোচর হয়।

উড়িষ্যার জগন্নাথ-মন্দিরের গায়ে ষেরূপ মনুষ্য-সমাজের বিচিত্র চিত্র উৎকর্ণ হইয়াছে, তাহার সকলগুলি ঠাকুর-দালানে স্থান পাইবার যোগ্য নহে। অনেক চিত্র শীতলাকে অতিমাত্রায় অতিক্রম করিয়াছে। সেইরূপ, পূর্ব্বোক্ত ব্রতকথাগুলির মধ্যে নিদয়ার গর্ভ ও তদবস্থায় তাহার রুচিকর খাদ্যের তালিকা হইতে বিদ্যা ও সুন্দরের নিলজ্জ ইন্দ্রিয়-সেবা প্রভৃতি অনেক বিষয়ই অবতারিত হইয়াছে। এ সমস্তই ঠাকুরকে শুনাইবার জন্য গীত হইয়া থাকে। ইহা আশ্চর্যের বিষয়, সন্দেহ নাই; কিন্তু আমাদের দেশে ঠাকুর গৃহস্থের অনেকটা অন্তবংগ। তিনি প্রত্যেক হিন্দুর গৃহে একটি প্রকোষ্ঠ অধিকার করিয়া পারিবারিক সমস্ত সুখ-দুঃখের সূক্ষ্মতম অবস্থার সম্মান রাখেন; গৃহস্থ তাহাকে লুকাইয়া কোনও আমোদ করিতে সাহস পান না।

ব্রতকথাগর্ভালি প্রধানতঃ চন্ডী, মনসা, শীতলা, সত্যনারায়ণ এই সকল দেবতা লইয়াই বিশেষভাবে জন্মিয়া গিয়াছিল। কিন্তু শিব-গীতিই বোধ হয় সর্বাপেক্ষে বিরাচিত হইয়া থাকিবে। “ধান ভানতে শিবের গীত” প্রবাদ অতি প্রাচীন। প্রাচীন “শিবায়ন” দুই একখানি পাওয়া যায়। সাক্ষ্য তিন শত বৎসর পূর্বে কনিচন্দ্র একখানি শিব-গীতির রচনা করেন। কৃষ্ণবাসের উত্তরকাণ্ডে শৈবধর্ম-সম্বন্ধে অনেক প্রসঙ্গ দৃষ্ট হয়। উহা প্রায় পাঁচ শত বৎসর পূর্বে বিরাচিত হইয়াছিল। কবিকঙ্কণ স্বয়ং বাল্যকালে ‘শিব-সঙ্গীত’ রচনা করিয়াছিলেন, তাহা আত্ম-পরিচয়ে লিখিয়াছেন।

কিন্তু শিব-গীতি এ দেশে তেমন বিকাশ প্রাপ্ত হয় নাই। শঙ্কর-প্রণোদিত শৈবধর্মের মূলে অদ্বৈতবাদ। অদ্বৈতবাদের মতে জীব স্বয়ং শিব। সাধারণ লোক বেদান্তমূলক এই উন্নত ধর্ম-ভাব-গ্রহণে সমর্থ নহে। তাহারা স্বয়ং সাহস করিয়া ঠাকুরের আসন গ্রহণ করিতে পারে না; যে দেবতা দুঃখের সময়ে তাহাদিগকে ধরিয়া তুলিবেন, বিপদে সহায় হইবেন, চন্ডী, মনসা, সত্যনারায়ণ তাহাদের নিকট সেইরূপ প্রত্যক্ষ দেবতা। দ্বৈতবাদ স্বীকার না করিলে সাধারণ লোকের প্রাণ হুঁপাইয়া উঠে; এই জন্য বঙ্গদেশে চন্ডী ও মনসা প্রভৃতি দেবতার গানের দল এইরূপ অসামান্য পুষ্টি লাভ করিয়াছিল। বৈষ্ণব ও শাক্ত ধর্মোক্তি প্রত্যক্ষ-দেবতা-বাদ হিন্দুকে প্রত্যক্ষ-ঈশ্বরবাদী জড়ালন্ত-বিশ্বাসপরায়ণ ইসলামের আকর্ষণ হইতে রক্ষা করিয়াছিল; শৈবধর্ম জন-সাধারণকে ইসলামধর্ম-গ্রহণ হইতে রক্ষা করিতে পারিত কি না সন্দেহ।

চন্ডী ও মনসা প্রভৃতি দেবতা-সম্বন্ধীয় কাব্যের আলোচনা করিলে দৃষ্ট হইবে, শিব স্বীয় ভক্তগণ-সম্বন্ধে একেবারে নিশ্চেষ্ট। চন্দ্রধর সদাগর শিবের পরম ভক্ত; মনসা দেবীর কোপে পড়িয়া তিনি কতই না কষ্ট সহ্য করিলেন; যে হস্তে তিনি শূলপাণির পূজা করিয়া থাকেন, তাহার অঞ্জলি অন্য কোনও দেবতার পদে দেয় নহে, এই অকুণ্ঠিত বিশ্বাসের ফলে আজীবন কষ্ট সহিলেন। এমন ভক্তশ্রেষ্ঠের বিপদে শিব একবারও সহায় হইলেন না। ধনপতি সদাগর চন্ডীর কোপে কারারুদ্ধ হইলেন; জগদল প্রস্তুত তাঁহার বক্ষের উপর স্থাপিত হইল। চন্ডী তাঁহাকে এই বিপদ হইতে উদ্ধার করিতে উদ্যত হইলেন; কিন্তু তিনি সেই অবাচিত সাহায্য উপেক্ষা করিয়া চন্ডীকে বলিলেন, “হৃদি বন্দীশালে মোর বাহিরায় প্রাণী। মহেশ ঠাকুর বিনে অন্য নাহি জানি।” অথচ শিব এ হেন ভক্তকে রক্ষা করিবার কোন চেষ্টাই করিলেন না। চন্দ্রকেতু রাজা শীতলা দেবীর নিগ্রহে কত বিপদে পতিত হইলেন, তথাপি তিনি শিবের প্রতি বিশ্বাসে অটল রহিলেন; কিন্তু শিব তাঁহারও কোনও সহায়তা করেন নাই।

শৈবধর্মের সহিত শাক্তধর্মের বিরোধের আভাস আমরা এই সকল উপাখ্যানে প্রাপ্ত হই। শিবের নিশ্চেষ্টতা ও অপরাপর দেবতাদের ভক্তকে রক্ষা

ও অবিশ্বাসীকে দণ্ড দিবার আগ্রহের মূলমন্ত্র আমরা এই স্থানে দেখিতে পাই। শৈবধর্ম অদ্বৈতবাদরূপ ভিত্তির উপর প্রতিষ্ঠিত ; উহাতে সাহায্যকারী উপাস্য ও সাহায্যপ্রার্থী উপাসক,—কেহ নাই। জীব ও শিব অভিন্ন। কিন্তু শাক্ত ও বৈষ্ণবধর্মের মূলে দ্বৈতবাদ ; সেখানে দেবতা ভক্তের জন্য সর্বদা সচেতন।

শৈবধর্মাবলম্বী আপনাকেই যথাসাধ্য বড় করিয়া দেখিয়াছেন ; নিজে বড় হইয়া জীব রক্ষের আসন পর্যন্ত অধিকার করিতে সাহসী হইয়াছেন। বাঙালা শিব-সংগীতে শিবের মাহাত্ম্য চণ্ডী প্রভৃতি দেবতার মাহাত্ম্য অপেক্ষা স্বতন্ত্র। কৃষ্ণবাসের রামায়ণের উত্তরকাণ্ডে শিব-সম্বন্ধে একটি উপাখ্যান আছে ;—গঙ্গাদেবী কোনও সময়ে সূমন্ত মন্দির আশ্রমে ছিলেন। একদা দেবগৃহে রন্ধন ও পরিবেশনাদির জন্য দেবতারা মন্দির নিকটে গঙ্গাদেবীকে প্রার্থনা করেন। সূমন্ত মন্দির গঙ্গাদেবীকে যাইতে অনুরোধ দান করেন ; কিন্তু বলিয়া দেন, যেন তিনি সন্ধ্যার পূর্বে আশ্রমে ফিরিয়া আসেন। কর্মবাহুদ্যাবশতঃ গঙ্গাদেবীর ফিরিয়া আসিতে অনেক রাত্রি হয়। সূমন্ত মন্দির গঙ্গাকে দেখিয়া ক্রুদ্ধ-ভাবে বলিলেন, “এত রাত্রে তুমি গৃহে ফিরিয়া আসিয়াছ ; দেবতাদিগকে পরিবেশন করিবার কালে তোমার অঙ্গপ্রত্যঙ্গে তাঁহাদের লোলুপ-দৃষ্টি পতিত হইয়াছে ; তাঁহাদের দৃষ্ট দৃষ্টির ভুজন হইয়া তুমি পতিতা হইয়াছ ; আমি তোমাকে এই আশ্রমে আর স্থান দিতে পারি না।” অপবাদ-ভয়ে কোনও দেবতাই গঙ্গাকে স্থান দিতে সাহস করিলেন না। গঙ্গা অনাথিনীর বেশে ঘাটে ঘাটে কাঁদিয়া বেড়াইতে লাগিলেন। অবশেষে পাগল ধূর্জটি তাঁহাকে মস্তকে স্থান দিয়া কৈলাসে লইয়া আসিলেন। পরিত্যক্তাকে এরূপ আশ্রয় তিনি ভিন্ন দেব-সমাজে আর কে দিতে পারিত ? সমুদ্র-মন্থন-কালে যে সকল রত্ন উঠিয়াছিল, তাহা দেবতাদের ভাণ্ডার পূর্ণ করিল। তখন মহাদেব শ্মশানভস্ম দেহে মাখিয়া পাগলের ন্যায় হাসিতেছিলেন। কিন্তু যখন হলাহল উঠিয়া জগৎ ধ্বংস করিতে উদ্যত হইল, অমরাবতী ভস্মসাৎ হইবার সম্ভাবনা ঘটিল, তখন শ্মশানচারী মহাদেব আসিয়া সেই হলাহল পান করিলেন ; ত্রিভুবন রক্ষা পাইল ! কিন্তু সেই বিষ-ভক্ষণে তাঁহার যে উৎকট যন্ত্রণা হইয়াছিল, তাহার ফলে মহাদেবের কণ্ঠ নীলবর্ণ হইয়া গেল। বৈষ্ণব-পদাবলীতে দেব-গোষ্ঠ-বর্ণনায় লিখিত আছে,—গোপ-বালকবেশী হরি যখন গোষ্ঠে লীলা করিতেছিলেন, তখন ব্রহ্মা, ইন্দ্র, বরুণ প্রভৃতি সকল দেবতা আসিয়া কৃতজ্ঞলিপদে তাঁহাকে প্রণাম করিয়াছিলেন ; গোপ-বালকের অপাঙ্গ দৃষ্টিতেই তাঁহারা কৃতকৃতার্থ হইয়াছিলেন। কিন্তু যখন ভস্মভূষিতদেহ শ্মশানবাসী পাগলবেশী শিব উপস্থিত হইলেন, তখন হরি অগ্রসর হইয়া তাঁহাকে গদ্র বলিয়া হৃদয়ে ধারণ করিলেন, এবং বলিলেন “আপনি আমার বৈষ্ণবী মায়া অতিক্রম করিয়াছেন, এই জন্য আমার প্রণম্য। আপনাকে আমি

স্বর্ণময়ী! কৈলাসপদুরী দিয়াছিলাম, কুবেরকে আপনার ভাণ্ডারী করিয়া দিয়াছিলাম, কিন্তু আপনি সেই দিগম্বরই আছেন, এবং শ্মশানের ছাই অঙ্গে মাখিয়া থাকেন ; আমার সমস্ত শক্তি আপনার নিকট পরাজিত !”

এই দেব-মাহাত্ম্য, ত্যাগের এই উন্নত আদর্শ জনসাধারণ ততটা বদ্বীভবিত পারে না ; কিন্তু ত্বাহারা ভোগের দেবতাদের প্রভাব ও তাঁহাদের প্রদত্ত ঐশ্বর্যের মাহাত্ম্য অনুভব করিতে পারে। পরবর্ত্তী শিবায়নগদ্যলিভিতেও শিব অপেক্ষা চণ্ডীর মাহাত্ম্য বিশেষরূপে পরিবাস্ত হইয়াছে। স্দুতরাং তাহা খাঁটি শিব-সঙ্গীত নহে।

প্রাচীন সাহিত্যে বর্ণিত মনসা, চণ্ডী, শীতলা প্রভৃতি দেবতাদিগের কার্যকলাপ সর্বত্র শোভনভাবে বর্ণিত হয় নাই। মনসাদেবী লক্ষ্মীন্দরের লৌহবাসর সর্প-প্রবেশযোগ্য একটি ছিদ্র রাখিবার জন্য গহ-নির্মাতা কবিলাকে অনুরোধ করিতেছেন ; কখনও বা চাঁদ সদাগরের সগংহীত ভিক্ষার ব্দুলির তণ্ডুল-কণা নষ্ট করিবার জন্য গগদেবের নিকট মুখিক ভিক্ষা করিতেছেন ; চাঁদ সদাগরকে বিপদে ফেলিবার জন্য কখনও বা হনুমানকে সমুদ্রে ঝড় উঠাইবার জন্য অনুরোধ করিতেছেন! চণ্ডীদেবীও নানা সূত্রে ধনপতি ও শ্রীমন্তকে বিপন্ন করিতেছেন ; ভক্তের স্মরণমাত্র ইহারা যে সকল ক্রিয়া-কলাপে প্রবৃত্ত হইতেছেন, তাহা সৃষ্টির শোভন বা মর্যাদাবৃত্ত হইয়াছে বলিয়া স্বীকার করা যায় না।

কিন্তু বিষয়টি অন্য ভাবেও আলোচনীয়। জনসাধারণের বিশ্বাস কতক পরিমাণে অমার্জিত থাকিবেই ; তাহাদের জন্যই এই সকল পুস্তক লিখিত হইয়াছিল। এই জন্য এই সকল রচনার সর্বত্র স্দুর্দ্দটি ও স্দুভাব রক্ষিত হয় নাই। পাঠক প্রাচীন রচনায় সর্বত্র খাঁটি সোণার প্রত্যাশা করিবেন না। আকরের স্বর্ণে যেদূপ অন্য ধাতুর মিশ্রণ থাকে, খাদ বর্জন করিয়া তবে খাঁটি সোণার উদ্ধার করিতে হয়, তেমনই এই দেব-উপাখ্যানের মধ্যেও একটা উজ্জ্বল সত্য আছে. তাহা লক্ষ্য করিতে হইবে। চণ্ডী, মনসা প্রভৃতি দেবতার পুর্বে ক্রিয়াকলাপের মধ্যে একটা সামগ্রীর প্রাচুর্য আছে ;—তাহা সন্তানের জন্য মাতৃ-হৃদয়ের ব্যাকুলতা। উপায় ও কার্যপ্রণালীতে উচ্চ নীতির সঙ্গতি থাকুক, আর না থাকুক, সন্তান কষ্টে পড়িলে মাতা যেদূপ নানা উপায়ে তাহাকে রক্ষা করিতে উদ্যত হন, এই সকল দেবতার বিচিত্র কার্য সেই প্রকার স্চেষ্ঠ মাতৃ-ভাব-প্রণোদিত।

এক দিকে বেদান্ত-মূলক শৈবধর্ম, নির্গুণ ঈশ্বর-তত্ত্ব। তাহা যতই উচ্চ হউক না কেন, সাধারণ লোকে তাহাতে প্রত্যক্ষ ও সগুণ দেবতার প্রতি অচলা ভক্তি, তৃপ্তি পায় নাই। অপর দিকে অশোভন প্রণালীতে পরিবাস্ত হইলেও, বেদান্তের স্কন্ধ তত্ত্ব ও শৈবধর্মের ত্যাগের মহিমা সকলের আয়ত্ত নহে। তাহার স্থলে ভক্ত দর্শন, অসহায় ও পাপী-তাপী হইলেও, শরণ লইবামাত্র

তাহার জন্য দেবতার ক্রোড় প্রসারিত হয়, এই বিশ্বাস সাধারণের চিত্তে এক অভূতপূৰ্ব্বে শান্তির সৃষ্টি করিয়াছিল ; পদ্মাপদ্মরাণ, শীতলা-মঙ্গল, হরি-লীলা, চণ্ডী-মঙ্গল প্রভৃতি কাব্যোক্ত দেবতার উপাখ্যান এই ভাবে দেখিলে অনেক বিসদৃশ প্রশ্নের মীমাংসা হইতে পারে।

এই কথা-সাহিত্যের আলোচনা করিলে আর একটি বিষয়েও দৃষ্টি আকৃষ্ট হয়। অতি-প্রাচীন সাহিত্যে বরং পদ্য-চরিত্রগুলিতে কতকটা পৌরুষ দৃষ্ট হয়, কিন্তু ভাষার উন্নতির সহিত এই কথা-সাহিত্যের অন্তর্গত কাব্যগুলি যতই গ্রীবাঙ্ক-সম্পন্ন হইতে লাগিল, ততই কাব্য-নায়কগণের চরিত্র খর্ব ও হীনতর বর্ণে চিত্রিত হইতে লাগিল। বঙ্গদেশে পৌরুষ ও চরিত্র-বলের যে অধোগতি হইয়াছে, প্রাচীন সাহিত্যের আলোচনা করিলেও তাহা সপ্রমাণ হয়।

কবিগণ যে সকল উপকরণ প্রাপ্ত হইয়াছিলেন, তদ্বারা কাব্য-নায়কগণের চরিত্র অতি উজ্জ্বল বর্ণে চিত্রিত করিতে পারিতেন। কিন্তু কাব্যে তাহার বিপরীত হইয়াছে।

মনসার ভাসানে চাঁদ সদাগরের চরিত্রের যে আভাস আছে, তাহাতে ইহাকে পদ্যকারের জীবন্ত উদাহরণ বলিয়া মনে হয়। মনসাদেবীর ক্রোধে ইহার গদ্যাবাড়ীর ধ্বংস হইল ; একটি একটি করিয়া ছয়টি পদ্য সর্প-দংশনে প্রাণত্যাগ করিল ; সন্ত ডিঙা ও সর্বাপেক্ষা-বহুৎ ‘মধুকর’ জলযান দেবীর কোপে কালীদহে ডুবিয়া গেল ;—চাঁদ সদাগর একটি বার বাম হস্তে মনসার পদে অঞ্জলি দিলেই এই সকল উৎপাতের অবসান হইত। তখনও যদি সদাগর সম্মত হইতেন, তাহা হইলে মনসার কৃপার মৃত পদ্যগণের পুনর্জীবন ও নষ্ট বৈভবের পুনরুদ্ধার হইত। কিন্তু চাঁদ সদাগরের পণ বজ্র-কঠিন। কালীদহের আবেষ্টে পাড়িয়া চাঁদ মৃতকল্প, সুবিস্তৃত-পত্র-সঙ্কুল পদ্মলতা দেখিয়া আশ্রয়ের জন্য চাঁদ হস্ত প্রসারণ করিয়াছেন, কিন্তু মনসার এক নাম পদ্মা, ইহা স্মরণ হইবামাত্র নামের সংশ্লব-হেতু চাঁদ ঘৃণায় হস্ত প্রত্যাবর্তিত করিয়া মরিতে প্রস্তুত হইলেন! তিন দিন অনাহারের পর চাঁদ প্রিয় সূত্রং চন্দ্রকেতুর গৃহে আহার করিতে বসিয়াছেন, এমন সময়ে শূন্যে পাইলেন, চন্দ্রকেতুর গৃহে মনসাদেবীর ঘট স্থাপিত আছে : তখন কিছুমাত্র না খাইয়া সরোষে বন্ধু-গৃহ তহিতে প্রস্থান করিলেন। সর্বাপেক্ষা কঠোর বিপদ উপস্থিত হইল। সর্বা-কনিষ্ঠ পদ্য, শোকদম্বা সনকা-রাণীর বন্ধের ধন লক্ষ্যমন্দের সর্প-দংশনে মৃত্যু হইল। কিন্তু চাঁদ সদাগরের সঙ্কল্প অটুট রহিল! এরূপ বীর পদ্যকারের মর্যাদাও প্রাচীন কবিগণ কিছুমাত্র রক্ষা করিতে পারেন নাই ; বরং নারায়ণ দেব ও বিজয় গুপ্তের পদ্মাপদ্মরাণে চাঁদ সদাগরের চরিত্র-বলের সম্মান কথিৎ প্রদর্শিত হইয়াছে ; কিন্তু কেতকাদাস, ক্ষেমানন্দ প্রভৃতি পরবর্তী কবিগণ এই তেজস্বী চরিত্রকে উপহাসাস্পদ করিয়া তুলিয়াছেন। যখন তিনি কালীদহে পতিত হইয়াছেন, তখন কবি বর্ণনা করিয়াছেন,—“টোকে টোকে জল

খায় চাঁদ অধিকারী।” চন্দ্রকে র আলর হইতে যখন তিনি সরোষে উঠিয়া আসেন, তখনকার বর্ণনা এইরূপ,—

“পাগল দেখিয়া তারে, কেহ ঢোকা ঢুকি মারে,  
কেহ মারে মাথায় ঠোকর।”

বনের পাখীগুলি চাঁদ সদাগরের পাদক্ষেপে উড়িয়া গেল ; ব্যাধগণ আসিয়া তাঁহাকে বলিল,—

“কেন তুই পক্ষী দিলি তেড়ে,  
কোথা হোতে কাল তুই এলি ভেড়ের ভেড়ে।”

ঘাঠের বোঝা মাথায় রাখিতে না পারিয়া মনসাদেবী-কর্তৃক চাঁদ যখন বিড়ম্বিত হইতেছেন, তখন কবি লিখিয়াছেন,—

“কাণ্ট বোঝা ফেলে সাধু পড়ে ঘন পাকে।  
ঘাড়ে হস্ত দিয়া সাধু বাপ বাপ ডাকে।”

এমন কি, স্বর্গহে প্রত্যাবর্তন করিয়াও অন্ধকারে তিনি স্বীয় ভূতা নেড়া-কর্তৃক চোব-ভ্রমে দণ্ডিত হইতেছেন,—

“কলাবনে চাঁদ বেণে খুসুর মদসুর নড়ে।  
লক্ষ দিরা নেড়া তার ঘাড়ে গিয়া পড়ে।।  
চোর চোর বলিয়া মারিল চড় লাথি।  
বিনা পরিচরে তাহে অন্ধকার রাতি।।”

স্বতরাং দেখা যাইতেছে, এই তেজস্বী বীর-চরিত্রের মহিমা কবিগণ কিছুমাত্র উপলব্ধি করিতে পারেন নাই ; হীন উপহাস ও বিদ্বেষের খেলনা-স্বরূপ করিয়া তাঁহাকে আমাদের নিকট উপস্থিত করিয়াছেন।

কালকেতুর উপাখ্যানটি মুকুন্দরামের ন্যায় প্রতিভাবান্ কবির রচিত। কালকেতুর বীরত্ব অতি অপূর্ণ। পশু-জগতের সহিত যুদ্ধ-বিগ্রহে তাঁহার যে পরাক্রম দেখিতে পাই, তদপেক্ষা মহত্তর বিক্রম তাঁহার চরিত্র-বলে বিদ্যমান। ব্যাধযোগ্য বস্বরত্নের চুটী নাই, কিন্তু তাঁহার নৈতিক সাবধানতা ঋষি-তুল্য। দেবী চন্দী রূপসী ললনা সাজিয়া তাহা পরীক্ষা করিয়াছিলেন, ব্যাধ-নাশক তাঁহার কপট নীরবতায় ক্লান্ত হইয়া তাঁহাকে হত্যা করিতেও উদ্যত হইয়াছিল।



এই অমার্জিত চরিত্র যেমন নৈতিক বল-সম্পন্ন, তেমনই উদার ও সরল। মদুরার শীলের ন্যায় শঠ বণিকের সহিত তাঁহার ব্যবহারে আমরা সেই সারল্যের চিত্র সমৃদ্ধরূপে চিত্রিত দেখিতে পাই। এ পর্য্যন্ত মদুকুন্দরাম পৌরুষের যে পট অঙ্কন করিয়াছেন, তাহা নিখুঁত। কিন্তু কলিঙ্গ-রাজের সহিত যুদ্ধে পরাস্ত হইয়া কালকেতু যে ভীরুতা প্রদর্শন করিল, তাহাতে বাঙালী কবি পৌরুষের চিত্রাঙ্কনে স্বভাবতঃই কিরূপ অপটু, তাহাই প্রতিপন্ন হইতেছে। মদুকুন্দরাম এত বড় কবি হইয়াও কালকেতুর চরিত্রে সামঞ্জস্য রক্ষা করিতে পারেন নাই। ইহাতে তাঁহার বিশেষ অপরাধ নাই। যে সমাজে তিনি বাস করিতেছিলেন, সে সমাজে পুরুষের বীর্যবন্তা বিদায়োন্মুখ হইয়াছিল। শ্রেষ্ঠ কবিগণ সমাজের প্রতিবিম্বই প্রদান করিয়া থাকেন। কালকেতু যুদ্ধে হারিয়া স্ত্রীর উপদেশে ভীরুতার একশেষ দেখাইল,—

“ফুল্লরার কথা শুনিনি,                      হিতাহিত মনে গদগি  
লুকাইল বীর রাঁধন ঘরে।।”

কিন্তু মাধবাচার্য্যের তুলিতে কালকেতুর চরিত্র এ-ভাবে নষ্ট হয় নাই। মাধবাচার্য্য কবিকঙ্কণের পুর্স্ববর্ত্তী; তিনি পুর্স্ব বণ্ণের কবি। সে সমাজে প্রাচীন আদর্শ তখনও বিনষ্ট হয় নাই। মাধবাচার্য্য অন্য সর্ব্ববিষয়ে কবিকঙ্কণ অপেক্ষা অল্প শক্তিশালী হইয়াও কালকেতুর চরিত্র-বর্ণনে বীর্যবন্তার আদর্শ অধিকতর অক্ষুণ্ণ রাখিয়াছেন। যখন কলিঙ্গ-রাজের সহিত যুদ্ধে পরাজিত হইবার পর ফুল্লরা কালকেতুকে পলায়ন করিয়া প্রাণ বাঁচাইবার উপদেশ দিল, তখন,—

“শুনিয়া যে বীরবর,                      কোপে কাঁপে থর থর,  
শুন রামা আমার উত্তর।  
করে লয়ে শর গাণ্ডী                      পুজিব মঙ্গলচণ্ডী,  
বলি দিব কলিঙ্গ-ঈশ্বর।।  
যতেক দেখহ অশ্ব,                      সকল করিব ভক্ষ,                       
কুঞ্জর করিব লণ্ডভণ্ড।  
বলি দিব কলিঙ্গ-রায়,                      তুষিব চণ্ডিকা মায়,  
আপনি ধরিব ছত্রদণ্ড।।”

বন্দী অবস্থায় কালকেতু যখন রাজসভায় আনীত হইল, তখন, “রাজসভা দেখি বীর প্রণাম করে।”

ধনপতির চরিত্র-বর্ণনাতেও এই ভাবের অসঙ্গতি দৃষ্ট হয়। তাঁহাকে সিংহল-রাজবন্দী করিয়া অন্ধকূপে রাখিয়া দিলেন। বন্ধে গরুড়ার পাখাণ।

এই ভাবে বহু বৎসর যাপন করিয়াও তাঁহার অদম্য তেজ কিছুমাত্র ক্ষুণ্ণ হইল না। চণ্ডীদেবী এই অবস্থায় তাঁহাকে আশ্বাস দিয়া বলিলেন, “যদি আমার পূজা কর, তবে তোমার নষ্ট সৌভাগ্য উদ্ধার পাইবে।” পাষণ-নিপীড়িত-বন্ধ, অসহ্য যন্ত্রণায় কাতর ধনপতি উত্তর করিলেন—“যদি বন্দীশালে মোর বাঁহরায় প্রাণী। মহেশ ঠাকুর বিনে অন্য নাই জানি।” এমন চরিত্রবান্ ব্যক্তি গোড়ে ঘাইয়া গণিকা-প্রেমে মদুন্ধ হইয়া পড়িতেছেন, এবং খুল্লনা ও লহনা সপত্নীস্বয়ের বিবাদে যে নিশেষ্ট ভীরুতা প্রদর্শন করিয়াছেন, তাহা লক্ষ্য করিলে আমাদের কষ্ট হয়।

ধর্ম্মমণ্ডল-কাব্যে লাউসেনের চরিত্রও প্রাচীন কবিগণ এই ভাবে গ্রীহীন করিয়াছেন। কাব্যে তাঁহার যে সকল বীরত্ব ও কীর্তির কথা উল্লিখিত আছে, তাহা দ্বারা একখানি মহাকাব্য রচিত হইতে পারিত। লাউসেন কাঙুরের কামবলকে অজ্ঞেয় কাটারীর প্রভাবে পরাস্ত করিতেছেন ; ঢেকুর দুর্গের ইছাই ঘোষ তাঁহার হস্তে নিহত হইল ; গোড়েশ্বর-প্রেরিত প্রবীণ মল্লগণ তাঁহার বলপ্রভাবে পরাজয় স্বীকার করিল ; নয়ান সুন্দরী, সুদীক্ষা প্রভৃতি গণিকাগণ তাঁহাকে প্রলুদ্ধ করিতে আসিয়া হতগর্ষ হইল ; চারিদিকের রাজন্যবর্গ তাঁহার অপূর্ণ বীরত্ব ও চরিত্র-প্রভাব দেখিয়া বিস্মিত হইয়া লাউসেনকে আপনাদের বৃন্দালাবণ্যভী দুহিতাদিগকে পত্নীস্বরূপ উপহার দিয়া ধন্য হইল। অবশেষে লাউসেন দূরতর তপস্যা দ্বারা সিদ্ধিলাভ করিলেন। তাঁহার তপঃপ্রভাবের পূর্ণতার চিহ্নস্বরূপ সূর্য্যদেব পশ্চিম দিক্ হইতে উদিত হইলেন। এই সকল কথা কাব্য-ভাগে ব্যর্থ হইয়া গিয়াছে ; তন্ম্বারা আমাদের চক্ষে ও কোন উজ্জ্বল বীর-চরিত্র প্রতিফলিত হয় নাই। ধর্ম্মঠাকুর লাউসেনের বিপদ-দর্শনমাত্র তাঁহার গাত্র হইতে মশকটি পর্য্যন্ত তাড়াইয়া দিতেছেন। সুতরাং লাউসেনের কোনও চরিত্র-গৌরব উপলব্ধি করিবার অবকাশ কবিগণ রাখেন নাই। তিনি বিপন্ন হইবামাত্র স্বয়ং ঠাকুর আসরে অবতীর্ণ হইবেন, দুই এক পালা পাঠ করিবার পরেই পাঠকের মনে এই ধারণা বদ্ধমূল হইয়া যায় ; তখন লাউসেনের বিপদে পাঠকের কোনও হাস উপস্থিত হয় না, এবং তাঁহার জয়েও তদীয় চরিত্রের প্রতি কোনও শ্রদ্ধার সঞ্চার হয় না।

এই সকল কাব্যে দেবমহাত্ম্য-কীর্তনই কবিগণের মূখ্য উদ্দেশ্য ছিল ; মনুষ্য-চরিত্র কবির চক্ষে ততদূর শ্রদ্ধেয় হয় নাই। এই সকল চিত্রে বঙ্গসমাজে পুরুষ-চরিত্রের অধোগতিই সূচিত হইতেছে। ক্রমশঃ পুরুষগণ দুর্ব্বলতার রোগ সীমায় উপনীত হইয়াছিলেন। খৃষ্টীয় অষ্টাদশ শতাব্দীতে সুন্দর, কামিনীকুমার, চন্দ্রভাল ও চন্দ্রকান্ত কাব্য-নায়ক-রূপে বঙ্গ-সাহিত্যক্ষেত্রে অবতীর্ণ হইয়াছিলেন ; ইহারা অন্তঃপুরের নায়কতায় ঘেরূপ পটুতা প্রদর্শন করিয়াছেন, তাহা আমাদের জাতীয় লজ্জার বিষয়। কিন্তু আশ্চর্য্যের বিষয় এই যে, এই সকল কবি রমণী-চরিত্র-অঙ্কনে অপূর্ণ কৃতিত্ব প্রদর্শন করিয়াছেন।

এ দেশে সীতার পার্শ্ব বেহুলা অনায়াসে স্থান পাইতে পারেন। কোথায় বাস্মীক, আর কোথায় কেতকাদাস ; স্বর্ণ ও সীসে যে প্রভেদ, এই উভয় কবির প্রতিভায় তদপেক্ষাও অধিকতর তারতম্য ; অথচ যদি আমরা অমার্জিত কথা মার্জনা করি, গ্রাম্যতা ও মূর্খতা সহ্য করিয়া পল্লী-কবির কব্য পাঠ করি, তাহা হইলে দীনহীনা বেহুলার চরিত্র পাঠ করিতে করিতে আমাদের হৃদয় বেদনাতুর হইবে। এই রমণীকে ব্যাসের সাবিত্রী বা বাস্মীকির সীতা অপেক্ষা কোনও অংশে হীন মনে হইবে না। কলার মান্দাসে অকূল নদী-তরণে বেহুলা ভাসিয়া যাইতেছেন ; স্বামীর শবে তিনি প্রাণপ্রতিষ্ঠা করিবেন, এই তাহার সংকল্প। আত্মীয়-স্বজন সকলে তাহার নিষ্পদ্বীকতা দেখিয়া তাহাকে ফিরাইয়া আনিবার চেষ্টা করিতেছে। তাহার নব যৌবন ও অনিন্দ্য রূপ দেখিয়া কত দৃষ্ট ব্যক্তি তাহাকে প্রলুব্ধ করিবার চেষ্টা পাইতেছে। কিন্তু বেহুলা জগৎকে উপেক্ষা করিয়া ভেলায় ভাসিতেছেন ; কখনও নবঘনাবিন্দিত নিতম্বলম্বী কেশপাশ মুক্ত করিয়া রূপপ্রতিমা বেহুলা দেব-সভায় নৃত্য করিতেছেন ; কখনও স্বামীর শব হইতে কৃমিকীট তাড়াইয়া নিবিষ্ট-মনে তাহা হইতে মাছিতা ভাঙিতেছেন ; কখনও কর্ণে কুণ্ডল ও গলায় শঙ্খের মালা পরিয়া বেহুলা যোগিনী-বেশে মাতা অমলা ও পিতা সায় বেগেকে সাস্ত্রনা দিতেছেন ; কখনও বা ডুমুনী সাজিয়া বাজনী-হস্তে শব্দর-গৃহের সকলকে চমৎকৃত করিতেছেন। বেহুলার দৃশ্যের তপস্যা এই সমস্ত ব্যাপারকে শ্রদ্ধেয় ও উজ্জ্বল করিয়া তুলিয়াছে। পাঠক বেহুলার কথা পড়িয়া না কাঁদিয়া থাকিতে পারিবেন না। পল্লী-কবিগণের মূর্খতা ও সহস্র গুণী তাহার নিকট মার্জনা লাভ করিবে।

ফুল্লরার চরিত্রেও সেই উজ্জ্বল পাতিব্রতা। দরিদ্র স্বামিগৃহে ভেরাণ্ডার থাম, তাহা কাল-বৈশাখীতে প্রত্যহ ভাঙিয়া পড়ে। গ্রীষ্মকালের দারুণ রৌদ্রে পথের বালি উত্তপ্ত হয়, পা পুড়িয়া যায় ; ফুল্লরা মাংসের পসরা মাথায় করিয়া হাটে হাটে পর্যটন করে। শীতকালে পুরাতন দোপাটোখানি গায়ে দিতে শত স্থান ছিন্ন হয় ; বনে তখন শাক পাওয়া যায় না। ফুল্লরার তাল-পত্রের ছাউনী ভাঙা কুড়েতে একখানি মেটে পাথর পর্যন্ত নাই ; গন্তব্য করিয়া আমান রাখিতে হয়। কখনও পসরা মাথায় করিয়া পরিশ্রান্ত ফুল্লরা তৃষ্ণায় ছট্‌ফট্‌ করিতেছে ; যদি বা কোথাও মাংসের পসরা নামাইয়া পুকুরের জল খাইতে গিয়াছে, অমনই চিলে আধা-আধি মাংস সাবাড় করিয়া ফেলিয়াছে। আশ্বিন মাসে যখন বঙ্গের ঘরে ঘরে উৎসব, তখন দূঃখিনী ফুল্লরার মাংসের বিক্রয় নাই ; কারণ, সকলে দেবীর প্রসাদ-মাংস লাভ করিত, ফুল্লরার পসার কে কিনিবে ? সেই সময়ে চতুর্দিকে আনন্দের চিহ্ন ;—নববস্ত্র-পরিহিত নরনারী আমোদে মত্ত ; ফুল্লরা বস্ত্রের অভাবে হরিণের ছাল পরিয়া থাকিত। বসন্তকালে প্রেমোৎসব ; যুবক ও রমণীরা স্খাডলাষী ; ফুল্লরা ক্ষুধার জ্বালায় কুড়ে-ঘরে ছট্‌ফট্‌

করিত। এই তাহার বার মাসের কথা। কিন্তু যে দিন ষোড়শীর্ষপর্ণী চন্ডী অতুল ঐশ্বর্যে প্রলঙ্ক করিয়া দৃষ্টিখনি ব্যাধ-রমণীর স্বামিপ্রেমের কণিকা প্রার্থনা করিলেন, সে দিন দেখা গেল, স্বামিপ্রেমের তুলনায় কুবেরের অতুল ঐশ্বর্যও অতি অর্কাণ্ডকর। ফুল্লরা কালকেতুর সোহাগে দঃসহ দারিদ্র্য মাথায় বরণ করিয়া লইয়াছিল, তাহাতেই তাহার সমস্ত বল ও সেই প্রেমের কণামাত্র হানি হইলে সে জীবন্মৃত হইয়া পড়ে। এইরূপ রমণী-চরিত্র হিন্দু কবির কাব্য ভিন্ন অন্যত্র সুলভ নহে।

খুল্লনা অতি তরুণবয়স্কা। এই বয়সেই নারী প্রথম ভালবাসার আশ্বাদ পাইয়া থাকে। কবিকঙ্কণ ছেলি রাখবার ছুতায় বনে আনিয়া চম্পক ও কাশ্মণ কুসুমের পার্শ্বে এই কাশ্মণপ্রতিমাকে স্থাপন করিয়া কাব্যের সাধ মিটাইয়াছেন। সেখানে সে যত্নকরে ভ্রমরকে বলিতেছে, সে যদি ফিরিয়া গৃহ্ণরণ করে, তবে ভ্রমরীর মাথা খাইবে—এই শপথ। কোকিলকে বলিতেছে, সদুদূর গোড় দেশ, যেখানে তাহার স্বামী আছে, সেইখানে যাইয়া কোকিল কেন ডাকে না? অশোক তরুকে লতাবোঁষ্টিত দেখিয়া সে লতাকে সৌভাগ্যবতী মনে করিতেছে, এবং 'সেই' বলিয়া তাহাকে আলিঙ্গন করিতেছে! এই নায়িকা শূদ্ধ কাব্যের উপযোগিনী নহে, ইহাকে সদুদুর্গা ও সন্তানবৎসলা-মুপে পরিণত করিয়া কবি ক্লান্ত হইয়াছেন। যেখানে খুল্লনার ছেলে ধান্যক্ষেত্রে উৎপাত করিতেছে, এবং কৃষকগণ তাহাকে গালি দিতেছে, সেই সময়ে ইহার দঃখমলিন মুখখানি আমাদিগকে বেদনা প্রদান করে। আর যে দিন সর্বসী ছাগলকে শৃগালে ধরিয়া লইয়া গিয়াছে, লহনা জানিতে পারিলে তাহাকে মারিয়া খুন করিয়া ফেলিবে, এই আশংকায় ও কষ্টে খুল্লনা চন্ডীর শরণ লইতেছে, সেই দিন তাহার চিত্রখানি ভাস্কি-গঙ্গায় অবগাহন করিয়া উজ্জ্বলতর হইয়াছে; তাহার কষ্ট সত্ত্বেও সে দিন আর তাহাকে কৃপা করা যায় না। ইহার পরে আর এক দৃশ্য,—খুল্লনা স্বামী ও স্ত্রীতিবর্গের ভোজনের জন্য রন্ধন করিতেছে, রন্ধন-শালায় খুল্লনা অম্পর্গারূপিনী, এবং যখন স্বামী স্ত্রীতিবর্গকে নিরস্ত করিবার জন্য উৎকোচ-দানে উদাত, তখন গর্ষিতা সাধনী স্বেচ্ছাপ্রবৃত্ত হইয়া উৎকট পরীক্ষা দিতেছে, তখন খুল্লনা আমাদের নমস্যা হইয়াছে। তখন আর কৃপা করা যায় না।

অপর দিকে কাগাড়া ও কলিঙ্গার যুদ্ধে গর্ষ ও তেজ ফুটিয়া উঠিয়াছে। ধর্ম্মাঙ্গল কাব্যগদলি বর্ণোতিহাসের সদুদূর অধ্যায়ের ইঙ্গিত করিতেছে; সে অধ্যায় ঐতিহাসিক যুগের পূর্ববর্তী—তাম্রশাসন ও প্রস্তরলিপির যুগ। তখন বঙ্গীয় বীরগণ দিগ্বিজয়ী যোদ্ধা ছিলেন; গোড়েশ্বর পালরাজগণের আদেশে তখন এক দিকে কামরূপের ও অপর দিকে উড়িষ্যার রাজারা এক পতাকার নিম্নে সমবেত হইতেন। বঙ্গীয় মহিলাগণের তখন কবি-বর্ণিত কটাক্ষ-সম্মানই একমাত্র গুণবস্তা ছিল না। তাহারা ধনুর্বাণ লইয়া যুদ্ধক্ষেত্রে

অগ্রসর হইতেন। কাগাড়ার যুদ্ধকে আমরা কেবল কাব্য-কথা বলিয়া উড়াইয়া দিতে পারি না। দুর্গাবতী, ঝাঁসীর রাণী প্রভৃতির ছবি তখনও বঙ্গদেশ হইতে লুপ্ত হয় নাই।

সদুত্তরাং প্রাচীন বঙ্গসাহিত্যে দেবলীলা ও অদৃষ্টবাদের দ্বারা অভিভূত হইয়া পদ্য-চরিত্রের গৌরব লুপ্ত হইলেও, রমণী-চরিত্রের মহিমা স্ফুর্তিগত হইয়াছিল। যাঁহারা অকুণ্ঠিত চিত্তে স্বামীর চিত্তানলে আরোহণ করিতেন, সীতা-সাবিত্রীর পবিত্র উপাখ্যান শ্রবণ করিতেন, এবং নানা প্রকার পারিবারিক দুঃখ ও অত্যাচার সহ্য করিয়া সহিষ্ণুতার প্রতিমূর্তিতে পরিণত হইয়াছিলেন, কবিগণ তাঁহাদের প্রভাব অতিক্রম করিতে পারেন নাই।

ক্রমে যখন কবিগণ হিন্দু অন্তঃপদের আদর্শ ত্যাগ করিয়া মুসলমান কবির বর্ণিত জেনানার বিলাস ও লালসার সূচক চিত্রের ভাবে অধিকতর অনুপ্রাণিত হইলেন, তখন হীরা মালিনী ও বিদ্যার ন্যায় উপনায়িকা ও নায়িকাগণের সৃষ্টি হইল। কিন্তু তখনও এ দেশের স্নেহশীলা সাধবীগণের প্রভাব বঙ্গসাহিত্য হইতে বিদায়গ্রহণ করে নাই। কৃষ্ণচন্দ্র ও রাজবল্লভের মুসলমানী দরবারের আদর্শে গঠিত রাজসভা হইতে সুদূরে পল্লী-কবিগণ ‘কবি’ ও ‘যাত্রাঙ্গণীতে উমা, মেনকা, যশোদা প্রভৃতির চিত্রে এ দেশের অন্তঃপদবাসিনীগণের ছায়া পুনঃপুনঃ প্রতিভাত করিয়াছেন। কিন্তু তাহা কথ্য-সাহিত্যের অন্তর্গত নহে।

[সাহিত্য, ১৩১৫]

## বাৎসল্য রস ও বৈষ্ণব কবিকুল

জিতেন্দ্রলাল বসু

ব্রজের বাৎসল্যই বৈষ্ণব কবির গীতের বিষয়। বাৎসল্যও দ্বিবিধ—ঐশ্বর্য-জ্ঞানমিশ্রা বাৎসল্যরসিত, ও কেবল বাৎসল্যরসিত। বসুদেব দেবকীর বাৎসল্য ঐশ্বর্যজ্ঞানমিশ্র। এই জন্য তাঁহাদের প্রীতি সংকুচিত। তাঁহাদের স্নেহের মধ্যে একটু ভয়, একটু সম্ভ্রম, একটু মহত্ত্বজ্ঞান প্রচ্ছন্নভাবে বিরাজিত। তাই মথুরায়

কংশ-বিনাশ করিতে আসিয়া যখন শ্রীকৃষ্ণ বসুদেব-দেবকীর সহিত প্রথম সাক্ষাৎ করিলেন, তখন—

বসুদেব দেবকীর কৃষ্ণ চরণ বন্দিল।

ঐশ্বর্য্য জ্ঞানে দূয়ের মনে ভয় হৈল।। (১)

ভাগবত কহিয়াছেন যে, শ্রীকৃষ্ণ অবনীতে প্রকাশিত হইয়াই বসুদেব-দেবকীকে নিজ বিশ্বরূপ দেখাইয়াছিলেন। (২) বোধ হয় সেই মহত্ব-স্মৃতি বসুদেব-দেবকীর হৃদয়ে সৰ্ব্বদা জাগরুক ছিল, বাংসল্য-দ্বারা তাহা কখনও সম্পূর্ণরূপে অপনোদিত হয় নাই। এই জন্য তাঁহাদের হৃদয়ে অবিমিশ্র বাংসল্যের স্থান ছিল না, এবং শ্রীকৃষ্ণও তাঁহাদের বাংসল্যে আত্মহারা ছিলেন না। ভগবান্ ভালবাসা চান স্মৃতি চান না। আমরা দেখিতে পাই যে, যশোমতীও ভগবানের বিশ্বরূপ দেখিয়াছিলেন, কিন্তু তিনি বিশ্বরূপ দর্শন করিয়া বিমোহিতা হন নাই। তিনি তখনও শ্রীকৃষ্ণকে পদ্রুপভাবে ভাবিতোছিলেন, আর ঐরূপ দর্শন করিয়াও তাঁহার বাংসল্যরসের সংকোচ হয় নাই। (৩) যশোমতীর হৃদয়ে “আমার ছেলে এত বড় লোক”—এই ভাবের উদয় হয় নাই; তিনি ভাবিতেন, তাঁহার গোপাল চিরকালই তাঁহার দূধের ছেলে। তাঁহার হৃদয়ে শিশু গোপালের প্রতি স্নেহ ভিন্ন অন্য কোনও ভাবই আসিত না। বিশ্বরূপাদি দর্শনে তাঁহার অগ্রেই মনে হইত “এ আবার কি ভোল্কি? ইহাতে আমার গোপালের কোন অকল্যাণ হবে না তো?” ভক্তের এই স্বেচ্ছামূলক স্বর্গীয় ভাবে ভগবান্ বশীভূত হন। ঐরূপ ভক্তের কাছে ভগবান্ নিজের ঐশ্বর্য্য সংকুচিত করিয়া শিশুভাবে, বালকভাবে তাঁহার সমক্ষে সৰ্ব্ববিধ শিশু-লীলা প্রকাশিত করিয়া তাঁহার স্নেহের জন্য নিজে যেন লালিয়ায়িত—এইরূপ ভাব দেখান; ‘মা’ ‘মা’ বলিয়া ডাকেন, মার আদরের ভিখারী হন, মার তাড়না সহ্য করেন ও মার উপর অত্যাচার করেন; কারণ তাঁহার চিরপ্রতিজ্ঞা—

যে যথা মাং প্রপদ্যন্তে তাংস্তথৈব ভজাম্যহম্। (৪)

“যে আমায় যে ভাবে সৰ্ব্বান্তঃকরণে ভাবে, আমি তাহার নিকট সেইভাবে প্রকাশিত হই।” যুগে যুগে ভক্তের বাসনা পূরাইবার জন্য ভগবান্ এমনি অপূৰ্ণ লীলার সৃজন করিয়া থাকেন ও করিবেন; যুগে যুগে ভাগ্যবান্ ভক্তের হৃদয়ে এই পবিত্র ভাবের লহরী খেলিয়াছে ও খেলিবে। শ্রীগৌরাঙ্গ এই ভাবই

(১) চৈতন্যচরিতামৃত—মধ্য ১৯, চৈতন্য বাক্য।

(২) শ্রীমদ্ভাগবত—১০ম স্কন্ধ, ৩য় অধ্যায়।

(৩) ঐ ঐ ৮ম অধ্যায়।

(৪) শ্রীমদ্ভগবদ্গীতা—৪র্থ অধ্যায়।

হৃদয়ে ধারণ করিয়া, যশোমতীর অপার বাৎসল্যের অনুভূতি করিয়া পথে পথে  
 "বাপ রে, কৃষ্ণ রে" বলিয়া কাঁদিয়াছিলেন। (১) আবার সেই পরম শিক্ষকের  
 (শ্রীগোরাঙ্গের) কাছ হইতে এই নিরবচ্ছিন্ন বাৎসল্যাব হৃদয়-দর্পণে প্রতিফলিত  
 করতঃ শিশুরূপী ভগবানের মধুরমূর্তি, ঘনীভূত-ভাব-নয়নে প্রত্যক্ষ করিয়াই  
 ভক্তি-বিগলিত-চিত্তে বৈষ্ণব কবি গাহিয়াছেনঃ—

ভাল নাচত মোহন নন্দদুলাল।  
 রঙ্গিম চরণে মঞ্জীর ঘন বোলত,  
 কিঞ্চিকণী তাহে রসাল।।  
 স্থলকমলদল জিনিয়া চরণতল,  
 অরুণ-কিরণ কিয়ে আভা।  
 তার উপরে নখ-চাঁদ বিরাজিত,  
 হেরইতে জগমনলোভা।।  
 মণি-আভরণ কত অঙ্গাহি বলকত,  
 নাসায় মদুকুতা কিবা দোলে।  
 মা মা মা বলি চাঁদ-বদন তুলি,  
 নবীন কোকিল যেন বোলে।।

শ্রীভগবানের এই অপরূপ ভাবময় মধুর মূর্তি অবলম্বনে ব্রজে যে নিরাবিল  
 বাৎসল্যের তরঙ্গ ছুটিয়াছিল, বৈষ্ণব কবি প্রেমসিক্ত তুলিকায় সেই বাৎসল্যের  
 ছবি তুলিয়াছেন, তাই সেই সকল চিত্র নিম্নলিখিত হীরকের ন্যায় উজ্জ্বল।

ভাল নাচরে নাচরে নাচরে নন্দদুলাল।  
 ব্রজ-রমণীগণ চৌদিকে বেড়ল,  
 যশোমতী দেই করতাল।।  
 বদনদর বদনদর ধনি ঘাঁঘর কিঞ্চিকণী  
 গতি নট খঞ্জন ভাঁতি।  
 হেরইতে অখিল, নয়ন মন ভুলল,  
 ইহ নব নীরদ কাঁতি।।  
 করে করি মাখন দেই রমণীগণ  
 খাওই নাচই রঙ্গে।  
 ধরজবজ্রাঙ্কুশ পঙ্কজ সন্মিলিত  
 চরণ চালি কত ভঙ্গে।।

কুণ্ডিত কেশ                      বেশ দিগম্বর  
কটীতটে ঘুঘুদর সাজ।  
বংশী কহই কিয়ে              জগজন মঙ্গল  
শ্রবণে সুধাসম বাজ।।

অপত্যম্বেহ সকল স্নেহের উপরে। মা যেমন ছেলেকে ভালবাসিতে পারেন, ছেলের সাধ্য কি মাকে ততখানি ভালবাসা দেয়? সেজন্য ভগবান্কে পিতৃভাবে ভালবাসা বা মাতৃভাবে ভালবাসা খুব উচ্চ ভাব বটে, কিন্তু ভগবান্কে পদত্বভাবে স্নেহ করাতেই বোধ হয় বাংসল্যরসের পরিসমাপ্তি কারণ, শ্রীভগবান্-সম্বন্ধে, ঐশ্বর্যের লেশমাত্র যতক্ষণ ভক্তের মনে থাকিবে, ততক্ষণ উহা কখন আসে না বা আসিতে পারে না—কথায় বলে, স্নেহ চিরদিন নিম্নগামী। এই গভীর সত্যের উপর বৈষ্ণবের বাংসল্যরসি প্রাতিষ্ঠিত। তাহাই উপলব্ধি করিয়া মাতা যশোমতীর স্নেহানন্দ বৈষ্ণব কবি বড় উজ্জ্বলভাবে আঁকিয়াছেন—

নন্দদুলাল নাচে ভালি।  
ছাড়িল মন্থনদণ্ড              উথলিল মহানন্দ  
সঘনে দেয় করতালি।।  
দেখ দেখ রোহিণী              গদ গদ কহে রাণী,  
যাদুয়া নাচিছে দেখ মোর।  
ঘনরাম দাসে কয়              রোহিণী আনন্দময়  
দুহুঁ ভেল প্রেমে বিভোর।।

বৈষ্ণব কবি মাতৃহৃদয়ের নিপুণ চিত্রকর। তাঁহারা মাতৃস্নেহের সকল প্রকার অঙ্গপ্রত্যঙ্গগুলি নিখুঁত করিয়া অঙ্কিত করিয়াছেন। নন্দরাণীর কৃষ্ণ-বিরহাশঙ্কার কাতরতা বৈষ্ণব কবি নিম্নলিখিত ভাবে প্রকটিত করিয়াছেন—

গোপাল যাবে বাথানে      কি শুনলাম শ্রবণে,  
যাদু মোর নয়নের তারা।  
কোরে থাকিতে কত      চমকি চমকি উঠি  
নয়ান নিমিখে হই হারা।।

বাংসল্যের কি সজীব, কি স্নিগ্ধোজ্জ্বল চিত্র! মা যশোদার গোপালময় জীবন, গোপালময় আত্মা, গোপালময় বিশ্ব। গোপাল ছাড়া তাঁহার স্বতন্ত্র অস্তিত্বই নাই—এবং সেই গোপাল চিরকালই তাঁহার দৃষ্ণের ছেলে। তিনি কখনও গোপালকে বড় বড় কথায় স্তুতি করেন না—কিন্তু প্রেমানন্দে কখনও



গোপালকে আদর করেন, কখনও শাসন করেন—কেননা, তিনি জানেন, তাঁহার গোপাল চিরদিনই তাঁহার। ভক্ত ও ভগবানের এইরূপ বাৎসল্যরসে নিরবচ্ছিন্ন আত্মীয়তা বৈষ্ণব কবি ভিন্ন আর কেহ ধারণা করিতে পারিয়াছেন বলিয়া মনে হয় না। বৈষ্ণব ভক্তের লেখনীই বাৎসল্যভাবাপন্ন ভক্তের নিম্নলিখিত লক্ষণ লিপিবদ্ধ করিয়া প্রথমে জগৎকে এই অপূৰ্ণ শিক্ষা প্রদান করেন—

আপনাকে বড় মানে আমরা সম হইন।

সেই ভাবে হই আমি (শ্রীভগবান্) তাহার অধীন।।

মাতা মোরে পুত্রভাবে করেন বন্ধন।

অতি হীন-জ্ঞানে করে লালন পালন।। (১)

তাই বৈষ্ণব কবি গাহিয়াছেন—

নবনী লোভিত হবি

মায়ের বদন হেরি

কর পাতি নবনীত মাগে।

যশোমতী যেমন গোপালকে খাওয়াইয়া, পরাইয়া, নাচাইয়া, খেলাইয়া, সুখিনী—গোপালও তেমনি খাইয়া, পরিয়া, নাচিয়া, খেলিয়া মায়ের আনন্দ-বন্ধনে তৎপর। বৈষ্ণব কবির বাৎসল্যরসের চিত্র হইতে আমরা এই অমৃতময় তথ্য উপনীত হই।

এখন আমরা বৈষ্ণব কবির মাতৃস্নেহের চিত্র আর একটু দেখাইতে প্রবৃত্ত হইব। পাঠকগণ দেখিবেন যে, সে চিত্রগুলি এত সহজ ও স্বাভাবিক যে, কোথাও তাহাদের কবিত্ব, ব্যাখ্যার দ্বারা ফুটাইতে হয় না। ফল কথা, সেগুলি মাতৃস্নেহের উজ্জ্বল আলোকে।

সবারে সকল

কাজে নিয়োজিয়া

আনন্দে নন্দের রাণী।

কান্দুক শয়ন

ভবনে আঁসিয়া

কহয়ে মধুর বাণী।।

উঠহ বাছনি

মুখাউ নিছনি

আলস করহ দূর।

তোর সখাগণে

ভরিব ভবনে

উদয় করিল সূর।।

রামের বসন

পরিলা কখন

কে নিল বসন তোরা।

রাঙা উতপল

নয়নযুগল

কি লাগি দেখিলে জোর।।

(१) कथारसम्भव—५म सर्ग।

তাঁহাকে নিবৃত্ত করিবার জন্য নিবেদন করিতে লাগিলেন। কহিলেন—“বাছা, বাড়ীতে থাকিয়া পূজাদি কর, দেবতারা তাহাতেই প্রসন্ন হইবেন ; কোথায় তোমার এই সুকোমল শরীর, আর কোথায় কঠিন তপশ্চরণ—ইহা দ্বারা উহা কি কখন সম্ভবে? শিরীষকুন্দুম ভ্রমরেরই লঘু পদভার সহ্য করিতে পারে, পক্ষীর নহে।”

এই স্নেহভরে নন্দরাণী গোপালকে নিত্য সাজান ও আনন্দপদ্যকে আঁখি ভরিয়া দেখিয়া মৃদ্ধ হন—বৈষ্ণব কবি এ বিষয়ে কি চিত্রই দেখাইয়াছেন!—

আনন্দিত নন্দরাণী,                      সাজাইয়া যদুমণি  
নানা আভরণ পীতবাস।

রূপ হেরি রজনীরী,                      আঁখির নিমিখ ছাড়ি  
পায়ৈ রূপ না যায় পিয়াস।।

\*                      \*                      \*                      \*

গোষ্ঠে যায় শ্রীহরি                      চুড়া বাঁধে মন্ত্র পড়ি  
পীঠে দিল পাট কি ডোর।

ধড়ার আঁচল ভরি                      খেতে দিল ননী ক্ষীর  
কাঁদে রাণী হইয়া বিভোর।।

কিন্তু স্নেহ-ভালবাসা শুদ্ধ আনন্দময় নহে, পরন্তু অনেক সময়েই জ্বালা-যন্ত্রণা ও আশঙ্কাময়। ভালবাসিতের বিপদ ও বিরহই ঐ কণ্ঠের উৎপাদক। যশোদা শ্রীকৃষ্ণকে বৃকে রাখিয়াও সদাই বিরহাশঙ্কায় ব্যাকুলা হইতেন ; তখন তাঁহার পক্ষে শ্রীকৃষ্ণের বাস্তবিক বিরহ যে কত কষ্টজনক, তাহা সহজেই অনুমান করা যাইতে পারে।

কান্দে ব্রজেশ্বরী                      উচ্চৈঃস্বর করি  
কোথা রে গোকুলচন্দ।

ভুলি কার বোলে                      ঝাঁপ দিলা জলে  
ভুজগে হইলা বন্ধ।।

অপদ্রক হৈয়া                      মন্দির লইয়া  
আছিন্দু পরম সুখে।

পদ হৈয়া তুমি                      জঠরে জনমি  
শেল দিয়া গেলা বৃকে।।

নিদারুণ বিধি                      যে বাদ সাধিলা  
বিচারিলা অদভূত।

কি দোষ পাইয়া                      লইলা কাড়িয়া  
আমার সোণার সূত।।

শিরে কর হানে . বিষ-জল পানে  
সঘনে ধাইয়া যায়।  
দুবাহু পসারি বলরাম ধরি  
প্রবেশ করেছে তায়।।

মাতৃশ্লেহের কি গভীর, কি কোমল, কি হৃদয়গ্রাহী চিত্র! এমন গভীর ভালবাসা না দিতে পারিলে কি ভগবান্কে আপন করা যায়? এখানে দেখিতে পাই যে, যশোমতী ভুলিয়া গিয়াছেন যে, যাঁহার ইচ্ছায় এই বিশ্ব সৃষ্ট হইয়াছে, তাঁহার বিপদ নাই; তিনি কেবলই দেখিতেছেন যে, তাঁহার “সোণার সূত” আজ কোথায় গেল! এই কেবলাপ্রীতির পরীক্ষা লইবার জন্যই চক্ৰীর চক্ৰ, সে প্রয়োজন সিদ্ধ হইল তাই—

রজবাসিগণ জীবন-শেষ।  
দেখিয়া উঠিলা নটন বেশ।

আর অমনি রজবাসিগণের—

মরণ শরীরে আইল প্রাণ।

আজও শ্রীভগবান্ রজের ভাবে ভাবিত ভক্তের বশীভূত! কারণ, ঐরূপ স্বার্থগন্ধ্যমাত্রহিতা, শূদ্ধা, কেবলা, একতান-প্রবাহিণী ভালবাসার প্রথম পূর্ণ বিকাশ রজে এবং তজ্জনাই রজ—

প্রেমামৃতে শীতল কৈল।

বৈষ্ণব ভক্ত ও কবিকুলের মতে রজের প্রেম পরীক্ষা করিবার জন্য বিরহানল প্রজ্জ্বলিত করা প্রয়োজন হইয়াছিল, তাই শ্রীকৃষ্ণের মথুরা-প্রবাস। বিরহ-বাহি-দ্বারা পরীক্ষিত হইয়াই প্রেম-সুবর্ণের বিশুদ্ধি বা শ্যামিকা জানা যায়। যশোমতীর বিরহাবস্থাও বৈষ্ণব কবি বর্ণনা করিয়াছেন। সে বর্ণনা কত মর্মস্পর্শী তাহা পড়িলেই বুঝা যাইবে। তাহার অশ্রু-বিধৌত পবিত্রতা হৃদয়ে ভালবাসার একতানতা আনয়ন করিয়া মানবকে শূদ্ধ, পবিত্র, সমাধিগত করে।

রজনী প্রভাতে . মাতা যশোমতী  
নবনী লইয়া করে।  
কানাই বলাই . বলিয়া ডাকয়ে  
নিঝরে নয়ন ঝরে।।  
তবে মনে পড়ে . তারা মধুপদে  
তবহি হারায় জ্ঞান।  
ফুরল কুন্তলে . লোঢায়া ভূতলে  
ক্ষণে রহি মূরছান।।





নিজ ঘরে যাইয়া                      ক্ষীরসর লইয়া  
 ভোজন করাইয়া বোলে।  
 ঘরের বাহির                      আর না করিব  
 সদাই রাখিব কোলে।।

তাঁহার হৃদয়ে আজ স্নেহ উছলিয়া উঠিয়াছে—কংসবিধবৎসী মহাশক্তি-  
 বিভবসম্পন্ন যদুপতিকে তিনি আজও দেখিতেছেন “তাঁহার সেই দৃঢ়ের  
 গোপাল!”

কোলেতে করিয়া নয়নজলে।  
 সেচন করিয়া কাঁদিয়া বলে।।  
 আর দূরদেশে না যাবে তুমি।  
 মারিব তবে এবারে আমি।।  
 এত বলি কত দেওল চুম্ব।  
 বারে বারে দেখে মৃদুখারিবিন্দ।।  
 ঐছন মিলল সকল সখা।  
 আর কতজন কে করে লেখা।।  
 খাওয়াই পিয়াই শোয়াল ঘরে।  
 ঘুমাক বলিয়া যতন করে।।

আমরা এইখানেই বাৎসল্যরসের চিত্র সমাপ্ত করিলাম। এই সকল  
 চিত্রের আধ্যাত্মিকতা যে স্বতঃ পরিস্ফুট, তাহা বোধ হয় কেহ অস্বীকার  
 করিবেন না।

[ উদ্বোধন, ১৩১৬ ]

## নাট্যকার

গিরিশচন্দ্র ঘোষ

মানব-হৃদয় স্পর্শ করা কলাবিদ্যার উদ্দেশ্য। কিন্তু ভিন্ন দেশে তাহার  
 আকার কতক পরিমাণে ভিন্ন। প্রাচ্য ও পাশ্চাত্য কলাবিদ্যার পার্থক্য লইয়া  
 আমরা আলোচনা করিয়া থাকি। অনুসন্ধান করিয়া দেখিলে বুঝিতে পারি  
 যে, পাশ্চাত্য বা প্রাচ্য দেশভেদে বিভিন্নতা। এমন কি, ইংলন্ড ও স্কটলন্ডে

বিভিন্নতা দেখা যায়। কবিতা, চিত্রপট, সঙ্গীত সকলই কিঞ্চিৎ ভিন্ন। তাহার কারণ, বোধ হয়, ভিন্ন দেশে ভিন্ন ভিন্ন প্রকৃতির ছবি। নিম্নলিখিত আকাশতলবাসী ইটালিয়ানের হৃদয়-ভাব—কুস্কটিকাবৃত্ত, ঝটিকা-আলোড়িত, তমসাস্ক্রম পৰ্বত-শৃংগ-নিবাসী স্কচ্ হইতে অবশ্যই ভিন্ন। স্কচ্চের সঙ্গীতে বিষাদ-ছায়া নিশ্চয় পতিত হইবে। সেইরূপ ইটালিতে হর্ষোৎফুল্ল ভাব প্রতিফলিত হইতে থাকিবে। চিত্তবিমোহন কাস্মীর-প্রকৃতি-শোভা কালিদাসের কবিতা সুদল্লিত করিয়াছে,—নাটকেও কাটাকাটি, হানাহানি নাই। কিন্তু সেক্সপিয়ার উচ্চ কবি হইলেও তাহার উৎকৃষ্ট নাটকসকল বিয়োগান্তজনিত ঘোর ভীষণতাপূর্ণ। এক দেশের নাটক অপর দেশের নাটকের সহিত তুলনায় সমালোচিত হইতে পারে না। দার্শনিক জার্মান সিলার, নাটকে ভার্জিন মেরির অবতারণা করিয়া উচ্চ 'জোয়ান অফ্ আর্ক' নাটক রচনা করিয়াছেন; কিন্তু সে ভাবে সেক্সপিয়ারের নাটক রচিত নয়। পশু-ষট্ঠ-আনন্দপ্রিয় স্পেনের নাটক নিশ্চয়তাপূর্ণ। ফরাসী-বিপ্লবের অগ্রগামী ও পশ্চাদ্‌বর্তী নাটকসকল প্রায়ই বিপ্লবের ভীষণতায় পরিপূর্ণ। সেক্সপিয়ারের 'টেম্পেষ্ট' নাটকের সহিত কালিদাসের 'শকুন্তলা' নাটকের বার বার তুলনা হইয়া থাকে। কিন্তু 'টেম্পেষ্ট' বায়দ-বিহারী দেহী ও কুহক-আশ্রয়ে রচিত। 'শকুন্তলা' স্বাধীন অভিশাপ ও অসম্মার প্রণয়-ভিত্তি-স্থাপিত। এইরূপ বহু দৃষ্টান্তে সপ্রমাণ করা যায় যে, ভিন্ন দেশে ভিন্ন মস্তিষ্ক-প্রসূত নাটক, ভিন্ন ভাবাপন্নই হইয়া থাকে : এবং এক দেশেই সময়-বিশেষে নাটকেরও বিশেষত্ব হয়। যথা—এলিজাবেথের সময়ের নাটকসকল দ্বিতীয় চার্লস-এর সমসাময়িক নাটক হইতে সম্পূর্ণ স্বতন্ত্র। সকল বস্তুই দেশ-কাল-পাত্র-উপযোগী। সেই হেতু ভিন্ন দেশস্থ বা ভিন্ন সময়ের নাটক সুপাঠ্য হইলেও তাহার অনুকৃত রচনা আদরণীয় হয় না। যদি কোনও রংগালে 'শকুন্তলা' সুন্দররূপে অনুবাদিত হইয়া অভিনীত হয়, তবে তাহা দর্শকের মন কতদূর আকর্ষণ করিতে পারিবে, তাহার স্থিরতা নাই। পাশ্চাত্য প্রদেশে অনুবাদিত 'শকুন্তলা' দর্শক আকর্ষণ করিয়াছিল সত্য, কাব্যেরও প্রশংসা হইয়াছিল, কিন্তু তাহা স্থায়ী-রূপে গৃহীত হয় নাই এবং হইতেও পারে না। অনেকেই বলেন, 'ওথেলো' অনুবাদিত হইয়া অভিনীত হউক। অবশ্য মানব-হৃদয়-সম্ভূত প্রদীপ্ত ঈর্ষার ছবি দর্শকের মন স্পর্শ করিবে। কিন্তু কৃষ্ণবর্ণ যোদ্ধা মূরের প্রেমে অনিন্দ্যসুন্দরী ডেস্‌ডিমনার পিতৃগৃহ-ত্যাগ নিভূতে পাঠ করিয়া বৃথিতে হইবে। উভয়ের প্রণয়ানুরাগে ভালবাসার কথা নাই, কেবল যুদ্ধ-বিক্রম ও কঠোর সংকট হইতে কেশ-বাবধানে উদ্ধার-লাভ বর্ণিত। স্থির চিত্তে নিভৃত পাঠে তাহার সৌন্দর্য উপলব্ধি হয়। কিন্তু সেক্সপিয়ার-বর্ণিত 'ওথেলো'র মূখে অনুরাগ-চিত্র সহজে সাধারণের উপলব্ধি হয় না। বীরত্ব আকর্ষিত সুন্দরী-বর্ণনা সেক্সপিয়ারের পক্ষে সেদেশে পদঃপদঃ হইয়াছে। দর্শকও তাহা পাঠ করিয়া ডেস্‌ডিমনার



অনুদ্রাগ বন্ধিতে পারেন। কিন্তু সেইরূপ নায়িকার প্রেমোন্মদীপ্ত ভাবে যাঁহার। অভ্যস্ত নন, তাঁহাদের নিকট উপবনে সুন্দর শোভা-হার-বিভূষিত স্থানে নায়ক-নায়িকার প্রেমালাপ অধিকতর হৃদয়গ্রাহী হয়।

এজন্য যিনি নাটক লিখিবেন, তাঁহাকে দেশীয় ভাবে অনুপ্রাণিত হইতে হইবে। দেশীয় স্বভাব-শোভা, দেশীয় নায়ক-নায়িকা, দেশীয় অবস্থা, উপস্থিত ক্ষেত্রে দেশীয় মানব-হৃদয়-স্রোত—তাঁহাকে দৃঢ়রূপে মনোমধ্যে আঁকিত করিতে হইবে। ধর্মপ্রাণ হিন্দু ধর্মপ্রাণ নাটকেরই স্থায়ী আদর করিবে। বাল্যকাল হইতেই হিন্দু—শ্রীরাম, শ্রীকৃষ্ণ, ভীষ্ম, অজ্ঞান, ভীম প্রভৃতিকে চিনে, সেই উচ্চ আদর্শে গঠিত নায়কই হিন্দুর হৃদয়গ্রাহী হওয়া সম্ভব। যে রূপ বীর-চরিত্র যুদ্ধপ্রিয় বীরজাতির আদরের, সেইরূপ সহস্র, আত্মত্যাগী ও ধর্মসম্মানকারী নায়ক হিন্দু-হৃদয়ে স্থান পাইবে। দ্রোণদীকে দংশাসন আকর্ষণ করিতেছে দেখিয়া, স্থির-গম্ভীর যুধিষ্ঠিরের ভাব হিন্দুর প্রিয়, কিন্তু তৎক্ষণাৎ দংশাসনের মন্তকচ্ছেদন পাশ্চাত্যপ্রিয় হইত। এদেশের হৃদয়গ্রাহী মৌলিক ধর্মপ্রসূত হইবে। বহুগুণযুক্ত রাজা ব্যভিচারী হইলে সতীত্ব-পূজক হিন্দু তাহাকে ঘৃণা করিবে। শ্রীরামচন্দ্র স্বর্ণ-সীতা গঠিত করিয়া অশ্বমেধ যজ্ঞ সমাধা করেন, শ্রীরামচন্দ্র আদর্শ রাজা। অস্থি-ত্যাগী দখাঁচি আদর্শ ত্যাগী ও অতিথি-সেবক। কিন্তু এরূপ ত্যাগ বা এরূপ নিষ্পন্নতা কঠোর দেশে বাতুলতা বলিয়া যদিচ উপহাসিত না হয়, দ্রাবন্তমূলক বলিতে ঘৃণিত করিবে না। সতী নারীর অভিমান, প্রত্যেক দেশেই হৃদয়গ্রাহী। কিন্তু পাতাল-প্রবেশোন্মদী জানকীর অভিমান, পতি-সহবাস-পরিত্যক্তা অভিমানিনী হইতে অনেক প্রভেদ। শেষোক্ত নায়িকা—“যেন রাম আমার জন্ম-জন্মান্তরে স্বামী হন।”—এ কথা বলিয়া অভিমান করেন না। স্বামীকে দেখিলে বসনে বদন আচ্ছাদন করেন, বাক্যালাপ করেন না। এইরূপ প্রত্যেক রসেই বিভিন্নতা দেখা যায়। এই জাতীয় অবস্থা নাটককারের প্রথম লক্ষ্য হওয়া উচিত। দ্বিতীয় লক্ষ্য—আত্মগোপন।

কবি বা ঔপন্যাসিক সকল স্থানে আসিয়া পাঠককে বুদ্ধাইয়া দিতে পারেন। কঠিন সমস্যা-স্থলে অবস্থা বর্ণনা করিয়া পাঠকের উপর মনোভাব বন্ধিব্যার ভার দেওয়া তাঁহার চলে এবং ভার দেওয়া অনেক স্থলে উপন্যাসের সৌন্দর্য্য বলিয়া পরিগণিত হয়। যথা,—আয়েষা তিলোত্তমাকে আভরণ প্রদান করিয়া, দূর দেশে গমন করিবে বলিতেছে। যথায় দোষ ধরিবার সম্ভাবনা, তাহা তিনি স্বয়ং খণ্ডন করিয়া যান,—সর্বস্থানেই স্বয়ং উপস্থিত আছেন। এমন কি, সমালোচকের প্রতি কটাক্ষ করিয়া আপনার সমালোচনা আপনি করিতে পারেন। উপন্যাস-গুরু ফিল্ডিং-এর ‘টম জোন্স’ তাহার উদাহরণস্থল। ঔপন্যাসিকের আর এক সুবিধা, নাটোজ্জ্বলিত ব্যক্তিগণের ন্যায় তাঁহার উপন্যাসগত ব্যক্তিসকলের পরিচয় এককালে দিতে বাধ্য নহেন। পাঠকের কৌতূহল

জন্মাইবার নিমিত্ত কাহাকেও বা অন্য সাজে রাখিতে পারেন, পাঠক তাহার পরিচয় পায় না, আগ্রহের সাহিত্য কে সে ব্যক্তি, অনুসন্ধান করে। ঔপন্যাসিক সুযোগ বুদ্ধিগয়া তাহার পরিচয় দিয়া পাঠককে চমৎকৃত করেন। সার্ ওয়াশ্টার স্কটের “পাইরেট” উপন্যাস এই ঔপন্যাসিক-কৌশলের উৎকৃষ্ট দৃষ্টান্তস্থল। নাট্যকার তাহার ন্মটোয়াল্লিখিত ব্যক্তির নিকট কাহাকেও গোপন রাখিতে পারেন, কিন্তু দর্শক তাহার পরিচয়-প্রাপ্ত। তাঁহাকে অন্য নাটকীয় কৌশলে চমৎকারিত্ব উৎপাদন করিতে হইবে, যেমন ‘মার্চেন্ট অফ্ ভিনিস্’-এ সাইলক বৃদ্ধের মাংস কাটিতে পারিবে, কিন্তু বৃদ্ধের রক্ত যেন না পড়ে। নায়িকা বিচারালয়ে নাটোয়াল্লিখিত ব্যক্তিগণের নিকট আত্মগোপন করিয়াছে, কিন্তু দর্শকের নিকট নয়। ঔপন্যাসিক এ স্থলে দুই প্রকার ধাঁধা দিতে পারিতেন। আইনজ্ঞবেশে বিচারালয়ে কে আসিল, তাহার পরিচয় দেওয়া তাঁহার আবশ্যক নয়, কিন্তু আইনজ্ঞ-বেশে পোসিয়া উপস্থিত, তাহা নাট্যকারকে বলিয়া দিতে হইবে। সুতরাং আকাঙ্ক্ষা ও চমৎকারিত্ব উৎপাদন করা নাটককারের এক স্বতন্ত্র কৌশল। এ কৌশল সাধারণ শক্তি-উদ্ভূত নয়। আত্মগোপনই নাটককারের জীবন।

ঔপন্যাসিক বা কবি গল্পের ভিত্তি বর্ণনা করিতে পারেন, সমস্ত অবস্থাই তাঁহার আয়ত্ত ; কিন্তু নাটককারকে হৃদয়ের ঘাত-প্রতিঘাতে আমূল গম্প করিতে হইবে। তুলিকা স্থান অঙ্কিত করিয়া নাটককারকে সাহায্য করে, কিন্তু তাহা চিত্রপট বলিয়া অনুভূত হয়, শক্তি-চালিত-লেখনী-চিত্রের ন্যায় সমস্ত ছবি স্বরূপভাবে প্রতিফলিত হয় না। তুলিকা-চিত্রিত দৃশ্য ভ্রমর গৃগ্জন করিয়া কুসুমের বসিতে পায় না, কপোত-কপোতী পরস্পর পরস্পরকে আহ্বান করে না, মধুস্বরে পাখী গায় না। এ সমস্ত লেখনী-বর্ণনায় করে ; কিন্তু নাট্য-কবিরও পাখীর গান, ভ্রমর-গৃগ্জন দর্শককে শুনাইতে হইবে, বর্ণনায় নয়—ঘাত-প্রতিঘাতে। কেবল বর্ণিত হইলে নাট্যরস থাকিবে না। ‘রোমিও-জুলিয়েট’-এ চন্দ্রোদয় হইয়াছে, তাহা বর্ণিত চন্দ্র নয়, হৃদয়-প্রতিঘাতী চন্দ্র। তপোবনে, বারি-সিঞ্জন, ভ্রমর-গৃগ্জন বর্ণিত নহে—হৃদয়-প্রতিঘাতকারী। সে তপোবনে, সে ভ্রমর-গৃগ্জনে—পার্শ্বতী পরমেশ্বরের বন্দনা করিয়া, দীর্ঘ-শিখাধারী কবি কালিদাস নাই ; আছেন—শকুন্তলা ও দৃশ্মন্ত এবং নাট্য-কৌশলে অলঙ্কিতে মদন। সেই ভ্রমর তপোবনে গৃগ্জন করিয়া, বিরহ-তাপিত দৃশ্মন্তের করস্থিত চিত্রপটে আসিয়া আবার সজীব হইয়াছে, দৃশ্মন্তের হৃদয়ে আঘাত দিয়াছে। নাটককারের দৃশ্যগুণি এইরূপ সর্বস্থানে সজীব হইয়া নায়কের হৃদয়ে আঘাত করিবে।

যথায় উৎকট সমস্যা-স্থল, তথায় নাটককারকে আবরণ খুলিয়া মনোভাব দেখাইতে হইবে। উপন্যাসের নায়িকার মত ‘বিষপাত্র’ পান করিলেই চলিবে না। ‘হ্যাম্লেট’ আত্মহত্যা করিবে কিনা তাহা বিরলে বসিয়া ভাবিতেছে

বলিলে চলিবে না, তাহার জড়িত মস্তিস্কে কিরূপ জড়িত ভাব প্রসূত হইতেছে, তাহা দেখাইতে হইবে। "দুঃখের সাগর-বিরুদ্ধে অস্ত্র-ধারণ" (Take up arms against a sea of troubles) রূপ জড়িত, উপমা—অবস্থায় প্রসূত হইবে। এই উপমা অনেকেই সর্বাঙ্গীণ নয় বলিয়া দোষ দেন, কিন্তু নাট্যকার এরূপ সমালোচনার ভয় করিয়া উপমা-সর্বাঙ্গীণ করিতে পারিবেন না। তিনি যাহা অন্তরে বা বাহিরে দেখিয়াছেন, তাহাই নাটকে দেখাইবেন। অতি নিকট-সম্বন্ধ হইলেও যুবক-যুবতীর এক গৃহে বাস অসঙ্গত, এ কথা আত্ম-নির্ম্মলতাভিমानी সমাজে বলিতে ভয় পাইবেন না। তরল স্ত্রী-চরিত্র যে অতি দুঃখের সময়ে চাটুকারের প্রতারণায় চণ্ডল হইতে পারে ; যথা—তৃতীয় রিচার্ডের কাপটে 'অ্যানি'র হৃদয়, তাহাও নিভীক চিত্রে প্রদর্শন করিবেন। ধর্ম্মের পুরস্কার—আর্থিক লাভ নয় ; তাহা হইলে ধর্ম্ম একটি উচ্চ ব্যবসায় হইত। ধর্ম্মের পুরস্কারই ধর্ম্ম, ইহা দেখাইয়া সাধারণের বিরক্তিজাজন হইয়াও তাঁহাকে অটল থাকিতে হইবে। সংসারের অবস্থা যেন তাঁহার কম্পনা-মুকুরে প্রতিফলিত হয়। ইহাতে সংসারের অপ্রিয় হইতে হইলেও তিনি তোষামোদী কথায় সংসারকে সন্তুষ্ট করিতে পারিবেন না। আঘাত দিতে হয়—আঘাত দিবেন, তাহাতে বিরাগজাজন হইতে পারেন, কিন্তু কণ্ডবাপরায়ণ হইবেন, এবং কণ্ডব্যা-পুলন-ফলে অমরত্ব নিশ্চয়ই লাভ করিবেন।

[নাট্যমন্দির, ১৩১৭।

## সনেট কেন চতুর্দশপদী ?

প্রমথ চৌধুরী

শ্রীযুক্ত প্রিয়নাথ সেন “সনেট-পঞ্চাশৎ” নামক পুস্তিকাকার সমালোচনাসূত্রে, সনেটের আকৃতি এবং প্রকৃতির বিশেষ পরিচয় দিয়ে এই মত প্রকাশ করেছেন যে—“খুব সম্ভব, কলাপ্রবীণ ইতালীয় ও অপরদেশীয় কবিরা পরীক্ষা দ্বারা দেখিয়াছেন যে, পূর্ণরসান্ধবাস্তুর পক্ষে চতুর্দশপদই সমীচীন, এবং তাহাই সাহিত্য-সংসারে চলিয়া আসিয়াছে।”

নানা যুগে নানা দেশে নানা কবির হাতে ফিরেও সনেট যে নিজের আকৃতি ও রূপ বজায় রাখতে পেরেছে, তার থেকে এই মাত্র প্রমাণ হয় যে, সনেটের ছাঁচে নানারূপ ভাবের মূর্তি ঢালাই করা চলে, এবং সে ছাঁচ এতই টেকসই যে, বড় বড় কবিদেরও ভাবের জোরে সেটি ভেঙেচুরে যায়নি। কিন্তু সনেট যে কেন চতুর্দশপদ গ্রহণ করে জন্মলাভ করলে, সে প্রশ্নের উত্তর পাওয়া গেল না। অথচ অস্বীকার করা যায় না যে, বারো কিম্বা ষোলো না হয়ে, সনেটের পদ-সংখ্যা যে কেন চৌদ্দ হ'ল, তা জানবার ইচ্ছে মানুষের পক্ষে অস্বাভাবিক নয়।

কি কারণে সনেট চতুর্দশপদী হয়েছে, সে সম্বন্ধে আমার একটি মত আছে, এবং সে মত কেবলমাত্র অনুমানের উপর প্রতিষ্ঠিত ; তার স্বপক্ষে কোনরূপ অকাট্য প্রমাণ দিতে আমি অপারগ। স্বদেশী কিম্বা বিদেশী কোনরূপ ছন্দশাস্ত্রের সঙ্গে আমার পরিচয় নেই,—পিঙ্গল কিম্বা গৌর কোন আচার্যের পদসেবা আমি কখনও করিনি! সুতরাং আমার আবিষ্কৃত সনেটের “চতুর্দশীতত্ত্ব” শাস্ত্রীয় কিম্বা অশাস্ত্রীয়, তা শুধু বিশেষজ্ঞেরাই বলতে পারবেন।

চৌদ্দ কেন?—এ প্রশ্ন সনেটের মত বাংলা পয়ার সম্বন্ধেও জিজ্ঞাসা করা যেতে পারে। এর একটি সমস্যার মীমাংসা করতে পারলে অপরিচিত মীমাংসার পথে আমরা অনেকটা অগ্রসর হতে পারব।

আমার বিশ্বাস, বাংলা পয়ারের প্রতি চরণে অক্ষরের সংখ্যা চতুর্দশ হবার একমাত্র কারণ এই যে, বাংলা ভাষার প্রচলিত অধিকাংশ শব্দ হয় তিন অক্ষরের নয় চার অক্ষরের। পাঁচ ছয় অক্ষরের শব্দ প্রায়ই হয় সংস্কৃত, নয় বিদেশী। সুতরাং সাত অক্ষরের কমে সকল সময়ে দুটি শব্দের একত্র সমাবেশের সুবিধে হয় না। সেই সাতকে দ্বিগুণ করে নিলেই শ্লোকের

প্রতি চরণ যথেষ্ট প্রশস্ত হয়, এবং অধিকাংশ প্রচলিত শব্দই ঐ চৌদ্দ অক্ষরের মধ্যেই খাপ্ খেয়ে যায়। এখানে উল্লেখ করা দরকার যে, আমাদের ভাষায় দ্‌ অক্ষরের শব্দের সংখ্যাও কিছু কম নয়। কিন্তু সে সকল শব্দকে চার অক্ষরের শব্দের সামিল ধরে নেওয়া যেতে পারে—যেহেতু দ্‌ই স্বভাবতই চারের অন্তর্ভূত।

এই চৌদ্দ অক্ষর থাকবার দরুণই বাংলা ভাষায় কবিতা লেখবার পক্ষে পয়ারই সর্বাপেক্ষা প্রশস্ত। একটানা লম্বা কিছু লিখতে হলে, অর্থাৎ যাতে অনেক কথা বলতে হবে এমন কোন রচনা করতে গেলে, বাঙ্গালী কবিদের পয়ারের আশ্রয় অবলম্বন ছাড়া উপায়ান্তর নেই। কৃষ্ণবাস থেকে আরম্ভ করে শ্রীযুক্ত রবীন্দ্রনাথ ঠাকুর পর্যন্ত, বাংলার কাব্যনাটক-রচয়িতা মাত্রই পদ্বোক্ত কারণে, অসংখ্য পয়ার লিখতে বাধ্য হয়েছেন, এবং চিরদিনের জন্য বাঙ্গালীর প্রতিভা ঐ পয়ারের চরণের উপরেই প্রতিষ্ঠিত হয়ে রয়েছে।

পয়ারে চতুর্দশ অক্ষরের মত, সনেটে চতুর্দশ পদের একত্র সংঘটন, আমার বিশ্বাস, অনেকটা একই রকমের যোগাযোগে সিদ্ধ হয়েছে।

বোধ হয় সকলেই অবগত আছেন যে, জীবজগৎ এবং কাব্যজগতের ক্রমোন্নতির নিয়ম পরস্পরবিরুদ্ধ। জীব উন্নতির সোপানে ওঠবার সঙ্গে সঙ্গেই তার ক্রমিক পদলোপ হয়। কিন্তু কবিতার উন্নতির সঙ্গে সঙ্গে পদবৃদ্ধি হয়। পদ্য দুটি চরণ নিয়েই জন্মগ্রহণ করে ; দ্বিপদই হচ্ছে সকল দেশে সকল ভাষার আদিচ্ছন্দ। কলিযুগের ধর্ম্মের মত, অর্থাৎ বকের মত, কবিতা এক পায়ে দাঁড়াতে পারে না।

এই দ্বিপদী হতেই কাব্যজগতের উন্নতির দ্বিতীয় স্তরে ত্রিপদীর আবির্ভাব হয়, এবং ত্রিপদী কালক্রমে চতুষ্পদীতে পরিণত হয়। কবিতার পদবৃদ্ধির এই শেষ সীমা। কেন?—সে কথাটা একটু বুঝিয়ে বলা আবশ্যিক। আমরা যখন মিল-প্রধান সনেটের গঠন-রহস্য উদ্ঘাটন করতে বসিছি, তখন মিত্রাক্ষরযুক্ত দ্বিপদী, ত্রিপদী ও চতুষ্পদীর আকৃতির আলোচনা করাটাই আমাদের পক্ষে সঙ্গত হবে। অমিত্রাক্ষর কবিতা কামচারী, চরণের সংখ্যা-বিশেষের উপর তার কোন নির্ভর নেই, তাই কোনরূপ অঙ্কের ভিতর তাকে আবদ্ধ রাখবার যো নেই।

দ্বিপদীর চরণ দুটি পাশাপাশি মিলে যায়। ত্রিপদীর প্রথম দুটি চরণ দ্বিপদীর মত পাশাপাশি মেলে, তৃতীয় চরণটি অপর একটি চরণের অভাবে দাঁড়িয়ে থাকে, এবং অপর একটি ত্রিপদীর সামিখ্য-লাভ করলে তার তৃতীয় চরণের সঙ্গে মিত্রতা বন্ধনে আবদ্ধ হয়। বাংলা, সংস্কৃত, ইংরাজী এবং ফরাসী ভাষার ত্রিপদীর (Tezza Rima) গঠন স্বতন্ত্র।

ইতালীয় ত্রিপদীর প্রথম চরণের সহিত তৃতীয় চরণের মিল হয়, এবং দ্বিতীয় চরণ মিলের জন্য পরবর্ত্তী ত্রিপদীর প্রথম চরণের অপেক্ষা রাখে।

ইতালীর দ্বিপদী তিন চরণেই সম্পূর্ণ। ভাব এবং অর্থ বিষয়ে একটির সহিত অপরটি পৃথক্ এবং বিচ্ছিন্ন। পূর্বাধিপযোগ কেবল মিল-সূত্রে রক্ষিত হয়। একটি কবিতার ভিতর, তা যতই বড় হোক্ না কেন, সে যোগের কোথাও বিচ্ছেদ নেই। প্রথম হতে শেষ পর্যন্ত, একটি কবিতার অন্তর্ভূত দ্বিপদীগুণি এই মিলন-সূত্রে গ্রথিত, এবং ইস্ক্রুর (Screw) পাকের ন্যায় পরস্পরযুক্ত। নিম্নে Robert Browning রচিত, “ The Statue and the Bust ” নামক কবিতা হতে, ইতালীয় দ্বিপদীর নমুনাস্বরূপ ছয়টি চরণ উদ্ধৃত করে দিচ্ছি।\* পাঠক দেখতে পাবেন যে, প্রথম দ্বিপদীর মধ্যম চরণটি মিলের জন্য দ্বিতীয় দ্বিপদীর প্রথম চরণের অপেক্ষা রাখে।

অর্থাৎ দ্বিপদীর বিশেষত্ব হচ্ছে, দুটি চরণ পাশাপাশি না মিলে' মধ্যস্থ একটি কিম্বা দুটি চরণ ডিঙিয়ে মেলে। দ্বিপদীর এই মিলের ক্ষণিক বিচ্ছেদ রক্ষা করে', চারটি চরণের মধ্যে দু'জোড়া মিলকে স্থান দেবার ইচ্ছে থেকেই চতুষ্পদীর জন্ম! দুটি দ্বিপদী পাশাপাশি বসিয়ে দিলে চতুষ্পদী হয় না। চতুষ্পদীতে প্রথম চরণ হয় তৃতীয় চরণের সঙ্গে, নয় চতুর্থ চরণের সঙ্গে মেলে, আর দ্বিতীয় চরণ হয় তৃতীয়, নয় চতুর্থের সঙ্গে মেলে। এক কথায় চতুষ্পদীর আকৃতি দ্বিপদীর এবং প্রকৃতি দ্বিপদীর।

আমি পূর্বেই বলেছি যে দ্বিপদী, দ্বিপদী ও চতুষ্পদীই পদ্যের মূল উপাদান। বাদবাকী যত প্রকার পদ্যের আকার দেখতে পাওয়া যায়, সে সবই দ্বিপদী, দ্বিপদী এবং চতুষ্পদীকে হয় ভাঙচুর করে', নয় ষোড়াতাড়ি দিয়ে গড়া ;—এ সত্য প্রমাণ করবার জন্য বোধ হয় উদাহরণ দেবার আবশ্যক নেই।

কবিতার পূর্বাধিপর্ণিত দ্বিমুর্ত্তির সমন্বয়ে একমুর্ত্তি গড়বার ইচ্ছে থেকেই সনেটের সৃষ্টি—সেই কারণেই সনেট আকৃতিতে “সমগ্রতা, একাগ্রতা” এবং সম্পূর্ণতা লাভ করেছে। দ্বিপদীর সঙ্গে চতুষ্পদীর যোগ করলে সন্তপদ পাওয়া যায়, এবং সেই সন্তপদকে দ্বিগুণিত করে নেওয়াতেই সনেট চতুর্দশপদ লাভ করেছে। এই চতুর্দশ পদের ভিতর দ্বিপদী, দ্বিপদী এবং চতুষ্পদী তিনটিরই স্থান আছে, এবং তিনটিই সমান খাপ খেয়ে যায়।

পেত্রার্কার সনেটের অষ্টক পরস্পর মিলিত এবং একাগ্রীভূত দুটি যমজ চতুষ্পদীর সমষ্টি ; এবং প্রতি চতুষ্পদীর অভ্যন্তরে একটি করে' আস্ত দ্বিপদী

\* There's a palace in Florence, the world knows well.  
And a statue watches it from the square,  
And this story of both do our townsmen tell.

Ages ago, a lady there,  
At the farthest window facing the East,  
Asked, “ Who rides by with the royal air ? ”

বিদ্যমান। ষষ্ঠকও ঐরূপ দুটি দ্বিপদীর সমষ্টি। ফরাসী সনেটও ঐ একই নিয়মে গঠিত, উভয়ের ভিতর পার্থক্য শুধু ষষ্ঠকের মিলের বিশিষ্টতায়। ফরাসী ভাষায় ইতালীয় ভাষার ন্যায় পদে পদে ছত্র-ব্যবধান দিয়ে, চরণে চরণে মিলন সাধন করা স্বাভাবিক নয় ; সেই জন্য ফরাসী সনেটে ষষ্ঠকের প্রথম দুই চরণ দ্বিপদীর আকার ধারণ করে।

সনেট দ্বিপদী ও চতুষ্পদীর যোগে ও গুণে নিষ্পন্ন হয়েছে বলে' চতুর্দশ-পদী হতে বাধ্য।

[ ভাদ্র, ১৩২০ ]

## কবিতার কষ্টিপাথর

বিপিনচন্দ্র পাল

কেবল ভাল লাগে বলিয়াই কোনও কবিতাকে শ্রেষ্ঠ, আর ভাল লাগে না বলিয়াই কোনও কবিতাকে নিকৃষ্ট বলা যায় না। আমরা যাহাকে ভাল-লাগা বলি, তাহা একটা মিশ্র-অনুভূতি। কবিতা-বিশেষ লিখিয়া বা পড়িয়া যে আনন্দানুভব হয়, তাহাতে বস্তুমানের প্রত্যক্ষ এবং অতীতের বহুতর স্মৃতি অতিশয় ওতপ্রোত হইয়া জড়াইয়া থাকে। কবির কাব্য ভালই হউক আর মন্দই হউক, সৃষ্টিমাত্রেরই যে একটা আনন্দ আছে, কবি কবিতা রচনা করিতে সে আনন্দ অনুভব করেন। শিশু যখন বর্ণমালা শিখিয়া প্রথম দিন, স্লেটে “বাবা” “মা” “কাকা” “দাদা” প্রভৃতি পরিচিত কথাগুলি লিখে, সে দিন তার অপূৰ্ণ আনন্দ হয়। ইহাতে তার নিজের কৃতিত্বের প্রমাণ পাইয়া সে আনন্দিত হয়। অক্ষরগুলোর ছাঁদের ভাল-মন্দের সঙ্গে এ আনন্দানুভূতির কোনও-ই সম্পর্ক নাই। কবিও কবিতা রচনা করিয়া আপনার একটা কৃতিত্বের পরিচয় পাইয়া আনন্দিত হন। কবিতার ভাল-মন্দের উপরে এ আনন্দ তখন নির্ভর করে না। সে বিচার অপরে করিবে। সে কথা পরে উঠিবে। তখন লোকে মন্দ বলিলে তাঁর আনন্দের হানি হইবে, কারণ সে মন্দ বলাতে তাঁর কৃতিত্বের অস্তিত্ব আঘাত লাগিবে। লোকে সে কবিতা পড়িয়া ভাল বলিলে,

তার আনন্দ বাড়িয়া উঠবে, কারণ সে ভাল-বলাতে লোক-মধ্যে তাঁর কৃতিত্বের প্রতিষ্ঠা হইতেছে—এ বোধ তাঁর জন্মিবে। তারপর সৃষ্টিমাত্রতেই স্রষ্টার আত্মপ্রকাশ ও আত্মোপলব্ধি হয়। ইংরাজিতে এই আত্মপ্রকাশকে self-expression এবং আত্মোপলব্ধিকে self-realisation বলে। এই আত্মপ্রকাশের এবং আত্মোপলব্ধিরও একটা গভীর আনন্দ আছে। কবি কাব্য-রচনায় এই আনন্দও অনুভব করেন। এই দুই প্রকারের আনন্দ সকল কবিরই হয়। ভাল কবিরও হয়, মন্দ কবিরও হয়। ইহার দ্বারা কোনও কবিতার উৎকর্ষাপকর্ষের বিচার হয় না ও হইতেই পারে না, ইহা দেখিয়াছি। তারপর পাঠকের কথা। কবিতা-পাঠে আমরা যে আনন্দ পাই, তাহাও নানা কারণে জন্মে। যে কবিতায় আমাদের কোনও পূর্ষপরিচিত রসানুভূতিকে জাগাইয়া দেয়, তাহাতে আমরা আনন্দ পাই। আর আমাদের স্মৃতি নানা কারণে জাগিয়া উঠে। কিন্তু যে কারণেই জাগরুক হউক না কেন, প্রত্যক্ষের আশ্রয় ব্যতীত স্মৃতি জন্মে না। আগে যাহা প্রত্যক্ষ করিয়াছিলাম, তার অনুরূপ কোনও কিছু দেখিলে, কিংবা দেখিতেছি ভাবিলেই, সেই প্রত্যক্ষের স্মৃতি জাগরুক হইয়া উঠে। এ ক্ষেত্রে আমি বস্তুমানে যাহা শুনিতোছি বা দেখিতোছি, তার পরিপূর্ণ মন্ম না বুদ্ধিয়াও, সেই পূর্ষ-স্মৃতিকে আশ্রয় করিয়া গভীর আনন্দ উপভোগ করিতে পারি। কিন্তু এই আনন্দ সত্য নহে, অভ্যাসজনিত। ইহা দ্বারা যে বিশেষ কবিতার আশ্রয়ে ইহা জন্মিয়াছে, তার উৎকর্ষ প্রমাণিত হইবে না। বৈষ্ণব মহাজনগণের ললিত পদাবলি শুনিয়া এক লম্পট ব্যক্তি অজস্র অশ্রুপাত করিতোছিল। কীৰ্ত্তন ভাঙ্গিলে তাকে প্রশ্ন করা হইল, “তুমি অমনভাবে আকুল হইয়া কাঁদিতোছিলে কেন, বল দেখি?” সে সরল ভাবে বলিল, “আর কিছুর নয়, কীৰ্ত্তনীয়া যখন ‘ব’ধু! ব’ধু!’ বলিয়া ডাকিতোছিল, তখন আমার এক ব্যক্তির কথা মনে পড়িয়া গেল, যে আমাকে ঐ ভাবেই ডাকিত।” এখানে এ ব্যক্তি বৈষ্ণব-কবিতার যে রস গ্রহণ করিয়া কাঁদিল, তার দ্বারা সে-সকল পদাবলির উৎকর্ষাপকর্ষের বিচার হইবে কি?

ফলতঃ, এই ভাল-লাগা ব্যাপারটার, এই আনন্দানুভূতিটার অন্তরালে ভাল-মন্দ, সত্য-কল্পিত, শ্রেষ্ঠ-নিকৃষ্ট অনেক কারণ বিদ্যমান থাকে। সে-সকল কারণের অনুসন্ধান না করিয়া কেবল ভাল লাগে বলিয়াই কোনও কবিতাকে শ্রেষ্ঠ, আর ভাল লাগে না বলিয়াই কোনও কবিতাকে নিকৃষ্ট বলা যায় না। ইংলন্ডের অনেক লোকের কিপ্লিং-এর কবিতা ভাল লাগে; তাঁদের টেনিসন্ একেবারেই ভাল লাগে না। অনেকের টেনিসন্ খুবই ভাল লাগে, কিন্তু রাউনিং তারা পড়িতেই পারে না। এ ক্ষেত্রে কেন কার কি ভাল লাগে, ইহা না জানিয়া, এই সকল কবির কাব্য-সৃষ্টির শ্রেষ্ঠ-নিকৃষ্ট-বিচার করা যায় না। কিপ্লিংকে অনেক লোকে ভালবাসে, কারণ কিপ্লিং-এর হালকা ভাবগদূলি তাঁদের মনোমত, এগুলিকে তারা সহজে ধরিতে ও বুঝিতে পারে। টেনিসনের



আভিজাত্যের সঙ্গে ইহাদের ঘনিষ্ঠতা নাই ; তাঁর শব্দ-সম্পদ এবং ভাব-সম্ভার—দু'এর কোনোটাই ইহারা ধরিতে পারে না। যাঁরা টেনিসনকে ভালবাসেন, তাঁরা বহুল পরিমাণে তাঁর ঝঙ্কারেই মগ্ন হইয়া রহেন ; ব্রাউনিং-এর সে ঝঙ্কার নাই বলিয়া ব্রাউনিং-এর কবিত্ব তাঁদের মনঃপূত হয় না। আবার হুইটম্যানের টেনিসনের আভিজাত্যও নাই, কিপ্লিং-এর লঘুতাও নাই, ব্রাউনিং-এর মার্জিত রুচিও (refined culture) নাই ; এই জন্য অতি অল্প লোকেই তাঁর কবিতার রস আস্বাদন করিয়া থাকে। এইরূপে নানা লোকে নানা কারণে ভিন্ন ভিন্ন কবিতাকে বা ভিন্ন ভিন্ন কবিকে ভালবাসে। এই সকল কারণের মধ্যে কোনটা সত্য রসানুভূতির প্রমাণ, আর কোনটা অবান্তর বস্তুর উপরে প্রতিষ্ঠিত—ইহার দ্বারাই এগুটির কোনটি কাব্য-বিচারে গ্রহণীয় আর কোনটিই বা বর্জনীয়, ইহার মীমাংসা হইবে। কেবল ভাল-লাগার বা না-লাগার দ্বারা এ বিচার হইতে পারে না।

একটি দৃষ্টান্ত—

“নাচিছে কদম্বমূলে,                      বাজায়ে মুরলী রে!  
রাধিকারমণ।  
চল সখি ছরা করি,                      দেখিগে প্রাণের হরি,  
রজের রতন।।”

আমার নিকটে মধুসূদনের এই ব্রজাঙ্গনা-গীতি অপূর্ণ বোধ হয়। অমন মিষ্ট গীত, আমার মনে হয়, বাঙালা ভাষায় কখনও ফোটে নাই, কখনও ফুটিবে না।

আর তোমার কাণে ও প্রাণে—

“যাই গো, ওই বাজায় বাঁশী  
প্রাণ কেমন করে ;  
না গেলে, সে কেঁদে কেঁদে  
চলে' যাবে মান-ভরে।”

গিরিশ ঘোষের এই সঙ্গীতটি অনাস্বাদিতপূর্ণ অমৃত বর্ষণ করে। তোমার বিবেচনায় অমন মিষ্ট গীত বাঙালা ভাষায় কোনও দিন কেহ গাহে নাই, কোনও দিন কেহ আর গাহিতে পারিবে বলিয়াও মনে হয় না। মধুসূদনের ব্রজাঙ্গনাতে তুমি কোনও রস পান না ; গিরিশ ঘোষের গানে আমিও কোনও রস পাই না। এ অবস্থায় এই দুইটির মধ্যে কোনটি বাস্তবিকই মিষ্ট, বাস্তবিকই কাব্য-রসাত্মক, আর কোনটি নয়, ইহার বিচার হইবে কিসে ?

আমাকে যদি এ প্রশ্নের উত্তর দিতে হয়, তবে বলিব যে, তোমার প্রশ্নের ভিতরেই আমার বিচারের সূত্রটিও রহিয়াছে। ‘কোনটি বাস্তবিকই মিষ্ট ?’

এই ‘বাস্তবিক’ কথাতেই বিচারের সুত্রটি নির্দিষ্ট হইয়াছে। ‘বাস্তবিক মিষ্ট’ বলিবার সময়ই, এটা তুমি মানিয়া লইয়াছ যে, যাহা মিষ্ট লাগে, তাহা এক নহে,—দুই জাতীয়। এক বাস্তবিক ; আর এক যাহা বাস্তবিক নহে, অর্থাৎ অ-বাস্তবিক। যাহার বস্তুত্ব আছে, তাহাই বাস্তবিক ; যাহার বস্তুত্ব নাই, তাহাই অবাস্তব। সুতরাং তোমার নিজের কথাতেই, কেবল মিষ্টত্বের দ্বারা কবিতার শ্রেষ্ঠত্ব প্রমাণিত বা প্রতিষ্ঠিত হয় না,—এই মিষ্টত্বের অন্তরালে বস্তুত্ব থাকা চাই। এই বস্তুত্বের দ্বারাও কবিতার বিচার হইবে, কেবল মিষ্টত্বের দ্বারা নহে। কেবল বস্তুত্বে কবিতা হয় না, কেবল মিষ্টত্বেও হয় না। বস্তুত্বের সঙ্গে মিষ্টত্বের, মিষ্টত্বের সঙ্গে বস্তুত্বের মিলন যেখানে, সেইখানেই সত্য কবিতা জন্মে ; অর্থাৎ শ্রেষ্ঠ কবিতামাত্রই রসাত্মক এবং বস্তুতন্ত্র।

সুতরাং কেবল মিষ্টত্বের দ্বারা কখনও কাব্যের ভাল-মন্দ-বিচার করা চলে না। মিষ্টত্ব একটা অনুভূতি। অনুভূতি বলিলেই, যে অনুভব করে এমন কোনও ব্যক্তি, আর যাহা তার এই অনুভবের বিষয় এমন কোন বস্তু,—এ দুইটিই বদ্বায়। আর এই অনুভবের বিষয় দুই জাতীয় হইতে পারে। এক—যাহা বর্তমানে আমাদের সমক্ষে উপস্থিত, দ্বিতীয়—যাহা অতীতে কোনও সময়ে উপস্থিত ছিল, এখন অনুপস্থিত হইয়াও ভাবযোগে কিংবা association of ideas-এর সহায়ে মনোমধ্যে জাগিয়া উঠিয়াছে ; অর্থাৎ প্রত্যক্ষ অথবা স্মৃতি, এই দুই সূত্র ব্যতীত কোনও-কিছু আমাদের সত্য অনুভবের বিষয় হইতেই পারে না। সত্য অনুভব যখন বলিলাম, তখন মিথ্যা অনুভব সম্ভব, ইহাও মানিয়া লইলাম। সে মিথ্যা অনুভব কি? তার উৎপত্তি কিসে ও স্থিতি কোথায়?—ইহাও জানা প্রয়োজন ; নতুবা সত্য-মিথ্যার প্রভেদ করিব কিরূপে? সত্য অনুভব হয় বর্তমান প্রত্যক্ষ, না হয় পদ্ব্যর্থ প্রত্যক্ষের স্মৃতিকে ধরিয়া। সুতরাং যে অনুভবের মূলে বর্তমান প্রত্যক্ষও নাই, আর পদ্ব্যর্থ প্রত্যক্ষের স্মৃতিও নাই, সেই অনুভবকেই মিথ্যা বলিব। এই মিথ্যা অনুভবও আবার কোনও কোনও স্থলে একান্ত মিথ্যা, আর কোনও স্থলে বা সত্যভাস হইতে পারে। শিশু প্রেমের বাহু-পাশ-বন্ধন অথবা ভালবাসার জড়াজড়ি দেখিয়া চীৎকার করিয়া কাঁদিয়া উঠে। শিশুর এ অনুভব সত্য নহে, কিন্তু সত্যভাস। ভালবাসার জড়াজড়ি যে কি, সে এখনও জানে না ; জানিবে, সখ্যের আশ্বাদন যে দিন পাইবে, সে দিন। এখন সে জানে মারামারিতেই কেবল জড়াজড়ি হয়। সুতরাং এখানে তাহাই সে সহজে কল্পনা করিল ; অর্থাৎ এখানে বাস্তবিক যে ভাবটা নাই, সে আপনার মন হইতে তাহাই তার উপরে চাপাইল। এ গেল এক প্রকারের মিথ্যা অনুভব। এ অনুভব একান্ত মিথ্যা নয়, আধখানা সত্য মাত্র। শিশুর নিজের অন্তরের অনুভূতিটা সত্য, বাহিরে তার আরোপটা কল্পিত।

কিন্তু আর এক প্রকারের অনুভব আছে, যাহা আধুনিক সত্য বা সত্যভাসও নয়—যাহা সর্বৈব মিথ্যা, আদ্যোপান্ত স্বকপোলকল্পিত। যে ব্যক্তি জন্মে কোনও দিন কলিকাতা ছাড়িয়া যায় নাই, বরফ-পড়া কাকের বলে, তাহা বা ত্রার অনুরূপ কোনও-কিছু সে দেখে নাই ; কেবল শুনিয়াছে যে, দূরন্ত শীতের দেশেই কেবল বরফ পড়ে ; কেতাবে পড়িয়াছে যে, এই বরফ যখন পড়িতে আরম্ভ করে, তখন আশ্মান-জমীন যেন টুকরা-টুকরা ফেনপুঞ্জের ভরিয়া যায়। এই শোনা-কথার উপরে সে তার মনে-মনে বরফ-পাতের একটা মন-গড়া ছবি আঁকিয়াছে। এই দৃশ্যের অনুভূতিটা নিতান্ত মিথ্যা ; ইহাতে প্রত্যক্ষের লেশমাত্র নাই। ইহা অনুমান-প্রতিষ্ঠিতও নহে ; কারণ অনুমানমাত্রই প্রত্যক্ষের উপরে গড়িয়া উঠে। ইহা উপমানও নহে ; কারণ একান্ত অপ্রত্যক্ষের উপমানও সম্ভবে না। ইহা উপমানের অনুমানের উপরে গঠিত। বস্তুর ছায়ার ছায়া, তস্যা ছায়ামাত্র। ইহাতে বস্তুর চিহ্ন, সত্যের আভাসমাত্রও খুঁজিয়া পাওয়া যাইবে না। আর রসমাত্রই যখন কোনও-না-কোনও বর্তমান প্রত্যক্ষ বা পূর্ব প্রত্যক্ষের স্মৃতির আগ্রয়ে জন্মে, তখন যে রস এ ভাবে জন্মে না, তাহা কখনই শ্রেষ্ঠ হইতে পারে না।

এই কণ্ঠিপাথর দিয়াই সকল কবিতার বিচার করিতে হয়। আমার নিকটে মধুসূদনের রজাঙ্গনা-গীতি বেশী মিষ্ট লাগে। তোমার নিকটে গিরিশ ঘোষের “যাই গো ঐ বাজায় বাঁশী” বেশী মিষ্ট লাগে। এখানেও তোমার অনুভূতিই শ্রেষ্ঠ, না আমার অনুভূতি শ্রেষ্ঠ,—ইহার বিচারও ঐ ‘বস্তু’র কণ্ঠিপাথর দিয়াই করিতে হইবে। নায়কের সংক্ষেপে তাঁর নিকটে যাইবার জন্য নায়িকার উদ্বেগই এই দুইটি কবিতার বিষয়। এই উদ্বেগই এখানে ‘বস্তু’। এই উদ্বেগের অবস্থায় নায়ক-নায়িকার যে সত্য অভিজ্ঞতা বা অনুভূতি এবং এই অনুভূতি যে আকারে তাঁদের আচার-আচরণে, মূখের ভাবে, অঙ্গ-প্রত্যঙ্গের অবস্থানাদিতে প্রকাশিত হয়, তাহাই সে বস্তুর লক্ষণ। বস্তু-লক্ষণ দিয়াই মধুসূদনের ও গিরিশ ঘোষের এই দুইটি গানের উৎকর্ষাপকর্ষের বিচার হইবে,—আমার বা তোমার কোনটা কতটুকু ভাল লাগে, বা না লাগে, তার দ্বারা এ বিচার হইবে না। এই বস্তু-লক্ষণ দিয়া বিচার করিতে গেলেই দেখি, মধুসূদনের গানে এই সত্য, প্রকৃত অভিজ্ঞতা বা অনুভূতি একেবারেই নাই ; আর গিরিশ ঘোষের গানে তাহা প্রামাণ্য বিদ্যমান রহিয়াছে। মধুসূদন বৈষ্ণব কবিদের অভিসারের কথা পড়িয়া তার একটা স্বকপোলকল্পিত মানস-ছবি আঁকিয়া রাখিয়াছিলেন, ললিত শব্দ যোজনা করিয়া সেই ছবিটাই এখানে প্রকট করিতে গিয়াছেন। আর গিরিশ ঘোষের এ-সকল কেবল পড়া-কথা নয়,—প্রত্যক্ষ অভিজ্ঞতার কথা। সুতরাং তাঁর গানে যে শক্তি, যে সত্য, যে সৌন্দর্য, যে রস ফুটিয়াছে, মধুসূদনের গীতিতে তাহা ফোটে নাই।

“নাচিছে কদম্বমূলে      বাজায় মদুরলী রে!  
রাধিকারমণ।”

ইহাতে মধুসূদনের যে এ বস্তুর প্রত্যক্ষ অভিজ্ঞতা নাই, ইহা প্রমাণ করে। রাখাল-বালকেরা গ্রামের মাঠের প্রান্তে গাছতলায় বাঁশী বাজাইয়া নাচে, মধুসূদন ইহাই দেখিয়াছিলেন। তারা যে বাঁশী বাজাইয়া প্রণয়জনকে আহ্বান করে না, এ কথা তিনি ভুলিয়া গিয়াছিলেন। শ্রীকৃষ্ণ রাধিকা-বিরহে অধীর হইয়া রাধিকাকে ডাকিয়া ডাকিয়া বাঁশী বাজাইতেন; আর রাধিকা আসিতেছেন কি না, তাই ভাবিতেন, কাণ পাতিয়া তাঁর নৃপদর-ধ্বনি শোনা যায় কি না, অনকূল বায়ু সে অঙ্গ-গন্ধ বহন করে কি না,—বাঁশী বাজাইতেন আর তাই নিবিষ্ট চিত্তে লক্ষ্য করিতেন। শ্রীকৃষ্ণ রাধা-নামে সাধা বাঁশী বাজাইতেন, আর সর্ব্বেন্দ্রিয়কে কেন্দ্রীভূত করিয়া শ্রীরাধিকা আসিতেছেন কি না, তাই দেখিতেন। এ বাঁশী বাজে ধ্যানে, যোগে, সমাধিতে। এ অবস্থায় কোনও নায়ক বাঁশী বাজাইয়া তার তালে তালে নাচে না।

“নাচিছে কদম্বমূলে, বাজায় মদুরলী রে।”—

শুনিলেই রাধিকারমণকে মনে পড়ে না,—মনে পড়ে এক সাঁওতাল যুবককে, যে এককালে আমাদের উঠানে আসিয়া বাঁশী বাজাইয়া নাচিত। এক ‘নাচিছে’ কথায়, মধুসূদন সব নষ্ট করিয়া দিয়াছেন। পাখীরা কুঞ্জ-দ্বারে নাচিয়া নাচিয়া আপনার প্রণয়ীকে ডাকে। কপোতী সন্ধ্যাকালে আপনার খোপের দরজায় নাচিয়া নাচিয়া আপনার সঙ্গীকে ডাকিয়া আনে। এ সকল সত্য। কিন্তু মানুষ ডাকে, নাচে না। সে ডাকে আর ধৈর্য, ধৈর্য আর ডাকে। ধ্যান নৃত্যের বিরোধী। কিন্তু আমি যখন ব্রজাঙ্গনা পড়ি, তখন এ সকল ভাবি না। আমি দেখি তার সুর। আমি দেখি তার শব্দ-সম্পদ। আমি দেখি তার ছন্দ। আমি মজিয়া যাই তার অপদূর্ষ ঝঙ্কারে। এই ঝঙ্কারটি বড় মিষ্ট। তারই জন্য ব্রজাঙ্গনাকে এমন মিষ্ট বলি। তুমি খোঁজ শব্দ নয়, অর্থ। তুমি চাও ছন্দ নয়, রস। এই জনাই আমার যাহা মিষ্ট লাগে, তোমার তাহা তেমন মিষ্ট লাগে না।

তবে এ মীমাংসার একটা পথ হয়, যদি কবিতার ভাল-মন্দের বিচারটা তোমার রসের রাজ্যে যাইয়া হইবে, না আমার ঝঙ্কারের রাজ্যে আসিয়া হইবে,—এই কথাটা একবার দু’জনে মিলিয়া ঠিক করিয়া লইতে পারি।

## মেঘনাদবধকাব্যে সীতা ও সরমা

দীননাথ সান্যাল

সীতা একদিকে যেমন বসুন্ধরার অযোনি-সম্ভবা কন্যারূপ, অন্যদিকে তেমনিই কবিগদ্যরূপ বাঙ্গালীকর অপূর্ব মানসী-সৃষ্টি। রামায়ণের পুরুষ-চরিত্রগুলি উচ্চাঙ্গের হইলেও, কাব্যজগতে তদ্রূপ চরিত্র কম্পনার অতীত নাও হইতে পারে ; কিন্তু স্ত্রী-চরিত্রে কম্পনা সীতাকে কোন মতেই অতিক্রম করিতে পারে না। রামায়ণ-কাব্যে তিনি মানবীরূপে বর্ণিত হইলেও, লোকহৃদয়ে তিনি দেবীরূপেই প্রতিষ্ঠিতা ও পূজিতা। কবি-কম্পনায় আদর্শ নারী-জনোচিত গুণগুলি যত দূর উচ্চে উঠিতে পারে, সীতা-চরিত্রে সে সমস্তই তত উচ্চে,—বৃদ্ধি-বা ততোধিক উচ্চে উঠিয়াছে। মনে হয় যেন, ঐ সকল গুণগুলির সমষ্টি করিয়া নারীর আকারে কবিগদ্যরূপ মানবের চক্ষে ধরিয়াছেন!

এমন-যে বাঙ্গালীকর সীতা, মেঘনাদবধকাব্যে কবিকে সেই সীতার অবতারণা করিতে হইয়াছে। ইচ্ছা করিয়া নহে,—কবিত্ব-লালসার তৃপ্তির জন্য নহে ;—কাব্যের অনুরোধে বাধ্য হইয়াই তাঁহাকে সীতা-চরিত্রের অবতারণা করিতে হইয়াছে। যে সীতার প্রেম-প্রবাহ কৈকেয়ীর নিদারুণ বাধা না মানিয়া, পশুবটীবনে পরম পবিত্র শ্রীধারণ করিয়াছিল ; পরে, ধৃত মায়াবী রাবণের মায়াকৌশলে যে সীতার প্রেম-প্রবাহে পর্বতসম বাধা সমুদ্গমিত ; যে সীতার উদ্ধারের জন্য বনবাসী প্রাতুষ্য কিষ্কিন্ধ্যার বানরের সহিত সখ্য করিয়া, বানরের সহায়তায় অলঙ্ঘ্য সাগরকে বন্ধন করিয়া লঙ্কায় আসিয়াছেন এবং লঙ্কার প্রবল-প্রতাপান্বিত রাবণ-রাজার সহিত যুদ্ধে প্রবৃত্ত হইয়াছেন ;—তখনও যে সীতা অশোকবনে রাম-বিরহে নিরন্তর রোরুদ্যমানা ও রাবণের উপদ্রবে উৎপীড়িতা ;—সে সীতাকে উপেক্ষা করিলে, ইহা কাব্য বলিয়াই গণ্য হইত না। শূন্য যুদ্ধ-বর্ণনায় কাব্য হয় না ; তাহা হইলে আজকালকার সংবাদপত্রগুলি এক-একখানি অপূর্ব মহাকাব্য বলিয়াই পরিগণিত হইতে পারিত! সূতরাং কাব্যের অনুরোধেই কবিকে অশোকবনে সীতার চিত্র অঙ্কিত করিতে হইয়াছে। এই অশোকবনেই সীতা-চরিত্রের পূর্ণ বিকাশ। এই অশোকবনে লোক-মননের অন্তরালে রাবণের সহিত একাকিনী সীতার যে দীর্ঘকালব্যাপী নৈতিক সমর চলিয়াছিল, তাহার কাছে অসংখ্য বানরসেনার সহায়তায় রাম-লক্ষ্মণের লঙ্কাযুদ্ধ তুচ্ছ বলিয়াই মনে হয়। এই অশোকবনের যুদ্ধে জয়লাভ করিয়াই সীতা আজ যশস্বিনী,—রাম-লক্ষ্মণের অপেক্ষাও সমাধিক যশস্বিনী। এই অশোকবনেই

রাবণের কামানলে সীতার প্রকৃত অগ্নি-পরীক্ষা! এই অনল যাঁহার অঙ্গ স্পর্শ করিতে পারে নাই, তাঁহার পক্ষে, পরে চিতানল শীতলতা ধারণ করিয়াছিল, তাহাতে আর আশ্চর্যের বিষয় কি আছে? এই অশোকবনের করুণ দৃশ্যের প্রভাবই লঙ্কাযুদ্ধের ফলাফলের জন্য পাঠকের হৃদয়কে আকুল করিয়া তুলে। সুতরাং কাব্য্যাংশে এই অশোকবনের চিত্রই লঙ্কা-কাণ্ডের কেন্দ্রভূমি। তাই বলিতেছিলাম যে, অশোকবনে সীতার চিত্র প্রদর্শন করা মেঘনাদবধকাব্যে ইচ্ছাকৃত নহে;—নিতান্তই অপরিহার্য। কিন্তু বাস্তবিক যে সীতাকে সমগ্র রামায়ণ ব্যাপিয়া রেখায় রেখায়, বর্ণে বর্ণে ফুটাইয়া তুলিয়াছেন, মাত্র তিন দিনের ঘটনা-অবলম্বনে যে কাব্য, তাহার মধ্যে সেই সীতা-চরিত্র চিত্রণ করিতে যে কোন উৎকৃষ্ট কবিকেই চিন্তাকুল হইতে হয়। মধুসূদনও চিন্তাকুল হইয়াছেন এবং কাব্যকলায় সেই চিন্তা ব্যক্ত করিয়া, পাঠককে মহাচরিত্র শ্রবণের জন্য উৎসুক করিয়াছেন। মেঘনাদবধের চতুর্থ সর্গারম্ভে যে সুন্দর বাস্তবিক-বন্দনা আছে, তাহা কাব্যের একটা নিয়ম রক্ষার জন্য মামুলী বন্দনা নহে;—তাহা সীতা-চরিত্র চিত্রণের গুরুত্ব কাব্যকলায় অভিব্যক্ত। ইহা লক্ষ্য করিবার বিষয় যে, প্রথম সর্গারম্ভে সরস্বতী-বন্দনা করিয়া কবি গ্রন্থারম্ভ করিয়াছেন;—পরে আর কোন সর্গারম্ভেই বন্দনা নাই;—গ্রন্থ-মধ্যে কেবলমাত্র অশোকবন নামক এই চতুর্থ সর্গারম্ভে কবি শাস্ত্রিক হৃদয়ে বাস্তবিক-বন্দনা করিয়াছেন। ইহা বক্ষ্যমাণ বিষয়ের গুরুত্বব্যঞ্জক বন্দনা, তাহাতে আর সন্দেহ নাই। কবি যখন বাস্তবিককে নমস্কার করিয়া বশেন;—

“তব অনুগামী দাস, রাজেন্দ্র-সঙ্গমে

দীন যথা যায় দূর তীর্থ-দরশনে।”

তখন তিনি “দীন”, “দূর” ও “তীর্থ” এই তিনটি শব্দে বর্ণনীয় বিষয়ের পবিব্রতা ও আয়াসসাধ্যতা এবং তৎপক্ষে নিজের দৈন্যের প্রতি সুন্দররূপেই ইঙ্গিত করিলেন। বন্দনা-শেষে বলিয়াছেন;—“কৃপা প্রভু কর অকিঞ্চে!” কৃপা প্রার্থনা কেন? কেন না, কবি অশোকবনে সীতার কথা বলিতে প্রবৃত্ত! দঃসাধ্য ব্যাপারে হস্তক্ষেপ করিবার পূর্বে যেমন লোকে দর্গানাম করে; দেবমন্দিরে প্রবেশের পূর্বে যেমন লোকে দ্বারদেশে নমস্কার করে; তেমনই অশোকবনের চিত্র উদ্ঘাটিত করিবার উদ্দেশ্যে কবি এই বন্দনা, এই কৃপা-প্রার্থনা। এই বন্দনাটিতেই পাঠকের মনে একটা অসাধারণ দৃশ্যের জন্য ঐৎসুক জাগাইয়া তোলে। ইহা উৎকৃষ্ট কাব্যকলার একটি প্রকৃষ্ট উদাহরণ।

পাঠককে অশোকবন দেখাইবার পূর্বে কবি আর একটু কাব্যকলাকৌশল অবলম্বন করিয়াছেন। প্রথম সর্গের শেষে দিবাসনে মেঘনাদের সামরিক অভিষেক হইয়া গিয়াছে। এই অভিষেক শ্লিয়মাণ লঙ্কাবাসীর মনে বিজয়াশা জাগাইয়া তুলিয়াছে। সুতরাং লঙ্কায় আজ সম্ভ্রাম মহা আনন্দোৎসব।

অশোকবনের চিত্র উদ্ঘাটনের পূর্বে কবি এই আনন্দোৎসবের বর্ণনা করিয়াছেন ;—দেখাইয়াছেন—

“ভাসিছে কনক-লঙ্কা আনন্দের নীরে,  
সুবর্ণ-দীপমালিনী—রাজেন্দ্রাণী যথা রত্নহারা!”

গৃহে গৃহে আলোকমালা, গৃহে গৃহে আনন্দধ্বনি, এবং সর্বত্র বিজ্ঞাপনার উল্লাস-সংগীত। ইহার পরেই কবি অশোকবনের চিত্র উদ্ঘাটিত করিলেন,—যেখানে আলোক নাই, আশা নাই, আনন্দধ্বনি নাই,—সেই আঁধার ও নীরব অশোকবনের শোকাবহ দৃশ্য উদ্ঘাটিত করিলেন। বৈপরীত্যের সমাবেশ (contrast) যেমন চিত্রকলার, তেমনি কাব্যকলারও একটি উৎকৃষ্ট অঙ্গ। লঙ্কার এই আনন্দোৎসবের দৃশ্যের পরেই কবি যেই বলিলেন ;—

“একাকিনী শোকাকুলা, অশোককাননে  
কাঁদেন রাঘববাজ্ঞা, আঁধার কুটীরে নীরবে।”

তখন পাঠকের মনে সেই অশোককাননের আঁধার ও নীরবতা যেন দ্বিগুণ গাঢ় হইয়া উঠিল। তারপরে কবি অশোককাননের যে শোকাবহ চিত্র দিয়াছেন, তাহা কি বাস্তবিক, কি কৃত্তিবাস, কাহারও কাছে পাওয়া যায় না। শোকে সমগ্র কাননটি যেন সীতাময় হইয়া উঠিয়াছে! তরুরাজি পদ্মপাভরণ ফেলিয়া দিয়াছে ; পবন রহিয়া রহিয়া দীর্ঘশ্বাস ত্যাগ করিতেছে ; পক্ষিকুল অরবে শাখায় বসিয়া আছে ;—প্রবাহিণী উচ্চ বীচিরবে সীতার শোকবার্তা বহন করিতেছে ;—সমগ্র কাননটি যেন সীতার দঃখে দঃখী! মাত্র একুশটি ছয়ে এই অশোকবনের চিত্রে সীতা-হৃদয়ের দঃখছবি পাঠককে যেন আকুল করিয়া তুলে।

কাব্যকলার অনুরোধে কবিরা পাণ্ড-পাণ্ডীদের প্রতি কখনও নিশ্চর্য ও নিশ্চর্য হন, আবার কখনও বা সহৃদয় ও সদয় হইয়া থাকেন। কিন্তু কোন অবস্থায় নিশ্চর্য হওয়া আবশ্যিক, আর কোন অবস্থাতেই-বা সদয় হওয়া আবশ্যিক, ইহাই উৎকৃষ্ট কবিদিগের কাব্যকলার বিষয়। বহুকাল ধরিয়া সীতা এই অশোকবনে রাবণ-কর্তৃক উৎপীড়িতা ও নিগৃহীতা হইয়াছেন। এখন লঙ্কা-যুদ্ধ অবসানপ্রায়। বীরযোনি লঙ্কায় আজ মেঘনাদ ও স্বয়ং রাবণ ছাড়া আর বীর নাই। রাবণ নিজেই বন্ধিয়াছেন যে, লঙ্কার রসাতলে যাইতে আর বিলম্ব নাই। তাই তিনি সীতাকে আর লোভের চক্ষে দেখিতে পারিতেছেন না। রাবণ সীতাকে এখন কি চক্ষে দেখিতেছেন, তাহা বীরবাহুর শোকে বিলাপ করিতে করিতে, রাবণ স্বয়ংই বলিয়াছেন ;—

“কি ক্রক্ষেণে পাবকশিখা-রূপিণী জানকীরে  
আমি আনিব এ হৈম গেহে।”

রাবণের চক্ষে সীতা আজ “পাবকশিখা-রূপিণী!” এখানে রূপের “রূপিণী” নহে,—রূপকের “রূপিণী” ;—পাবকশিখা-স্বরূপিণী—প্রজ্বলিত অগ্নিশিখা। যাহার গৃহদাহ উপস্থিত, সে অগ্নিকে যে চক্ষে দেখে, রাবণ সীতাকে সেই চক্ষে দেখিতেছেন! “আনিন্দু” বলায় বিলাপের গাঢ়তা হইয়াছে। লোকের গৃহে আগুন লাগে ; দৈবাৎ বলিয়া মনে একটা প্রবোধ থাকে। কিন্তু রাবণের সে প্রবোধটুকুও নাই ;—দৈবাৎ নহে ;—তিনি নিজেই এই আগুন আনিয়াছেন। এখন রাবণের মনের অবস্থা এইরূপ। এখন আর রাবণ-কর্তৃক সীতার উৎপীড়ন কাব্যকলার হিসাবে সাজে না। তবু চেড়ীবৃন্দ-কর্তৃক ক্ষুদ্র ক্ষুদ্র উৎপীড়ন না হইতেছে এমন নহে ;—সরমার কাছে সীতার কথাতেই তাহার উল্লেখ আছে। কিন্তু উৎকট উৎপীড়নের সময় আর নাই ; কারণ, লঙ্কার এখন শোচনীয় অবস্থা। এদিকে সীতার মনের অবস্থা তাহা অপেক্ষাও শোচনীয়। রাবণের যে বীরপুত্র ইন্দ্রজিৎ, সেই মেঘনাদ আজ যুদ্ধে রত! লক্ষ্মণ একাকী তাহার সহিত যুদ্ধ করিবেন! ইহাতে দূর্ভাগিনী সীতার মনে আশা অপেক্ষা আশঙ্কার ভাবই প্রবল হইয়া উঠিয়াছে। পরম্পরা-ঘটিত ও দীর্ঘস্থায়ী দূর্ভাগ্যের স্বভাবই এই। উপস্থিত এই বিপদ ;—তারপরে, এখনও স্বয়ং রাবণ বাকী। সূতরাং সীতার মনের আঁধার এখন ক্রমশই ঘনীভূত। এ অবস্থায় সীতাকে বাঁচাইয়া রাখিতে হইলে, ঐ শোকতস্ত ও নিরাশহৃদয়ে সান্থনা-বারি সেচন করিয়া আশার সঞ্চার করিয়া দেওয়া আবশ্যিক। সহৃদয় কবি তাহাই করিয়াছেন।

“দূরন্ত চেড়ী, সতীরে ছাড়িয়া,  
ফেরে দূরে মত্ত সবে উৎসব-কৌতুকে,—  
হীনপ্রাণা হরিণীরে রাখিয়া বাঘিনী,  
নিভস্ন হৃদয়ে যথা ফেরে দূর বনে।”

সান্থনার প্রতিকূল, উৎপীড়নকারী চেড়ীবৃন্দকে লঙ্কার উৎসব দেখাইতে পাঠাইয়া দিয়া, কবি সেই গাঢ়-আঁধার অশোকবনে ক্ষণেকের জন্য একটা শান্ত নীরবতা সৃষ্টি করিলেন ;—

“একাকিনী বসি’ দেবী, প্রভা আভাময়ী  
তমোময় ধামে যেন।”

ভীষণ আঁধার, যেন প্রেতপুত্রের ন্যায়! ভীষণ নীরবতা,—জনপ্রাণী নাই,—সীতা একাকিনী! এমন সময়ে,—সান্থনার এই সুন্দর অবসরে—

“সরমা সুন্দরী আসি’ বসিলা কাঁদিয়া  
সতীর চরণতলে, সরমা সুন্দরী—  
রক্ষকুল-রাজলক্ষ্মী রক্ষাবধু-বেশে!”



শিখিসহ সর্ধিনী শিখিনীর নর্তন! করভ করভী মৃগশিশু, বিহগাদি  
অহিংসক জীবসকল সদারত ফলাহারী অতিথি! নিম্মল ও স্বচ্ছ সরসীকে  
আরসী করিয়া, যখন সীতা কুবলয় দিয়া কেশসজ্জা ও নানাবিধ পুষ্পালঙ্কারে  
অঙ্গসজ্জা করিতেন, তখন রাম তাঁহাকে বনদেবী বলিয়া কৌতুক-সম্ভাষণ  
করিতেন! রামের পক্ষে ইহা কৌতুক-সম্ভাষণ হইতে পারে ; কিন্তু পাঠকের  
চক্ষে তখন সীতা বাস্তবিকই “বনদেবী”। বনবাসের এই স্নেহের কথা শুনিতে  
শুনিতে, সরমার মত পাঠকেরও বলিতে ইচ্ছা করে ;—

“শুনিলে তোমার কথা, রাঘব-রমণি,  
ঘৃণা জন্মে রাজভোগে।”

এই বনবাস-চিত্রে, সীতার দাম্পত্য-প্রেমিকতার সঙ্গে তাহার জীব-প্রেমিকতা,  
আর তাহার প্রকৃতি-প্রেমিকতাও পূর্ণ প্রকটিত। সীতা-চরিত্রের এই মনোহর  
অংশ রামায়ণের বিশাল অরণ্যকাণ্ডে বিক্ষিপ্ত। মধুসূদন যেন তাহারই সার-  
সংগ্রহ করিয়া এবং তাহার সহিত ভবভূতির সীতার ও কালিদাসের শকুন্তলার  
ছায়া মিলাইয়া, বনবাসিনী সীতা-চরিত্রের অপূর্ণ শ্রী-সম্পাদন করিয়াছেন।  
দুইটি মাত্র পৃষ্ঠায় শান্ত ও মাধুর্য্য-রসের এমন একটি সমদ্রুজল চিত্র অঙ্কিত  
করা যে কোন উৎকৃষ্ট কবিরই গৌরবের বিষয়, তাহাতে সন্দেহ নাই। তাহার  
উপর আবার, অশোকবনবাসিনী সীতার মূখে তাহারই পূর্ণ, সুখ-স্মৃতির  
কাহিনী! স্নেহরসেই সুখ-স্মৃতিতে যেন দঃখের রসে পাক করিয়া, এক  
অপূর্ণ করুণ-রসের সৃষ্টি করা হইয়াছে! দঃখের অশ্রুজল দিয়া স্নেহের  
কথা লিখিলে যেমন হয়, করুণ-রসের নিবিড় ছায়ায় শান্ত ও মাধুর্য্য-রসের ছবি  
আঁকিলে যেমন দেখায়,—অশোকবনে সীতার মূখে তাহার পঞ্চবটী-বাসের  
সুখ-স্মৃতিও তেমনই হইয়াছে। পঞ্চবটীর এই সুখ-শান্তির কথা বলিতে  
বলিতে, যেই রামের উল্লেখ করিতে হইয়াছে, অমনি সীতার শোকোচ্ছ্বাস সেই  
স্নেহের কথাটিকে আচ্ছন্ন করিয়া ফেলিয়াছে।—

“সাজিতাম ফুল-সাজে, হাসিতেন প্রভু,  
বনদেবী বলি’ মোরে সম্ভাষি’ কৌতুকে।”—

বলিয়াই, সীতার শোক-তরঙ্গ উদ্বেলিত হইয়া উঠিল,—

“হায় সখি, আর কিলো পাব প্রাণনাথে?  
আর কি এ পোড়া আঁখি এ ছার জনমে  
দেখিবে সে পা দুখানি—আশার সরসে  
রাজীব, নয়নমণি? হে দারুণ বিধি,  
কি পাপে পাপী এ দাসী তোমার সমীপে?”

তখন, সরমার সান্ধনায় আবার শোক সম্বরণ করিয়া সীতা পদ্বর্ষ-কথা বলিতে লাগিলেন। বলিতে বলিতে আবার যেই রামের কথা আসিল,—

“শুনৈছি কৈলাসপদুরে কৈলাসনিবাসী  
ব্যোমকেশ, স্বর্গাসনে বসি' গোরী-সনে  
আগমি, পদ্রাগ, বেদ, পণ্ডতন্ত্র-কথা  
পণ্ডমুখে পণ্ডমুখ কহেন উমারে ;  
শুনিতাম সেইরূপে আমিও, রূপসি,  
নানা কথা!”—

অমনি শোক উচ্ছ্বাসিত হইয়া উঠিল,—

“এখনও, এ বিজন বনে,  
ভাবি আমি, শুনি যেন সে মধুর বাণী!  
সাঙ্গ কি দাসীর পক্ষে, হে নিষ্ঠুর বিধি,  
সে সঙ্গীত?”—

বলিয়া সীতা নীরব হইলেন। পরে সরমার সান্ধনায় আবার পদ্বর্ষ-কথা কহিতে লাগিলেন। এইরূপে শোকোচ্ছ্বাস ও সান্ধনার মধ্য দিয়া সীতার কাহিনী-প্রবাহ এক অপদ্বর্ষ কাব্য-সৌন্দর্য্য ধারণ করিয়াছে। এরূপ একটি চিত্র রামায়ণে নাই। রামায়ণে সরমার উল্লেখ আছে বটে, এবং সরমা সীতার কাছে আসিতেন এবং সান্ধনা দিতেন, ইহারও উল্লেখ আছে সত্য ; কিন্তু মধুসূদন যেমন অশোকবনে সীতা ও সরমার কথোপকথনচ্ছলে, এক অপদ্বর্ষ আলেখ্য চিত্রিত করিয়াছেন, এমন চিত্রটি রামায়ণে নাই। এই একটি চিত্রে সমগ্র রামায়ণের সীতা যেন মূর্ত্তিমতী এবং সেই সঙ্গে সরমাও যেন সান্ধনার মূর্ত্তি ধরিয়া পাঠকের কৃতজ্ঞতাভাজন হইয়াছেন। অশোকবনে সীতার কথা মনে হইলেই সেই সঙ্গে সরমার কথাও মনে পড়ে ;—শোক ও সান্ধনা একত্র হইয়া এক অপদ্বর্ষ রসে পাঠকের মনকে আশ্রিত করিয়া ফেলে। মেঘনাদবধকাব্যে এই সীতা ও সরমা মধুসূদনের এক মহতী কীর্ত্তি এবং ইহার চিত্রণে তাঁহার কাব্যকলার অসাধারণ ক্ষুদ্রীর্ষ!

সীতা-হৃদয়ের উদারতা কবি কেমন কৌশলে একটি কথায় দেখাইয়াছেন, শুনুন ;—

সীতাকে নিরলংকারা দেখিয়া, সরমা মনের দ্বংখে রাবণকে তিরস্কার করিয়া বলিলেন,—

“নিষ্ঠুর, হায়, দৃষ্ট লংকাপতি!  
কে ছেঁড়ে পদের পর্ণ? কেমনে হরিল  
ও বরাঙ্গ-অলংকার, বদ্বিহনে না পারি?”

গাবণ “দুঃখ” হইলেও তিনি এ দোষে দোষী নহেন। সুতরাং সীতা রাবণের প্রতি আরোপিত এই দোষের ফালন না করিয়া থাকিতে পারিলেন না। তিনি বলিলেন ;—

“বৃথা গজ দশাননে তুমি, বিধুমুখি!  
আপনি খুলিয়া আমি ফেলাইনু দূরে  
আভরণ, যবে পাপী আমারে ধরিল  
বনাপ্রসঙ্গে। ছড়াইনু পথে সে সকলে,  
চিহ্ন-হেতু।”

রাবণের প্রতিও সীতার এমন উদারতা (charity) মধুসূদনের কীর্ত্তি।

আর একটি বিষয়েও মধুসূদন সীতা-চরিত্রের উৎকর্ষ সাধন করিয়াছেন। মায়া-মৃগের পশ্চাতে রাম ধাবমান হইয়া দূর বনে গিয়া পড়িয়াছেন ;—কুটীরে সীতা এবং প্রহরী লক্ষ্মণ। সীতা সহসা দুরাগত আত্মনাশ শুনিলেন ;—

“কোথারে লক্ষ্মণ ভাই এ বিপত্তি কালে ?”—

সীতা বিচলিত হইয়া লক্ষ্মণকে যাইতে বলিলেন। লক্ষ্মণ রামের বাহুবল অবগত ছিলেন ; সুতরাং তিনি রামের জন্য ব্যাকুল না হইয়া, বরং সীতাকে সেই ভয়-সঙ্কুল বিজন বনে একাকিনী রাখিয়া যাইতেই আশঙ্কিত হইয়া, সীতার আত্মা পালন করিতে পারিলেন না। তখন রামায়ণে দেখিতে পাই, সীতা লক্ষ্মণকে অকথ্য ও অশ্রাব্য কথায় গালি দিয়াছিলেন। সে কথা উচ্চারণ করিতেও আমাদের কুণ্ঠা হয়। মনে হয়, যেন সেই পাপেই সীতাকে সুদীর্ঘ-কাল লঙ্কার অশোকবনে প্রায়শ্চিত্ত করিতে হইয়াছিল! মানবচরিত্র এবং ঘটনা-পরম্পরার বিচার করিয়া লক্ষ্মণের প্রতি সীতার এই কটুস্তি সম্বন্ধে বাস্তবিককে সমর্থন করিতে পারা গেলেও, আমরা যখন সমগ্র রামায়ণের সীতা ও লক্ষ্মণকে চিনিয়াছি, তখন আমাদের কাণে ঐরূপ কটুস্তি বেজায় বাজে। মধুসূদনেরও বাজিয়াছিল। তাই, তিনি সীতার মুখে অশ্রাব্য কটুস্তি না দিয়া, তাঁর তিরস্কারে লক্ষ্মণকে রামের অন্তর্বেশে যাইতে বাধ্য করিলেন।

“সুদামিতা শামুড়ী মোর বড় দয়াবতী ;  
কে বলে ধরিয়াছিল গর্ভে তিনি তোরে,  
নিষ্ঠুর? পাষাণ দিয়া গড়িলা বিধাতা  
হিয়া তোরে! ঘোর বনে নিষ্ঠুর বাঘিনী  
জন্ম দিয়া পালে তোরে, বদ্বিন্দু, দম্ভমতি।  
রে ভীরু, রে বীরকুলগানি, যাব আমি,  
দেখিব করুণ স্বরে কে স্মরে আমারে  
দূর বনে!”

লক্ষ্মণের ন্যায় বীরের প্রতি “রে ভীরু,” “রে বীরকুলপ্রানি,” বড় সামান্য গালি নয় এবং রমণীর মুখে “যাব আমি,” বীর লক্ষ্মণের পক্ষে বড় কম গজনার কথা নহে! কিন্তু তাহা হইলেও, এমন অবস্থায় এমন তীর তিরস্কার ও গজনা সীতার মুখে অসঙ্গত হয় নাই;—তীক্ষ্ণ হইলেও, ইহা মন্মথাতী নহে;—ইহাতে অকথ্যতা বা অশ্রাব্যতা নাই। রামায়ণের সীতা-চরিত্রের এই কালিমা-রেখাটুকু মধুসূদন স্ফালন করিয়া উৎকর্ষ সাধনই করিয়াছেন।

পদুশ্বেহি বলিয়াছি, এই সীতা-চিত্রে মধুসূদন নানাবিধ কাব্যকলার প্রয়োগ করিয়াছেন। হুরগকালে মুচ্ছাপ্রাপ্ত সীতার স্বপ্ন, উহার অন্যতম। তখন সীতার চক্ষে জগৎ অন্ধকার; কোথায় যাইতেছেন, তার ঠিক নাই;—রাম-লক্ষ্মণের কেহই জানিলেন না;—বিজন-বন, কেহই দেখিল না;—ভবিষ্যৎ গাঢ় অন্ধকার! তিনি আশ্রয় চেষ্টা করিতে লাগিলেন;—কিন্তু শূন্যের লোক কই? নিরুপায় হইয়া, তিনি অগ্নির অলঙ্কাররাজি খুলিয়া ছড়াইতে ছড়াইতে চলিলেন;—কিন্তু তাহার ফলাফল অনিশ্চিত। তিনি মনের আবেগে আকাশকে ডাকিলেন, সমীরণকে ডাকিলেন, মেঘকে ডাকিলেন;—কিন্তু সে ত মনের আবেগ মাত্র! তবে কি সীতা, এ বিপদে নিতান্তই অকূল সমুদ্রে ভেলা? সীতার ভবিষ্যৎ কি একান্তই নৈরাশ্যময়? মানব-মনের পক্ষে এরূপ অবস্থা বড়ই ভয়ঙ্কর! ভাবিলে হৃৎকম্প হয়! এইরূপ স্থলই করদুর্গ কাব্যকলার উপযুক্ত অবসর; এবং মধুসূদন তাহা প্রয়োগ করিতে ভুলেন নাই;—অতি সুন্দররূপেই তাহা প্রয়োগ করিয়াছেন। সীতাকে ভূমিতে রাখিয়া, রাবণ বৃদ্ধ জটায়ুর সহিত যুদ্ধ করিতে প্রবৃত্ত। নিরুপায় হইয়া, সীতা জননীর আরাধনা করিলেন;—

“এ বিজন দেশে,  
মা আমার, হ'য়ে দ্বিধা, তব বক্ষঃস্থলে  
লহ অভাগীরে, সাধিদ!”—

তখন রাবণ ও জটায়ুর তুমুল যুদ্ধ চলিতেছে;—

“কাঁপলা বসুধা, দেশ পূরিল আরবে!”

সীতা অচেতন হইলেন। তখন যাহা ঘটিয়াছিল, সীতা সরমাকে বলিতেছেন,—

“শুন, লো ললনে,  
মনঃ দিয়া শুন, সই, অপদূর্ষ কাহিনী!  
দেখিন্দু স্বপনে আমি বসুন্ধরা সতী,  
মা আমার! দাসী-পাশে আসি দয়াময়ী  
কহিলা, লইয়া কোলে, সুমধুর বাণী :—

‘বিধির ইচ্ছায়, বাছা, হরিছে গো তোরে  
 রক্ষো রাজ ; তোর হেতু সবংশে মজিবে  
 অধম! এ ভার আমি সহিতে না পারি,  
 ধরিন্ গো গর্ভে তোরে লক্ষা বিনাশিতে!  
 যে কুক্ষণে তোর তনু ছুইল দুষ্মণিত  
 রাবণ, জানিন্ আমি সুপ্রসন্ন বিধি  
 এতদিনে মোর প্রাণ : আশীষিন্ তোরে!  
 জননীর জ্বালা দূর করিলি মৈথিলী!  
 ভবিতব্য দ্বার আমি খুলি, দেখ্ চেয়ে’।”

অকূল সমুদ্রে ভাসমান ভেলার পক্ষে সুদূরে প্রান্তে একটি ক্ষীণ আলোক  
 যেমন, স্বপ্নে জননীর এই বাণীও তেমনই সীতার নৈরাশাময় হৃদয়ে ক্ষীণ একটু  
 আশার সঞ্চার করিল। তারপর বসুন্ধরা ভবিতব্য পট ঠিক Bioscope-এর মত  
 করিয়া স্বপ্নময়ী সীতার চক্ষে এক এক করিয়া দেখাইলেন। তাহাতে স্ব্যামদূক  
 পর্ষতে রামের সহিত সুগ্রীবাদি পণ্ড বীরের মিলন হইতে রাবণ-বধ পর্যন্ত  
 সমস্ত দৃশ্যই সীতা দেখিলেন। রাবণ-বধের পরে সুব্রবালাগণ সীতাকে রামের  
 হস্তে পুনরায় সমর্পণ করিবেন বলিয়া, সীতাকে লইয়া যাইতেছেন :—তখন  
 যাহা ঘটিল, সীতার কথাতেই শুনুন :—

“হেঁরিন্ অদূরে নাথে, হায় লো যেমতি  
 কনক উদয়াচলে দেব অংশুমালী!  
 পাগলিনী-প্রায় আমি ধাইন্ ধরিতে  
 পদযুগ, সুবদনে!—জাগিন্ অর্মানি!”

ঘোর অন্ধকার রাত্রিতে পথহারা পথিকের মনে প্রাতঃসূর্যোদয়ে যে ভাব হয়,  
 স্বপ্নে এই সুদীর্ঘব্যাপী ঘটনা-পরম্পরার অবসানে রামকে দেখিয়া, সীতার মনের  
 ভাব সেইরূপই হইয়াছিল। এমন সময়ে সীতার মোহভঙ্গ হইল :—সুখের  
 স্বপ্নও বিলীন হইল! জাগিয়া সীতা দেখিলেন,—যে রাবণ, সেই রাবণ! আর  
 জটায়ু :—

“ভূতলে, হায়, সে বীরকেশরী  
 তুঙ্গ শৈলশৃঙ্গ যেন চূর্ণ বজ্রাঘাতে!”

আবার যে নৈরাশ্য, সেই নৈরাশ্য!—যে অকূল সমুদ্র, সেই অকূল সমুদ্র!  
 কিন্তু তবু এই স্বপ্নে একটা আশার বাণী দিয়া গেল। এতগুলি ভবিষ্যৎ  
 ঘটনার দৃশ্য; তাহাও আবার জননী-কর্তৃক প্রদর্শিত!—ইহা স্বপ্ন হইলেও,

‘মথ্যা হইবার নহে। নৈরাশ্যময় হৃদয়ে এইটুকুই যথেষ্ট। এই দীর্ঘকাল অশোকবনে সীতা, বোধ হয়, এই আশার স্বপ্ন অবলম্বন করিয়াই বাঁচিয়া আছেন। সীতার কাছে এ স্বপ্ন অমূল্য। তাই এই স্বপ্ন-কাহিনী শুনাইতে গিয়া, সীতা সরমাকে বলিয়াছিলেন :—

“শুন লো ললনে,  
মনঃ দিয়া শুন, সই, অপূৰ্ণ কাহিনী!”

সরমা মন দিয়া সবই শুনিলেন। এ পর্যন্ত স্বপ্নের সকল ঘটনাই ফলিয়াছে, সুতরাং আর বাহা বাকী, তাহাও ফলিবে,—এইরূপ সান্ত্বনাও দিলেন। শেষে বলিলেন,—

“আশু পোহাইবে  
এ দঃখ-শৰ্ব্বরী তব! ফলিবে, কাহিনী,  
স্বপ্ন! বিদ্যাধরদল মন্দারের দামে  
ও বরাঙ্গ, রঙ্গে আসি, আশু সাজাইবে!  
ভেটিবে রাঘবে তুমি, বসুধা-কামিনী  
সরস বসন্তে যথা ভেটেন মধুরে!  
ভুল না দাসীরে সাধি! ষতদিন বাঁচি,  
এ মনোমন্দিরে রাখি, আনন্দে পূজিব  
ও প্রতিমা নিত্য,”

বিদায়কালে সরমার এই ভক্তিপূর্ণ নিবেদন যেন বাস্তবিকই দেবী-প্রতিমার পদে অধম মানবীর নিবেদন বলিয়াই মনে হয়। সীতাও সরমার প্রতি কৃতজ্ঞতা-রসে আপ্লুত! যেন সরমার ভক্তিকে আচ্ছন্ন করিয়াই, সীতা-হৃদয়ের কৃতজ্ঞতা ফুটিয়া উঠিল :—

“সরমা সখি, মম হিতৈষণী  
তোমা সম আর কি লো আছে এ জগতে?  
মরুভূমে প্রবাহিণী মোর পক্ষে তুমি,  
রক্ষাবধু! সূশীতল ছায়া-রূপ ধরি,  
তপন-তাপিতা আমি, জুড়ালে আমারে!  
মুস্তির্মতী দয়া তুমি এ নিন্দয় দেশে!  
এ পঙ্কল জলে পদ্য! ভুজ্জগিনী-রূপী  
এ কাল কনক-লঙ্কা-শিরে শিরোমণি!  
আর কি কহিব সখি? কাঙ্গালিনী সীতা,  
তুমি লো মহাহঁ রত্ন!”—

“কাঙ্গালিনী” সীতা সরমাকে এই কৃতজ্ঞতা-উপহার সজল নয়নেই দিয়াছিলেন, ইহা অনুমান করিতে হয় ; কিন্তু ইহাতে পাঠকের সজল নয়ন আর অনুমান করিতে হয় না! তখন, চেড়ীবন্দেব আগমন-আশঙ্কায়—

“আতঙ্কে কুরঙ্গী যথা, গেলা দ্রুতগামী •

সরমা: রহিলা দেবী সে বিজন বনে,

একটি কুসুম মাত্র অরণ্যে যেমতি!”

অশোকবনের দৃশ্যারম্ভে আমরা সীতাকে “একাকিনী” দেখিয়াছিলাম :—এখন আবার যে একাকিনী, সেই একাকিনী হইলেও, আমরা নিজের মন দিয়া বেশ বদ্বিতে পারি যে, “হিতৈষিণী”র কাছে দঃখের কাহিনী কহিয়া হৃদয়ের দঃখভার-লাঘব, এ অবস্থায় যতটুকু সম্ভব, তাহা সীতার হইয়াছে :—আর সমবেদনা ও সান্থনায় সীতার মনে এ অবস্থায় যতটুকু শান্তি দেওয়া সম্ভব, সরমা তাহা দিয়া গেলেন। সীতার ন্যায়, পাঠকের মনও অজ্ঞাতসারে সরমার প্রতি কৃতজ্ঞতা-রসে পূর্ণ হইয়া উঠে।

তারপর, এই সীতা-চিত্রে মধুসূদনের চরম কৃতিত্ব সীতার রক্ষোদঃখ-কাতরতায়। রামায়ণে আমরা অত্যাচারকারিণী চেড়ীদিগের প্রতি সীতার ক্ষমা-গুণের উদাহরণ পাই। যুদ্ধের শেষে, হনুমান্ ঐ সকল চেড়ীদিগকে প্রাণে মারিবার অনুমতি চাহিলে, সীতা বারণ করিয়াছিলেন,—বলিয়াছিলেন যে উহারা রাবণের আজ্ঞা প্রতিপালন করিয়াছে মাত্র, উহাদের দোষ নাই। ইহা আদর্শ গুণ, তাহাতে সন্দেহ নাই। মেঘনাদবধের কবির সে সুযোগ হয় নাই। কিন্তু রক্ষোদঃখে কাতরতা উহা অপেক্ষাও উচ্চাদর্শ, এবং মধুসূদনই তাহা দেখাইয়াছেন। হরণকালে যখন মূর্ছাগত সীতা স্বপ্নে ভাবিতব্য ঘটনার পট দেখিতেছেন, তখন লঙ্কায়ুদ্ধে লঙ্কার হাহাকার রব শুনিয়া, স্বপ্নেই সীতা চঞ্চল হইয়া বসুন্ধরাকে বলিয়াছিলেন :—

“রক্ষঃকুলদঃখে বৃক ফাটে, মা আমার!”—

ইহাতে সীতা-হৃদয়ের কোমলতা এবং তাঁহার রক্ষোদঃখ-কাতরতার ইঙ্গিত থাকিলেও, ইহা স্বপ্নের আবেগ মাত্র। কবির মন এইটুকু আভাস দিয়াই ক্লান্ত থাকিতে পারে না : আব চিলও তাহাতে উজ্জ্বল হয় না। তাই কবি নবম সর্গে আর একবার অশোকবনের করুণ দৃশ্য উদ্ঘাটিত করিয়াছেন।

লক্ষ্মণ-কর্তৃক মেঘনাদ নিহত হইয়াছেন :—রাবণ রামের কাছে সাত দিনের জন্য সন্ধি ভিক্ষা করিয়া আজ মেঘনাদের অস্তোষ্টিক্রিয়া করিবেন,—প্রমীলা মৃত পতির সহানুগমন করিবে। সুতরাং লঙ্কায় আজ নিরন্তর হাহাকার রব! কিন্তু সীতা কিছুই জানিতেছেন না। জিজ্ঞাসা করিলে, চেড়ীরা মারিতে

ধাসে! সীতার দঃখে দঃখিনী সরমা ইন্দ্রজিৎ-বধের সুসংবাদ লইয়া, অশোক-বনে উপস্থিত;—

“যথায় অশোক-বনে বসেন বৈদেহী  
অতল জলাধ-তলে, হয় রে, যেমতি  
বিরহে কমলা সতী, আইলা সরমা—  
রক্ষঃকুলরাজলক্ষ্মী রক্ষাবধ-বেশে।  
বন্দি চরণারবিন্দ বসিলা ললনা  
পদতলে।”

সরমার মুখে ইন্দ্রজিৎের বধ-বাস্তবী শুনিয়া, সীতা লক্ষ্মণকে ধন্যবাদ করিতেছেন:— কিন্তু কাণ তাঁহার, লক্ষ্যকার হাহাকারের দিকে:—

“কিন্তু শুন কাণ দিয়া! ক্রমশঃ বাড়িছে  
হাহাকার-ধ্বনি, সখি!”—

তারপর যখন শুনিলেন:—

“প্রমীলা সুন্দরী ত্যজি’ দেহ দাহ-স্থলে,  
পতির উদ্দেশে সতী, পতিপুয়ায়ণা,  
যাবে স্বর্গ-পদরে আজি!”—

তখন “ভব-তলে মূর্ত্তিমতী দয়া” সীতা অশ্রু সম্বরণ করিতে পারিলেন না। সরমার সহিত তিনিও কাঁদিয়া কহিলেন:—

“কুক্ষণে জনম মম, সরমা রাক্ষসি!  
সুখের প্রদীপ, সখি, নিবাই লো সদা,  
প্রবেশি যে গৃহে, হয়, অমঙ্গলা-রূপী  
আমি। পোড়া ভাগ্যে এই লিখিলা বিধাতা!  
নরোত্তম পতি মম, দেখ, বনবাসী!  
বনবাসী, সুলক্ষণে, দেবর সুমতি  
লক্ষ্মণ! ত্যজিলা প্রাণ পুত্রশোক, সখি,  
শ্বশুর! অযোধ্যাপুরী অধার লো এবে!  
শূন্য রাজ-সিংহাসন! মরিলা জটায়ু,  
বিকট বিপক্ষ-পক্ষে ভীম-ভুজবলে,  
রক্ষিতে দাসীর মান! হ্যাঁদে দেখ, হেথা,  
মরিল বাসবজিৎ অভাগীর দোষে,



আর রক্ষোরথী যত, কে পারে গণিতে?  
মরিবে দানববালা অতুলা এ ভবে  
সৌন্দর্য্যো! বসন্তারম্ভে, হাস লো, শুকাল  
হেন ফুল!"—

সরমা সান্ধনা দিলেন ;—

“দোষ তব, কহ কি, রূপসি?  
কে ছিঁড়ি আনিল হেথা এ স্বর্ণরততী,  
বাণিয়া রসাল-রাজে? কে আনিল তুলি  
রাঘব-মানস-পদু এ রাক্ষস-দেশে?  
নিজ কৰ্ম্ম-দোষে মজে লঙ্কা-অধিপতি।”

রক্ষোদত্তে সরমা কাঁদিতে লাগিলেন ; আর সেই স্রোতঃ ;—

“রক্ষঃকুল-শোকে সে অশোকবনে  
কাঁদিল রাঘব-বাছা—দত্তাথী পর-দত্তে।”

এই ক্রন্দনেই মধুসূদনের অশোকবনের চিত্র শেষ হইল! ক্রন্দনে ইহার আরম্ভ হইয়াছে,—মধ্যেও নিরন্তর ক্রন্দন!—সীতার শোকের ক্রন্দনের সহিত সরমার সমবেদনার ক্রন্দন মিশিয়া এক অপূৰ্ণ অশ্রু-প্রবাহ, এই সীতা-সরমার সম্মিলন!

মধুসূদন তাঁহার মেঘনাদবধকাব্যে অশোকবনে সীতা ও সরমার এই চিত্রপটখানি সূচ্যারু কাব্যকলার সাহায্যে কি সুন্দর করিয়াই আঁকিয়াছেন! ইহা সমবেদনা ও সান্ধনার শীতল ছায়ায় শোকের কি সৰু চিত্র! করুণ-রসের সহিত পূৰ্ণ-স্মৃতির মাধুর্য্য-রস মিশাইয়া, কি অপূৰ্ণ রসেরই সৃষ্টি করা হইয়াছে! ইহাতে উৎকট উৎপীড়নের নিদারুণ দৃশ্য নাই; অথচ ইহার মাধুর্য্য রসেও যেন পাঠককে অশ্রুসিক্ত হইতে হয়।

বাস্তবিকর সীতাকে যেন crystallise করিয়া, মধুসূদন তাঁহার এই কাব্যে দেখাইয়াছেন; এবং তাহার উপরেও বর্ণপাত করিয়া, তাহাকে আরও সমৃদ্ধ করিয়া, পাঠকের চক্ষে ধরিয়াছেন। রামায়ণে সীতার আদর্শ খুব উচ্চে প্রতিষ্ঠিত থাকিলেও, মধুসূদন তাঁহার অসাধারণ কাব্যকলার গুণে যেন সেই আদর্শ আরও উচ্চে প্রতিষ্ঠিত করিয়া গিয়াছেন। আর সরমা,—যিনি রামায়ণে রেখাঙ্কিতা মাত্র,—সেই সরমা মধুসূদনের কৃপায় ভক্তিমতী সান্ধনা ও সমবেদনা যেন মূর্ত্তিমতী হইয়া, সীতার পদতলে ও পাঠকের হৃদয়ে অপূৰ্ণ

শ্রী ধারণ করিয়াছে। ইহাও মধুসূদনের অসাধারণ কৃতিত্ব। মধুসূদন যদি আর কিছু না করিয়া, কেবল এই সীতা-সরমা চিত্রটি মাত্র দিয়া যাইতেন, তাহা হইলেও তাঁহার নাম বঙ্গসাহিত্যে স্বর্ণাক্ষরে লিখিত থাকিত।

[ নারায়ণ, ১০২২ ]

## বাঙ্গলার গীতিকবিতা

চিন্তরঞ্জন দাশ

বাঙ্গলার জল, বাঙ্গলার মাটীর মধ্যে একটা চিরন্তন সত্য নিহিত আছে। সেই সত্য, যুগে যুগে আপনাকে নব নব রূপে, নব নব ভাবে প্রকাশিত করিতেছে। শত সহস্র পরিবর্তন, আবর্তন ও বিবর্তনের সঙ্গে সঙ্গে সেই চিরন্তন সত্যই ফুটিয়া উঠিয়াছে। সাহিত্যে, দর্শনে, কাব্যে, যুদ্ধে, বিপ্লবে, ধর্মে, কর্মে, অজ্ঞানে, অধর্মে, স্বাধীনতায়, পরাধীনতায়, সেই সত্যই আপনাকে ঘোষণা করিয়াছে, এখনও করিতেছে। সে যে বাঙ্গলার প্রাণ,—বাঙ্গলার মাটী, বাঙ্গলার জল, সেই প্রাণেরই বহিরাবরণ। বাঙ্গলার ডেউখেলান শ্যামল শসাক্ষেত্র, মধু-গন্ধ-বহু মৃকুলিত আলোকানন, মন্দিরে মন্দিরে ধূপ-ধূনা-জ্বালা সন্ধ্যার আরতি, গ্রামে গ্রামে ছবির মত কুটীর-প্রাঙ্গণ, বাঙ্গলার নদ-নদী, খাল-বিল, বাঙ্গলার মাঠ, বাঙ্গলার ঘাট, তালগাছ-ঘেরা বাঙ্গলার পুষ্করিণী, পুজার ফুলে ভরা গৃহস্থের ফুলবাগান, বাঙ্গলার আকাশ, বাঙ্গলার ব্যাস, বাঙ্গলার তুলসীপত্র, বাঙ্গলার গঙ্গাজল, বাঙ্গলার নবম্বীপ, বাঙ্গলার সেই সাগরতরঙ্গে চরণ-বিধৌত জগন্নাথের শ্রীমন্দির, বাঙ্গলার সাগর-সঙ্গম, ত্রিবেণী-সঙ্গম, বাঙ্গলার কাশী, বাঙ্গলার মথুরা-বৃন্দাবন, বাঙ্গালীর জীবন, আচার-ব্যবহার, বাঙ্গলার সমগ্র ইতিহাসের ধারা যে সেই চিরন্তন সত্য, সেই অখণ্ড অনন্ত প্রাণেরই পবিত্র বিগ্রহ! এই সবই যে সেই প্রাণ-ধারায় ফুটিয়া ভাসিতেছে, দুলিতেছে!

সেই প্রাণ-তরঙ্গে একদিন অকস্মাৎ ফুটিয়া উঠিল এক অপূর্ণ অসংখ্যদল পদ্যের মত বাঙ্গলার গীতিকাব্য! কিন্তু ফুল ত একদিনে ফটে না। তাহার ফুটনের জন্য যে অতীতের অনেক আগ্নেয়জন আবশ্যক। তাহার প্রত্যেক দলের

মধ্যে যে অনেক গান, অনেক কথা, অনেক কাহিনী। তাহার গন্ধের মধ্যে যে অনেক কালের অনেক স্মৃতি, অনেক মধু জড়াইয়া থাকে। তাহার ডাঁটায় যে জন্ম-জন্মান্তরের চিহ্ন লুকান থাকে। ফুল যে অনন্তকাল ধরিয়া ফুটিতে ফুটিতে ফুটিয়া উঠে।

বাংলার গীতিকাব্য যে কখন কোন্ আদিম উষ্ম ফুটিতে আরম্ভ করিল, আমি জানি না। শুনিয়াছি, সন্ধ্যা-ভাষায় লিখিত পদ্যরতন বৌদ্ধ দৌঁহায় তাহার উন্মেষ দেখিতে পাওয়া যায়। চন্ডিদাসের সময়ে সেই গীতিকাব্যের বিকশিত অবস্থা। কিন্তু তার আগে অনেক গীতিকাব্য না লেখা হইয়া থাকিলে এরূপ কবিতা সম্ভব হয় বলিয়া আমার মনে হয় না। আজকাল আমাদের সাহিত্যের ইতিহাস-সম্বন্ধে অনেক অনুসন্ধান, অনেক আলোচনা ও গবেষণা চলিতেছে। আশা করি, একদিন আমরা আমাদের গীতিকাব্যের এই হারান ধারাকে খুঁজিয়া বাহির করিতে পারিব।

চন্ডিদাসের লিখিত যে গীতিকাব্য, ইহাই বাংলার যথার্থ গীতিকাব্য। এই কবিতাগদ্যের মধ্যে যে প্রাণের সাড়া পাওয়া যায়, তাহাই বাংলা গীতিকবিতার প্রাণ। বাংলা চক্ষু মেলিয়া চাহিয়া দেখিল, রূপে রূপে এ বিচিত্র ভুবন ভরিয়া আছে। কত কাল, কত যুগ, কোন্ অন্ধকারের অন্ধকারে রূপের ধ্যানে মগ্ন আমার বাংলা জাগিয়া দেখিল, উদ্বেগ অনন্ত নীল, নীলের পর নীল, অণুল-ধারে কল-কল্লোলে গঙ্গা বহিয়া যায়, চরণতলে কলহাস্যময় মহাসমুদ্র অনন্ত সূরে গাইয়া উঠিয়াছে,—তাহার বৃকের উপর আছড়াইয়া পড়িতেছে : শিরে হিমালয় কাহার ধ্যানে নিমগ্ন! বাংলা দেখিল, তাহার আশে পাশে এত রূপ, এত সুর, এত গান,—মন-প্রাণ বিচিত্র রসে ভরিয়া উঠিল। ভরা মনে, ভরা প্রাণে ব্যাকুল হইয়া শুনিল, প্রাণের ভিতর কাহার সাড়া, কাহার আকুল আহ্বান! তখন বাংগালীর কবি গাইয়া উঠিল,—

“কাণের ভিতর দিয়া মরমে পশিল গো  
আকুল করিল মোর প্রাণ”

বাংলা তখন প্রাণের ভিতর ডুব দিয়া দেখিল, কত মণি, কত মাণিকা তাহার সেই আঁধার প্রাণের পরতে-পরতে আলোক বিকিরণ করিতেছে। ভাবিল, আমার প্রাণে কে আছে, কি আছে? কে আমাকে বাহির হইতে রূপে, রসে, গানে, গন্ধে জড়াইয়া-জড়াইয়া আকুল করে, আবার অন্তরের অন্তরে আসিয়া এমন করিয়া স্পর্শ করে? কাহাকে বাক্ত করিতে চাই? কে বিনা চেষ্টায় আপনা-আপনি এমন করিয়া বাক্ত হইয়া উঠে? বাংলা প্রাণে-প্রাণে বুঝিল, এ যে বাহিরের ও ভিতরের এক অপূর্ণ মিলন। এই মিলন উপভোগ করিবার জন্য ব্যাকুল হইয়া উঠিল। চাহিয়া দেখিল, অনন্ত সাগর দূরে দেখানো

দিকচক্রবালের পরিধি পারে মিলিয়াছে, সেখানে শব্দ এক রেখার মত সরল, শান্ত, নিবিড়, যেন মিলাইয়াও মিলায় নাই, মিশিয়াও মিশে নাই, প্রভেদ অথচ অভেদ। আবার ফিরিয়া দেখিল, ধরণী মহাকাশকে চুম্বন করিতেছে, ঢলিয়া পড়িয়া বলিতেছে, “হে আকাশ, আমাকে লও, আমি যে তোমারই।” আকাশও ধরণীকে বন্ধুর ভিতর টানিয়া লইয়াছে, বলিতেছে, “এস, এস, আমি ত তোমারই।” দেখিল, সে এক মহামিলন। বদ্বিল, জন্মে-জন্মে সকলই সার্থক! জন্ম সার্থক! মৃত্যু সার্থক! দেহ সার্থক! প্রাণ সার্থক! আত্মা সার্থক! এই মহামিলন সার্থক! বাহির শব্দ বাহির নয়, অন্তর শব্দ অন্তর নয়। ইন্দ্রিয় দিয়া যাহা প্রথম ধরা যায়, তাহা শব্দ বহিরাবরণ। প্রত্যেক প্রত্যক্ষের, প্রত্যেক ভাবেরই একটা অন্তঃপ্রকৃতি আছে। সেই বহিরাবরণ ও অন্তঃপ্রকৃতি মিলিয়া-মিশিয়া এক। তাহারই নাম বস্তু। জীবন এই মহামিলন-মন্দির। কত বিচিত্র রূপ, কত বিচিত্র গন্ধ, কত বিচিত্র রস, কত না সুরের খেলা, কত না রসের মেলা :—আমরা যে তিলে-তিলে নতুন হইয়া উঠিতেছি। বাঙ্গলার কবি তখন চামর ঢুলাইতে ঢুলাইতে গাইলেন,—

“নব রে নব নিতুই নব,  
যখনি হেরি তখনি নব!”

আদিম-বৃগ হইতে বাঙ্গলার বন্ধু অনেক অশা, অনেক ভাব আপনা-আপনি জন্মাট বাঁধিতেছিল। সে যে হৃদয়ের মূৰ্খ, জানে কি অজ্ঞানে, কাহার খোঁজ করিতেছিল, মিলন-পরশের জন্য আকুল হইয়া অপেক্ষা করিতেছিল। মনের ভিতর ডুবিয়া ডুবিয়া যেই দেখিতে পাইল, আর সে আনন্দ ধরিয়া রাখিতে পারিল না। তখন কবি গাইয়া উঠিলেন,—

“হৃদয়ে আছিল বেকত হইল  
দেখিতে পাইনু সে”

হৃদয়ের মাঝে যে ভাব আপনা-আপনি ফুটিতেছিল, সে যেন মূর্ত্তি ধরিয়া জাগিয়া উঠিয়াছে! সে রূপ কেমন? যেন,—

“চরণ-কমলে স্রমরা দোলয়ে  
চৌদিকে বোড়িয়া ঝাঁক”

তাহাকে দেখিয়া কবি বাহ্যজ্ঞান হারাইয়াছিলেন, শব্দ অন্তরের ভিতর মরমের সেই লুকান ঘরে বিভোর হইয়া দেখিতেছিলেন। যখন বাহ্যজ্ঞান ফিরিয়া আসিল, তখন দেখিতে পাইলেন—তাহার সেই মানস-প্রতিমা, জীবন-প্রতিমা—

“চম্পক-বরণী, হরিণ-নয়নী\*\*\*  
চলে নীল সাড়ী নিংগাড়ি নিংগাড়ি  
পরান সহিত মোর।”

ইহাই বাঙালা গীতিকবিতার প্রাণ। প্রাণের সঙ্গে, মস্মের সঙ্গে, ভাবের সঙ্গে, ভাবের সঙ্গে, কস্মের সঙ্গে, ধস্মের সঙ্গে,—জীবনের সঙ্গে, বাহিরের ও ভিতরের এমনই প্রাণস্পর্শী মিলন। বাঙালী জানক, আর নাই জানক, বদক, আর নাই বদক, আমার বাঙালার প্রাণ সে মহামিলনে, ভোর হইয়া আছে। সেই মহামিলন-মন্দিরে পূজা যে নিয়ত চলিতেছে, বাঙালার গান, তাহার আরাগ্নিক—বাঙালার ভাষা তাহার মন্ত। সেই বাঙালার কবি চাঁদদাস। সেই কবিতা বাঙালীর কবিতা।

বাঙালা দেশে সাহিত্যের অঙ্গনে এই গীতিকাব্য লইয়া আজকাল এক-প্রকার মল্লযুদ্ধ বাঁধিয়াছে। নানাপ্রকার তর্ক-বিতর্ক, দলাদলি, ঘেঁষ, ঈর্ষ্যা জাগিয়াছে। আজ দেখিতেছি, যে প্রাণের অনুভূতি লইয়া চাঁদদাস প্রভৃতি কবিরা গান গাইয়াছিলেন, সে ধারা, সে প্রাণের মতন, মনের মতন, সে “বিষামূতে একটু করিয়া” প্রাণরসে সে বংশী আর যেন ফুকারিয়া উঠে না। কাব্য লইয়া, কবিতা লইয়া, সাহিত্য লইয়া, রস-সৃষ্টি লইয়া, নানা বিশ্লেষণ, কঠোর অনুশাসন, ধর্ম ও নীতির দোহাই, আদর্শের বড়াই, স্বজাতীয়তা ও বিজাতীয়তা, নিকৃতির ওজনে তৌল করিয়া, কষ্টিপাথরে খাদ কত পড়ে, এই যাচাই, বাছাই, ঝাড়াই করিতেই দিন গত হয়, কিন্তু—

“দিন গত নহে শ্যাম, তব চরণে এ দিন গত”

সে সুরের, সে সৃষ্টির, সে জাগরণের, সে মিলনের কথা নাই, সে কথা বন্ধুবার ইচ্ছাও নাই। সে বাঁশীর ধ্বনি আর শ্রুতিতে পাই না—

“সিন্ধু নিকটে যদি কণ্ঠ শব্দ থাকে  
কে দূর করব পিয়াসা”

আমাদের ঠিক সেই অবস্থা।

আজ এই সাহিত্যের প্রাঙ্গণে দাঁড়াইয়া সেই তর্ক, মীমাংসা, যুক্তি, এই ভাব-দৈন্যের কারণ বড়াইতে হইলে, আমি যে খুব ভাল করিয়া তাহার ঠিক মীমাংসা, ভাষ্য ও টীকা-টিপ্পনীর সহিত দেখাইতে পারিব, এমন হয়ত না-ও হইতে পারে : তবে বাঙালা কবিতার প্রাণ ও বাঙালা সাহিত্যের আদর্শ যে কি, তাহা বোধ হয়, বলিবার সময় আসিয়াছে। তাই আজ এই সমবেত সাহিত্যের দরবারে আমি সেই সকল কথাই বলিতে চাই, কোন পথে যাইলে হৃদয়-উৎসের দেখা মিলবে, তাহারই খোঁজ করিব।

এখন কথা হইতেছে—কাব্য কি? গীতিকবিতা কি? সাহিত্য কি? সাহিত্যের আদর্শই বা কি? ফুল যেমন তাহার ভরা-রূপের ডালি লইয়া একদিনে ফুটিয়া উঠে না, তেমনি আদর্শও একদিনে, এক মূহুর্তে প্রত্যক্ষ

অনুভূতিতে আসে না। অনন্ত কালের যে অনাহত সংগীতের আহ্বান চলিয়াছে, সেই আহ্বানের টানে ফুল আপনার সেই বিরাগ ও অনুরাগ লইয়া কত যুগ-যুগান্তরের স্মৃতির অক্ষুন্ন ধারার ভিতর দিয়া গোরবে-সৌরভে আপনার আত্মবিকাশ করে। বিকাশই যে জীবনের ধর্ম—রূপে-রূপে বিকাশ, শতেক যুগের ফুল শত জন্ম ধরিয়া ফুটিয়া উঠিতেছে। ভাব-সাগরের প্রতি ঢেউ উঠিয়া, দুলিয়া, আপনার ইচ্ছায় খেলিয়া, আবার সাগরে মিলাইয়া যায়। জীবনের ধর্ম ও বিকাশের ধর্মই তাই। অনন্তকাল হইতে তাহা আছে, অনন্তকালই থাকিবে, তাই চণ্ডিদাস গাইয়াছেন,—

“মাটীর জন্ম না ছিল যখন,  
তখন করিছি চাষ।  
দিবস রজনী না ছিল যখন,  
তখন গণিছি মাস।”

সিতাসিত কালপক্ষ, দিবস-রজনী, সবই ছিল, সবই আছে, সবই তেমনি করিয়া ফুটিয়া উঠিতেছে।

প্রথম কথা, গীতিকবিতার জন্ম কোথায়, কবিতা কি? সাধারণতঃ সোজা কথায় হয়ত বলিতে পারা যায় যে, ছন্দোবদ্ধ সুর-তালে বাঁধা কথাই কবিতা। সমাজ-বিজ্ঞানবিদ তাহার এক সামাজিক তত্ত্ব বাহির করিতে চান, মনস্তত্ত্ববিদ তাহার মানসিক বিশ্লেষণ করিতে পারেন। কিন্তু কল্পকলার দৃষ্টা যে কবি, সে তাহার হৃদয়-মাঝে যে স্বচ্ছ দর্পণখানি আছে, সেইখানে নয়ন ডুবাইয়া দেখে, সে উৎস কোথায়! প্রথম যুগে আদিম মানব যখন বহিঃপ্রকৃতির সহিত যুদ্ধ করিতে করিতে বাস করিত, গাছের ডাল ভাঙিয়া তৃণ দিয়া ছাইয়া, পাতা দিয়া ঘরিয়া, কুটীর রচনা করিয়া, আপনাদের থাকিবার মত আশ্রয় করিয়া লইত; তখন হইতেই তাহাদের ভিতরে একটা সামাজিক ভাব পরস্পর পরস্পরের মধ্যে জাগিয়া উঠিত। তাহারা দলবদ্ধ হইয়া জীবন যাপন করিত। তখন তাহাদের শিক্ষা, অনুশীলন, হাব-ভাব, আচার-ব্যবহারের ধারা, সম্পূর্ণরূপে তাহাদের স্বভাবের ভিতর দিয়াই ফুটিয়া উঠিত। সেই স্বভাব-জাত সংস্কার, জ্ঞানে পরিণত হইবার পথে, স্বাভাবিক সুখ, দুঃখ, ভাব, অভাব যেমন জাগিত, তেমনি মিলিয়া-মিশিয়া পূরণ করিতে চেষ্টা করিত। পূর্ণিমা-রজনীতে যখন জ্যোৎস্নার অনাবিল ধারায় ধরিয়াই স্নাত দেখিত, বিহগ-বিহগীর মধুর স্বরলহরী শুনিত, নিকরের জল-ধারায় আলোড়িত উপলব্ধের ভাষা শুনিত, তাহারা দল বাঁধিয়া নৃত্য করিত, গান করিত, আনন্দ-উদ্বেলিত হৃদয়ে অধীর হইয়া উদ্গতবৎ কত ভাবের ও সুরের প্রকাশ করিত। পাখীর সমবেত কলরবোচ্চিত গানের মত তাহাদেরও ভাষা ফুটিত, সেই প্রথম গান, সেই প্রথম

প্রাণের আবেগ, সেই মানবের প্রথম রসানুভূতি, ইহাই সমাজ-বিজ্ঞানবিদের বিশদ কথা।

দিন গেল, স্বভাব অভ্যাসে দাঁড়াইল, পরস্পর পরস্পরের অনুভূতির দ্বারা নানারূপে ভাব প্রকাশ করিতে লাগিল। দশ জনে মিলিয়া যে নৃত্য-গীত চলিত, তাহা ক্রমে অন্যান্য আকার লইয়া অন্য আবেগের ধারায় নূতন রকমের সৃষ্টি হইতে লাগিল। স্ত্রী-পুরুষের সহজাত সংস্কার-বশে যুগলে মিলিতে লাগিল। তখন সেই দুইয়ের ভিতরে আদান-প্রদান, ভাব-অভাব, মিলন ও বিরহের পাওয়া ও না-পাওয়ার রস উপচিত হইল। গানের ধারাও নূতন হইল, এমনি করিয়া কবিতার জন্ম। তুমি আমি, আমি তুমি, হাসি-কান্নার বিলাস।

মনস্তত্ত্ববিদ বলেন যে, সেই সময়ে যত রকমের মানুষের মনে, যত রকমের সহজাত সংস্কারের খেলা হইতে লাগিল, তত রকমেই তাহার ভাব ও আকারে পরস্পর আপেক্ষিক পরিবর্তন হইতে লাগিল। প্রত্যেক পরিবর্তনই এক এক পৃথক্ ভাবের প্রকাশ, প্রত্যেক সেই প্রকাশের সঙ্গে সুরের ও ভাষার স্ফুর্তি হইতে লাগিল। যেখানে যেমন ভাবটি ভিতরে ছিল, তেমনটিই বাহিরের আকার লইয়া প্রকাশ পায়। না-পাওয়ার জন্য যে ক্রন্দন, সেই ক্রন্দনে এক অপূর্ণ সুর উঠে, সেই সুর গানে পরিণত হয়। জীবন ও মৃত্যু, শোক ও আনন্দই সেই সংস্কার-যুগের বিশেষ লক্ষণ।

তারপর, দিন গেল, নানারূপে তাহা পূর্ণভাবে বিকাশিত হইতে লাগিল। শীত কাটিয়া গেলে যেমন বসন্ত আসে, আদিম যুগের সে জড়তা কাটিয়া গেলে, তেমন জীবনের সরসতা আসিল। বিচিত্র রসানুভূতিতে মানব উৎফুল্ল হইয়া উঠিল। তখন কাঁদিত, দেহের স্বাভাবিক অভাবে ; ক্রমে তাহার ভিতরে মনের ভাবাভাব জাগিল, রূপ-তৃষ্ণা আসিল, ভালবাসিতে শিখিল, পূর্ণ হইতে পূর্ণতর হইতে লাগিল।

কিন্তু কল্পকলার যে স্রষ্টা,—যে কবি,—সে তাহার অনুভূতির ভিতর দিয়া বলিবে, এ যে লীলা! আনন্দঘন-রসাধার মায়াধীশ এমনি করিয়া রসভোগ-লীলা যুগে যুগে করেন। পাখীর বৃকের ভিতরেও তিনি গান, সমীর-হিল্লোলেও তিনিই তান, জলের বৃকে যে আলোকের নৃত্য, সেও যে সেই নিত্য সত্য রংরাঞ্জের রংএর খেলা! তাহার ত আদি অন্ত নাই। কেবল ফুটাইয়া ফুটাইয়া রূপে রূপে বিলাস করিয়া, ভাঙ্গিয়া, গড়িয়া জীবনের চিদানন্দঘন-রস পান করিতেছেন ; বিশ্বপ্রকৃতিও সেই রস পান করিতেছে। সৃষ্টির আদি অন্ত কে ঋজিয়া দিবে? আগে পরে কে বলিবে? ছোট বড় বিচার করিবে কে?

এই সমগ্র জীবনের অনুভূতিই সাহিত্য। প্রত্যেক পা-ফেলা ও প্রত্যেক পা-ফেলার দাগটি। মনস্তত্ত্ববিদ বলেন, এই রূপ-তৃষ্ণা-স্বভাব, সৃষ্টি-বিস্ফোর

জন্য মিলিবার পন্থা। কল্পনার প্রস্টা বলে, এ তৃষা নয়, এ স্ফুর্তি, রূপের ভিতর দিয়া রূপকে পাইবার, আপনাকে ফুটাইবার, খেলা করিবার, লীলার মাধুর্য্য। মাটী ফাটিয়া তৃণ তাহার শ্যামসুন্দর কোমলতা বিছাইয়া দেয়, ফুল ফোটে। পাখী গায়, আকাশে মেঘ-রৌদ্রের রঙের পর রং বলকিয়া যায়, এ সবই আপনিই হয় ; সেই 'আপনি' সেই লীলামৃত রসাধার। এ সবই তাঁরই প্রেমের বিচিত্র রূপ-রস! গভীর পঙ্ক হইতে পঙ্কজিনী শতদল বিকশিত করিয়া মৃদুল বাতাসে দুলে, সেও তাঁহারই লীলা। এ বিশ্ব সৃষ্টি তাঁহারই, এ জীব-সৃষ্টির সকল খেলাই তাঁহারই ; ইহা মায়া নয়, মিথ্যা নয়, কৈতব নয়। ইহা পূর্ণ, রূপে রূপে পূর্ণ ; পূর্ণ হইতে পূর্ণতর বিলাস-লীলার বিচিত্র ক্রীড়া। এই অনুভূতির জীবন্ত, জ্বলন্ত প্রকাশই শ্রেষ্ঠ কল্পকলা, সেই অনুভূতিই সাহিত্যের রস।

কল্পকলার মূল কথা হইল সত্য—জীবনের বিশিষ্ট অনুভূতির সত্য। সে চিরন্তন সত্য কাল-দেশের পরিবর্তনের ভিতরেও তাহার অন্তরঙ্গকে বদল করে না। কল্পকলার অন্তরঙ্গের আদর্শও দেশ-কাল-অতীত—সম্পূর্ণ-বুদ্ধির নীতিও ধর্ম্মের অতীত। কল্পকলা সেই দিব্য দৃষ্টির কথা। এই যে সাধারণ মানুষের অনুভূতি, কল্পকলাবিদ তাহার ভিতরে দেখেন, সেই অন্তরের রসাভাস, সেই রসাভাসের জাগ্রত ছবিখানি তাহার জীবনের এক অনন্ত মৃহুর্ন্তের স্বাক্ষর।

কলাবিদের কাছে ভিতর বাহির একই পদার্থ পরস্পরকে ধরিয়া আছে। শ্রেষ্ঠ কলাবিদ Idealist নয়, Realistও নয়, সে Naturalist; শুদ্ধ ভাব লইয়াও সে স্বপ্নের দেশে ফুল ফুটায় না, শুদ্ধ দেহের রসরক্তের সন্ধানেই কাটায় না। অনন্ত যেমন অনন্ত মৃহুর্ন্ত ধরিয়া আপনা-আপনি নিজেকে স্বাভাবিক পরিণতিতে লইয়া আসে, কলাবিদও তেমনিভাবে জীবনের ধারার সঙ্গে মিলাইয়া মিলাইয়া সৃষ্টি করেন। জীবন যে সাধনা, সে ত স্বপ্ন নয়। এই বিশ্ব যে অনুপম বিশ্বনাথের বিরাট শিল্প, এ মহাকাব্যে সকলেরই যথায়থ স্থান আছে, আলোও আছে, আঁধারও আছে। আদর্শ-জগৎই এই প্রত্যক্ষ জগৎ। বেদান্তের মায়াবাদ ভুল। এ প্রাণ সত্য ; এ শ্রবণ সত্য, এ চক্ষু-সত্য, এ রূপ সত্য, প্রতি অণুরেণু ধূলিকণা হইতে এই মহাবিশ্ব এক জাগ্রত প্রাণময় সত্য। মায়া বলিয়া কোন জিনিষই নাই। জগন্মিথ্যা নয়, এই রূপ-রস-শব্দ-স্পর্শ-গন্ধময়ী পৃথিবীই কলাবিদের প্রাণ। প্রকৃতির প্রাণে যেমন অশ্বকারা যামিনীতে ঝড়াকারা নিশীথিনীর বিদ্যুৎস্ফূরণ হয়, কবির প্রাণেও তেমনি হয়। এমন কোন ক্রিয়াই নাই, যাহা কলাবিদের সৃষ্টির ভূমি হইতে দেখিবার বস্তু নহে। ইহাই সত্য হিন্দুর প্রাণের কথা : যিনি ভাবুক,



যিনি রসিক, এই রস-সাধনা যাঁহার অন্তরঙ্গের ভিতর জাগিয়াছে, তিনি সকল কথা বদ্বিবেক, তাই চাঁদদাস গাইয়াছেন,—

“বড় বড় জন                      রসিক কহয়ে  
    রসিক কেহ ত নয় ;  
 তর তম করি                      বিচার করিলে  
    কোটিকে গুটিক হয়।”

আমি যে মিলনের কথা বলিয়াছি, যিনি যথার্থ কবি, সত্যদ্রষ্টা, তিনি সেই মিলনের উদ্দেশ্যেই বিভোর হইয়া আছেন।

যেমন বিশ্বপ্রকৃতির সকল সৃষ্টি, কল্পকলা-সৃষ্টিও ঠিক সেইরূপ। কারণ ও অকারণের ভিতর দিয়া স্রষ্টা এই মহারূপের বিলাস করিতেছেন, কারণ ও অকারণের মধ্য দিয়া আমরাও জীবনের সেই একই বিলাস-লীলা সাধন করিতেছি। এই যে সাম্য, এই যে সমদর্শন, ইহাই ভারতের শ্রেষ্ঠ দান। এই সাধনার ধারায় মানুষ জীবন্মুক্ত। কলাবিদের জীবন এই ধারায় গঠিত। পাপপুণ্যের বিচার তাঁহার নাই, পাপও সত্য, পুণ্যও সত্য, ত্যাগের বিরাট ভাবও তাঁহার কাছে যেমন সুন্দর, সংসারের স্বার্থপরতার খেলাও তাঁহার কাছে তেমনি মধুর। সবই তাঁহার কেন্দ্র, সব কেন্দ্র হইতেই সকলকে এ সমদর্শনের চক্ৰ দিয়া দোঁষিবার ও অনড়ব করিবার সাধন তাঁহার প্রাণে বর্তিয়া আছে। তিনি সেই সাধনা, সেই সমদর্শনের প্রেমরাগিণীতে সকলকে মোহিত করেন, নিজেও সেই সুধা পান করেন, সেই লীলার সহচর হইয়া রহেন, তাই চাঁদদাস গাইয়াছেন,—

“রূপ করুণাতে                      পারিবে মিলিতে  
    ঘৃচিবে মনের ধাম্দা  
 কহে চাঁদদাস                      পূরিবেক আশ  
    তবে ত খাইবে সুধা।”

এই বিশ্ব-সৃষ্টির রস-মাধুর্য উপভোগ জীবনের চরম। নিজে আত্মস্থ হইয়া এই বিশ্ব-আত্মার সহিত একান্ত যোগই মনুষ্য-জীবনের শ্রেষ্ঠ অনুশাসন। এই মানব-প্রাণের অন্তর-ভূমির সহিত বিশ্ব-প্রাণের যে মিলন-ভূমির অপরূপ দৃশ্য, এই প্রত্যক্ষ ইন্দ্রিয়ের সহিত যে অতীন্দ্রিয় মহা-মিলনের রস, তাহাই শ্রেষ্ঠ কল্পকলার রাজ্য, তাহাই সংসার ও পরমার্থের মিলনে সম্পূর্ণ জীবন। এই মহামিলনের প্রধান দূতী প্রেম, বিশ্লেষণে কোন নূতন সম্পদ গড়িয়া উঠে না। বিশ্লেষণে প্রাণের সমগ্র অনুভূতি হয় না, বিশ্লেষণে ভাষাতে পারে, সৃষ্টি করিতে পারে না। বিশ্লেষণ আমাদিগকে বিচ্ছিন্ন করিয়া, সমগ্রতা হইতে দূরে রাখে। একান্তবোধে অসহায় করিয়া তোলে,—একমাত্র প্রেমই এই মিলনের মহামন্ত্র, সেই সম্বন্ধে ধন। সেই প্রেমের দেবতা, পরিপূর্ণ, সবল,

সহজ, সরল সোহাগ ও আবেগে সকলকেই বৃকের ভিতর টানিয়া লন, তিনি এই সারা বিশ্বে, এ বিশ্ব তাহার! কবিতা যদি এই প্রেমের রাজ্যে না পৌঁছায়, এই প্রাণ চিন্তামণির 'মণি-কোটা'র মণি না মিলাইতে পারে, তবে তাহা প্রাণের কবিতা নয়। গীতিকবিতা সেই প্রাণের সে অতল-স্পর্শ রূপ-সাগরে ডুবিয়া সেই সাগরের কাহিনী ফুটাইয়া তুলে।

এইবার কবিতার ভাষা ও রীতির কথা। আমাদের দেশে একটা কথা আছে যে, “ছেঁদো কথায় ভুলো না”—তাহার মানে ত সকলেই বুঝেন। কবিতার ছন্দ, তাল, সুন্দর থাকিলেই যে তাহার মধ্যে সেই চিন্তামণির সাক্ষাৎকার মিলিবে, এমন ত নহেই, বরং অনেক সময়ে সেই মিলনের অন্তরায়। এইজন্যই যেখানে ভাবের দৈন্য, সেইখানেই উপমার প্রাচুর্য। পরিষ্কার কাচ যেমন মানুষ্যের দৃষ্টির অন্তরায় না হইয়া সাহায্য করে, কথাও ঠিক তেমনি ভাবকে জমাইয়া তুলে। কাচ যদি অপরিষ্কার হয়, চোখে ঝাপসা ঠেকে। ভাষাও তেমনি। কোন সুন্দর ভাবই সুন্দর আকার না লইয়া ব্যস্ত হয় নাই। ফুলের দেহ হইতে যেমন তাহার রং ও তাহার আকার, যে যে স্থানে তাহার সেই সুন্দর সুবাস ভরিয়া রাখে, তাহাকে বিচ্ছিন্ন করা যায় না, সেই ফুলকে নষ্ট না করিলে তাহার সুগন্ধটুকু আলাদা করা যায় না, তেমনি ভাবও ভাষাকে আশ্রয় করিয়া থাকে, ভাষাও ভাবকে আশ্রয় করিয়াই ফুটিয়া উঠে। শ্রেষ্ঠ কবিতার ভাবও ভাষাকে ছাড়াইয়া উঠে না, ভাষাও ভাবকে ছাড়াইয়া যাইতে পারে না। তাহা সুদোঁল, নিখুঁত, সুন্দর, সহজ। তাহাকে গয়না পরাইতে হয় না। অলঙ্কার সৌন্দর্য্যকে বাড়াইবার জন্য; অলঙ্কার দিয়া সৌন্দর্য্যকে বাড়াইলে তাহাকে খর্ব্ব করা হয়, তাহার রূপের জ্বলন্ত সত্যকে অস্বীকার করা হয়। ভাষা-সম্বন্ধে যাহা বলিলাম, ছন্দ-সম্বন্ধেও ঠিক সেই কথাই বটে। কবিতা ও গানে কিছু প্রভেদ আছে। গানে যখন আমরা নিজের ব্যস্ত করি, তখন সুন্দরই আমাদের প্রধান সহায়, কথা ভাবানুযায়ী উপলক্ষ্য মাত্র। পর্ষতের গায়ে ঘাত প্রতিঘাতে ঝরনা যেমন বিচিত্র ধ্বনিতে গিরি-গহন মুখরিত করিয়া আপনার পথ আপনি কাটিয়া অবাধে বহিয়া যায়, গানও তেমনি আপনার পথ আপনি কাটিয়া সুরের ভিতর দিয়া পরম চরমে মিলাইয়া যায়। এ জীবন অণু হইতে অণীয়ান, মহৎ হইতেও মহীয়ান; জীবন ও মৃত্যু একই সুরের খেলা। আন্তরিকতা সেই জীবন ও মৃত্যুর বন্ধনী, আধ্যাত্মিকতা জীবনের প্রাণ-প্রাণের অন্তরতম জ্বলন্ত পাবক-শিখা। মানবজীবন সেই শিখার জ্বলন্ত জাগ্রত মূর্ত্তি, ভাব ও ভাষা তাহার রং ও রঙের মিলন-মাধুর্য্য।

তাহার পর আর একটি কথা, তাহাকে বলে রূপান্তর। এই যে স্বাভাবিক মনের বিকাশ, তাহাকে ভাগবত-সত্যে তুলিয়া ধরা। সেই রূপান্তরই বস্তু ও ভাবের সমন্বয়। বস্তুই অন্তরের যে রূপ, তাহার উৎসকে খুলিয়া দিয়া তাহাকে সেই রূপ-চিন্তামণির অচিন্তা-বৈতাঁড়ের মধ্যে টানিয়া তোলাই কল্পকলার

শেষ রঙের খেলা। এই যে দেহ মন, এই যে হৃদয়, তাহার অন্তরঙ্গ ভাবের সহিত সাক্ষাৎ ও সহজ করিয়া দেওয়ার নামই রূপান্তর। এই রূপান্তর দেখাইতে পারিলেই ভোগের মধ্যে ত্যাগ আপনি ফুটিয়া উঠে। ত্যাগের মধ্যে আনন্দ আপনিই উছলিয়া উঠে। সকল জিনিষকেই এই অনন্তের দিক্ হইতে দেখিলেই এই রূপান্তরে পৌঁছান সহজ হয়। শিল্পের সাধনা করিতে করিতে, রূপ হইতে রূপে বিলাস করিতে করিতে, জীবনে এমন এক মূহুৰ্ত্ত আসে, সেই অনন্ত মূহুৰ্ত্তে এই রূপ-রাগভরা শব্দ-স্পর্শ-গন্ধময়ী পৃথিবীর রূপের মাঝে আসল রূপ বলসিয়া উঠে, যাঁহাকে চাই, তাঁহারই সাক্ষাৎকার। সেই শব্দ-মূহুৰ্ত্তের জন্যই সকল কল্পকলাবিদের সাধন। সেই শব্দ-মূহুৰ্ত্তেই সকল সৃষ্টি সুন্দর, মধুর, কল্যাণ ও মঙ্গল হইয়া উঠে।

সকল সৌন্দর্যের মধ্যে বিশ্বের আত্মা জাগ্রত ‘মুখরিত’ বিকশিত, সৌন্দর্য-লীলায় লীলায়িত। প্রকৃতি ও মানব উভয়ের ভিতরই বিশ্বাত্মার সমান খেলা। সকল জীব, বৃক্ষ, লতা, পাতা, অণু, পরমাণু, সকলই প্রকৃতির মধ্যে। সাধনার পথে সাধক বিশ্বের দর্পণে তাহার নিজের মূখের ছায়া যখন দেখে, তখন তাহার সত্য রূপ প্রকাট হয়। সে দেখে, তাহার সম্মুখে এক নূতন জগৎ—সেই জগতের ও তাহার এক নাড়ী,—তাহার এক বিরাট হৃদয়। সেই বিরাট হৃৎপিণ্ড এই বিরাট প্রাণ-সমষ্টিকে বক্ষে করিয়া কালের ভিতর দিয়া অকালে ধাইতেছে। তখন তাহার মন সেই বিরাটের রূপের রসে মজিয়া এক অভিনব রূপান্তর সৃষ্টি করে। সেই রূপান্তরের সঙ্গে সঙ্গে সকল বৈচিত্র্যের মধ্যে এক মহামিলনের অনাহত সঙ্গীত ধ্বনিত হইয়া উঠে। বাঙ্গালার গীতিকবিতায় আমি তাহারই সন্ধান পাইয়াছি।

# বঙ্গদেশীয় মহাকাব্য

সারদাচরণ মিত্র

ইউরোপের যখন আদিকবি সুপ্রসিদ্ধ হোমার প্রকৃতই বাল্মীকি, ব্যাস প্রভৃতি শ্রেষ্ঠ মহাকাব্য-রচয়িতাগণের সমকক্ষ, কিন্তু তাঁহার কাব্য-রচনা-প্রণালী যে ভারতবর্ষীয় মহাকাবিগণের প্রণালী অপেক্ষা উৎকৃষ্ট, ইহা চিন্তাশীল কোন মহাপুরুষই স্বীকার করিবেন না। হোমারের ইলিয়ড্ ও অডিসিতে গুণের ভাগই অধিক, দোষের ভাগ যৎসামান্য ; অন্ধ হোমার যে আমাদেরও আরাধ্য, তাহাতে সন্দেহ নাই। তাঁহার অনুকরণে রোমের প্রসিদ্ধ কবি ভার্জিল ইনাইড্ রচনা করিয়া অসামান্য কবিশযঃ প্রাপ্ত হইয়াছেন। ইতালির যশস্বী কবি দান্তে, ইংলন্ডের মিল্টন, পর্তুগালের ডিকামিরন্ প্রভৃতি ইউরোপের মহাকাবিগণ হোমারের প্রদর্শিত মার্গ অবলম্বন করিয়া সাহিত্য-শৃঙ্গের উচ্চ স্তরে আরোহণ করিতে সমর্থ হইয়াছেন। তাঁহারা সকলেই আমাদের প্রণয়, আমাদের মহাসমাদরের পাঠ। কিন্তু ইউরোপের মহাকাব্য-রচনার প্রণালীতে এমন কি সৌন্দর্য আছে যে বঙ্গদেশীয় মহাকাবিগণ বাল্মীকি-প্রদর্শিত প্রণালীর অবহেলা করিয়া বিদেশী প্রণালী গ্রহণ করিবেন। আমাদের অনুকরণ-প্রবৃত্তি অস্বাভাবিক না হইলেও, মাত্রায় বড়ই বেশী। আমরা অনুকরণ করিতে বড়ই ভালবাসি। বস্তুতঃ হোমার, ভার্জিল, দান্তে, মিল্টন প্রভৃতির যশঃসৌরভে উন্মত্তপ্রায় হইয়া বঙ্গদেশীয় মহাকাবিগণ অনুকরণ-প্রবৃত্তিকে আদৌ সংযত করিবার চেষ্টা করেন নাই ; তাঁহারা বাল্মীকি, ব্যাস, কালিদাস, ভারবি, মাঘ ও শ্রীহর্ষের প্রদর্শিত আমাদের নিজস্ব পথের উপেক্ষা করিতে সঙ্কুচিত হন নাই।

ইংলন্ডের বিখ্যাত কবি লর্ড বাইরণ লিখিয়াছেন—

“ Most Epic-poets plunge ‘ in media’s res,’  
“ Horace makes it the heroic turnpike road,  
“ And these your hero tells, whene’er you please,  
“ What went before by way of episode,  
“ While seated after dinner at his ease,  
“ Besides his mistress in some soft abode  
“ Palace or garden, paradise or cavern,  
“ Which serves the happy couple for a tavern.”

“ This is the usual method, but not mine,  
 “ My way is to begin from the beginning;  
 “ The regularity of my design  
 “ Forbids all wandering as the worst of sinning ”—

*Don Juan, Canto I—6, 7.*

লর্ড বাইরণ যাহা লিখিয়াছেন, তাহার ভাল-মন্দের বিচার আলংকারিকেরা করিবেন। সাহিত্যে সূর্য্যচি ও কুরূচির বিচার সাধারণ লোকের উপর অর্পণ করিলে সমূহ বিভ্রাটের সম্ভাবনা। অনেক সময়েই কুরূচির অযথা আদর দেখিতে পাওয়া যায়। অশিক্ষিত সমাজে কুরূচির আদরও আশ্চর্য্য নহে। কিন্তু ইউরোপীয় অলংকারে হোরেসের (Horace) প্রদর্শিত নিয়মাবলীতে নিমজ্জিত হইয়া যাঁহারা বিভোর হইয়া আছেন, তাঁহাদের সহিত বিচার-যুদ্ধে নিষদ্ধ হওয়াও সুকঠিন। বর্ত্তমান বিষয়ে ভট্টাচার্য্য-মহাশয়গণের বিচারের আসরে বাক্যদ্বন্ধে বা হস্তযুদ্ধে যোগদান করিবার অবকাশ হইবে না ; তাঁহাদের সহিত আমাদের মতের বিভিন্নতার সম্ভাবনা নাই ; কিন্তু হোরেসের মতে অনুপ্রাণিত সাহিত্যিকদিগকে ভয় করি। বিচারের আসরে সত্যাসত্যের বড় একটা স্তান থাকে না, এই ভয় আমাদের গুরুতর। বিশেষতঃ একদিকে ইউরোপীয় সদৃশ-সমাজের রীতি, অপরদিকে প্রতীচ্য ভূভাগের পুরাতন রীতি ; সুতরাং বিতণ্ডাও ব্যক্তিগত হইবে না।

হোমারের ইলিয়ড্ ট্রয়যুদ্ধের আরম্ভ হইতে আরম্ভ হয় নাই। সর্গ ও প্রতিসর্গ, মৃদু ও প্রতিমৃদু, ভারতবর্ষীয় পুরাণাদির ও নাটকাদির মার্গ ; ইউরোপীয় মহাকাব্যের নহে। হোমার ট্রয়যুদ্ধের প্রায় মাঝামাঝির বর্ণনা “ইলিয়ডে” আরম্ভ করিলেন। গ্রীস দেশের পুরাতন ভাষা, হোমারের ভাষা, আমাদের নিকট প্রায়ই Greek (গ্রীক) অর্থাৎ দূর্বোধ্য। তজ্জন্য আমরা ইংরাজি অনুবাদ দিতে বাধ্য হইলাম।—

“ Of Peleus’ son, Achilles, sing, O, Muse,  
 “ The vengeance, deep and deadly; whence to Greece  
 “ Unnumbered ills arose; which many a sad  
 “ Or mighty warriors to the viewless shades  
 “ Untimely sent;” ইত্যাদি। *Derby—Book I.*

এই সূচনা পাঠ করিয়া মনে হইবে যে মহাকবি একিলেসের ক্রোধের ফলাফল সম্বন্ধে কাব্য লিখিতেছেন ; কিন্তু প্রকৃত প্রস্তাবে তাহা নহে। ইলিয়ডে ট্রয়যুদ্ধের আংশিক বিবরণ লিখিত হইতেছে। মহারথীর ক্রোধ ঐ বহুবর্ষিকী যুদ্ধের একটি অঙ্গমাত্র। ইলিয়ডের অনেক অংশেই ঐ ভীষণ বিরাগের ফল

বিবৃত হইয়াছে বটে, কিন্তু ট্রয়যুদ্ধের ইতিহাস সমস্ত ইলিয়ডে ছড়ান আছে ; কষ্টে সংগ্রহ করা যাইতে পারে।

মহাকবি হোমারের অডিসিও ইউরোপের একখানি প্রধান ও গণ্য কাব্য। ইহাতে ইথেকা দ্বীপের রাজা ইউর্লিসিসের ( অডিসিসিসের ) ট্রয়যুদ্ধের অবসানের পর ভ্রমণ-বৃত্তান্ত বিবৃত হইয়াছে। এই মহাকাব্যেও চতুর্বিংশতি সর্গের নবম সর্গ হইতে উপাখ্যান আরম্ভ এবং উপাখ্যানের অধিকাংশই নবম, দশম, একাদশ ও দ্বাদশ সর্গে অডিসিসিস স্বমুখে ফিনিসিয়ান রাজা আলকাইনসের মন্দিরে ভোজের পর ভোজের স্থানেই প্রকাশ করেন। ভোজ শেষ হইল, অনেক কথাবার্তা হইল, তাহার পর রাজা আলকাইনস জিজ্ঞাসা করিলেন—

“ But come now, tell me this and tell me true—  
Where thou hast wandered, to what lands hast gone,  
And of the well-built cities fair to view,  
And of the tribes of men whom thou hast known.”  
*Worsley's Odyssey*—Book VIII, 77.

তখন অডিসিসিস ট্রয় ত্যাগের পর হইতে তাঁহার সমুদ্রযাত্রার, দেশ-দেশান্তরের, বিপত্তির বৃত্তান্ত উপাখ্যান-ছলে বলিলেন। বলিতে বলিতে রাতি শেষ হইয়া থাকিবে। সত্যসত্যই কবি বাইরণ বলিয়াছেন—

“ What went before by way of episode,  
“ While seated after dinner at his ease.”

ট্রয়ের দ্বাদশ-বার্ষিক যুদ্ধের অবসান হইলে ও রাজন্যশ্রেষ্ঠ প্রায়ামের রাজ্য ও রাজধানী লয়প্রাপ্ত হইলে, তাঁহার সুযোগ্য বংশধর ইনিয়াস্ সদলবলে দেশ ত্যাগ করিয়া অর্ণবপোতে ইতালি প্রদেশে আগমনের নিমিত্ত যাত্রা করিলেন। সাত বৎসর কাল অর্ণবখানে বহুবিধ বিপত্তি ও ক্লেশ সহ্য করিয়া রাজপুত্র আফ্রিকার উত্তর প্রদেশে সাগরসনাথ টায়ারদেশীয়দিগের উপনিবেশ কার্থেজে আনীত হইলেন। কার্থেজের রাণী ডাইডো তাঁহার সমুচিত অভ্যর্থনা করিলেন। তথায় রাত্রিকালে যোগ্য ভোজ হইল। বিধিবৎ সুদ্রা-পানের ও বিবিধ কথাবার্তার পর রাণী ইনিয়াসকে ট্রয়যুদ্ধের শেষ বৃত্তান্ত ও গ্রীক যবনদিগের শত্ৰুতা এবং তাঁহার সপ্তবার্ষিকী জল ও স্থলপথের ভ্রমণের ইতিহাস জিজ্ঞাসা করিলেন। ইনিয়াসও সেই সময়ে সুদীর্ঘ ইতিহাসের আবৃত্তি করিলেন। মহাকবি ডার্ত্জলের ঈনাইড্ মহাকাব্যের দ্বিতীয় ও তৃতীয় সর্গে এই সুদীর্ঘকালের ইতিহাস বিবৃত হইয়াছে।

এই পদ্ধতি অবলম্বন করিয়া ইংলণ্ডের মহাকবি মিল্টন তাঁহার “প্যারাডাইস্ লস্ট” মহাকাব্যের মধ্য স্থানে দেবদুর্ভাগিগণের যুদ্ধের বর্ণনা

করিয়াছেন এবং আধুনিক বঙ্গের মহাকাবি মধুসূদনও ইউরোপীয় মহাকাবি-দিগের অনুকরণে লঙ্কায় রাম-রাবণের যুদ্ধের মধ্য ভাগ হইতে—বীরবাহুর পতন-কাল হইতে—কাব্যরম্ভ করিয়া পরে পঞ্চবটী ও সীতাহরণ বৃত্তান্ত ও মহাযুদ্ধের আনন্দপূর্ণ ইতিহাসের উপন্যাস অমিত্রাক্ষর ছন্দে প্রকাশ করিয়াছেন। কবিগুরু বাঙ্গালীর পদাম্বুজে প্রণাম করিয়াও তাঁহার প্রদর্শিত পন্থার—আশিয়া-ভূভাগের চির-প্রচলিত পন্থার উপেক্ষা করিয়া ইউরোপীয় রীতি অবলম্বন করিতে মধুসূদন কুণ্ঠিত হন নাই। বস্তুতঃ ইউরোপীয় মহাকাব্যসমূহই মধুসূদনের আদর্শ ; হেক্টরবধ-প্রণেতার হোমারই আদর্শ হওয়া সম্ভব। মধুসূদন গ্রীস দেশের ভাষার যবন (Ionian) শাখায় ব্যুৎপন্ন ছিলেন কি না জানি না ; মূল ইলিয়ড্ ও অর্ডিস পাড়িয়াছিলেন কি না জানি না। ভার্জিল ও দান্তে লাটিন বা ইতালিয়ানে অধ্যয়ন করিয়াছিলেন কি না তাহাও আমাদের অজ্ঞাত। কিন্তু ইংরাজ কবি ড্রাইডেন ও পোপের অনুবাদ নিশ্চয়ই তিনি ভাল করিয়া পাড়িয়াছিলেন। মিল্টনে তিনি নিশ্চয়ই বেশ প্রবেশ করিয়াছিলেন। বাঙ্গালীর রামায়ণে, ব্যাসের মহাভারতে, কালিদাসের কুমারসম্ভব বা রঘুবংশে তাঁহার প্রবেশ ছিল বলিয়া বোধ হয়। কিন্তু সে সকল অদ্বিতীয় মহাকাব্যের উপর তাঁহার বিশেষ আদর ছিল না। বেবিলনের মহাকাব্য ইস্তার ও ইজডুভেল তাঁহার সময়ে ভূগর্ভ হইতে প্রকাশিত ও অনুবাদিত হয় নাই। পারস্য-মহাকাবি ফারদৌসির সাহানামা তখনও ইংরাজী বা বাঙলায় অনুবাদিত হয় নাই। মধুসূদন বাল্যাবধি ইংরাজী পাঠে নিবিষ্ট ছিলেন ; তাঁহার সময়ে ভারতবর্ষীয় কেন, প্রাচ্য সকল বিষয়েই কৃতবিদ্য যুবক-দিগের অনাদর ছিল। সুতরাং ইউরোপীয় মহাকাব্যের রীতি অবলম্বন মধুসূদনের পক্ষে সময়োচিত জ্ঞান হইয়া থাকিবে।

বেবিলনের মহাকাব্যের ইস্তার ও ইজডুভেলের সম্যক্ গ্রন্থ এখনও পাওয়া যায় নাই, পাওয়া যাইবে কি না সন্দেহের বিষয়। সার্ অস্টিন হেনরি লেয়ার্ড (Sir Austin Henry Layard) ১৮৪৬ খৃঃ অব্দে আসিরিয়ার গ্রন্থাগারের আবিষ্কার করেন। তাহার প্রায় দশ বৎসর পরে সার্ হেনরি রলিনসন্ (Sir Henry Rawlinson) আরও অনেক গ্রন্থ প্রাপ্ত হন। অনন্তর লফটাস (Loffus), জর্জ স্মিথ (George Smith) এবং রসম (Rassam) আরও গ্রন্থের আবিষ্কার করেন। স্মিথ সাহেবই বেবিলনের মহাকাব্যের আবিষ্কারক বলা যাইতে পারে। জোড়তাড় দিয়া হামিল্টন সাহেব ১৮৪৪ খৃঃ অব্দে ইংরাজী পদ্যে “ইস্তার ও ইজদুব্বার” নাম দিয়া বেবিলনের মহাকাব্য প্রকাশ করিয়াছেন। যতদূর সম্ভব হামিল্টন সাহেব (Leonidas Le Censi Hamilton M.A.) মূল গ্রন্থের শৃঙ্খলা ও ভাব রক্ষা করিয়াছেন। ইরেফ্ আসিরিয়া দেশের একটি প্রধান নগর ; ইজদুব্বার ইহাকে শত্রুহস্ত হইতে রক্ষা করিয়া ইহার রাজা হইয়াছিলেন। ইস্তার তথাকার দেবী এবং তিনি

ইজ্জদুবারের পাণিগ্রহণাকাঙ্ক্ষী হন। তাঁহাদের ইতিহাস, স্বৰ্গ-গমন ও মিলনই মহাকাব্যের বর্ণিত বিষয়।

ফারদোসির সাহানামা পারস্যদেশের মহাকাব্য। এককালে এই গ্রন্থের অধ্যয়ন ভারতবর্ষে যথেষ্ট প্রচলিত ছিল। এক হিসাবে ইহা ঐতিহাসিক কাব্য—প্রায় ৩৬০০ বৎসরের পারস্য-রাজ্যের ইতিহাস; কিন্তু কবিত্ব ও রচনা-মাধুর্য্যে ইহা যে একখানি প্রাচ্য মহাকাব্য, তাহাতে দ্বিধা ভাবের কারণ নাই। রোস্তমের ইতিহাস এই মহাকাব্যের শ্রেষ্ঠাংশ। ইহাকে পারস্যদেশের পদ্রাণ বলা অসঙ্গত নহে। ইহার ঐতিহাসিক পদ্ধতি সম্পূর্ণভাবে প্রাচ্য; ইউরোপের রীতির কোন চিহ্নই ইহাতে লক্ষিত হয় না। পারস্যদেশের প্রথম রাজা ফাইউমাস হইতে আরম্ভ হইয়া ক্রমান্বয়ে সেকেন্দরের জয় ও মৃত্যু পর্যন্ত মহাকাব্যে বর্ণিত আছে।

ভারতবর্ষের মহাকাব্যসমূহের পদনরাবৃত্তি অনাবশ্যক। রামায়ণ ও মহাভারত, মূলে না হউক, কৃত্তিবাস ও কাশীদাসের গ্রন্থে অনেকেই পাঠ করিয়াছেন। কালিদাসের মহাকাব্য “রঘুবংশে”—রঘুবংশের রসাত্মক ইতিহাস দিলীপ হইতে শেষ পর্যন্ত ক্রমান্বয়ে বর্ণিত। “কুমারসম্ভব” গিরিরাজ-কন্যা অপর্ণার জন্ম হইতেই আরম্ভ হইয়াছে। ভারতবর্ষীয় কোন মহাকাব্যেই ইউরোপীয় রীতির আভাস নাই।

অনুদ্রবণ সময়ে সময়ে মন্দ নহে, কিন্তু সুন্দর ও সহজ আদর্শ থাকিতে বিদেশী রীতির অনুদ্রবণ কেন? খাপছাড়া বর্ণনা আমাদিগের তত ভাল লাগে না; কিন্তু যাহারা ইউরোপীয় ভাবে অনুপ্রাণিত, তাঁহারা সেই ভাবেই মোহান্বিত হন।

মধুসূদনের মহাকাব্য “মেঘনাদবধ” আমাদের আদরের জিনিস। তিনি মহাকাবি ছিলেন এবং তাঁহার লেখনী হইতে অমৃতময় কাব্যরস প্রচুর পরিমাণে নিঃসৃত হইয়াছে। তাঁহার কাব্যের জন্য বঙ্গভাষা গৌরবান্বিত; কিন্তু প্রাচ্য রীতির বিপর্যয় কেন? এপিকের (Epic) বিশেষ উপকারিতা কি? আমরা মহাকাব্যকে আবার Epic এবং Narrative এই দুই ভাগে বিভক্ত করিবার প্রয়োজন দেখি না। মেঘনাদবধ কাব্যের চতুর্থ সর্গ প্রথম হইলে কি ক্ষতি হইত?

“নিমি আমি, কবিগুরু, তব পদাম্বুজ,  
বাল্মীকি, হে ভারতের শিরচুড়ামণি,  
তব অনুগামী দাস”

—ইত্যাদি প্রথম সর্গে থাকিলেই শোভন হইত। অশোক কাননে একাকিনী শোকাকুলা রাঘববাহ্যার সরমাসুন্দরীর সহিত কথাবার্তার পদ্রাতন কথা বিবৃত



হইল, কিন্তু রাম-রাবণের যুদ্ধের অনেকাংশই কবি পদ্যেই পাঠকগণের নিকট প্রকাশ করিয়াছেন। মধুসূদন ইউরোপীয় কাব্যরসে অনুপ্রাণিত ছিলেন, তাহার পক্ষে হোমার, ভার্জিল প্রভৃতির অনুকরণ বিচিত্র নহে। যোবনে তিনি ইংরাজীভাষায় ষ্ট্রয়সুদ্ধ সম্প্রদায় কাব্য লিখিয়াছিলেন।

নবীনচন্দ্রের “রৈবতকে”ও মহাভারতের ও শ্রীমদ্ভাগবতের দশম স্কন্ধের ঐরূপে বর্ণনা। অজ্ঞান গল্পচ্ছলে মহাভারতের আদি পর্বের মূল উপাখ্যান ও শ্রীকৃষ্ণ শ্রীমদ্ভাগবতের নিজের উপাখ্যান পরস্পরকে জানাইলেন।

[নারায়ণ, ১৩২৪]

## রামপ্রসাদ

পদ্যচন্দ্র বসু

পৃথিবীর সাহিত্য-সংসারে পারমার্থিক কবিতায় রামপ্রসাদের পদাবলী এক অপূর্ব পদার্থ। কোন জাতীয় সাহিত্য-ভাণ্ডারে সেরূপ রত্নরাজি বিরাজিত নাই। প্রসাদী পদাবলীর প্রকৃতি ও বিশেষ ধর্ম আর কোন প্রকার ধর্ম-সঙ্গীতে বিদ্যমান দেখা যায় না। রামপ্রসাদ সেন এক স্বতন্ত্র ধরণ অবলম্বন করিয়াছিলেন। কারণ, প্রতিভাসম্পন্ন ব্যক্তিমায়েই আপন আপন নূতন পথ আবিষ্কার করিয়া লনেন। তাহাদিগের হৃদয়ভাব ও চিন্তা এক নূতন পথে প্রবাহিত হয়। সুতরাং সে সমস্ত ভাব ও চিন্তা এক নূতন ভাবে বিকশিত হইয়া পড়ে।

রামপ্রসাদ সেনের কল্পনা অতি তেজস্বিনী ছিল। তাহার কল্পনা সম্মুখে বাহ্য প্রাপ্ত হইয়াছে, তাহাই গ্রহণ করিয়া সুবর্ণে মণ্ডিত করিয়াছে। তাহার কল্পনা পার্থিব সুন্দর পদার্থের অন্বেষণে ব্যস্ত হয় নাই ; দেখে নাই,—কোথায় কুসুমিত কুঞ্জবন, স্বচ্ছ সরোবর, ভীষণ জলপ্রপাত, প্রকাণ্ড পর্বতমালা ও মনোহর শস্যক্ষেত্র। সে কল্পনা সম্মুখে বাহ্যই দেখিয়াছে, তাহাই অবলম্বন করিয়া একটি একটি মনোহর সঙ্গীত প্রসূত করিয়াছে। রামপ্রসাদ যখন যেখানে উপস্থিত, সেই স্থানের বিষয় তাহার কল্পনাকে অমনি আকৃষ্ট

করিয়াছে। রামপ্রসাদের কল্পনা যেন নিয়তই জাগরিত রহিয়াছে। জাগরিত থাকিয়া যাহা কিছু দেখিয়াছে, অমনি তাহাকে সাত্ত্বিকভাবে পরিপূর্ণ করিয়াছে ; পৃথিবীর সামান্য ধূলিরাশিকেও সুবর্ণে মিশ্রিত করিয়াছে। রামপ্রসাদ যে দৃশ্যের সম্মুখে উপস্থিত, তাহাতে যে কেবল আপন-হৃদয়ের সাত্ত্বিক ভাব আরোপিত করিয়াছেন, এমত নহে ; তাহাকে প্রধানতঃ কবিত্বের পরিপূর্ণ করিয়াছেন। প্রকৃতি কবির চক্ষে কিরূপ দেখায়, তাহাই যদি বিকশিত করা কবিত্বের ধর্ম হয়, রামপ্রসাদের সঙ্গীতে তবে কবিত্বের কিছুই অভাব নাই। রামপ্রসাদের হৃদয় ধর্ম-পরায়ণ ছিল, তাঁহার মন কল্পনায় পরিপূর্ণ ছিল। রামপ্রসাদ যাহা দেখিতেন, প্রথমে তাঁহার হৃদয় তাহাতে আকৃষ্ট হইত ; হৃদয়ের আকর্ষণে তাহাতে ধর্ম-ভাব প্রতিফলিত হইত ; তৎপরে কল্পনার উজ্জ্বল অলংকারে তাহা বিভূষিত হইত। যে ক্ষুদ্র জগতে রামপ্রসাদ বাস করিতেন, তাহার চারিদিকস্থ যাবতীয় পদার্থকে তিনি সাত্ত্বিক ভাবের কল্পনা-দ্বারা পরিপূর্ণ করিয়াছিলেন। তিনি প্রকৃত জগতের উপর আর একটি নূতন জগৎ সৃষ্টি করিয়াছিলেন। রজতময়ী পার্থিব প্রকৃতিকে তিনি কনক ভূষণে মণ্ডিত করিয়াছিলেন। কাঠিন মস্তিকাময় জগৎকে তিনি ইন্দ্রজালে পরিপূর্ণ করিয়াছিলেন। তিনি প্রকৃতির কণকুহরে এক নূতন সঙ্গীত-ধ্বনির অমৃত বর্ষণ করিয়াছিলেন। প্রকৃতিও তাঁহার নূতন গীতে বিমুগ্ধ হইয়াছিল ; বিমুগ্ধ হইয়া সেই গান চারিদিকে প্রতিধ্বনিত করিয়াছিল। তিনি যাবতীয় সামান্য পদার্থকে ধর্ম-গান সঙ্গীত করিতে শিক্ষা দিয়াছিলেন। আজিও আমরা সেই সমস্ত ষৎসামান্য পদার্থের সমীপে উপনীত হইয়া রামপ্রসাদের সঙ্গীতে যেন উদ্বোধিত হইয়া গাহিয়া উঠি,—

“মা আমার ঘুরাবে কত—

কলর চোক-ঢাকা বলদের মত ?

ভবের গাছে বেঁধে দিয়ে মা, পাক দিতেছ অবিরত।

তুমি কি দোষে করিলে আমার, ছটা কলর অনঙ্গত ?

মা শব্দ মমতাসুত, কাঁদলে কোলে করে সুত।

দেখি ব্রহ্মাণ্ডেরই এই রীতি মা, আমি কি ছাড়া জগত ?

দুর্গা দুর্গা দুর্গা ব'লে ত'রে গেল পাপী কত।

একবার খুলে দে মা চ'খের ঠুলি, দেখি তোমার অভয় পদ।

কুপুত্র অনেকেই হয় মা, কুমাতা নয় কখন ত।

রামপ্রসাদের এই আশা মা, অন্তে থাকি পদানত।।”

রামপ্রসাদের সঙ্গীতাবলী তাঁহার সাধকত্বের ও কবিত্বের অমোঘ নিদর্শন। রসাত্মক বাক্যই যদি কাব্যের লক্ষণ হয়, তবে রামপ্রসাদের সঙ্গীতাবলী একখানি

চমৎকার কাব্য। বাঙালা ভাষায় তাহা এক অদ্বিতীয় কাব্য। সে কাব্য শান্তরসের প্রস্রবণ এবং সে প্রস্রবণ কল্পনা-লীতিকায় সুশোভিত। রামপ্রসাদ হৃদয়কে মাতাইয়া তোলেন তাঁহার ভক্তিরসে। তাঁহার সঙ্গীতাবলী যে ভক্তিরসের আধার, তাহা বিষয়ীর রাজসিক ভক্তি নহে,—যে রাজসিক ভক্তি কেবল বাহ্য জাঁকজমকে প্রকটিত হইতে চায়, কিন্তু তাহা প্রকৃত সাধকের সাত্ত্বিক ভক্তি। সেই সাত্ত্বিক ভক্তির সহিত বিষয়ীগণের রাজসিক ভক্তির কীরূপ প্রভেদ, তাহা এই সঙ্গীতে প্রতীত হইতেছে,—

“মন, তোর এত ভাবনা কেন?

জয় কালী ব'লে বস্ না ধ্যানে।

জাঁকজমকে ক'রলে পূজা, অহংকার হয় মনে মনে,

আমি লুটিকয়ে মায়ের ক'রব পূজা, জানবে নাকো জগজ্জনে।

ধাতু পাষণ মাটির মূর্তি, কাজ কি রে তোর সে গঠনে?

আমি মনোময় প্রতিমা গ'ড়ে, বসাব হৃদ-পদমাসনে।

আলোচাল আর পাকা কলা, কাজ কি সে তোর আয়োজনে?

আমি ভক্তি-সুধা মাকে দিয়ে, তৃপ্ত হ'ব মনে মনে।

মেষ মহিষ ছাগ-আদি, কাজ কি রে তোর বলিদানে?

জয় কালী ব'লে দাও রেব'লি, এ দেহের ষড়্-রিপদগণে।

কাজ কি রে তোর বিশ্বদলে, কাজ কি রে তোর গঙ্গাজলে?

এ দেহে আছে সহস্র দল, দাও রে মায়ের শ্রীচরণে।

ঝাড় লণ্ঠন বাতির আলো, কাজ কি রে তোর রোশনায়ে?

এ দেহে আছে জ্ঞান-দীপ, জ্ব'লতে থাকবে নিশি দিনে।

রামপ্রসাদ বলে, ঢাকে ঢোলে, কাজ কি তোর সে বাজনে?

জয় কালী ব'লে দাও করতালি, মন রেখে মায়ের শ্রীচরণে।”

রামপ্রসাদের এই সাত্ত্বিক ভক্তি অনেক স্থলেই বড় সুন্দর লাগে। তাহার শান্তরসে মন আর্দ্র হইয়া যায়। তাই, রামপ্রসাদের গীতাবলী গাহিবামাত্র মনকে ক্ষণিকের জন্যও প্রমত্ত করে।

রামপ্রসাদের এই ভক্তি-প্রগাঢ়তা বেদান্ত ও আগমের গাম্ভীৰ্য্যে পরিপূর্ণ। এক এক স্থানে তন্মধ্যে বেদান্ত ও আগমের নিগূঢ় তত্ত্বসকল প্রস্ফুটিত হইয়া তাঁহার সঙ্গীতকে আরও গম্ভীর করিয়া তুলিয়াছে। যাহারা সে গভীরতায় ডুবিতে পারেন, তাহারা সেই সঙ্গীতের রসাস্বাদনে দ্বিগুণ মোহিত হইবেন। দেখেন, কত ভাব কত অল্প কথায় কেমন সুন্দরভাবে প্রকটিত। সেই ভাবের সৌন্দর্য্য নানা অলংকার-ভূষণে চতুর্গুণ বর্দ্ধিত। রূপক-শোভা নীহলে কি তত দূর গভীর ভাবের সুন্দর বিকাশ হয়? রূপক-শোভা ধারণ করাতেই

তাহাদের গাম্ভীৰ্য্য বৰ্দ্ধিত হইয়াছে। গভীরকে আরও গভীর করিয়া তুলিয়াছে। উপমার সৌন্দৰ্য্যে ভাব-কুসুমাবলী কান্তি ধারণ করিয়াছে। সেই কান্তি-মধ্যে তাহাদের গাম্ভীৰ্য্য প্রকাশিত। প্রকাশিত কি লুন্ধায়িত, তত বদ্বা যায় না। অৰ্দ্ধ প্রকাশিত, অৰ্দ্ধ লুন্ধায়িত। কি সুন্দর শোভা! সঙ্গীতে এত সুন্দর শোভা কোথাও নাই; সেই সুন্দর শোভায় ভাব-কুসুমাবলী প্রস্ফুটিত। ভক্তিগুণ-সৌরভে দিক্ আমোদিত। ধৰ্ম্মভাবে মন পদূলকিত। শান্তরসে চিত্ত বিগলিত। যে গীতে চিত্ত এত বিগলিত হয়, সে গীতের শক্তি অতি অসাধারণ বলিতে হইবে। শক্তির শক্তিতে সে শক্তি পরিপূর্ণ। ভক্তির শক্তিতে সে শক্তি পরিপূর্ণ। মৃদুত্বের শক্তিতে সে শক্তি পরিপূর্ণ। তাই তাহার এত অসাধারণ শক্তি!

রামপ্রসাদ শক্তির উপাসক ছিলেন, সেই শক্তি শ্যামা, সেই শক্তি শ্যাম। শ্যাম ও শ্যামা একই শক্তি; একই শক্তি এই জগতের সৃষ্টি, স্থিতি ও প্রলয়-কর্তা। এই শক্তির প্রকৃত জ্ঞান বিষয়ী লোকের হওয়া বড়ই কঠিন। মায়ী-মোহ না কাটাইতে পারিলে এবং বিষয়-বৈরাগ্যের উদয় না হইলে প্রকৃত ঈশ্বর-জ্ঞান হয় না। হিন্দুশাস্ত্রে ভক্তি-সাধন-পথের অনেক স্তর আছে। যে আধ্যাত্মিক স্তরে আসিয়া জীব মায়ী-মোহের হাত হইতে মুক্তি-লাভ করিতে পারেন, সেই মুক্তির স্তরে আসিয়া তাঁহার ভগবৎ-প্রত্যক্ষ হইবার সম্ভাবনা। এই ভগবৎ-প্রত্যক্ষ-পক্ষে ভক্ত যত নিকটবর্তী হইয়া, তদনুসারে তাঁহার সালোক্য এবং সামীপ্য-মুক্তি সম্ভাবিত হয়। মনুষ্য হইতে মুক্ত হইয়া যে লোকে জীব দেবত্বে উপনীত হইয়া, সংসার-মায়ী হইতে বিমুক্ত হইয়া দেবলোকে আসেন, সেই লোকে তাঁহার সালোক্য-মুক্তি হয়। দেবগণের সহিত এক লোকে থাকার নাম সালোক্য। এই দেবত্ব-লাভের পর সূক্ষ্ম দৃষ্টি-প্রভাবে ভক্ত যত ভগবদ্দর্শনের সমীপবর্তী হইয়া একেবারে ঈশ্বরের সম্যক্ ঐশ্বর্য্য-মুক্তি দেখিতে পান, ততই তাঁহার সামীপ্য-মুক্তি সম্ভাবিত হয়। এই ঐশ্বর্য্য-মুক্তি তেমনই প্রত্যক্ষ হয়, যেমন অজ্ঞানের দিব্য চক্ষে প্রত্যক্ষ হইয়াছিল। সামীপ্য-মুক্তি লাভ হইলে যোগীর সারূপ্য বা সার্ঘ্য মুক্তি হয়। এই আধ্যাত্মিক স্তরে আসিয়া যোগী ঈশ্বরের স্বরূপ হইয়া তাঁহার ঐশ্বর্য্যভোগী হন। ঈশ্বরের সহিত সমান ঐশ্বর্য্যশালী হওয়ার নামই সার্ঘ্য বা সারূপ্য মুক্তি। যোগ-সাধন-দ্বারা এইরূপ যোগৈশ্বর্য্যলাভে সমর্থ হওয়া যায়। এ সমস্ত মুক্তি-লাভ করিয়া যোগী যে স্তরে আসিয়া দাঁড়ান, তৎপরে কেহ কেহ সেই ঐশ্বর্য্য-লাভেই অভিভূত হইয়া পড়েন, কেহ কেহ বা তৎপরে সাধুজ্ঞ বা ঈশ্বরে লয়-মুক্তির প্রয়াসী হন। সাধুজ্ঞ-মুক্তিলাভেও জীবের গুণভাব থাকে। কারণ, তখন সগুণ ভগবানের সহিত একীভূত ভাব ঘটে মাত্র। গুণভাব সতদিন থাকে, ততদিন জীবের সংসার-গতি নিবারণিত হয় না। এই গুণভাবের একেবারে বিনাশ-সাধন না করিতে পারিলে নিশ্চৈগুণ্য হয় না ;

নিশ্চৈশ্বৰ্য্য না হইলে ব্রহ্ম-পদ-লাভ হয় না। এই ব্রহ্ম-পদ-লাভের নামই মোক্ষ। নিগূৰ্ণস্থ হেতু জীবাত্মা নিগূৰ্ণ-ব্রহ্মে বিলীন হইয়া যান। গুণাতীত হইলে তবে জীবের সংসার-গতি ঘটে। সংসার-গতি না ঘটিলে জীব পরমানন্দ অমৃতধাম লাভ করিতে পারে না। ভক্তি ও শক্তি-সাধন-পথে এতই আধ্যাত্মিক স্তর। এক এক আধ্যাত্মিক স্তর হইতে তদুদ্ধৰ স্তরে যাইতে পারিলে, নিম্ন স্তরের মূর্ত্তি-সাধন হয়।

লোকে অগ্রে সাধুজ্ঞা-মূর্ত্তির প্রয়াসী হইতে পারে না। কারণ, সে ভাব অনেক দূরের কথা। সে-মূর্ত্তির প্রয়াসী হইতে হইলে জীবকে সারূপ্য মূর্ত্তি লাভ করিয়া অনেক দূর আধ্যাত্মিক স্তরে উপনীত হইতে হয়। রামপ্রসাদ যে আধ্যাত্মিক স্তরে উপনীত হইয়াছিলেন, সে স্তরে তিনি শব্দ সালোক্যেরই প্রয়াসী হইয়াছিলেন। ভগবদ্দর্শন জন্য তিনি একান্ত লোলুপ হইয়াছিলেন। অভয়-পদ-লাভের জন্য তাঁহার একান্ত লালসা হইয়াছিল। ভক্তের প্রথম লালসাই এই। যে শক্তি লাভ করিতে পারিলে এই লালসা পূর্ণ হয়, অভয়-পদের দর্শন লাভ হয়, সেই শক্তি-সাধনার জন্য রামপ্রসাদ সংসার-বিরাগী হইয়াছিলেন। এই একান্ত লালসা তাঁহার অনেক সঙ্গীতে দেখিতে পাওয়া যায়। তদুদ্ধৰ আধ্যাত্মিক স্তরের আশ্বাদ-গ্রহণ করিবার শক্তি তাঁহার জন্মে নাই। তথাপি রামপ্রসাদ যে সে সকল মূর্ত্তির কথায় একেবারে অনভিজ্ঞ ছিলেন, এমতও বোধ হয় না। লয়-মূর্ত্তি পর্যন্তও যে তাঁহার এ যাত্রার আশা ছিল, তাহা তিনি,—

“মা, আমি তোমারে খাব।

তুমি খাও কি আমি খাই মা, এবার (এ যাত্রার)

দুটোর একটা করে যাব।।” ইত্যাদি

এই গীতে প্রকাশ করিয়া গিয়াছেন। এই গীতে ব্রহ্মের সহিত বিলীন হইবার আশা বিলক্ষণ জানাইয়াছিলেন। আর এক গীতেও তাঁহার এই লয়-মূর্ত্তি-জ্ঞান প্রতীত হইয়াছে। যখন তিনি পরলোক-তত্ত্বের মীমাংসায় গাহিয়া উঠিলেন,—

“বল দেখি ভাই, কি হয় ম'লে?”

তখন তিনি সেই পরলোক-তত্ত্বের মীমাংসায় জীবের সালোক্যাদি নানা গতি বর্ণন করিয়া, শেষে তাহার পরা-গতির কথা বলিয়া গীত শেষ করিলেন। বলিলেন, ষেরূপ “জলবিশ্ব মিশায় জলে”—সেইরূপ জীবাত্মা পরমাত্মায় মিশিলে তখন তাহার পরলোক-গতি শেষ হয়। নহিলে রামপ্রসাদ বলিয়া-ছিলেন যে, যিনি বাহা বলেন, সে সকলই সত্য ; কোন মূর্ত্তিই অসত্য নহে, কিন্তু সে সকল মূর্ত্তি-লাভেও আত্মার পরলোক-গতি নিবারণিত হয় না।

মৃত্যুর পর আবার জন্ম, আবার মৃত্যু, আবার সংসার, আবার জন্ম। মৃত্যুর পর জীবের পরলোক এইরূপ চিরদিনই চলে। কিছুতেই তাহার সংসার-গতি নির্ভারিত হয় না। যতদিন আসক্তি ও কামনা থাকে, ততদিন সূক্ষ্মদেহ থাকে ; যতদিন সূক্ষ্মদেহ থাকে, ততদিন সংসার থাকে। অনাসক্ত হইলে যখন আত্মা নিষ্কাম হেতু বিদেহু হয়, তখন তিনি দেহাবরণ হইতে মুক্ত হইয়া ব্রহ্ম একেবারে মিশিয়া যান, তখন তাহার স্থূলদেহ পরিবর্তন বা মৃত্যুর পর আর লোকান্তর থাকে না। “যেমন জলবিন্দু মিশায় জলে” তেমনি জীবের শেষ হয়। যে ব্রহ্মসত্ত্ব হইতে আত্মার জীবন্ত ঘটিয়াছিল, সেই মহান ও অনন্ত ব্রহ্মসত্ত্বে তিনি আবার বিলীন হন। তখন তাহার আর জীবন্ত থাকে না। তাহার বিশেষ ভাব শেষ হইলে তিনি অবিশেষ ভাবে উপনীত হন। এই বিশেষ ভাবই জীবন্ত। জীবন্ত যতদিন আছে, ততদিন পরলোক আছে। পরলোকে যদি এই জীবন্তের নাশ না হয়, তবে আবার বিশেষ ভাব ঘটে। বিশেষ ভাব ঘটিলেই আবার মৃত্যু। অবিশেষ ভাবে উপনীত হইতে পারিলেই আত্মা অমৃত-পদ-লাভ করিতে পারেন। তখন এই আত্মার মৃত্যু-ভয়-নাশন প্রকৃত অভয়-পদ লব্ধ হয়। তখন তিনি অবিশেষ পরমাত্মায় কিরূপ মিশিয়া যান?—

“যেমন জলবিন্দু মিশায় জলে।”

রামপ্রসাদ এই শক্তি-সাধন-পথে কেমন ক্রমে ক্রমে অগ্রসর হইয়াছিলেন, তাহা তাহার গীতাবলীতে প্রকাশিত আছে। ভগবন্ততির যতই প্রগাঢ়তা জন্মিয়াছে, ততই তিনি এক এক ভাবে উপনীত হইয়া এক এক সঙ্গীত রচনা করিয়াছেন। তাহার ভক্তি-সাধনার প্রতি পদের চিহ্ন এই সঙ্গীত-মালা। সেই চিহ্ন-অনুসারে তাঁর সঙ্গীত-মালা গাঁথিতে পারিলে, ভক্তি-শাস্ত্রের এক রমণীয় রত্নমালা লাভ হয়। এই রত্নহারে তিনি শ্যামাসুন্দরীকে শোভিতা করিয়াছিলেন। ভক্ত ভিন্ন কি অন্য কেহ এ হার গাঁথিতে পারে? ভক্তি-রত্নমালায় মহাশক্তি ভগবতী সুশোভিতা।

সংসারে ঈশ্বর ভুলিয়া আত্ম-পূজা, সম্যাসে সংসার ভুলিয়া ঈশ্বর-পূজা। যিনি ঐ দুয়ের সামঞ্জস্য করিয়া চলিতে পারেন, তিনিই মনু এবং গীতোক্ত গৃহস্থ-সম্যাসী। যিনি সংসারে থাকিয়া তাহার পাপে পরিলিপ্ত না হন, যিনি উদাসীন হইয়াও সংসারী, তিনিই প্রকৃত ভক্তি-পথের পথিক। রামপ্রসাদের জীবনে এই দৃষ্টান্ত। তাহার সঙ্গীত-মধ্যেও এই ধর্মের উপদেশ। তাহার গানে বিষয়ীর সমুদয় ভাব ; কিন্তু বিষয়ীর ভাব-মধ্যেও বৈরাগ্য। ঘোর বিষয়ীর হৃদয়ে যদি বৈরাগ্য ও ধর্মনিদ্রাগ সজাত হয়, তিনি যে ভাবে গান গাহিবেন, রামপ্রসাদ সেই ভাবে গান গাহিয়া গিয়াছেন। তিনি সমুদয় বিষয়-সামগ্রীকে ঈশ্বর-ভাবে পূর্ণ করিয়াছেন। সমুদয় বিষয় তাহার নিকট কালী-

নাম লেখা। ভক্তিময়ী রাধিকার চক্ষে যেমন সমুদয় বৃন্দাবন কৃষ্ণময়, তাঁহার শ্রবণে বংশীধ্বনিও যেমন রাধাময়, তেমন রামপ্রসাদের ভক্তিতে সৰ্ব্ব সংসার তারাময়। সৰ্ব্ব সংসার তাঁহাকে ভক্তি-পথে আহ্বান করিতেছে। সৰ্ব্ব সংসার তাঁহার নিকট ভক্তি-গীত গাহিতেছে। এই জন্য তাঁহার গীতাবলী কি বিরাগী, কি বিষয়ী, সকলেরই মনোজ্ঞ। বিষয়ী যখন বৈরাগ্যে ও ভক্তিভাবে পূর্ণ হইলেন, তখন তিনি রামপ্রসাদের গীত গাহিয়া বসেন ; আবার বিরাগী যখন বিষয়ের দিকে দৃষ্টিপাত করেন, তখন তিনি প্রসাদী পদাবলী গাহিয়া উঠেন। এই জন্য রামপ্রসাদ সৰ্ব্বজন-মনোরঞ্জন। ভিখারী তাঁহার বৈরাগ্যে পরিতুষ্ট হইয়া তদীয় সঙ্গীত-সুধা পান করেন, বৃদ্ধ জনগণ ভক্তিভাবে গদগদ হইয়া তদীয় সঙ্গীতামৃতের রসাস্বাদ করিতে চাহেন ; এ দিকে তরুণবয়স্কেরা তাঁহার কবিত্বে বিমুগ্ধ হইয়া তাঁহার সঙ্গীত-রসে নিমগ্ন হইলেন। এই জন্য যেমন রামপ্রসাদের গীতাবলী বঙ্গদেশে সুপ্রচলিত,—এমত আর কাহারও নহে।

রামপ্রসাদের সঙ্গীতে যেমন, এমন আর কোন জাতীয় ধর্ম-সঙ্গীতে, সাধুজনের মৃত্যুর প্রতি নির্ভয়তা—সুন্দর, সরল অথচ সংসাহসপূর্ণ ভাষায় পরিব্যক্ত হয় নাই। রামপ্রসাদের গীতে কেমন এক সাহসিকতা ও নির্ভীকতা আছে, যাহা কোন কবির ভাষায় দেখা যায় না। অথচ সঙ্গীতের পদগুলি নিতান্ত সরল। সেই সরল পদ-মধ্য হইতে যেন রামপ্রসাদের অন্তর্ভুল প্রকাশিত হইতেছে—রামপ্রসাদের তেজ, ধর্মের এবং সাধু-জীবনের বল-দর্প ও সাহস প্রকাশিত হইতেছে। পদগুলি পড়িলে বোধ হয়, যেন রামপ্রসাদ দ্বিসংসার পরাজিত করিয়াছেন। কিন্তু আশ্চর্য এই, এত সাহস, এত বল, এমত সামান্য ভাষায় কেমন প্রকাশিত হইয়াছে! বাস্তবিক, রামপ্রসাদের বাগ্‌ভঙ্গী অতি চমৎকার ; আর কোন কবির ভাষায় সেরূপ বাগ্‌ভঙ্গী দেখা যায় না। মৃত্যুকে তুচ্ছ-জ্ঞান কেন, দেবতাকেও তিনি সাধন-বলে, এবং সাধু-জীবনের সং সাহসে পূর্ণ হইয়া, সন্তান যেমন জনক-জননীকে নিতান্ত আপনার ভাবিয়া বল-দর্পিত বাক্যে উক্তি করে, তেমন বল-দর্পে সম্বোধন করিয়াছেন। যে গীতগুলি এই প্রকার ধর্ম-সাহসে পরিপূর্ণ, সেই গীতগুলি গাহিবার সময়ে আমরাও যেন তদ্রূপ সাহসে পূর্ণ হই, দেবগণকে একবার আপনার জ্ঞান করি, মৃত্যুকে হেয়-জ্ঞান হয়, এবং দেব-ভাব অন্তরে উদ্ভূত হইয়া পশু-ভাবে বিতাড়িত করিয়া দেয়। তখন মনে হয়, আমরা দেবতার সন্তান, স্বর্গধাম আমাদের স্বদেশ, মৃত্যু তাহার সোপান। তবে মৃত্যুকে ভয় কি? দেব-অসি করে ধারণ করিয়া, মাতৃসদৃশ সমগ্র পাপবেরী ছেদন করিতে পারিলে শিবও আপন বক্ষ পাতিয়া আমাদের স্থান দান করিবেন। তখন মনে-মনে আর একবার আমরা শ্যামাপূজা করি, শক্তির উপাসক হই। রামপ্রসাদের হৃদয়-ভাব আমাদের হৃদয়ে সমুদিত হয়। তাঁহার হৃদয় আসিয়া অর্মান

আমাদের হৃদয়ে মিলিয়া যায়। তখন আমরা শিব-শঙ্করীকে দেব-ভাবে পর্যবেক্ষণ করি। তাহাতে ঐশ্বরিক শক্তি দেখি। তাহাতে মানবীয় দেব-ভাব দেখি। তাহাতে ধর্মের জয় দেখি, তাহাতে স্ত্রীজাতির ভক্তি-ভাবের প্রাবল্য দেখি। শান্তশীল শিবের হৃদয় হইতে কালীরূপী শক্তি উদ্ভূত দেখি। দেবশক্তি কেমন প্রবলা, তাহা ধর্মের অসি ও পাপবৈরগণের মন্ডমালার প্রতীতি করি। তখন হৃদয় কালীমগ্ন হয়, শক্তিতে পরিপূর্ণ হয়। ভবের ঐশ্বর্য্য, ধর্মের শান্তিভাব, শক্তিরই পদতলে। যাঁহার ধর্মশক্তি আছে, সম্পদ, শান্তি ও সুখ তাঁহার পদতলে।

[আর্য্যদর্শন, ১২৮২]

## দীনবন্ধু মিত্র

বঙ্কিমচন্দ্র চট্টোপাধ্যায়

যে বৎসর ঈশ্বরচন্দ্র গুপ্তের মৃত্যু হয়, সেই বৎসর মাইকেল মধুসূদন দত্ত-প্রণীত ‘তিলোত্তমাসম্ভব কাব্য’ ‘রহস্যসন্দর্ভে’ প্রকাশিত হইতে আরম্ভ হয়। ইহাই মধুসূদনের প্রথম বাঙালা কাব্য। তাহার পর-বৎসর দীনবন্ধুর প্রথম গ্রন্থ ‘নীলদর্পণ’ প্রকাশিত হয়।

সেই ১৮৫৯।৬০ সাল বাঙালা সাহিত্যে চিরস্মরণীয়—উহা নূতন-পুরাতনের সন্ধিস্থল। পুরানো দলের শেষ কবি ঈশ্বরচন্দ্র অস্তমিত, নূতনের প্রথম কবি মধুসূদনের নবোদয়। ঈশ্বরচন্দ্র খাঁটি বাঙালী, মধুসূদন ডাহা ইংরেজ। দীনবন্ধু ইহাদের সন্ধিস্থল। বলিতে পারা যায় যে, ১৮৫৯।৬০ সালের মত দীনবন্ধুও বাঙালা কাব্যের নূতন-পুরাতনের সন্ধিস্থল।

দীনবন্ধু ঈশ্বর গুপ্তের একজন কাব্য-শিষ্য। ঈশ্বরচন্দ্রের কাব্য-শিষ্য-দিগের মধ্যে দীনবন্ধু গুরুদ্বয় যতটা কবি-স্বভাবের উত্তরাধিকারী হইয়াছিলেন, এত আর কেহ নহে। দীনবন্ধুর হাস্যরসে যে অধিকার, তাহা গুরুদ্বয় অনুকারী। বাঙালীর প্রাত্যহিক জীবনের সঙ্গে দীনবন্ধুর কবিতার যে ঘনিষ্ঠ সম্বন্ধ, তাহাও গুরুদ্বয় অনুকারী। যে রুচির জন্য দীনবন্ধুকে অনেকে দৃষ্টিয়া থাকেন, সে রুচিও গুরুদ্বয়।

কিন্তু কবিত্ব-সম্বন্ধে গুরুদ্বয় অপেক্ষা শিষ্যকে উচ্চ আসন দিতে হইবে। ইহা গুরুদ্বয়ও অগৌরবের কথা নহে। দীনবন্ধুর হাস্যরসে অধিকার যে ঈশ্বর



গদ্যের অনুরাগী বলিয়াছি, সে কথার তাৎপর্য এই যে, দীনবন্ধু ঈশ্বর গদ্যের সঙ্গে একজাতীয় ব্যঙ্গ-প্রণেতা ছিলেন। আগেকার দেশীয় ব্যঙ্গ-প্রণালী এক-জাতীয় ছিল, এখন আর-একজাতীয় ব্যঙ্গে আমাদের ভালবাসা জন্মিতেছে। আগেকার লোক কিছুর মোটা কাজ ভালবাসিত, এখন সরদর, উপর লোকের অনুরাগ। আগেকার রসিক, লাঠিয়ালের ন্যায় মোটা লাঠি লইয়া সজ্ঞারে শত্রুর মাথায় মারিতেন, মাথার খুঁদল ফাটিয়া যাইত। এখনকার রসিকেরা, ডাক্তারের মত সরদর ল্যান্সেটখানি বাহির করিয়া, কখন কুচ করিয়া ব্যথার স্থানে বসাইয়া দেন, কিছুর জানিতে পারা যায় না, কিন্তু হৃদয়ের শৌণিত ক্ষতমুখে বাহির হইয়া যায়। এখন ইংরেজ-শাসিত সমাজে ডাক্তারের গ্রীবৃদ্ধি—লাঠিয়ালের বড় দূরবস্থা। সাহিত্য-সমাজে লাঠিয়াল আর নাই, এমন নহে ; দুর্ভাগ্যক্রমে সংখ্যায় কিছুর বাড়িয়াছে, কিন্তু তাহাদের লাঠি ঘুণে-ধরা ; বাহুতে বল নাই, তাহারা লাঠির ভরে কাতর ; শিক্ষা নাই, কোথায় মারিতে কোথায় মারে। লোক হাসায় বটে, কিন্তু হাস্যের পাত্র তাহারা স্বয়ং। ঈশ্বর গদ্যে বা দীনবন্ধু এ-জাতীয় লাঠিয়াল ছিলেন না। তাহাদের হাতে পাকা বাঁশের মোটা লাঠি, বাহুতেও অমিত বল, শিক্ষাও বিচিত্র। দীনবন্ধুর লাঠির আঘাতে অনেক জলধর ও রাজীব মুখোপাধ্যায় জলধর বা রাজীব-জীবন পরিত্যাগ করিয়াছে।

কবির প্রধান গুণ—সৃষ্টি-কৌশল। ঈশ্বর গদ্যের এ ক্ষমতা ছিল না। দীনবন্ধুর এ শক্তি অতি প্রচুর-পরিমাণে ছিল। তাঁহার প্রণীত জলধর, জগদম্বা, মল্লিকা, নিমচাঁদ দত্ত প্রভৃতি এই সকল কথার উজ্জ্বল উদাহরণ। তবে যাহা সুক্ষ্ম, কোমল, মধুর, অক্লিষ্ট, করুণ, প্রশান্ত—সে সকলে দীনবন্ধুর তেমন অধিকার ছিল না। তাঁহার লীলাবতী, তাঁহার মালতী, কামিনী, সৈরিন্ধী, সরলা প্রভৃতি রসজ্ঞের নিকট তাদৃশ আদরণীয়া নহে। তাঁহার বিনায়ক, রমণীমোহন, অরবিন্দ, ললিতমোহন মন মুগ্ধ করিতে পারে না। কিন্তু যাহা স্থূল, অসংগত, অসংলগ্ন, বিপর্যস্ত, তাহা তাঁহার ইঙ্গিতমাধুর্যেরও অধীন ; ওঝার ডাকে ভূতের দলের মত স্মরণমাত্র সারি দিয়া আসিয়া দাঁড়ায়।

কি উপায় লইয়া দীনবন্ধু এই সকল চিত্র রচনা করিয়াছিলেন, তাহার আলোচনা করিলে বিস্মিত হইতে হয়। বিস্ময়ের বিষয়—বাংগালা সমাজ-সম্বন্ধে দীনবন্ধুর বহুদর্শিতা। সকল শ্রেণীর বাংগালীর দৈনিক জীবনের সকল খবর রাখে, এমন বাংগালী লেখক আর নাই। এ বিষয়ে বাংগালী লেখকদিগের এখন সাধারণতঃ বড় শোচনীয় অবস্থা। তাঁহাদিগের অনেকেরই লিখিবার যোগ্য শিক্ষা আছে, লিখিবার শক্তি আছে, কেবল যাহা জানিলে তাঁহাদের লেখা সার্থক হয়, তাহা জানা নাই। তাঁহারা অনেকেই দেশ-বৎসল, দেশের মঙ্গলার্থ লেখেন, কিন্তু দেশের অবস্থা কিছুরই জানেন না। কলিকাতার ভিতর স্বশ্রেণীর লোকে কি করে, ইহাই অনেকের স্বদেশ-সম্বন্ধীয় জ্ঞানের

সীমা। কেহ-বা অতিরিক্ত দুই-চারিখানা পল্লীগ্ৰাম, বা দুই-একটা ক্ষুদ্র নগর দেখিয়াছেন, কিন্তু সে বদ্বীপ কেবল পথ-ঘাট, বাগান-বাগিচা, হাট-বাজার। লোকের সঙ্গে মিলেন নাই। দেশ-সম্বন্ধীয় তাঁহাদের যে জ্ঞান, তাহা সচরাচর সংবাদপত্র হইতে প্রাপ্ত। সংবাদপত্র-লেখকেরা আবার সচরাচর (সকলে নহেন) ঐ শ্রেণীর লেখক—ইংরেজেরা ত বটেই। কাজেই তাঁহাদের কাছেও দেশ-সম্বন্ধীয় যে জ্ঞান, পাওয়া যায়, তাহা দার্শনিকদিগের ভাষায়, রঞ্জিত হইতে সর্ব-জ্ঞানবৎ ভ্রম-জ্ঞান বলিয়া উড়াইয়া দেওয়া যাইতে পারে। এমন বলিতেছি না যে, কোন বাঙালী লেখক গ্রাম্য প্রদেশ ভ্রমণ করেন নাই। অনেকে করিয়াছেন, কিন্তু লোকের সঙ্গে মিশিয়াছেন কি? না মিশিলে, যাহা জানিয়াছেন, তাহার মূল্য কি?

বাঙালী লেখকদিগের মধ্যে দীনবন্ধুই এ বিষয়ে সর্বোচ্চ স্থান পাইতে পারেন। দীনবন্ধুকে রাজকাৰ্য্যানুরোধে, মণিপুর হইতে গাজাম পর্যন্ত, দার্জিলিং হইতে সমুদ্র পর্যন্ত, পুনঃপুনঃ ভ্রমণ করিতে হইয়াছিল। কেবল পথ-ভ্রমণ বা নগর-দর্শন নহে। ডাকঘর দেখিবার জন্য গ্রামে গ্রামে যাইতে হইত। লোকের সঙ্গে মিশিবার তাঁহার অসাধারণ শক্তি ছিল। তিনি আহুদপূর্ব্বক সকল শ্রেণীর লোকের সঙ্গে মিশিতেন। ক্ষেত্রমণির মত গ্রাম্য প্রদেশের ইতর লোকের কন্যা, আদুরীর মত গ্রাম্য বর্ষাসী, তোরাপের মত গ্রাম্য প্রজা, রাজীবের মত গ্রাম্য বৃদ্ধ, নৃশীরাম ও রত্নার মত গ্রাম্য বালক, পক্ষান্তরে নিমচাঁদের মত সহুরে শিক্ষিত মাতাল, অটলের মত নগর-বিহারী গ্রাম্য বাবু, কাণ্ডনের মত মনুষ্য-শোণিতপায়িনী নগরবাসিনী রাক্ষসী, নদেরচাঁদ হেমচাঁদের মত ‘উনপাঁজুরে বরাখুরে’ হাপ-পাড়াগেয়ে হাপ-সহুরে বস্যাটে ছেলে, ঘটীরামের মত ডিপুটি, নীলকুঠীর দেওয়ান, আমীন, তাগাদগীর, উড়ে বেহারা, দুলে বেহারা, পেঁচোর মা কাওরাণীর মত লোকের পর্যন্ত তিনি নাড়ী-নক্ষত্র জানিতেন। তাহারা কি করে, কি বলে, তাহা ঠিক জানিতেন। কলমের মূখে তাহা ঠিক বাহির করিতে পারিতেন,—আর কোন বাঙালী লেখক তেমন পারে নাই। তাঁহার আদুরীর মত অনেক আদুরী আমি দেখিয়াছি, তাহারা ঠিক আদুরী। নদেরচাঁদ, হেমচাঁদ আমি দেখিয়াছি, তাহারা ঠিক নদেরচাঁদ বা হেমচাঁদ। মল্লিকা দেখা গিয়াছে,—ঠিক অমনি ফটন্ত মল্লিকা। দীনবন্ধু অনেক সময়েই শিক্ষিত ভাস্কর বা চিত্রকরের ন্যায় জীবিত আদর্শ সম্মুখে রাখিয়া চরিত্রগুলি গঠিতেন। সামাজিক বক্ষে সামাজিক বানর সমারূঢ় দেখিলেই অমনি তুলি ধরিয়া তাহার লেজশুদ্ধ আঁকিয়া লইতেন। এটুকু গেল তাঁহার Realism; তাহার উপর Idealize করিবারও বিলক্ষণ ক্ষমতা ছিল। সম্মুখে জীবন্ত আদর্শ রাখিয়া আপনার স্মৃতির ভান্ডার খুলিয়া, তাহার ঘাড়ের উপর অন্যের দোষ-গুণ চাপাইয়া দিতেন। যেখানে যেটি সাজে, তাহা বসাইতে জানিতেন। গাছের বানরকে এইরূপ সাজাইতে

সাজাইতে সে একটা হনুমান্ বা জাম্ববানে পরিণত হইত। নিমচাঁদ, ঘটিগ্রাম, ভোলাচাঁদ প্রভৃতি বন্য জন্তুর এইরূপে উৎপত্তি। এই সকল সৃষ্টির বাহুল্য ও বৈচিত্র্য বিবেচনা করিলে, তাঁহার অভিজ্ঞতা বিস্ময়কর বলিয়া বোধ হয়।

কিন্তু কেবল অভিজ্ঞতায় কিছ্ হয় না। সহানুভূতি ভিন্ন সৃষ্টি নাই। দীনবন্ধুর সামাজিক অভিজ্ঞতাই বিস্ময়কর নহে—তাঁহার সহানুভূতিও অতিশয় তীব্র। বিস্ময় এবং বিশেষ প্রশংসার কথা এই যে, সকল শ্রেণীর লোকের সঙ্গেই তাঁহার তীব্র সহানুভূতি। গরিব-দুঃখীর দুঃখের মর্ম্ম বুঝিতে এমন আর কাহাকেও দেখি নাই। তাই দীনবন্ধু এমন একটা তোরাপ কি রাইচরণ, একটা আদুরী কি রেবতী লিখিতে পারিয়াছিলেন। কিন্তু তাঁহার এই তীব্র সহানুভূতি কেবল গরিব-দুঃখীর সঙ্গে নহে—ইহা সর্বব্যাপী। তিনি নিজে পবিত্র-চরিত্র ছিলেন, কিন্তু দুঃখ-চরিত্রের দুঃখ বুঝিতে পারিতেন। দীনবন্ধুর পবিত্রতার ভান ছিল না। এই বিশ্বব্যাপী সহানুভূতির গুণেই হউক বা দোষেই হউক, তিনি সর্বস্থানে যাইতেন, শূদ্ধাত্মা পাপাত্মা সকল শ্রেণীর লোকের সঙ্গে মিশিতেন। কিন্তু অগ্নি-মধ্যস্থ অদাহ্য শিলার ন্যায় পাপাগ্নি-কুণ্ডেও আপনার বিশুদ্ধি রক্ষা করিতেন। নিজে এই প্রকার পবিত্রচেতা হইয়াও সহানুভূতি-শক্তির গুণে তিনি পাপিষ্ঠের দুঃখ পাপিষ্ঠের ন্যায় বুঝিতে পারিতেন। তিনি নিমচাঁদ দত্তের ন্যায় বিশুদ্ধ-জীবন-সুখ, বিফলীকৃত-শিক্ষা, নৈরাশ্য-পীড়িত মদ্যপের দুঃখ বুঝিতে পারিতেন ; বিবাহ-বিষয়ে ভগ্ন-মনোরথ রাজীব মদুখোপাধ্যায়ের দুঃখ বুঝিতে পারিতেন ; গোপীনাথের ন্যায় নীল-করের আজ্ঞানুবর্তিতার যন্ত্রণা বুঝিতে পারিতেন। দীনবন্ধুকে আমি বিশেষ জানিতাম। তাঁহার হৃদয়ের সকল ভাগই আমার জানা ছিল। আমার এই বিশ্বাস, এরূপ পরদুঃখকাতর মনুষ্য আর আমি দেখিয়াছি কি-না সন্দেহ। তাঁহার গ্রন্থেও সেই পরিচয় আছে।

কিন্তু এ সহানুভূতি কেবল দুঃখের সঙ্গে নহে। সুখ-দুঃখ, রাগ-দ্বेष সকলেরই সঙ্গে তুল্য সহানুভূতি। আদুরীর বাড়িটপৈছার সুখের সঙ্গে সহানুভূতি, তোরাপের রাগের সঙ্গে সহানুভূতি, ভোলাচাঁদ যে শূভ কারণবশতঃ স্বশ্রদ্ধ-বাড়ী যাইতে পারে না, সে সুখের সঙ্গেও সহানুভূতি। সকল কবিরই এ সহানুভূতি চাই, তা নহিলে কেহই উচ্চ শ্রেণীর কবি হইতে পারেন না। কিন্তু অন্য কবিদিগের সঙ্গে ও দীনবন্ধুর সঙ্গে একটু প্রভেদ আছে। সহানুভূতি প্রধানতঃ কল্পনা-শক্তির ফল। আমি আপনাকে ঠিক অন্যের স্থানে কল্পনার দ্বারা বসাইতে পারিলেই তাহার সঙ্গে আমার সহানুভূতি জন্মে। যদি তাহাই হয়, তবে এমন হইতে পারে যে, অতি নিম্নদয় নিষ্ঠুর ব্যক্তিও, কল্পনা-শক্তির বল থাকিলে, কাব্য-প্রণয়ন-কালে দুঃখীর সঙ্গে আপনার সহানুভূতি জন্মাইয়া লইয়া কাব্যের উদ্দেশ্য-সাধন করেন। কিন্তু আবার এমন শ্রেণীর লোকও আছেন যে, দয়া প্রভৃতি কোমল বৃত্তি-সকল তাঁহাদের স্বভাবে এত

প্রবল যে, সহানুভূতি তাঁহাদের স্বতঃসিদ্ধ—কল্পনার সাহায্যের অপেক্ষা করে না। মনস্তত্ত্ববিদেরা বলিবেন, এখানেও কল্পনা-শক্তি লুকাইয়া কাজ করে, তবে সে কার্য্য এমন অভ্যস্ত, বা শীঘ্র সম্পাদিত যে, আমরা বুদ্ধিতে পারি না। এখানেও কল্পনা বিরাজমান। তাহাই না হয় হইল, তথাপি একটা প্রভেদ হইল। প্রথমোক্ত শ্রেণীর লোকের সহানুভূতি তাঁহাদের ইচ্ছা বা চেষ্টার অধীন, দ্বিতীয় শ্রেণীর লোকের সহানুভূতি তাঁহাদের ইচ্ছাধীন নহে—তাঁহারা সহানুভূতির অধীন। এক শ্রেণীর লোক যখন মনে করেন তখনই সহানুভূতি আসিয়া উপস্থিত হয়, নহিলে সে আসিতে পারে না ; সহানুভূতি তাঁহাদের দাসী। অপর শ্রেণীর লোকেরা নিজেই সহানুভূতির দাস, তাঁহারা তাহাকে চান, বা না-চান, সে আসিয়া ঘাড়ে চাপিয়াই আছে, হৃদয় ব্যাপিয়া আসন পাতিয়া বিরাজ করিতেছে। প্রথমোক্ত শ্রেণীর লোকের কল্পনা-শক্তি বড় প্রবল ; দ্বিতীয় শ্রেণীর লোকের প্রীতি, দয়াদি বৃত্তি-সকল প্রবল।

দীনবন্ধু এই দ্বিতীয় শ্রেণীর লোক ছিলেন। তাঁহার সহানুভূতি তাঁহার অধীন বা আয়ত্ত নহে ; তিনি নিজেই সহানুভূতির অধীন। তাঁহার সৰ্ব্ব-ব্যাপিনী সহানুভূতি তাঁহাকে যখন যে পথে লইয়া যাইত, তখন তিনি তাহাই করিতে বাধ্য হইতেন। তাঁহার গ্রন্থে যে রুচির দোষ দেখিতে পাওয়া যায়, বোধ হয়, এখন তাহা আমরা বুদ্ধিতে পারিব। তিনি নিজে সুশিক্ষিত এবং নিম্মল চরিত্র ; তথাপি তাঁহার গ্রন্থে যে রুচির দোষ দেখিতে পাওয়া যায়, তাঁহার প্রবলা দুর্দ্দমনীয় সহানুভূতিই তাহার কারণ। যাহার সঙ্গে তাঁহার সহানুভূতি, যাহার চরিত্র আঁকিতে বসিয়াছেন, তাহার সমুদায় অংশই তাঁহার কলমের আগায় আসিয়া পড়িত। কিছু বাদ-সাদ দিবার তাঁহার শক্তি ছিল না ; কেন-না, তিনি সহানুভূতির অধীন—সহানুভূতি তাঁহার অধীন নহে। আমরা বলিয়াছি যে, তিনি জীবন্ত আদর্শ সম্মুখে রাখিয়া চরিত্র-প্রণয়নে নিযুক্ত হইতেন। সেই জীবন্ত আদর্শের সঙ্গে সহানুভূতি হইত বলিয়াই তিনি তাহাকে আদর্শ করিতে পারিতেন। কিন্তু তাঁহার উপর আদর্শের এমনই বল যে, সেই আদর্শের কোন অংশ তাগ করিতে পারিতেন না। তোরাপের সৃষ্টি-কালে, তোরাপ যে ভাষায় রাগ প্রকাশ করে, তাহা বাদ দিতে পারিতেন না। আদুরীর সৃষ্টি-কালে, আদুরী যে ভাষায় রহস্য করে, তাহা বাদ দিতে পারিতেন না। নিমচাঁদ গড়িবার সময়ে, নিমচাঁদ যে ভাষায় মাতলামি করে, তাহা ছাড়িতে পারিতেন না। অন্য কবি হইলে, সহানুভূতির সঙ্গে একটা বন্দোবস্ত করিত,—বলিত, “তুমি আমাকে তোরাপের বা আদুরীর বা নিমচাঁদের স্বভাব-চরিত্র বুঝাইয়া দাও, কিন্তু ভাষা আমার পছন্দ-মত হইবে,—ভাষা তোমার কাছে লইব না।” কিন্তু দীনবন্ধুর সাধ্য ছিল না, সহানুভূতির সঙ্গে কোন প্রকার বন্দোবস্ত করেন। সহানুভূতি তাঁহাকে বলিত, “আমার হুকুম—সবটুকু লইতে হইবে—মায় ভাষা। দেখিতেছ না যে, তোরাপের ভাষা ছাড়িলে,

তোরাপের রাগ আর তোরাপের রাগের মত থাকে না ; আদুরীর ভাষা ছাড়িলে, আদুরীর তামাসা আর আদুরীর তামাসার মত থাকে না ; নিমচাঁদের ভাষা ছাড়িলে, নিমচাঁদের মাতলামি আর নিমচাঁদের মাতলামির মত থাকে না ; সবটুকু দিতে হইবে।” দীনবন্ধুর সাধ্য ছিল না যে বলেন, “না, তা হবে না।” তাই আমরা একটা আস্ত তোরাপ, আস্ত নিমচাঁদ, আস্ত আদুরী দেখিতে পাই। রুচির মৃদু-রক্ষা করিতে গেলে, ছেঁড়া তোরাপ, কাটা আদুরী, ভাঙা নিমচাঁদ পাইতাম।

আমি এমন বলিতোঁছি না যে, দীনবন্ধু যাহা করিয়াছেন, বেশ করিয়াছেন। গ্রন্থে রুচির দোষ না ঘটে, ইহাই সর্বতোভাবে বাঞ্ছনীয়, তাহাতে সংশয় কি ? আমি যে কয়টা কথা বলিলাম, তাহার উদ্দেশ্য প্রশংসা বা নিন্দা নহে। মানুষ্টা বদ্বানই আমার উদ্দেশ্য। দীনবন্ধুর রুচির দোষ তাহার ইচ্ছায় ঘটে নাই—তাঁহার তীব্র সহানুভূতির গুণেই ঘটিয়াছে। গুণেও দোষ জন্মে, ইহা সকলেই জানে।—কথাটার আমরা মানুষ্টা বদ্বিতে পারিতোঁছি। গ্রন্থ ভাল হোক আর মন্দ হোক, মানুষ্টা বড় ভালবাসিবার মানুষ। তাঁহার জীবনেও তাহাই দেখিয়াছি। দীনবন্ধুকে যত লোক ভালবাসিয়াছে, এমন আমি কখন দেখি নাই বা শুনি নাই। সেই সর্বব্যাপিনী তীব্র সহানুভূতিই তাহার কারণ।

দীনবন্ধুর এই দুইটি গুণ—( ১ ) তাঁহার সামাজিক অভিজ্ঞতা, ( ২ ) তাঁহার প্রবল এবং স্বাভাবিক সর্বব্যাপিনী সহানুভূতি—তাঁহার কাব্যের গুণ-দোষের কারণ, এই তত্ত্বটি বদ্বানো এই সমালোচনার প্রধান উদ্দেশ্য। আমি ইহাও বদ্বাইতে চাই যে, যেখানে এই দুইটির মধ্যে একটির অভাব হইয়াছে, সেইখানেই তাঁহার কবিত্ব নিষ্ফল হইয়াছে। যাহারা তাঁহার প্রধান নায়ক-নায়িকা, তাহা-দিগের চরিত্র যে তেমন মনোহর হয় নাই, ইহাই তাহার কারণ। আদুরী বা তোরাপ জীবন্ত চিত্র ; কামিনী বা লীলাবতী, বিজয় বা ললিতমোহন সেরূপ নয়। সহানুভূতি আদুরী ও তোরাপের বেলা তাহাদের স্বভাব-সিদ্ধ ভাষা পর্যান্ত আনিয়া করির কলমের আগায় বসাইয়া দিয়াছিল ; কামিনী বা বিজয়ের বেলা, লীলাবতী বা ললিতের বেলা—চরিত্র ও ভাষা উভয়ই বিকৃত কেন ? যদি তাঁহার সহানুভূতি স্বাভাবিক এবং সর্বব্যাপী, তবে এখানে সহানুভূতি নিষ্ফল কেন ? কথাটা বদ্বা সহজ।—এখানে অভিজ্ঞতার অভাব। প্রথমে নায়িকাদের কথা ধরুন।

লীলাবতী বা কামিনী শ্রেণীর নায়িকা-সম্বন্ধে তাঁহার কোন অভিজ্ঞতা ছিল না। ছিল না—কেন-না, কোন লীলাবতী বা কামিনী বাঙালী-সমাজে ছিল না। হিন্দুর ঘরে খেড়ে মেয়ে, কোর্টশিপের পাঠ্য হইয়া, যিনি কোর্ট করিতেছেন, তাঁহাকে প্রাণ-মন সমর্পণ করিয়া বসিয়া আছে, এমন মেয়ে বাঙালী-সমাজে ছিল না—কেবল আজ-কাল নারিক দুই-একটা হইতেছে, শুনিতোঁছি। ইংরেজের ঘরে তেমন মেয়ে আছে ; ইংরেজ-কন্যার জীবনই তাই। আমাদিগের

দেশের প্রাচীন সংস্কৃত গ্রন্থেও তেমনই আছে। দীনবন্ধু ইংরেজি ও সংস্কৃত নাটক-নবল ইত্যাদি পড়িয়া এই ভ্রমে পড়িয়াছিলেন যে, বাঙালা-কাব্যে বাঙালার সমাজস্থিত নায়ক-নায়িকাকেও সেই ছাঁচে ঢালা চাই। কাজেই যাহা নাই, যাহার আদর্শ সমাজে নাই, তিনি তাহাই গাঁড়িতে বসিয়াছিলেন। এখন আমি ইহাও বুঝিয়াছি যে, তাঁহার চরিত্র-প্রণয়ন-প্রথা এই ছিল যে, জীবন্ত আদর্শ সম্মুখে রাখিয়া চিত্রকরের ন্যায় চিত্র আঁকিতেন। এখানে জীবন্ত আদর্শ নাই, কাজেই ইংরেজি ও সংস্কৃত গ্রন্থের মধ্যগত মৃৎপদন্তলগুলি দেখিয়া সে চরিত্রের গঠন করিতে হইত। জীবন্ত আদর্শ সম্মুখে নাই, কাজেই সে স্বর্ষব্যাপিনী সহানুভূতিও সেখানে নাই : কেন-না, স্বর্ষব্যাপিনী সহানুভূতিও জীবন্ত ভিন্ন জীবনহীনকে ব্যাপ্ত করিতে পারে না—জীবনহীনের সঙ্গ সহানুভূতির কোন সম্বন্ধ নাই। এখানে পাঠক দেখিলেন যে, দীনবন্ধুর সামাজিক অভিজ্ঞতাও নাই, স্বাভাবিক সহানুভূতিও নাই। এই দুইটি লইয়াই দীনবন্ধুর কবিত্ব। কাজেই এখানে কবিত্ব নিষ্ফল।

যেখানে দীনবন্ধুর প্রধান নায়িকা কোর্টশিপের পাত্রী নহে—যথা সৈরিন্দ্রী—সেখানেও দীনবন্ধু জীবন্ত আদর্শ পরিত্যাগ করিয়া পুস্তকগত আদর্শ অবলম্বন করিয়াছেন। কাজেই সেখানেও নায়িকার চরিত্র স্বাভাবিক হইতে পায় নাই।

দীনবন্ধুর নায়কগুলির সম্বন্ধে ঐরূপ কথাই বলা যাইতে পারে। দীনবন্ধুর নায়কগুলি স্বর্ষগুণসম্পন্ন বাঙালী যুবা—কাজকর্ম্ম নাই, কাজকর্ম্মের মধ্যে কাহারও philanthropy, কাহারও কোর্টশিপ। এরূপ চরিত্রের জীবন্ত আদর্শ বাঙালা-সমাজেই নাই, কাজেই এখানেও অভিজ্ঞতা নাই। এখানেও তাই দীনবন্ধুর কবিত্ব নিষ্ফল।

যে প্রণালী অবলম্বন করিয়া দীনবন্ধু জলধর বা জগদম্বা বা নিমচাঁদের চরিত্র প্রণীত করিয়াছিলেন, যদি এখানে সেই প্রথা অবলম্বন করিতেন, তাহা হইলে এখানেও তাঁহার কবিত্ব সফল হইত। তাঁহার সে শক্তি যে বিলক্ষণ ছিল, তাহা পূর্বে বলিয়াছি। বোধ হয়, তাঁহার চিত্তের উপর ইংরেজি সাহিত্যের আধিপত্য বেশী হইয়াছিল বলিয়াই এ স্থলে সে পথে যাইতে ইচ্ছা করেন নাই। পক্ষান্তরে, ভিন্ন প্রকৃতির কবি, অর্থাৎ বাঁহাদের সহানুভূতি কল্পনার অধীন—স্বাভাবিক নহে, তাঁহারা এমন স্থলে কল্পনার বলে সেই জীবনহীন আদর্শকে জীবন্ত করিয়া, সহানুভূতিকে জোর করিয়া ধরিয়া আনিয়া বসাইয়া একটা নবীনমাধব বা লীলাবতীর চরিত্রকে জীবন্ত করিতে পারিতেন। সেক্সপিয়র অবলীলাক্রমে জীবন্ত Caliban বা Ariel-এর সৃষ্টি করিয়াছেন, কালিদাস অবলীলাক্রমে উমা বা শকুন্তলার সৃষ্টি করিয়াছেন। এখানে সহানুভূতি কল্পনার আত্মকারণী।

দীনবন্ধুর এই অলৌকিক সমাজজ্ঞতা এবং তাঁর সহানুভূতির ফলেই তাঁহার প্রথম নাটক-প্রণয়ন। যে সকল প্রদেশে নীল প্রস্তুত হইত, সেই সকল প্রদেশে তিনি অনেক ভ্রমণ করিয়াছিলেন,—নীলকরের তাৎকালিক প্রজা-পীড়ন সবিস্তারে অবগত হইয়াছিলেন। এই প্রজা-পীড়ন তিনি যেমন জানিয়াছিলেন, এমন আর কেহই জানিতেন না। তাঁহার স্বাভাবিক সহানুভূতির বলে সেই পীড়িত প্রজাদিগের দুঃখ তাঁহার হৃদয়ে অপনার ভোগ্য দুঃখের ন্যায় প্রতীয়মান হইল, কাজেই হৃদয়ের উৎস কবিকে লেখনী-মুখে নিঃসৃত করিতে হইল। নীলদর্পণ বাঙ্গালার Uncle Tom's Cabin. 'টম্ কাকার কুটীর' আমেরিকার কাফ্রিদিগের দাসত্ব ঘুচাইয়াছে ; নীলদর্পণ নীল-দাসদিগের দাসত্ব-মোচনের অনেকটা কাজ করিয়াছে। নীলদর্পণে গ্রন্থকারের অভিজ্ঞতা এবং সহানুভূতি পূর্ণমাত্রায় যোগ দিয়াছিল বলিয়া নীলদর্পণ তাঁহার প্রণীত সকল নাটকের অপেক্ষা শক্তিশালী। অন্য নাটকের অন্য গুণ থাকিতে পারে, কিন্তু নীলদর্পণের মত শক্তি আর কিছুতেই নাই। তাঁহার আর কোন নাটকই পাঠকে বা দর্শকে তাদৃশ বশীভূত করিতে পারে না। বাঙ্গালা ভাষায় এমন অনেকগুলি নাটক-নবেল বা অনাবিধ কাব্য প্রণীত হইয়াছে, যাহার উদ্দেশ্য সামাজিক অনিষ্টের সংশোধন। প্রায়ই সেগুলি কাব্যাংশে নিকৃষ্ট ; তাহার কারণ—কাব্যের মূখ্য উদ্দেশ্য সৌন্দর্য্য-সৃষ্টি ; তাহা ছাড়িয়া, সমাজ-সংস্কারকে মূখ্য উদ্দেশ্য করিলে কাজেই কবিত্ব নিষ্ফল হয়। কিন্তু নীলদর্পণের মূখ্য উদ্দেশ্য এবংবিধ হইলেও কাব্যাংশে তাহা উৎকৃষ্ট ; তাহার কারণ এই যে, গ্রন্থকারের মোহময়ী সহানুভূতি সকলই মাধুর্য্যময় করিয়া তুলিয়াছে।

উপসংহারে আমার কেবল ইহাই বক্তব্য যে, দীনবন্ধুর কবিত্বের দোষ-গুণের যে উৎপত্তি-স্থল নির্দিষ্ট করিলাম, ইহা তাঁহার গ্রন্থ হইতেই যে পাইয়াছি, এমন নহে ; বহি পড়িয়া একটা আন্দাজি theory খাড়া করিয়াছি, এমন নহে। গ্রন্থকারের হৃদয় আমি বিশেষ জানিতাম, তাই এ কথা বলিয়াছি ও বলিতে পারিয়াছি। যাহা গ্রন্থকারের হৃদয়ে পাইয়াছি, গ্রন্থেও তাহা পাইয়াছি বলিয়া এ কথা বলিলাম। গ্রন্থকারকে না জানিলে, তাঁহার গ্রন্থ এরূপে বদ্বিতে পারিতাম কি-না, বলিতে পারি না। অন্যে, যে গ্রন্থকারের হৃদয়ের এমন নিকটে স্থান পায় নাই, সে বলিতে পারিত কি-না, জানি না। কথাটা দীনবন্ধুর গ্রন্থের পাঠকমণ্ডলীকে বঝাইয়া বলিব, ইহা আমার বড় সাধ ছিল ! দীনবন্ধুর গ্রন্থের প্রশংসা বা নিন্দা করা আমার উদ্দেশ্য নহে ; কেবল, সেই অসাধারণ মনুষ্য কিসে অসাধারণ ছিলেন, তাহাই বঝানো আমার উদ্দেশ্য।

[ ১২৮৩ ]

## ঈশ্বরচন্দ্র গুপ্ত

বাংকমচন্দ্র চট্টোপাধ্যায়

বাংগালা সাহিত্যে আর যাহারই অভাব থাকুক, কবিতার অভাব নাই। উৎকৃষ্ট কবিতারও অভাব নাই—বিদ্যাপতি হইতে রবীন্দ্রনাথ পর্যন্ত অনেক সুকবি বাংগালায় জন্মগ্রহণ করিয়াছেন, অনেক উত্তম কবিতা লিখিয়াছেন ; বলিতে গেলে বরং বলিতে হয় যে, বাংগালা সাহিত্য কাব্যরাশি-ভারে কিছু পূড়িত। তবে আবার ঈশ্বর গুপ্তের কবিতা সংগ্রহ করিয়া সে বোঝা আরও ভারি করি কেন? সেই কথাটা আগে বদ্বাই।

প্রবাদ আছে যে, গরীব বাংগালীর ছেলে সাহেব হইয়া মোচার ঘণ্টে অতিশয় বিস্মিত হইয়াছিলেন। সামগ্রীটা কি এ? বহু কষ্টে পিসিমা তাঁহাকে সামগ্রীটা বদ্বাইয়া দিলে, তিনি স্থির করিলেন যে, এ “কেলাকা ফুল”। রাগে সর্বাঙ্গ জ্বলিয়া যায় যে, এখন আমরা সকলেই মোচা ভুলিয়া কেলাকা ফুল বলিতে শিখিয়াছি। তাই আজ ঈশ্বর গুপ্তের কবিতা সংগ্রহ করিতে বসিয়াছি। আর যেই কেলাকা ফুল বলুক, ঈশ্বর গুপ্ত মোচা বলেন।

একদিন বর্ষাকালে গংগাতীরস্থ কোন ভবনে বসিয়া ছিলাম। প্রদোষকালে—প্রস্ফুটিত চন্দ্রালোকে বিশাল বিস্তীর্ণ ভাগীরথী লক্ষবীচিবিক্ষেপশালিনী—মৃদু পবনহিল্লোলে তরঙ্গভঙ্গ-চঞ্চল-চন্দ্রকরমালা লক্ষ তারকার মত ফুটিতেছিল ও নিবিতেছিল। যে বারান্ডায় বসিয়া ছিলাম, তাহার নীচে দিয়া বর্ষার তীব্রগামী বারিরাশি মৃদু রব করিয়া ছুটিতেছিল। আকাশে নক্ষত্র, নদী-বক্ষে নৌকায় আলো, তরঙ্গে চন্দ্ররশ্মি! কাব্যের রাজ্য উপস্থিত হইল। মনে করিলাম, কবিতা পড়িয়া মনের তৃপ্তিসাধন করি। ইংরেজি কবিতায় তাহা হইল না—ইংরেজির সঙ্গে এ ভাগীরথীর ত কিছুই মিলে না। কালিদাস-ভবভূতিও অনেক দূরে।

মধুসূদন, হেমচন্দ্র, নবীনচন্দ্র—কাহাতেও তৃপ্তি হইল না। চুপ করিয়া রহিলাম। এমন সময়ে গংগা-বক্ষ হইতে মধুর সঙ্গীত-ধ্বনি শুন্য গেল। জেলে জাল বাহিতে বাহিতে গাহিতেছে—

“সাধো আছে মা মনে—

দুর্গা ব'লে প্রাণ ত্যজিব,

জাহ্নবী-জীবনে!”

তখন প্রাণ জুড়াইল—মনের সুর মিলিল—বাংগালা ভাষায় বাংগালীর মনের আশা শুনিতে পাইলাম—এ জাহ্নবী-জীবন দুর্গা বলিয়া প্রাণ ত্যজিবারই



বটে, তাহা বদ্বিলাম। তখন সেই শোভাময়ী জাহ্নবী, সেই সৌন্দর্যময় জগৎ সকলই আপনার বলিয়া বোধ হইল—এতক্ষণ পরের বলিয়া বোধ হইতেছিল।

সেইরূপ আজিকার দিনের অভিনব এবং উন্নতির পথে সমারূঢ় সৌন্দর্য্য-বিশিষ্ট বাঙালা সাহিত্য দেখিয়া অনেক সময়ে বোধ হয়—হোক সুন্দর, কিন্তু এ বদ্বি পরের—আমাদের নহে। খাঁটি বাঙালা কথায়, খাঁটি বাঙালীর মনের ভাব ত খুঁজিয়া পাই না। মধুসূদন, হেমচন্দ্র, নবীনচন্দ্র, রবীন্দ্রনাথ—শিক্ষিত বাঙালীর কবি;—ঈশ্বর গুপ্ত বাঙালার কবি। এখন আর খাঁটি বাঙালী কবি জন্মে না—জন্মবার জো নাই—জন্মিয়া কাজ নাই। বাঙালার অবস্থা আবার ফিরিয়া অবনতির পথে না গেলে খাঁটি বাঙালী কবি আর জন্মিতে পারে না। আমরা “বৃহৎসংহার” পরিত্যাগ করিয়া “পৌষপার্শ্বণ” চাই না। কিন্তু তবু বাঙালীর মনে পৌষপার্শ্বণে যে একটা সুখ আছে, বৃহৎসংহারে তাহা নাই। পিঠাপদুলিতে যে একটা সুখ আছে, শচীর বিম্বাধর-প্রতিবিম্বিত সুধায় তাহা নাই। সে জিনিষটা একেবারে ছাড়িলে চলিবে না; দেশশুদ্ধ জোনস, গমিসের তৃতীয় সংস্করণে পরিণত হইলে চলিবে না। বাঙালী নাম রাখিতে হইবে। জননী জন্মভূমিকে ভালবাসিতে হইবে। যাহা মার প্রসাদ, তাহা যত্ন করিয়া তুলিয়া রাখিতে হইবে। এই দেশী জিনিষগুলা মার প্রসাদ। এই খাঁটি বাঙালাটি, এই খাঁটি, দেশী কথাগুলা মার প্রসাদ। মার প্রসাদে পেট না ভরে, বিলাতী খাদ্য বাজার হইতে কিনিয়া খাইতে পারি—কিন্তু মার প্রসাদ ছাড়িব না।

ঈশ্বর গুপ্ত কবি। কিন্তু কি রকম কবি? ভারতবর্ষে পূর্বে জ্ঞান-মাত্রকেই কবি বলিত। শাস্ত্রবেত্তারাও সকলেই “কবি”। ধর্ম্ম-শাস্ত্রকারও কবি, জ্যোতিষ-শাস্ত্রকারও কবি। তারপর কবি শব্দের অর্থের অনেক রকম পরিবর্তন ঘটয়াছে। “কাব্যোদ্ মাঘঃ কবি-কালিদাসঃ”—এখানে অর্থটা ইংরেজি Poet শব্দের মত। তারপর এই শতাব্দীর প্রথমাংশে “কবির লড়াই” হইত। দুই দল গায়ক জুড়িয়া ছন্দোবন্ধে পরস্পরের কথার উত্তর-প্রত্যুত্তর দিতেন। সেই রচনার নাম “কবি”।

আবার আজকাল কবি অর্থে Poet; তাহাকে পারা যায়, কিন্তু “কবিত্ব” সম্বন্ধে আজকাল বড় গোল। ইংরেজিতে যাহাকে Poetry বলে, এখন তাহাই কবিত্ব। এখন এই অর্থ প্রচলিত, সুতরাং এই অর্থে ঈশ্বর গুপ্ত কবি কি-না, আমরা বিচার করিতে বাধ্য।

পাঠক বোধ হয় আমার কাছে এমন প্রত্যাশা করেন না যে, এই কবিত্ব কি সামগ্রী, তাহা আমি বুঝাইতে বসিব। অনেক ইংরেজ ও বাঙালী লেখক সে চেষ্টা করিয়াছেন। তাহাদের উপর আমার বরাতে দেওয়া রহিল। আমার এই মাত্র বক্তব্য যে, সে অর্থে ঈশ্বর গুপ্তকে উচ্চাসনে বসাইতে সমালোচক সম্মত হইবেন না। মনুষ্য-হৃদয়ের কোমল, গম্ভীর, উন্নত, অক্ষুণ্ণ ভাবগুলা

ধরিয়া, তাহাদিগকে গঠন দিয়া, অব্যক্তকে তিনি ব্যক্ত করিতে জানিতেন না। সৌন্দর্য্য-সৃষ্টিতে তিনি তাদৃশ পটু ছিলেন না। তাঁহার সৃষ্টিই বড় নাই। মধুসূদন, হেমচন্দ্র, নবীনচন্দ্র, রবীন্দ্রনাথ—ইহারা সকলেই এ কবিষে তাঁহার অপেক্ষা শ্রেষ্ঠ। প্রাচীনেরাও তাঁহার অপেক্ষা শ্রেষ্ঠ। ভারতচন্দ্রের ন্যায় হীরা-মণিনী গড়িবার তাঁহার ক্ষমতা ছিল না। কাশীরামের মত সুভদ্রা-হরণ কি শ্রীবৎস-চিন্তা, কৃষ্ণবাসের মত তরণীসেন-বধ, মদুকুন্দরামের মত ফুল্লরা গড়িতে পারিতেন না। বৈষ্ণব কবিদের মত বীণার ঝংকার দিতে জানিতেন না। তাঁহার কাব্যে সুন্দর, করুণ, প্রেম—এ সব সামগ্রী বড় বেশী নাই। কিন্তু তাঁহার সাহা আছে, তাহা আর কাহারও নাই। আপন অধিকারের ভিতর তিনি রাজা।

সংসারের সকল সামগ্রী কিছ্র ভাল নহে। যাহা ভাল, তাহাও কিছ্র এত ভাল নহে যে, তাহার অপেক্ষা ভাল আমরা কামনা করি না। সকল বিষয়েই প্রকৃত অবস্থার অপেক্ষা উৎকৃষ্ট আমরা কামনা করি। সেই উৎকর্ষের আদর্শ-স্থল আমাদের হৃদয়ে অক্ষুণ্ণ রকম থাকে। সেই আদর্শ ও সেই কামনা, কবির সামগ্রী। যিনি তাহা হৃদয়ঙ্গম করিয়াছেন, তাহাকে গঠন দিয়া শরীরী করিয়া আমাদের হৃদয়গ্রাহী করিয়াছেন, সচরাচর তাঁহাকেই আমরা কবি বলি। মধুসূদনাদি তাহা পারিয়াছেন, ঈশ্বরচন্দ্র তাহা পারেন নাই বা করেন নাই, এই জন্য এই অর্থে আমরা মধুসূদনকে শ্রেষ্ঠ কবি বলিয়া ঈশ্বরচন্দ্রকে নিম্ন শ্রেণীতে ফেলিয়াছি। কিন্তু এইখানেই কি কবিষের বিচার শেষ হইল? কাব্যের সামগ্রী কি আর কিছ্রই রহিল না?

রহিল বৈকি। যাহা আদর্শ, যাহা কমনীয়, যাহা আকাঙ্ক্ষিত, তাহা কবির সামগ্রী। কিন্তু যাহা প্রকৃত, যাহা প্রত্যক্ষ, যাহা প্রাপ্ত, তাহাই বা নয় কেন? তাহাতে কি কিছ্র রস নাই? কিছ্র সৌন্দর্য্য নাই? আছে বৈকি। ঈশ্বর গদ্যস্ত সেই রসে রসিক, সেই সৌন্দর্য্যের কবি। যাহা আছে, ঈশ্বর গদ্যস্ত তাহার কবি। তিনি এই বাঙালা সমাজের কবি। তিনি কলিকাতা সহরের কবি। তিনি বাঙালার গ্রাম্য দেশের কবি। এই সমাজ, এই সহর, এই দেশ—বড় কাব্যময়। অন্য তাহাতে বড় রস পান না। তোমরা পৌষপার্শ্বণে পিঠাপদূলি খাইয়া অজীর্ণে দগ্ধ পাও, তিনি তাহার কাব্যরসটুকু সংগ্রহ করেন। অন্যে নববর্ষে মাংস চিবাইয়া, মদ গিলিয়া, গাঁদাফুল সাজাইয়া কষ্ট পায়, ঈশ্বর গদ্যস্ত মক্ষিকাভং তাহার সার আদান করিয়া নিজে উপভোগ করেন, অন্যকেও উপহার দেন। দুর্ভিক্ষের দিন,—তোমরা মাতা বা শিশুর চক্ষে অশ্রুবিন্দুশ্রেণী সাজাইয়া মৃত্যুহারের সঙ্গ তাহার উপমা দাও, তিনি চালের দরটি কষিয়া দেখিয়া তাহার ভিতর একটু রস পান,—

“মনের চেলে মন ভেঙেছে

ভাঙা মন আর গড়ে নাকো।”

তোমরা সুন্দরীগণকে পদুপাদ্যানে বা বাতায়নে বসাইয়া প্রতিমা সাজাইয়া পূজা কর ; তিনি তাহাদের রামাঘরে উনুনগোড়ায় বসাইয়া, শাশুড়ী-ননদের গঞ্জনায় ফেলিয়া সত্যের সংসারের এক রকম খাঁটি কাব্যরস বাহির করেন,—

“বধূর মধুর খনি, মধু শতদল।

সলিলে ভাসিয়া যায়, চক্ষু ছলছল।।”

ঈশ্বর গদুস্তর কাব্য চালের কাঁটায়, রামাঘরের ধুঁয়ায়, নাটুরে মাঝির ধুঁজির ঠেলায়, নীলের দাদনে, হোটেলের খানায়, পাঁটার অস্থি-স্থিত-মজ্জায়। তিনি অনারসে মধুর রস ছাড়া কাব্যরস পান, তপসে মাছে মৎস্য-ভাব ছাড়া তপস্ব-ভাব দেখেন, পাঁটার বোকাগন্ধ ছাড়া একটু দখীচির গায়ের গন্ধ পান। তিনি বলেন, “তোমাদের এ দেশ, এ সমাজ বড় রংগ-ভরা। তোমরা মাথা কুটাকুটি করিয়া দুর্গোৎসব কর, আমি কেবল তোমাদের রংগ দেখি। তোমরা এ ওকে ফাঁকি দিতেছ, এ ওর কাছে মেরিক চালাইতেছ, এখানে কাষ্ঠ হাসি হাস, ওখানে মিছা কান্না কাঁদ, আমি তা বসিয়া বসিয়া দেখিয়া হাসি। তোমরা বল, বাঙালীর মেয়ে বড় সুন্দরী, বড় মনোমোহিনী, প্রেমের আধার, প্রাণের সদসার, ধর্মের ভান্ডার,—তা হইলে হইতে পারে ; কিন্তু আমি দেখি, উহারা বড় রংগের জিনিষ। মানুষে যেমন রূপী বাঁদর পোষে, আমি বলি, পুরুষে তেমন মেয়েমানুষ পোষে,—উভয়কেই মধুভোগ্যনতেই সুখ।” স্ত্রীলোকের রূপ আছে—তাহা তোমার-আমার মত ঈশ্বর গদুস্তও জানিতেন, কিন্তু তিনি বলেন, “উহা দেখিয়া মধু হইবার কথা নহে—উহা দেখিয়া হাসিবার কথা।” তিনি স্ত্রীলোকের রূপের কথা পড়িলে হাসিয়া লুটাইয়া পড়েন। মাঘ মাসের প্রাতঃস্নানের সময়ে, যেখানে অন্য কবি রূপ দেখিবার জন্য যুববতীগণের পিছে-পিছে যাইতেন, ঈশ্বরচন্দ্র সেখানে তাহাদের নাকাল দেখিবার জন্য যান। তোমরা হয়ত, সেই নীহারশীতল স্বচ্ছ সলিলধৌত কষিত কান্তি লইয়া আদর্শ গাড়িবে ; তিনি বলিলেন, “দেখ দেখি, কেমন তামাসা! যে জাতি স্নানের সময়ে পরিধেয় বসন লইয়া বিব্রত, তোমরা তাদের পাইয়া এত বাড়াবাড়ি কর।” তোমরা মহিলাগণের গৃহকর্মে আস্থা ও যত্ন দেখিয়া বলিবে, “ধন্য স্বামি-পুত্র-সেবাব্রত! ধন্য স্ত্রীলোকের স্নেহ ও ধৈর্য!” ঈশ্বরচন্দ্র তখন তাহাদের হাঁড়িশালে গিয়া দেখিবেন—রন্ধনের চাল চর্ষণেই গেল, পিটুলির জন্য কোন্দল বাধিয়া গেল, স্বামি-ভোজন করাইবার সময়ে শাশুড়ী-ননদের মৃণ্ড-ভোজন হইল, এবং কুটুম্ব-ভোজনের সময়ে লজ্জার মৃণ্ড-ভোজন হইল। শ্বশুর কথা, ঈশ্বর গদুস্ত Realist এবং ঈশ্বর গদুস্ত Safirist. ইহা তাঁহার সাম্রাজ্য, এবং ইহাতে তিনি বাঙালা সাহিত্যে অস্থিতীয়।

বাংগ অনেক সময়ে বিদ্রোহ-প্রসূত। ইউরোপে অনেক বাংগকুশল লেখক জন্মিয়াছেন। • তাহাদের রচনা অনেক সময়ে হিংসা, অসুখ, অকৌশল, নিরানন্দ

এবং পরগীকাতরতাপরিপূর্ণ ; পিড়িয়া বোধ হয়, ইউরোপীয় যুদ্ধ ও ইউরোপীয় রসিকতা এক মার পেটে জন্মিয়াছে—দুইয়ের কাজ মানদুষকে দুঃখ দেওয়া। ইউরোপীয় অনেক কুসামগ্রী এই দেশে প্রবেশ করিতেছে—এই নরঘাতিনী রসিকতাও এ দেশে প্রবেশ করিয়াছে। ‘হুতোম পেঁচার নক্সা’ বিদ্বৈষ-পরিপূর্ণ। ঈশ্বর গদ্যস্তের ব্যাঙ্গে কিছুমাত্র বিদ্বৈষ নাই। শত্রুতা করিয়া তিনি কাহাকেও গালি দেন না। কাহারও অনিষ্ট কামনা করিয়া কাহাকেও গালি দেন না। মেকির উপর রাগ আছে বটে, তা ছাড়া সবটাই রঙ্গ, সবটা আনন্দ ; কেবল ঘোর ইয়ারাক। গোঁরীশঙ্করকে গালি দিবার সময়েও রাগ করিয়া গালি দেন না। সেটা কেবল জিগীষা—ব্রাহ্মণকে কুভাষায় পরাজয় করিতে হইবে, এই জিদ। ‘কবির লড়াই’—ঐ রকম শত্রুতাত্ম্য গালাগালি। ঈশ্বর গদ্যস্ত কবির লড়াইয়ে শিক্ষিত—সে ধরণটা তাঁহার ছিল।

অন্যতঃ তাও না—কেবল আনন্দ। যে যেখানে সমুখে পড়ে, তাহাকেই ঈশ্বরচন্দ্র তাহার গালে এক চড়, নহে একটা কাণমলা দিয়া ছাড়িয়া দেন ; কারণ—আর কিছুই নয়, দুই জনে একটু হাসিবার জন্য। কেহই চড়-চাপড় হইতে নিস্তার পাইতেন না। গবর্ণর-জেনারেল, লেফটেন্যান্ট-গবর্ণর, কোর্নিসলের মেম্বর হইতে মদুটে, মাঝি, উড়িয়া, বেহারী কেহ ছাড়া নাই। এক-একটি চড়-চাপড় এক-একটি বজ্র—যে মারে, তাহার রাগ নাই ; কিন্তু যে খায়, তাহার হাড়ে হাড়ে লাগে। তাহাতে আবার পাণ্ডাপাণ্ড বিচার নাই। যে সাহসে তিনি বালিয়াছেন—

“বিড়ালাক্ষী বিধুমুখী, মুখে গন্ধ ছুটে,”

আমাদের সে সাহস নাই। তবে বাঙালীর মেয়ের উপর নীচের লিখিত দুই চরণে আমাদের ঢেরা সহি রহিল—

“সিন্দূরের বিন্দুসহ কপালেতে উল্কি।

নসী জশী ক্ষেমী বামী রামী শ্যামী গঁদলকী।।”

মহারাজীকে স্তুতি করিতে করিতে দেশী Agitatorদের কাণ ধরিয়া টানাটানি—

“তুমি মা কম্পতরু, আমরা সব পোষা গোরু,

শিখিনি শিং বাঁকানো,

কেবল খাব খোল বিচারি ঘাস।

যেন রাঙা আমলা

তুলে মামলা

গামলা ভাঙে না,

আমরা ভুঁসি পেলেই খুঁসি হব,

ঘুঁসি খেলে বাঁচব না।।”

সাহেব-বাবুৱা কবির কাছে অনেক কাণমলা খাইয়াছেন। একটা নমুনা—

“যখন আসবে শমন করবে দমন  
কি বোলে তায় বদুঝাইবে।  
বদুঝি হুটু বোলে, বদুট পায়ে দিয়ে  
চুরুট ফুকে স্বর্গে যাবে?”

এক কথায় সাহেবদের নৃত্য-গীত—

“গুড়ু গুড়ু গুম গুম লাফে লাফে তাল।  
তারা রারা রারা রারা লালা লালা লাল।।”

সখের বাবু, বিনা সম্বলে—

“তেড়া হ'য়ে ভুড়ি মারে, টম্পা-গীত গেয়ে।  
গোচে-গোচে বাবু হন, পচা শাল চেয়ে।।  
কোনরূপে পিন্ধি-রক্ষা—এটোকটা খেয়ে।  
শুদ্ধ হন বেনো গাঙ্গে, বেনো জলে নেয়ে।।”

কিন্তু অনেক স্থানেই ঈশ্বর গুপ্তের ঐ ধরণ নাই। অনেক স্থানেই কেবল রংগরস, কেবল আনন্দ। তপসে মাছ লইয়া আনন্দ—

“কষিত কনক কান্তি, কমনীয় কায়।  
গালভরা গোঁপ-দাড়ি, তপস্বীর প্রায়।।  
মানুষের দৃশ্য নও, বাস কর নীরে।  
মোহন-মণির প্রভা, ননীর শরীরে।।”

অথবা আনারসে—

“লুণ মেখে লেবুরস, রসে যুক্ত করি।  
চিন্ময়ী চৈতন্যরূপা, চিনি তায় ভরি।।”

অথবা পাঁটা—

“সাধ্য কার এক মুখে মহিমা প্রকাশে।  
আপনি করেন বাদ্য, আপনার নাশে।।  
হাড়কাঠে ফেলে দিই, ধরে দুটি ঠ্যাংগ।  
সে সময়ে বাদ্য করে, ছাড্যাং ছাড্যাং।।  
এমন পাঁটার নাম যে রেখেছে বোকা।  
নিজে সেই বোকা নয়, ঝাড়ে-বংশে বোকা।।”

তবে ইহা স্বীকার করিতে হয় যে, ঈশ্বর গুপ্ত মেকির উপর গালিগালাজ করিতেন। মেকির উপর ষথার্থ রাগ ছিল। মেকি বাবুৱা তাঁহার কাছে গালি

খাইতেন, মেকি সাহেবেরা গালি খাইতেন, মেকি ব্রাহ্মণ-পণ্ডিতেরা—“নস্য-লোস্য দধি-চোষার” দল—গালি খাইতেন। হিন্দুর ছেলে মেকি খ্রীষ্টিয়ান হইতে চলিল দেখিয়া তাঁহার রাগ সহ্য হইত না। মিশনারিদের ধর্মের মেকির উপর বড় রাগ। মেকি পলিটিক্সের উপর রাগ।

অনেক সময়ে ঈশ্বর গদ্যের অশ্লীলতা এই ক্রোধসম্ভূত। অশ্লীলতা ঈশ্বর গদ্যের কবিতার একটি প্রধান দোষ। তবে ইহাও জানি যে, ঈশ্বর গদ্যের অশ্লীলতা প্রকৃত অশ্লীলতা নহে। যাহা হিন্দুদিগের উদ্দেশ্যার্থ, বা গ্রন্থকারের হৃদয়স্থিত কদর্য্যভাবের অভিযুক্তি-জন্য লিখিত হয়, তাহাই অশ্লীলতা ; তাহা পবিত্র, সভ্য ভাষায় লিখিত হইলেও অশ্লীল। আর যাহার উদ্দেশ্য সেব্দ নহে, কেবল পাপকে তিরস্কৃত বা উপহাসিত করা যাহার উদ্দেশ্য, তাহার ভাষা রুচি এবং সভ্যতার বিরুদ্ধ হইলেও অশ্লীল নহে। ঋষিরাও এরূপ ভাষা ব্যবহার করিতেন। সেকালের বাঙ্গালীদিগের ইহা একপ্রকার স্বভাবসিদ্ধ ছিল। আমি এমন অনেক দেখিয়াছি, অশীতিপর বৃদ্ধ, ধর্ম্মাশ্রয়, আজন্ম সংযতেন্দ্রিয়, সভ্য, সুশীল, সজ্জন—এমন সকল লোকও কুকাজ দেখিয়া রাগিলেই “বদ্ জোবান” আরম্ভ করিতেন। তখনকার রাগ-প্রকাশের ভাষাই অশ্লীল ছিল। ফলে, সে সময়ে ধর্ম্মাশ্রয় এবং অধর্ম্মাশ্রয় উভয়েকেই অশ্লীলতায় সন্দেহ দেখিতাম ;—প্রভেদ এই দেখিতাম, যিনি রাগের বশীভূত হইয়া অশ্লীল, তিনি ধর্ম্মাশ্রয় ; যিনি হিন্দুয়ান্দের বশে অশ্লীল, তিনি পাপাশ্রয়। সৌভাগ্যক্রমে সেরূপ সামাজিক অবস্থা ক্রমে ক্রমে বিলুপ্ত হইতেছে।

ঈশ্বর গদ্যে ধর্ম্মাশ্রয়, কিন্তু সেকালে বাঙ্গালী। তাই ঈশ্বর গদ্যের কবিতা অশ্লীল। সংসারের উপর, সমাজের উপর ঈশ্বর গদ্যের রাগের কারণ অনেক ছিল। সংসার, বাল্যকালে বালকের অমূল্য রত্ন যে মাতা, তাহা তাঁহার নিকট হইতে কাড়িয়া লইল। খাঁটি সোণা কাড়িয়া লইয়া তাহার পরিবর্তে এক পিত্তলের সামগ্রী দিয়া গেল—মার বদলে বিমাতা। তারপর যৌবনের যে অমূল্য রত্ন—শুদ্ধ যৌবনের কেন?—যৌবনের, প্রৌঢ়-বয়সের, বান্ধবের তুল্যরূপেই অমূল্য রত্ন যে ভার্য্যা, তাহার বেলাও সংসার বড় দাগা দিল। যাহা গ্রহণীয় নহে, ঈশ্বরচন্দ্র তাহা লইলেন না, কিন্তু দাগাবাজির জন্য সংসারের উপর ঈশ্বরের রাগটা রহিয়া গেল। তারপর অল্পবয়সে পিতৃহীন, সহায়হীন হইয়া ঈশ্বরচন্দ্র অন্ন-কষ্টে পড়িলেন। কত বানরে, বানরের অট্টালিকায় শিকলে বাঁধা থাকিয়া ক্ষীর, সর, পায়সাম্ন ভোজন করে, আর তিনি দেবতুল্য প্রতিভা লইয়া ভূমণ্ডলে আসিয়া শাকাম্বের অভাবে ক্ষুধার্ত্ত। কত কুকুর বা মক্কট বরষে (barouche) জুড়ী জুড়িয়া তাঁহার গায়ে কাদা ছড়াইয়া বায়, আর তিনি হৃদয়ে বাগ্‌দেবী-ধারণ করিয়াও খালি পায়ে বর্ষার কাদা ভাঙিয়া উঠিতে পারেন না। দৃষ্টান্ত মনুষ্য হইলে এ অত্যাচারে হারি মানিয়া, রণে ভগ্ন

দিয়া, পলায়ন করিয়া দুর্য্যোধনের অশ্বখার-গহবরে লুকাইয়া থাকে। কিন্তু প্রতিভা-শালীরা প্রায়ই বলবান্।

ঈশ্বর গদ্যস্ত সংসারকে—সমাজকে—স্বীয় বাহুবলে পরাস্ত করিয়া, তাহার নিকট হইতে ধন, যশ, সম্মান আদায় করিয়া লইলেন। কিন্তু অত্যাচারজনিত যে ক্রোধ, তাহা মিটিল না। জ্যেষ্ঠা মহাশয়ের জ্ঞাতা তিনি সমাজের জন্য তুলিয়া রাখিয়াছিলেন। এখন সমাজকে পদতলে পাইয়া বিলক্ষণ উত্তম-মধ্যম দিতে লাগিলেন। সেকেলে বাঙ্গালীর ক্রোধ কদম্বের উপর কদম্ব ভাষাতেই অভিযুক্ত হইত। বোধ হয়, ইহাদিগের মনে হইত, বিশুদ্ধ পবিত্র কথা, দেবদ্বিজাদি প্রভৃতি যে বিশুদ্ধ ও পবিত্র, তাহারই প্রতি ব্যবহার্য্য ;—যে দুরাশ্রা, তাহার জন্য এই কদম্ব ভাষা। এইরূপে ঈশ্বরচন্দ্রের কবিতায় অশ্লীলতা আসিয়া পড়িয়াছে।

আমরা ইহাও স্বীকার করি যে, তাহা ছাড়া অন্য বিষয়ে অশ্লীলতাও তাঁহার কবিতায় আছে। কেবল রঙ্গাদির জন্য, শূদ্ধ ইয়ারাকির জন্য এক-আধটু অশ্লীলতাও আছে। কিন্তু দেশ-কাল বিবেচনা করিলে, তাহার জন্য ঈশ্বরচন্দ্রের অপরাধ ক্ষমা করা যায়। সেকালে অশ্লীলতা ভিন্ন কথার আমোদ ছিল না। যে ব্যঙ্গ অশ্লীল নহে, তাহা সরস বলিয়া গণ্য হইত না। যে কথা অশ্লীল নহে, তাহা সতেজ বলিয়া গণ্য হইত না। যে গালি অশ্লীল নহে, তাহা কেহ গালি বলিয়া গণ্য করিত না। তখনকার সকল কাব্যই অশ্লীল। চোর-কবি “চোর-পঞ্চাশৎ” দুই পক্ষে অর্থ খাটাইয়া লিখিলেন—বিদ্যাপক্ষে এবং কালীপক্ষে—দুই পক্ষে সমান অশ্লীল। তখন পূজা-পার্বণ অশ্লীল, উৎসবগুলি অশ্লীল—দুর্গোৎসবের নবমীর রাতি বিখ্যাত ব্যাপার। যাত্রার সঙ অশ্লীল হইলেই লোকরঞ্জক হইত। পাঁচালী, হাফ-আকড়াই অশ্লীলতার জনাই রচিত। ঈশ্বর গদ্যস্তের সেই বাতাসে জীবন প্রাপ্ত ও বর্দ্ধিত। অতএব ঈশ্বর গদ্যস্তকে আমরা অনায়াসে একটুখানি মার্জনা করিতে পারি।

আর একটা কথা আছে। অশ্লীলতা সকল সভ্য সমাজেই ঘৃণিত। তবে, যেমন লোকের রুচি ভিন্ন ভিন্ন, তেমনি দেশভেদেও রুচি ভিন্ন ভিন্ন প্রকার। এমন অনেক কথা আছে, যাহা ইংরেজেরা অশ্লীল বিবেচনা করেন, আমরা করি না। আবার এমন অনেক কথা আছে, যাহা আমরা অশ্লীল বিবেচনা করি, ইংরেজেরা করেন না। ইংরেজের কাছে, প্যান্টালুন বা উরুদেশের নাম অশ্লীল—ইংরেজের মেয়ের কাছে সে নাম মৃদুখে আনিতে নাই। আমরা ধৃতি, পায়জামা বা উরু শব্দগুলিকে অশ্লীল মনে করি না। মা, ভগিনী বা কন্যা কাহারও সম্মুখে ঐ সকল কথা ব্যবহার করিতে আমাদের লজ্জা নাই। পক্ষান্তরে, স্ত্রী-পুরুষে মৃদু-চুম্বনটা আমাদের সমাজে অতি অশ্লীল ব্যাপার ; কিন্তু ইংরেজের চক্ষে উহা অতি পবিত্র কার্য—মাতৃ-পিতৃ-সমক্ষেই উহা নিষিদ্ধ হইয়া থাকে। এখন আমাদের সৌভাগ্য বা দুর্ভাগ্যক্রমে, আমরা দেশী জিনিষ

সকলই হেয় বলিয়া পরিত্যাগ করিতেছি, বিলাতি জিনিষ সবই ভাল বলিয়া গ্রহণ করিতেছি। দেশী সূরুচি ছাড়িয়া আমরা বিদেশী সূরুচি গ্রহণ করিতেছি। শিক্ষিত বাঙালী এমনও আছেন যে, তাঁহাদের পর-স্রীর মদুখ-চুম্বনে আপত্তি নাই, কিন্তু পর-স্রীর অনাবৃত চরণ, আলতা-পরা, মল-পরা পা-দর্শনে বিশেষ আপত্তি। ইহাতে আমরা যে কেবলই জিতিয়াছি, এমত নহে। একটা উদাহরণের দ্বারা বুঝাই।

মেঘদূতের একটি কবিতায় কালিদাস কোন পর্ব্বত-শৃঙ্গকে ধরণীর স্তন বলিয়া বর্ণনা করিয়াছেন। ইহা বিলাতি রুচি-বিরুদ্ধ ; স্তন বিলাতি রুচি-অনুসারে অশ্লীল কথা। কাজেই এই উপমাটি নব্যের কাছে অশ্লীল। নব্য বাবু হয়ত ইহা শুনিয়া কাণে আঙুল দিয়া পর-স্রী-মদুখ-চুম্বন ও করস্পর্শের মহিমা-কীৰ্ত্তনে মনোযোগ দিবেন। কিন্তু আমি ভিন্ন রকম বুঝি। আমি এ উপমার অর্থ এই বুঝি যে, পৃথিবী আমাদের জননী ; তাই তাঁহাকে ভক্তিভাবে স্নেহ করিয়া ‘মাতা বসুমতী’ বলি ; আমরা তাঁহার সন্তান ; সন্তানের চক্ষে, মাতৃস্তনের অপেক্ষা সুন্দর, পবিত্র, জগতে আর কিছুই নাই—থাকিতে পারে না। অতএব এমন পবিত্র উপমা আর হইতে পারে না। ইহাতে যে অশ্লীলতা দেখে, আমার বিবেচনায় তাহার চিত্তে পাপ-চিন্তা ভিন্ন কোন বিশুদ্ধ ভাবের স্থান হয় না। কবি এখানে অশ্লীল নহেন,—এখানে পাঠকের হৃদয়—নরক। এখানে ইংরেজি রুচি বিশুদ্ধ নহে,—দেশী রুচিই বিশুদ্ধ।

আমাদের দেশের অনেক প্রাচীন কবি এইরূপ বিলাতি রুচির আইনে ধরা পড়িয়া বিনাপরাধে অশ্লীলতা-অপরাধে অপরাধী হইয়াছেন। স্বয়ং বাঙ্গালীকি কালিদাসেরও অব্যাহতি নাই। যে ইউরোপে মসুর জেলার নবেলের আদর, সে ইউরোপের রুচি বিশুদ্ধ, আর যাঁহারা রামায়ণ, কুমারসম্ভব লিখিয়াছেন, সীতা-শকুন্তলার সৃষ্টি করিয়াছেন, তাঁহাদের রুচি অশ্লীল। এই শিক্ষা আমরা ইউরোপের কাছে পাই। কি শিক্ষা! তাই আমি অনেকবার বলিয়াছি, ইউরোপের কাছে বিজ্ঞান, ইতিহাস, শিল্প শেখ ; আর সব দেশীয়ের কাছে শেখ।

অন্যের ন্যায় ঈশ্বর গুপ্তও হাল আইনে অনেক স্থানে ধরা পড়েন। সে সকল স্থানে আমরা তাঁহাকে বেকসুর খালাস দিতে রাজি। কিন্তু ইহা অবশ্য স্বীকার করিতে হয় যে, আর অনেক স্থানেই তত সহজে তাঁহাকে নিষ্কৃতি দেওয়া যায় না। অনেক স্থানে তাঁহার রুচি বাস্তবিক কদর্য, যথার্থ অশ্লীল এবং বিরক্তিকর। তাহার মার্জনা নাই।

ঈশ্বর গুপ্তের কবিত্ব-কি প্রকার, তাহা বুঝিতে গেলে, তাঁহার দোষ-গুণ দুই বুঝাইতে হয়। শুধু তাই নহে। তাঁহার কবিত্বের অপেক্ষা আর একটা বড় জিনিষ পাঠককে বুঝাইতে চেষ্টা করিতেছি। ঈশ্বর গুপ্ত নিজে



কি ছিলেন, তাহাই বদ্বাইবার চেষ্টা করিতেছি। কবির কবিত্ব বদ্বিষ্মা লাভ আছে, সন্দেহ নাই ; কিন্তু কবিত্ব অপেক্ষা কবিকে বদ্বিষ্মিতে পারিলে আরও গুরুতর লাভ। কবিতা দর্পণ-মাত্র—তাহার ভিতর কবির অবিকল ছায়া আছে ; দর্পণ বদ্বিষ্মা কি হইবে? ভিতরে যাহার ছায়া, ছায়া দেখিয়া তাহাকে বদ্বিষ্মিব। কবিতা, কবির কীর্ত্তি—তাহা ত আমাদের হাতেই আছে—পড়িলেই বদ্বিষ্মিব। কিন্তু যিনি এই কীর্ত্তি রাখিয়া গিয়াছেন, তিনি কি গুণে, কি প্রকারে, এই কীর্ত্তি রাখিয়া গেলেন, তাহাই বদ্বিষ্মিতে হইবে। তাহাই জীবনী- ও সমালোচনা-দ্বন্দ্ব প্রধান শিক্ষা এবং জীবনী ও সমালোচনার মূখ্য উদ্দেশ্য।

ঈশ্বরচন্দ্রের জীবনীতে আমরা অবগত হই যে, একজন আশিক্ষিত যুবক কলিকাতার আসিয়া সাহিত্যে ও সমাজে আধিপত্য সংস্থাপন করিল। কি শক্তিতে? তাহাও দেখিতে পাই—নিজ-প্রতিভা-গুণে। কিন্তু ইহাও দেখিতে পাই যে, প্রতিভানুযায়ী ফল ফলে নাই। প্রভাকর ঘোষাছেন। সে মেঘ কোথা হইতে আসিল? বিস্ময়কর রূচির অভাবে। এখন ইহা একপ্রকার স্বাভাবিক নিয়ম যে, প্রতিভা ও সুরূচি পরস্পর সখী ; প্রতিভার অনুগামিনী সুরূচি। ঈশ্বর গুপ্তের বেলা তাহা ঘটে নাই কেন? এখানে দেশ, কাল, পাত্র বদ্বিষ্মা দেখিতে হইবে। তাই আমি দেশের রূচি বদ্বাইলাম, কালের রূচি বদ্বাইলাম এবং পাত্রের রূচি বদ্বাইলাম। বদ্বাইলাম যে, পাত্রের রূচির অভাবের কারণ (১) পুস্তক-দত্ত সুশিক্ষার অল্পতা, (২) মাতার পবিত্র সংসর্গের অভাব, (৩) সহধর্মিণী, অর্থাৎ যাহার সংগে একত্র ধর্ম শিক্ষা করি, তাহার পবিত্র সংসর্গের অভাব, (৪) সমাজের অত্যাচার এবং তজ্জনিত সমাজের উপর কবির জাতক্লেশ। যে মেঘে প্রভাকরের তেজোহাস করিয়াছিল, এই সকল উপাদানে তাহার জন্ম। স্থূল তাৎপর্য এই যে, ঈশ্বরচন্দ্র যখন অল্পবয়সে তখন কুরূচির বশীভূত হইয়াই অল্পবয়সে, ভারতচন্দ্রাদির ন্যায় কোথাও কুপ্রবৃত্তির বশীভূত হইয়া অল্পবয়সে নহেন। তাই দর্পণতলস্থ প্রতিবিস্মের সাহায্যে প্রতিবিস্মধারী সত্তাকে বদ্বাইবার জন্য আমরা ঈশ্বরচন্দ্র গুপ্তের অল্পবয়স-দোষ এত সবিস্তারে সমালোচনা করিলাম।

মানুষটা কে, আর একটু ভাল করিয়া বদ্বা যাউক—কবিতা না হয় এখন থাক। আমরা বলিয়াছি, ঈশ্বর গুপ্ত বিলাসী ছিলেন না ; অথচ দেখিতে পাই, মুখের আটক-পাটক কিছুই নাই। অল্পবয়সে ঘোর আমোদ, ইয়ারাকি-ভরা পাটার স্তোত্র লেখেন, তপস্বে মাহের মজা বদ্বেন, লেবু-দিয়া-আনারসের পরমভক্ত সুরাপান-সম্বন্ধে\* মস্তকণ্ঠ—আবার বিলাসী কারে বলে? কথাটা বদ্বিষ্মা দেখা যাউক।

\*সুরাপানের মার্জনা নাই। মার্জনায় আমিও কোন কারণ দেখাইতে ইচ্ছুক নহি। কেবল সে সম্বন্ধে পাঠককে ভারতবর্ষের শ্রেষ্ঠ কবির এই উক্তিটি স্মরণ করিতে বলি,—

“ঐকো হি দোষো গুণসমুপাভে নিবন্ধজ্ঞানোঃ কিরণেবিবাহঃ।”

পরমার্থ-বিষয়ে ঈশ্বরচন্দ্র গদ্য-পদ্যে যত লিখিয়াছেন, এত আর কোন বিষয়েই বোধ হয় লিখেন নাই। অনেকের পক্ষে ঐগদ্যলি নীরস বলিয়া বোধ হইবে, কিন্তু যদি পাঠক ঈশ্বর গদ্যতকে বদ্বিধিতে চাহেন, তবে দেখিবেন সেগদ্যলি ফরমায়োসি কবিতা নহে—কবির আন্তরিক কথা তাহাতে আছে। এই সকল গদ্য ও পদ্য প্রণিধান করিয়া দেখিলে, আমরা বদ্বিধিতে পারিব যে, ঈশ্বর গদ্যের ধর্ম্ম একটা কৃত্রিম ভান ছিল না। ঈশ্বরে তাঁহার আন্তরিক ভক্তি ছিল। তিনি বিলাসী হউন, কোন হবিষ্যাশী নামাবলীধারীতে সেরূপ আন্তরিক ঈশ্বরে ভক্তি দেখিতে পাই না। সাধারণ ঈশ্বরবাদী বা ঈশ্বর-ভক্তের মত তিনি ঈশ্বর-বাদী ও ঈশ্বর-ভক্ত ছিলেন না। তিনি ঈশ্বরকে নিকটে দেখিতেন ; যেন প্রত্যক্ষ দেখিতেন, যেন মৃধামৃধা হইয়া কথা কহিতেন। আপনাকে যথার্থ ঈশ্বরের পুত্র, ঈশ্বরকে আপনার সাক্ষাৎ মূর্ত্তিমান্ পিতা বলিয়া দৃঢ় বিশ্বাস করিতেন। মৃধামৃধা হইয়া বাপের সৎগে বচসা করিতেন। কখন বাপের আদর পাইবার জন্য কোলে বাসিতে যাইতেন, আপনি বাপকে কত আদর করিতেন—উত্তর না পাইলে কাঁদাকাটা বাধাইতেন। বলিতে কি, তাঁহার ঈশ্বরে গাঢ় পুত্রবৎ অকৃত্রিম প্রেম দেখিয়া চক্ষের জল রাখা যায় না। অনেক সময়েই দেখিতে পাই যে, মূর্ত্তিমান্ ঈশ্বর সম্মুখে পাইতেছেন না, কথার উত্তর পাইতেছেন না বলিয়া তাঁহার অসহ্য যন্ত্রণা হইতেছে, বাপকে বকিয়া ফাটাইয়া দিতেছেন। বাপ নিরাকার নিগূণ চৈতন্যমাত্র, সাক্ষাৎ মূর্ত্তিমান্ বাপ নহেন, এ কথা মনে করিতেও অনেক সময়ে কষ্ট হইতঃ—

কাতর কিঙ্কর আমি, তোমার সন্তান।  
আমার জনক তুমি, সবার প্রধান।।  
বার বার ডাকিতেছি, কোথা ভগবান্।  
এক বার তাহে তুমি নাহি দাও কাণ।।  
সর্ব্বদিকে সর্ব্বলোকে কত কথা কয়।  
শ্রবণে সে সব রব প্রবেশ না হয়।।  
হায় হায় কব কায়, ঘটিল কি জ্বালা।  
জগতের পিতা হ'য়ে তুমি হ'লে কালা।।  
মনে সাধ কথা কই, নিকটে আনিয়া।  
অধীর হ'লেম ভেবে বধির জানিয়া।।

এ ভক্তের স্তুতি নহে—এ বাপের উপর বোটের অভিমান। ধন্য ঈশ্বরচন্দ্র! তুমি পিতৃপদ লাভ করিয়াছ, সন্দেহ নাই। আমরা কেহই তোমার সমালোচক হইবার যোগ্য নহি।

বৈষ্ণবগণ বলেন, হনুমানাদি দাস্যভাবে, শ্রীদামাদি সখ্যভাবে, নন্দ-যশোদা পুত্রভাবে এবং গোপীগণ কান্তভাবে সাধনা করিয়া ঈশ্বর পাইয়াছিলেন।

কিন্তু পৌরাণিক ব্যাপার-সকল আমাদের হইতে এত দূর-সংস্থিত যে, তদালোচনায় আমাদের যাহা লভনীয়, তাহা আমরা সহজে পাই না। যদি হনুমান, উদ্ধব, যশোদা বা শ্রীরাধাকে আমাদের কাছে পাইতাম, তবে সে সাধনা বদ্বিবার চেষ্টা কতক সফল হইত। বাঙালায় দুই জন সাধক আমাদের বড় নিকট। দুই জনই বৈদ্য, দুই জনই কবি। এক রামপ্রসাদ সেন, আর এক ঈশ্বরচন্দ্র গদ্যস্ত। ইহারা কেহই বৈষ্ণব ছিলেন না, কেহই ঈশ্বরকে প্রভু, সখা, পুত্র বা কান্তভাবে দেখেন নাই। রামপ্রসাদ ঈশ্বরকে সাক্ষাৎ মাতৃভাবে দেখিয়া ভক্তি সাধিত করিয়াছিলেন—ঈশ্বরচন্দ্র পিতৃভাবে। রামপ্রসাদের মাতৃপ্রেমে আর ঈশ্বরচন্দ্রের পিতৃপ্রেমে ভেদ বড় অল্প।

তুমি হে ঈশ্বর গদ্যস্ত ব্যাপ্ত হ্রিসংসার।

আমি হে ঈশ্বর গদ্যস্ত—কুমার তোমার।।

পিতৃনামে নাম পেয়ে, উপাধি পেয়েছি।

জন্মভূমি জননীর কোলেতে বসেছি।।

তুমি গদ্যস্ত আমি গদ্যস্ত, গদ্যস্ত কিছ্‌ নয়।

তবে কেন গদ্যস্তভাবে ভাব গদ্যস্ত রয় ?

পদ্যস্ত—আরও নিকটে,—

তোমার বদনে যদি না সরে বচন।

কেমনে হইবে তবে কথোপকথন।।

আমি যদি কিছ্‌ বলি, বন্ধে অভিপ্রায়।

ইসেরায় ঘাড় নেড়ে সায় দিও তায়।।

যাহার এই ঈশ্বর-ভক্তি—যে ঈশ্বরকে এইরূপ সর্বদা নিকটে, অতি নিকটে দেখে—ঈশ্বর-সংসর্গ-তৃষ্ণায় যাহার হৃদয় এইরূপে দক্ষ—সে কি বিলাসী হইতে পারে? হয় হউক। আমরা এরূপ বিলাসী ছাড়িয়া সন্ন্যাসী দেখিতে চাই না।

তবে ঈশ্বর সন্ন্যাসী, হবিষ্যাশী বা অভোক্তা ছিলেন না। পাঁটা, তপসে মাছ বা আনারসের গুণ গায়িতে ও রসাম্বাদনে—উভয়েই সক্ষম ছিলেন। যদি ইহা বিলাসিতা হয়, তিনি বিলাসী ছিলেন। তাঁহার বিলাসিতা তিনি নিজে স্পষ্ট করিয়া বর্ণনা করিয়াছেনঃ—

লক্ষ্মীছাড়া যদি হও খেয়ে আর দিয়ে।

কিছ্‌ মাত্র সুখ নাই হেন লক্ষ্মী নিয়ে।।

যতক্ষণ থাকে ধন তোমার আগারে।

নিজে খাও, খেতে দাও, সাধ্য-অনুসারে।।

ইথে যদি কমলার মন নাহি সরে।

প্যাঁচা লয়ে যান মাতা কৃপণের ঘরে।।

শাক্য মাত্র যে ভোজন না করে, তাহাকেই বিলাসি-মধ্যে গণনা করিতে হইবে, ইহাও আমি স্বীকার করি না। গীতায় ভগবদুক্তি এইঃ—

আয়ুঃসত্ত্ববারোগ্য-সুখপ্রীতিবিস্কণাঃ ।

শ্লিষ্টা রস্যাঃ স্থিরা হৃদ্যা আহারাঃ সাত্ত্বিকপ্রিয়াঃ ।।

স্থূলকথা এই—যাহা আগে বলিয়াছি—ঈশ্বর গদ্যে মেকির বড় শত্রু। মেকি মানদ্বয়ের শত্রু, এবং মেকি ধর্মের শত্রু। লোভী, পরদেষী অথচ হবিষ্যাশী ভণ্ডের ধর্ম গ্রহণ করেন নাই। ভণ্ডের ধর্মকে ধর্ম বলিয়া তিনি জানিতেন না। তিনি জানিতেন, ধর্ম ঈশ্বরানুগ—আহার-ত্যাগে নহে। যে ধর্ম ঈশ্বরানুগ ছাড়িল, পানাহার-ত্যাগকে ধর্মের স্থানে খাড়া করিতে চাহিত, তিনি তাহার শত্রু। সেই ধর্মের প্রতি বিদ্বৈষ্যবশতঃ পাঁটার স্তোত্রে, আনারসের গদ্য-গানে এবং তপসের মহিমা-বর্ণনায় কবির এত সুখ হইত। মানদ্বটা বদ্বিলাম ; নিজে ধার্মিক, ধর্ম খাঁটি, মেকির উপর খজাহস্ত। ধার্মিকের কবিতায় অশ্লীলতা কেন দেখি, বোধ হয় তাহাও বদ্বিলাম। বিলাসিতা কেন দেখি, বোধ হয় তাহা এখন বদ্বিলাম।

ঈশ্বর গদ্যের কবিতার কথা বলিতে বলিতে তাহার ব্যঙ্গের কথা, ব্যঙ্গের কথা হইতে তাহার অশ্লীলতার কথা, অশ্লীলতার কথা হইতে তাহার বিলাসিতার কথা আসিয়া পড়িয়াছিল। এখন ফিরিয়া যাইতে হইতেছে।

অশ্লীলতা যেমন তাহার কবিতার এক প্রধান দোষ, শব্দাভ্রমরপ্রিয়তা তেমনি আর এক প্রধান দোষ। শব্দচ্ছটায়, অনুপ্রাস-যমকের ঘটায় তাহার ভাবার্থ অনেক সময়ে একেবারে ঘুচিয়া মূছিয়া যায়। অনুপ্রাস-যমকের অনুরোধে অর্থের ভিতর কি ছাই-ভস্ম থাকিয়া যায়, কবি তাহার প্রতি কিছুমাত্র অনুধাবন করিতেছেন না দেখিয়া, অনেক সময়ে রাগ হয়, দ্বন্দ্ব হয়, হুসি পায়, দয়া হয়—পড়িতে আর প্রবৃত্তি হয় না। যে কারণে তাহার অশ্লীলতা, সেই কারণে এই যমকানুপ্রাসে অনুগ—দেশ, কাল, পাত্র! সংস্কৃত সাহিত্যের অবনতির সময় হইতে যমকানুপ্রাসের বড় বাড়াবাড়ি। ঈশ্বর গদ্যের পক্ষেই কবিওয়ালার কবিতায়, পাঁচালিওয়ালার পাঁচালিতে ইহার বেশী বাড়াবাড়ি। দাশরথি রায় অনুপ্রাস-যমকে বড় পটু—তাই তাহার পাঁচালি লোকের এত প্রিয় ছিল। দাশরথি রায়ের কবিত্ব না ছিল, এমত নহে। কিন্তু অনুপ্রাস-যমকের দৌরাণ্ড্য তাহা প্রায় একেবারে ঢাকা পড়িয়া গিয়াছে ; পাঁচালিওয়ালার ছাড়িয়া তিনি কবির শ্রেণীতে উঠিতে পান নাই। এই অলঙ্কার-প্রয়োগের পটুতায় ঈশ্বর গদ্যের স্থান তাহার পরেই—এত অনুপ্রাস-যমক আর কোন বাঙালীতে ব্যবহার করে নাই। এখানেও মার্জিত রচনার অভাব-জন্য বড় দ্বন্দ্ব হয়।

অনুপ্রাস-যমক যে সর্বত্রই দৃশ্য, এমত কথা আমি বলি না। ইংরেজিতে ইহা বড় কদর্যা শুনায় বটে, কিন্তু সংস্কৃতে ইহার উপযুক্ত ব্যবহার অনেক সময়েই বড় মধুর। কিছুরই বাহুল্য ভাল নহে—অনুপ্রাস-যমকের বাহুল্য বড় কষ্টকর। রাখিয়া-ঢাকিয়া, পরিমিত ভাবে ব্যবহার করিতে পারিলে বড় মিঠে। বাংলাভাষাতেও তাই। মধুসূদন দত্ত মধ্যে মধ্যে পদ্যে অনুপ্রাসের ব্যবহার করেন,—বড় বুদ্ধিয়া-সুদ্বিয়া, রাখিয়া-ঢাকিয়া ব্যবহার করেন—মধুর হয়। শ্রীমান্ অক্ষয়চন্দ্র সরকার গদ্যে কখন কখন দুই-এক বৃন্দ অনুপ্রাস ছাড়িয়া দেন, রস উছলিয়া উঠে।

ঈশ্বর গুপ্তের এক-একাটি অনুপ্রাস বড় মিঠে,—

বিবিজ্ঞান চলে যান লবেজ্ঞান করে।

ইহার তুলনা নাই। কিন্তু ঈশ্বর গুপ্তের সময়-অসময় নাই, বিষয়-অবিষয় নাই, সীমা-সরহন্দ নাই—একবার অনুপ্রাস-যমকের ফোয়ারা খুলিলে আর বন্ধ হয় না, আর কোন দিকে দৃষ্টি থাকে না, কেবল শব্দের দিকে। এইরূপ শব্দ-ব্যবহারে তিনি অদ্বিতীয়। তিনি শব্দের প্রতিযোগিদ্বন্দ্ব অধিপতি। এই দোষ-গুণের উদাহরণ-স্বরূপ দুইটি গীত 'বোধেন্দুবিকাশ' হইতে উদ্ধৃত করিলাম:—

রাগিণী বেহাগ—তাল একতাল

কে রে বামা বারিদবরণী,  
তরুণী, ভালে ধরেছে তরণী,  
কাহার' ঘরণী, আসিয়ে ধরণী, করিছে দনুজ-জয়।  
হের হে ভ্রূপ, কি অপরূপ, অনূপ রূপ, নাহি স্বরূপ,  
মদন-নিধন-করণ-কারণ, চরণ-শরণ লয়।।  
বামা হাসিছে, ভাষিছে, লাজ না বাসিছে,  
হৃদয়-স্ফোর-রবে সকল শাসিছে, নিকটে আসিছে,  
বিপক্ষ নাশিছে, গ্রাসিছে বারণ-হয়।  
বামা টলিছে টলিছে, লাবণ্য গলিছে,  
সঘনে বলিছে, গগনে চলিছে,  
কোপেতে জ্বলিছে, দনুজ দলিছে, ছলিছে ভুবনময়।।  
কে রে, ললিতরসনা, বিকটদশনা,  
করিয়ে ঘোষণা, প্রকাশে বাসনা,  
হুয়ে শবাসনা, বামা বিবসনা, আসবে মগনা রয়।।

রাগিণী বেহাগ—তাল একতাল্য

কে রে বামা, ষোড়শী রূপসী,  
 সূবেশী, এ যে নহে মানুসী,  
 ভালে শিশুশশী, করে শোভে অসি,  
 • রূপমসী, চারুভাস।  
 দেখ, বাজিছে ঝম্প, দিতেছে ঝম্প,  
 মারিছে লক্ষ, হ'তেছে কম্প,  
 গেল রে পৃথ্বী, করে কি কীৰ্ত্তি, চরণে কুন্তিবাস।।  
 কে রে করাল-কাঁমিনী, মরাল-গামিনী,  
 কাহার স্বামিনী, ভুবনভামিনী,  
 রূপেতে প্রভাত করেছে যামিনী,  
 দামিনী-জড়িত-হাস।  
 কে রে যোগিনী-সঙ্গে, রুধির-রণে,  
 রণ-তরণে নাচে রিভঙ্গে,  
 কুটীলাপাঙ্গে, তিমির-অঙ্গে, করিছে তিমির নাশ।  
 আহা, যে দেখি পৰ্ব্ব, যে ছিল গৰ্ব্ব,  
 হইল খৰ্ব্ব, গেল রে সৰ্ব্ব,  
 চরণসরোজে পাড়িয়ে শৰ্ব্ব, করিছে সৰ্ব্বনাশ।  
 দেখি নিকট-মরণ, কর রে স্মরণ  
 মরণ-হরণ, অভয়-চরণ,  
 নিবিড় নবীন নীরদবরণ, মানসে কর প্রকাশ।।

ঈশ্বর গদ্যুপ্ত অপদূৰ্ব্ব শব্দকোশলী বলিয়া তাঁহার যেমন এই গদ্যুপ্তর দোষ জন্মিয়াছে, তিনি অপদূৰ্ব্ব শব্দকোশলী বলিয়া তেমন তাঁহার এক মহৎ গদ্য জন্মিয়াছে। যখন অনুপ্রাস-যমকে মন না থাকে, তখন তাঁহার বাঙালা ভাষা, বাঙালা সাহিত্যে অতুল। যে ভাষায় তিনি পদ্য লিখিয়াছেন, এমন খাঁটি বাঙালায়, বাঙালীর এমন প্রাণের ভাষায় আর কেহ পদ্য কি গদ্য কিছুই লেখে নাই। তাহাতে সংস্কৃতজনিত কোন বিকার নাই—ইংরেজিবিংশীর বিকার নাই; পাণ্ডিত্যের অভিমান নাই—বিশুদ্ধির বড়ই নাই। ভাষা হেলে না, টলে না, বাঁকে না—সরল, সোজা পথে চলিয়া গিয়া পাঠকের প্রাণের ভিতর প্রবেশ করে। এমন বাঙালীর বাঙালা ঈশ্বর গদ্যুপ্ত ভিন্ন আর কেহই লেখে নাই—আর লিখিবার সম্ভাবনাও নাই। কেবল ভাষা নহে—ভাবও তাই। ঈশ্বর গদ্যুপ্ত দেশী কথা, দেশী ভাব প্রকাশ করেন। তাঁহার কবিতায় ‘কেলাকা ফুল’ নাই।

ঈশ্বর গদ্যুত্তর কবিতা-প্রচারের জন্য আমরা যে উদ্যোগী, তাহার বিশেষ কারণ, তাঁহার ভাষার এই গুণ। খাঁটি বাঙালা আমাদের বড় মিঠে লাগে—ভরসা করি, পাঠকেরও লাগবে। এমন বলিতে চাই না যে, ভিন্ন ভাষার সংস্পর্শে ও সংঘর্ষে বাঙালা ভাষার কোন উন্নতি হইতেছে না, বা হইবে না ; হইতেছে ও হইবে। কিন্তু বাঙালা ভাষা যাহাতে জাতি হারাইয়া, ভিন্ন ভাষার অনুকরণ-মাত্রে পরিণত হইয়া পরাধীনতা-প্রাপ্ত নহে, তাহাও দেখিতে হয়। বাঙালা ভাষা বড় দোটানার মধ্যে পড়িয়াছে। দ্বিপথগামিনী এই স্রোতস্বতীর দ্বিবেণীর মধ্যে আবর্তে পড়িয়া আমরা ক্ষুদ্র লেখকেরা অনেক ঘুরপাক খাইতেছি। এক দিকে সংস্কৃতের স্রোতে মরাগাঙ্গে উজ্জান বহিতেছে—কত ‘ধৃষ্টদ্যুম্ন-প্রাড়াবিবাক-মলিন্দুচ’ গুণ ধরিয়া সেকেলে বোঝাই নৌকাসকল টানিয়া উঠাইতে পারিতেছে না ; আর এক দিকে ইংরেজির ভরাগাঙ্গে বেনোজল ছাপাইয়া দেশ ছাড়বার করিয়া তুলিয়াছে—মাধ্যাকর্ষণ, যবক্ষারজান, ইবোলিউশন, ডিভলিউশন, প্রভৃতি জাহাজ, পিনেস, বজরা, ক্ষুদ্র লণ্ডের জ্বালায় দেশ উৎপীড়িত,—মাঝে স্বচ্ছসলিলা পদ্যতোয়া কৃশাঙ্গী এই বাঙালা ভাষার স্রোত বড় ক্ষীণ বহিতেছে। দ্বিবেণীর আবর্তে পড়িয়া লেখক তুল্যরূপেই ব্যতিব্যস্ত। এ সময়ে ঈশ্বর গদ্যুত্তর রচনার প্রচারে কিছু উপকার হইতে পারে।

ঈশ্বর গদ্যুত্তর আর এক গুণ, তাঁহার কৃত সামাজিক ব্যাপার-সকলের বর্ণনা অতি মনোহর। তিনি যে সকল রীতি-নীতি বর্ণিত করিয়াছেন, তাহা অনেক বিলুপ্ত হইয়াছে বা হইতেছে। সে সকল পাঠকের নিকট বিশেষ আদরণীয় হইবে, ভরসা করি।

ঈশ্বর গদ্যুত্তর স্বভাব-বর্ণনা ‘নবজীবনে’ বিশেষ প্রকারে প্রশংসিত হইয়াছে। আমরা ততটা প্রশংসা করি না। ফলে তাঁহার যে বর্ণনার শক্তি ছিল, তাহার সন্দেহ নাই। ‘বর্ষাকালের নদী,’ ‘প্রভাতের পদম’ প্রভৃতি কয়েকটি প্রবন্ধে তাহার পরিচয় পাইবেন।

স্থূল কথা, তাঁহার কবিতার অপেক্ষা তিনি অনেক বড় ছিলেন। তাঁহার প্রকৃত পরিচয় তাঁহার কবিতায় নাই। যাঁহারা বিশেষ প্রতিভাশালী, তাঁহারা প্রায় আপন আপন সময়ের অগ্রবর্তী। ঈশ্বর গদ্যুত্তরও আপন সময়ের অগ্রবর্তী ছিলেন। আমরা দুই-একটা উদাহরণ দিই।

প্রথম, দেশবাৎসল্য। দেশবাৎসল্য পরমধর্ম, কিন্তু এ ধর্ম অনেক দিন হইতে বাঙালা দেশে ছিল না, কখনও ছিল কি না, বলিতে পারি না। এখন ইহা সাধারণ হইতেছে দেখিয়া আনন্দ হয়, কিন্তু ঈশ্বর গদ্যুত্তর সময়ে ইহা বড়ই বিরল ছিল। তখনকার লোকে আপন আপন সমাজ, আপন আপন জাতি, বা আপন আপন ধর্মকে ভালবাসিত, ইহা দেশবাৎসল্যের ন্যায় নহে—অনেক নিকৃষ্ট। মহাত্মা রামমোহন রায়ের কথা ছাড়িয়া দিয়া রামগোপাল ঘোষ ও হরিশচন্দ্র মল্লখোপাধ্যায়কে বাঙালা দেশে দেশবাৎসল্যের প্রথম নেতা বলা বাইতে

পারে। ঈশ্বর গদ্যুত্তের দেশবাংসল্য তাহাদিগেরও কিঞ্চিৎ পদ্বর্গামী। ঈশ্বর গদ্যুত্তের দেশবাংসল্য তাহাদের মত ফলপ্রদ না হইয়াও তাহাদের অপেক্ষাও ভীষ ও বিশুদ্ধ। নিম্নের কয় ছত্র পদ্য, ভরসা করি, সকল পাঠকই মৃদুস্থ করিবেন:—

'দ্রাতৃভাবু ভাঁবি' মনে দেখ দেশবাসিগণে,  
 প্রেমপূর্ণ নয়ন মেলিয়া ;  
 কত রূপ স্নেহ করি' দেশের কুকুর ধরি'  
 বিদেশের ঠাকুর ফেলিয়া ।

ভখনকার লোকের কথা দূরে থাক, এখনকার কয়জন লোক ইহা বন্ধে? এখনকার কয়জন লোক এখানে ঈশ্বর গুপ্তের সমকক্ষ? ঈশ্বর গুপ্তের কথায় যা, কাজেও তাই ছিল। তিনি বিদেশের ঠাকুরের প্রতি ফিরিয়াও চাহিতেন না, দেশের কুকুর লইয়াও আদর করিতেন। মাতৃভাষা-সম্বন্ধে যে কবিতাটি আছে, পাঠককে তাহা পড়িতে বলি। ‘মাতৃ-সম মাতৃভাষা,’ সৌভাগ্য-ক্রমে এখন অনেকে বুদ্ধিতেছেন, কিন্তু ঈশ্বর গুপ্তের সময়ে কে সাহস করিয়া এ কথা বলে? ‘বাংগালা বুদ্ধিতে পারি,’ এ কথা স্বীকার করিতে অনেকের লজ্জা হইত। অজিও নার্কি কলিকাতায় এমন অনেক কৃতিবদ্য নরাদম আছে, যাহারা মাতৃভাষাকে ঘৃণা করে,—যে তাহার অনুশীলন করে, তাহাকেও ঘৃণা করে এবং আপনাকে মাতৃভাষা-অনুশীলনে পরাভ্রম্ব ইংরেজি-নবিশ বলিয়া পরিচয় দিয়া আপনার গৌরব-বৃদ্ধির চেষ্টা পায়। যখন এই মহাত্মা সমাজে আদৃত, তখন এ সমাজ ঈশ্বর গুপ্তের সমকক্ষ হইবার অনেক বিলম্ব আছে।

দ্বিতীয়, ধর্ম। ঈশ্বর গদ্যস্ত ধর্মেও সমকালিক লোকদিগের অগ্রবস্তা ছিলেন। তিনি হিন্দু ছিলেন, কিন্তু তখনকার লোকদিগের ন্যায় উপধর্মকে হিন্দুধর্ম বলিতেন না। এখন যাহা বিশুদ্ধ হিন্দুধর্ম বলিয়া শিক্ষিত-সম্প্রদায়ভুক্ত অনেকেই গ্রহণ করিতেছেন, ঈশ্বর গদ্যস্ত সেই বিশুদ্ধ, পরম মঙ্গলময় হিন্দুধর্ম গ্রহণ করিয়াছিলেন। সেই ধর্মের যথার্থ মর্ম কি, তাহা অবগত হইবার জন্য তিনি সংস্কৃতে অনাভিজ্ঞ হইয়াও অধ্যাপকের সাহায্যে বেদান্তাদি দর্শনশাস্ত্র অধ্যয়ন করিয়াছিলেন এবং বুদ্ধির অসাধারণ প্রাথর্য্য-হেতু সে সকলে যে তাহার বেশ অধিকার জন্মিয়াছিল, তাহার প্রণীত গদ্যো-পদ্যে তাহা বিশেষ জ্ঞান্য যায়।

তৃতীয়। ঈশ্বর গুপ্তের রাজনীতি বড় উদার ছিল। তাহাতেও যে তিনি সময়ের অগ্রবর্তী ছিলেন, সে কথা বরাবাইতে গেলে অনেক কথা বলিতে হয়, সুতরাং নিরস্ত হইলাম।



## জয়দেব

অক্ষয়চন্দ্র সরকার

আধুনিক বঙ্গে গান বা গীতি-কাব্যের প্রভূত আধিপত্য। ইহার সাহিত্য সঙ্গীতময় ; ইহার কাব্য সঙ্গীতময় ; ইহার আমোদ-আহ্লাদ, বিলাস-কৌতুহ সকলেই সঙ্গীত ; ধ্যান, ধারণা, কীৰ্ত্তন, ভজন,—সঙ্গীতে ; ক্রন্দন, কলহ—তাহাও সঙ্গীতে। বঙ্গদেশ যেমন গীতি-কবিতাকে আপনার স্বর্বাঙ্গব্যবহা অধিষ্ঠাত্রী দেবতা করিয়াছে, গীতি-কবিতাও সেইরূপ বঙ্গদেশকে গৌরবান্বিত করিয়াছে। বাঙ্গালীর গীতি-কাব্য বাঙ্গালী বিচিত্র বিমানে অঙ্কিত করিয়া ‘এই দেখ’ বলিয়া জগতের সমক্ষে ধরিতে পারে। বৈষ্ণব ভক্তবৃন্দের মধুর পদাবলী, সাধক রামপ্রসাদ প্রভৃতির কালী-কীৰ্ত্তন, হরদ ঠাকুর প্রভৃতির কবিগান নিধুবাবু প্রভৃতির টপ্পা—আমাদের গৌরবের সামগ্রী, পরিচয়ের স্থল ইংরেজি সাহিত্যের আগমে বঙ্গসাহিত্য নতন পরিচ্ছদে নিত্য পরিশোভিত হইতেছে, কিন্তু এখনও গীতি-কবিতা তেমনই উজ্জ্বলা ; তেমনই মধুর।

সেই ‘জয় জগদীশ হরে!’—হইতে এই ‘বন্দে মাতরম্!’ পর্যন্ত :  
সেই “ললিত-লবঙ্গলতা-পরিশীলন-কোমল-মলয়-সমীরে,  
মধুকর-নিকর-করম্বিত-কৌকিল-কুজিত-কুঞ্জকূটরে।”—হইতে  
এই “শুভ্র-জ্যোৎস্না-পলকিত-যামিনীং  
ফুল্লকুসুমিত-দ্রুমদল-শোভিনীম্,”—পর্যন্ত

এক অনন্ত স্রোত, অনন্ত প্রবাহ অবিরাম গতিতে, অবিচ্ছিন্ন অবয়বে, দু’কূল ভাসাইয়া কুল, কুল, রব করিয়া, বাঙ্গালির প্রেমভক্তি, বাঙ্গালির অনুরক্তি, বাঙ্গালির কোমল হৃদয়ের কোমল ধর্ম, বাঙ্গালির সরল প্রাণের তরল মর্ম,—এই আট শত বৎসর সমানে বহিয়া আনিয়া অনন্তের চরণ-প্রান্তে নীত করিতেছে। ইহাই বাঙ্গালির জীবন ; ইহাই বাঙ্গালির ইতিহাস। আমরা ভাল বা মন্দ, আর পাঁচ জনে বিচার করুন ; আমরা যে কি, তাহা অগ্রে আমাদের বুঝা চাই। আমরা স্বভাবের সৌন্দর্যের গোলাম ; গোলাম বাটে, কিন্তু পিয়ারের গোলাম ; মনিবের হাবভাব, লীলা-লাবণ্য, রস-রঞ্জ—সকলই বোঝ ; তিনি তাহার লীলাখেলা আমাদের দেখাইতে ভালবাসেন, আমরা দেখিতে ভালবাসি।

দুঃখও মজায়ে মজায়ে ভোগ করিতে শিখিয়াছি। দুঃখের মজা ক্রন্দনে ; আমরা দুঃখে মজিতে জানি, কাঁদিতে জানি। কাঁদিতে কাঁদিতে গাহিতে জানি। গাহিতে গাহিতে সুখ-দুঃখের সমাধি-দাতাকে ডাকিতে জানি। স্বভাবের সৌন্দর্য্য-বোধের এই উচ্ছ্বাস, আর সেই সৌন্দর্য্য-উপভোগের উল্লাস, দুঃখের হৃদয়দ্রাবী ক্রন্দন, আর ক্রন্দনের পর নিবেদন, আর সুখ-দুঃখ সকল সময়েই ভিত্তিভরে ভগবানের<sup>\*</sup> ভজন—এই পঞ্চোপকরণে বাঙ্গালির গীতি-কাব্য। আর সেই গীতি-কাব্যই বাঙ্গালির নিত্য জীবন এবং ধারাবাহিক ইতিহাস।

এই অনন্তচারিণী, সুখ-দুঃখ-ভিত্তি-বাহিনী সুরধনীর-গীতি-কবিতার অমৃতধারার হরিদ্বার-ক্ষেত্র—জয়দেব গোস্বামী। জাহ্নবী সস্বত্নেই পুতসলিলা ; তথাপি হরিদ্বার সেই পুতবারির পূণ্যতীর্থ। গীতগোবিন্দ সেইরূপ বাঙ্গালির গীতি-কাব্যের অপূর্ব পূণ্যতীর্থ। বাঙ্গালায় যেখানে যে প্রবর, শাখা, সম্প্রদায় থাকুক, সকলেরই এক গোত্রে উৎপত্তি। বাঙ্গালায় গীতি-কাব্য একমাত্র জয়দেব-গোত্রজ।

জয়দেব প্রভৃতি বঙ্গে যেরূপ ভিত্তি-ক্ষেত্র স্থাপনা করেন, সেইরূপ এক অভিনব সাহিত্য এবং সংগীত-ক্ষেত্রও সংস্থাপন করেন। জয়দেবের ভাষা, জয়দেবের ছন্দ, জয়দেবের পদ-বিন্যাস-পদ্ধতি এবং সংগীত-রীতি, আর পাঁচটা জিনিষের সংযর্ষণ পাইয়া ক্রমে ক্রমে এই ছন্দোবন্ধময়ী, পদ-লালিত্য-সমর্পিত, সংগীত-জীবন বঙ্গভাষার সৃষ্টি করিয়াছে।

জয়দেবের ভাষা সংস্কৃত ও বাঙ্গালার মধ্যবর্তিনী ভাষা। একটু অনুধাবন করিলেই গীতগোবিন্দের শোভারা উহা উপলব্ধি করিতে পারেন।

“দিনমণি-মণ্ডল-মণ্ডন ভবখণ্ডন মূনিজন-মানস-হংস।

বালয়-বিষধর-গঞ্জন জনরঞ্জন যদুকুল-নলিন-দিনেশ।।

মধু-মুর-নরক-বিনাশন গরুড়াসন সুর-কুল-কেলি-নিদান।

অমল-কমল-দল-লোচন ভবমোচন ত্রিভুবন-ভবন-নিধান।।”

বাঙ্গালির মূখে এরূপ নাম-সংকীর্ণন ‘বাঙ্গালা’ বলিব না ত, কি বলিব ?

“চন্দন-চর্চিত-নীল-কলেবর-পীতবসন-বনমালী”

আর

“ধীর-সমীরে যমুনাতীরে বসতি বনে বনমালী”

এইরূপ পদ-সকল চিরদিনই আদর্শ বাঙ্গালা বলিয়া গৃহীত হইবে।

“চল সখি কুঞ্জ সতিমিরপুঞ্জ শীলয় নীলনিচোলং”

দুতীর মূখে এইরূপ ভারতী শুনিলে একটু হাসি পায় ; মনে হয়, দুতী বাকি আপনার উপদেশের গাম্ভীর্য্য-প্রদর্শন-জন্যই অনর্থক অনুস্বার দিয়া বাঙ্গালাকে

সংস্কৃত করিতেছে। বাস্তবিক, জয়দেবের গানগদ্যের ভাষা এমনই সহজ, এমনই সরল, এমনই বাঙ্গালার মতনই বটে।

বাঙ্গালা পদ্যের ছন্দ প্রধানতঃ দুইটি : পয়ার ও ত্রিপদী। এই দুইটির লঘু-গুরু, ভণ্ণ-অভণ্ণ, কুণ্ঠিত-বিস্তৃত, মিত্র-অমিত্র করিয়া সমগ্র বাঙ্গালা কাব্য গ্রথিত হইয়াছে। তিস্তন একাবলী-আদি যে সকল ছন্দ আছে, তাহার প্রায় সকলগুলিই বাঙ্গালা ছন্দের পরিবার-মধ্যে পরকীয়া পরিচারিকা,—বাঙ্গালার আসরে না নাচিতে পারে, না গাহিতে পারে ; পাঁচটার মিশালে একটু আসর জাঁকাইয়া বসিয়া থাকে মাত্র। আসরের জুড়ী—পয়ার ও ত্রিপদী।

জয়দেবের গীতগোবিন্দে এই দুই ছন্দের পদ্ব্যভাস সন্দেহপূর্ণ পরিলাক্ষিত হয়।

বাঙ্গালার কোন ছন্দই প্রথমে অক্ষরবৃত্তি ছিল না, সকল ছন্দই মাত্রাবৃত্তি ছিল। এক এক চরণে দশ হইতে বিশ পর্যন্ত অক্ষর-সংখ্যা থাকিলেও ছন্দ সাধারণতঃ পয়ার নামে অভিহিত হইত। একাবলী, দ্বাদশাক্ষরী প্রভৃতি ছন্দের পৃথক্ নাম ছিল না। পদ্য-মাত্রকেই পয়ার বলা যাইত। দুই চরণে এক পয়ার ; দুই চরণের শেষের দুই অক্ষরে মিল থাকিলে, আর প্রতি চরণে পাঁচ হইতে দশ যে-কোন অক্ষরের পর যতি থাকিলেই চলিবে। যখন চৌদ্দ অক্ষরের চরণ লইয়া পয়ার হইয়াছে, তখনও ছয়, সাত, আট—ইহার মধ্যে যে-কোন অক্ষরের পর যতি থাকিত। এমন কি, ভারতচন্দ্রও এরূপ আছে। জয়দেবের অনেকগুলি গান এইরূপ পয়ার বলিলেই চলেঃ—

“সরসমসৃণমপি মলয়জপঙ্কজং ।  
 পশ্যাতি বিষমিব বপুশি সশঙ্কম্ ॥  
 দিশি দিশি কিরতি সজল-কণজালং ।  
 • নয়ন-নলিনমিব বিদালিত-নালম্ ॥  
 নয়ন-বিষয়মপি কিশলয়তঙ্গং ।  
 গণয়াতি বিহিত-হৃতাশ-বিকম্পম্ ॥  
 তাজ্জতি ন পাণি-তলেন কপোলং ।  
 বালশাশিমিব সায়মলোলম্ ॥  
 হিরিরিতি হিরিরিতি জপতি সিকামং ।  
 বিরহবিহিত-মরণেব নিকামম্ ॥”

—এইটি চতুর্থ সর্গের গীতাংশ। এইরূপ ষষ্ঠের, সপ্তমের, নবমের এবং একাদশের অনেকগুলি গীতে দৃষ্ট হইবে। সকল স্থলেই দুই চরণ, শেষে মিল, চরণের মধ্যে যতি, এবং তের, চৌদ্দ বা পনের অক্ষর-মাত্র আছে।

ত্রিপদীতে দুই চরণ এবং চরণের শেষে পরস্পর মিল থাকে। প্রতি চরণে দুইটি করিয়া মধ্য-যতি থাকে ; তাহাতেই প্রতি চরণ ত্রিপদী হয়। দুইটি যতি-স্থলে আবার মিল থাকে। জয়দেবে তিনটি ত্রিপদীর গান আছেঃ— একটির কিয়দংশ আমরা পুস্বেই উদ্ধৃত করিয়াছি, ‘দিনমাণ-মন্ডল-মন্ডন ভবশ্শন্ডন’ ইত্যাদি। এখনকার দিনে ঐটিকে ভগ্ন-ত্রিপদী বলিতে হয়। আর একটিরও দুই চরণ (ধীরসমীরে ইত্যাদি, এবং চল সাথি কুঞ্জ ইত্যাদি) উদ্ধৃত হইয়াছে। এইটি ত্রিপদী, তবে কোথাও পাঁচের পর, কোথাও ছয়ের পর মধ্য-যতি আছে। তৃতীয়টির ভাণ্ডা এইরূপঃ—

“ইহ রসভগনে কৃতহরিগদগনে মধুরিপদ্-পদসেবকে।

কলিয়দুগ-চারিতং ন বসতু দুরিতং কবি-নৃপ-জয়দেবকে।।”

—ঐ তিনটি সম্পূর্ণ গান, ত্রিপদী। এক-আধ চরণ ত্রিপদী অন্য গানের মধ্যেও আছে। জয়দেবের প্রসিদ্ধ

“স্মরগরলখন্ডনং মম শিরসি মন্ডনং, দেহি পদ-পল্লবমদ্যদারম্”

এইরূপ।

জয়দেবের ভাষা ও ছন্দের সম্বন্ধে বোধ হয় যথেষ্ট বলা হইল। এক্ষণে তাঁহার গান-সম্বন্ধে কিছু বলিব। বাঙ্গালার কীৰ্ত্তনাঙ্গ সঙ্গীত-নায়কগণের নিকট বড় আদরের জিনিষ, অথচ সাধারণের হৃদয়গ্রাহী। এরূপ হৃদয়দ্রাবণী করুণা-গীতি জগতে আর আছে কি-না জান না। কীৰ্ত্তনে সমজ্জদার অসমজ্জদার নাই। যে-কোন ভাবের মানুষ হও না, ভদ্র-অভদ্র, সাধু-ভণ্ড, মূৰ্খ-জ্ঞানী, দুঃখি-ধনী—কীৰ্ত্তন সকলকে সমতলে বসাইবে ; হৃদয় গলাইবে ; দুই গণ্ড দিয়া দর-বিগলিত ধারা বহাইবে। পুস্বেই বলিয়াছি, দুঃখের মজা ক্রন্দনে। এখন বলি, ক্রন্দনের মজা কীৰ্ত্তনে। বাঙ্গালী কান্নার মজা জানে বলিয়াই কীৰ্ত্তন পাইয়াছে ; আর কীৰ্ত্তন পাইয়াছে বলিয়াই কান্নার মজা বৃদ্ধি পাইয়াছে। যে কাঁদে নাই, সে মানুষ নহে ; আর যে কীৰ্ত্তনে কাঁদে নাই, সে বাঙ্গালী নহে। এই কীৰ্ত্তনের পরিচিত আদিগুরু—জয়দেব গোস্বামী।

জয়দেবের পদাবলী আজ আট শত বৎসর ধরিয়া, সমানে একই ভাবে গীত হইতেছে। আর কোন সঙ্গীতকারের এমন শ্রদ্ধাভাষ্য হইয়াছে কি-না, জানি না। বেদের সামগীতি বা দায়দের সামগীতি (Psalms) সহস্র সহস্র বৎসর ধরিয়া গীত হইতেছে বটে, কিন্তু সে সকল মানব-জীবনের অত্যন্ত স্বাভাবিক বিকাশ, এবং মানব-হৃদয়ের আশ্চর্য উচ্ছ্বাস হইলেও সঙ্গীত নহে ; তালের খেলা, তানের লীলা, যন্ত্রযোগে সুর-সঙ্গীত, দ্রুত বিলম্বিত গতি, এ সকল তাহাতে নাই। সামগানাদি সঙ্গীত নহে। জয়দেবের গীতগোবিন্দ

কিন্তু রাগে-তালে, সুরে-লয়ে ভরপূর। এই বিগত আট শত বৎসর বাঙ্গালি সংগীত-চর্চায় শিথিল-প্রযত্ন হয় নাই ; বনের মধ্যে বন-বিস্কৃপের দিল্লীর প্রতিদ্বন্দ্বিতা করিয়াছে ; পাহাড়ের উপর টিপুদ্রা নানা রাগের ধ্রুপদের সৃষ্টি করিয়াছে ; আর বঙ্গ-কেন্দ্র নবদ্বীপে মহাপ্রভু অবতীর্ণ হওয়াতে, সমগ্র বঙ্গের সম্বন্ধ গোপস্বামী বৈষ্ণবগণ কীর্ত্তনের ঐকান্তিকী সাধনা করিয়াছেন। এত সাধনাতেও আধুনিক কীর্ত্তন কিন্তু জয়দেবকে এক বিন্দু অতিক্রম করিতে পারে নাই। কোরানের ভাষার মত জয়দেবের কীর্ত্তন চিরদিনই অনন্যকরণীয় এবং অনুল্লেখনীয় রহিয়াছে, অথচ একই ভাবে সমানে গীত হইতেছে। তাহাতেই বলিতোছিলাম, আর কোন সংগীতকারের যে এমন শৃঙ্খলাদৃষ্ট হইয়াছে, তাহা জ্ঞান না। জয়দেব আমাদের আদি অথচ চিরকালই জীবন্ত গুরু।

জয়দেব হইতে যে কেবল বঙ্গের কীর্ত্তনাঙ্গের উৎপত্তি হইয়াছে, এমন নহে,—পাচালি প্রভৃতিও জয়দেবের অনন্যকরণে সৃষ্ট হইয়াছে বলিয়া অনুমিত হয়।

গান-সময়ে গায়কের স্থিতি ও গতি-বিভেদ উপলক্ষ্য করিয়া বাঙ্গালায় গান-পদ্ধতির বিভেদ হইয়াছে এবং ভিন্ন নামকরণ হইয়াছে। গায়কেরা পাদচারণ করিয়া বেড়াইলে পাঁচালি, নাচিয়া নাচিয়া গাহিলে নাচাড়ি, বসিয়া গান করিলে বৈঠকী, ও কেবল দণ্ডায়মান থাকিয়া গান করিলে দাঁড়া-গান। যে-কোন প্রকারের গান, গায়ক যে-কোন ভঙ্গিতে গাহিবেন, এমন নহে ; এক এক রূপ কেতার গান এক এক রূপ ধরণে গীত হইত ; এখনও প্রায় তাহাই হয়। কৃষ্ণবাসুর রামায়ণ প্রধানতঃ পাঁচালি। কবিকঙ্কণের চণ্ডীমঙ্গলে পাঁচালি ও নাচাড়ি—দুই আছে ; নাচাড়ি অতি অল্প। আমরা যত দূর দেখিয়াছি, তাহাতে ধর্ম্মের গানে নাচাড়ি খুব বেশী ছিল। তখনকার ধ্রুপদ ও ভজন, সঙ্গে সঙ্গে এখনকার খেয়াল, ঠুংরি, টম্পা—এই সকল প্রধানতঃ বৈঠকী গান। কীর্ত্তন পণ্ডনে প্রধানতঃ বৈঠকী। প্রাচীন সখীসম্বাদাদি দাঁড়া-কবি বলিয়া পরিচিত।

প্রাচীন পাঁচালি-পদ্ধতির বক্ষ্যমাণ লক্ষণগুলি দেখিতে পাওয়া যায়,—পাঁচালিতে গান থাকে, ও ছড়া বা পয়ার থাকে। ইহাতেই সাধারণ ভাষায় বলে, ‘খানিক তার রাগরাগিণী আর খানিক তার মুখ-জবানী।’ পাঁচালিতে যে গান বা ‘পদ’ থাকিত, তাহার মুখটুকু ধ্রুব বা স্থির পদ ; ইহাকেই ধূয়া বলিত, আর বাকটুকু অন্তরা। অন্তরায় দুই, চারি বা অনেক কালি থাকিত, প্রত্যেক কালির পর ধূয়াটি গাহিতে হইত। ছড়ার পর গান, আবার ছড়া, আবার গান, এইরূপ ক্রমাগত থাকে। প্রতি ছড়া ও তাহার পূর্ববর্ত্তী ও পরবর্ত্তী গান প্রায় একই ভাবের হয় ; অর্থাৎ যে বিষয়ের গান, সেই বিষয়েরই ছড়া হয়। বর্ত্তমান সময়ে পাঁচালি প্রায় ঐরূপই আছে, তবে গানের মুখভাগ এখন আর প্রায়ই ধূয়ার মত করিয়া গীত হয় না।

জয়দেবের গীতগোবিন্দ—বাংলালার আদি পাঁচালি বলিলেও চলে। ইহাতে ছড়া, গান, ধূয়া, অন্তরা ঠিক পাঁচালির মতনই আছে ; তবে বাংলায় যাহাকে ‘ছড়া’ বলে, সংস্কৃতে তাহাকে ‘শ্লোক’ বলিতে হয়, এই মাত্র প্রভেদ। জয়দেব-কৃত প্রসিদ্ধ দশাবতার-বর্ণনে, ‘জয় জগদীশ হরে!’ এইটুকু ধ্রুবপদ বা ধূয়া। আর—

“প্রলয়-পরোধি-জলে ধৃতবানসি বেদং  
বিহিত-বহিঃ-চরিত্রমথৈদম্।  
কেশবধৃত-মীন-শরীর—”

ইত্যাদি দশটি পদ দশটি কলি। প্রতি কলির শেষে ধূয়া ধরিতে হয়—‘জয় জগদীশ হরে!’ আর শেষের এই শ্লোকটি ছড়া—

“বেদানুস্মরণে জগন্নিব বহুত ভূগোলমুদ্রিত্রতে,  
দৈত্যে দারয়তে বলিং ছলয়তে ক্ষয়ক্ষয়ং কুস্বৰ্ণতে।  
পৌলস্ত্যং জয়তে হলং কলয়তে কারুণ্যমাতন্বতে,  
শ্লেচ্ছান্ মুচ্ছরতে দশাকৃতিকৃতে কৃষ্ণায় তুভ্যং নমঃ।।”

জয়দেবে প্রায়ই অগ্রে গান, তাহার পর সেই বিষয়ক শ্লোক বা সংস্কৃত ছড়া আছে। জয়দেবের দশাবতার-বর্ণনের গানটি ছাড়া আর সকল গানেই আটটি করিয়া কলি এবং এক একটি ধূয়া আছে ; শেষের কলিটিতে ভণিতা থাকে, তাহাতে ধূয়া লাগে না।

জয়দেবের গানে এবং শ্লোকে বিভেদ না বুঝিয়া কচিৎ কোন কোন গায়কে দুই-একটি শ্লোকও গান করিয়া থাকেন, কিন্তু ভাল গায়কে প্রায়ই সেরূপ ভুল করেন না।

গীতগোবিন্দ হইতেই যে ধূয়া-লাগানো গান এবং সেই গান ও ছড়ার মিশালে পাঁচালি সৃষ্টি হইয়াছে, তাহা একরূপ অনুমান করিতে পারা যায়। অন্ততঃ, এ কথা বলিতে পারা যায় যে, ঐরূপ ছড়া, গান ও ধূয়া-মিশ্রিত কোনরূপ ধরণ যে জয়দেবের পূর্বে বঙ্গদেশে ছিল, তাহার কোন প্রমাণ নাই। বঙ্গের কীর্ত্তনাঙ্গের সহিত যে গীতগোবিন্দের ঠিক সেইরূপ সম্বন্ধ, তাহা আমরা পূর্বেই বলিয়াছি। নাচাড়ি-গান পাঁচালির অঙ্গজ, কিন্তু কখন স্বতন্ত্র ছিল কি-না সন্দেহ। তখনও যেমন ছিল, এখনও সেইরূপ—রামায়ণ, চণ্ডীর গান প্রভৃতির অঙ্গীভূত হইয়া আছে।

উত্তর-পশ্চিম ও বেহার প্রদেশ ধরিয়া বলিতে গেলে ‘রাম-যাত্রা’ই আদি-যাত্রা। রামায়ণ ও রাম-যাত্রা—একই কথা। অয়ন এবং যাত্রা—দুই কথার একই অর্থ। রাম-যাত্রা নামের অনুকরণে—‘কৃষ্ণ-যাত্রা’-কথার সৃষ্টি হয় ; ক্রমে অভিনয়-মাত্রই যাত্রা হইয়াছে। রামায়ণের আদিগায়ক কুশ ও লবের নামে

অভিনেতা মাত্রের নাম কুশীলব হইয়াছে। হিন্দুস্থানের ‘রাম’-যাত্রায় এখনও দুই জন বালক কুশীলব—প্রধান গায়ক। এই দুই বালক-অভিনেতার, অর্থাৎ কুশীলবের অনুরোধে বাঙালায় যাত্রার জুড়ী হইয়াছে। সমগ্র হিন্দুস্থানে আদি যাত্রা রাম-যাত্রা হইলেও ইদানীন্তন বঙ্গে সর্বত্র কৃষ্ণ-যাত্রার সৃষ্টি হইয়াছে। কুশীলবের পরিবর্তে শ্রীদাম-সুবলের জুড়ী করিয়া কৃষ্ণ-যাত্রার অবতারণা হয়। বোধ হয়, প্রথম যাত্রায় কালিয়-দমনের পালা গীত হইয়া থাকিবে, নহিলে পূর্বে কৃষ্ণ-যাত্রামাত্রকেই কালিয়-দমন বলিবে কেন? যদিও জয়দেবের বহুকাল পরে বঙ্গে কালিয়-দমনের সৃষ্টি হয়, তথাপি জয়দেবের পদাবলী কালিয়-দমন যাত্রার জান্ ছিল। প্রথমে পরমানন্দ অধিকারী, তাহার পরে বদন ও গোবিন্দ অধিকারী যাত্রার মধ্যে জয়দেবের পদাবলী আবৃত্তি করতেন, ব্যাখ্যা করতেন, গান করতেন; মধ্যে মধ্যে ঘটকালি ও কথোপকথন থাকিত মাত্র। জয়দেবের সঙ্গে সঙ্গে প্রাচীন মহাজন-পদাবলীও আবৃত্তি, গীত ও ব্যাখ্যাত হইত। এখনও নীলকণ্ঠ গীতরত্ন সেই প্রাচীন পদ্ধতি রক্ষা করিতেছেন।

বাঙালার কবির গান প্রধানতঃ চারি ভাগে বিভক্ত—ঠাকুরগ-বিষয়, সখী-সম্বাদ, বিরহ ও খেঁউড়। তাহার মধ্যে ঠাকুরগ-বিষয় কেবল বন্দনা বলিলেই হয়, আর দুর্গোৎসব-সময়ে বিশিষ্ট লোকের ভবনে কবিগান হইত বলিয়া ঠাকুরগ-বিষয়ের সঙ্গে সঙ্গে আগমনী, অষ্টমী, বিজয়া প্রভৃতি গীত হইত। খেঁউড়, কবির পূর্ব হইতেই বঙ্গদেশে প্রচলিত ছিল; বাঙালার রুচির গুণে কবিগান যখন পক্ষ বিস্তার করিয়া বাঙালা জুড়িয়া বসিতেছিল, তখন ইহার পুচ্ছধারী হইয়াছিল মাত্র। সুতরাং কবির প্রধান অঙ্গ সখীসম্বাদ ও বিরহ।

দেখিতে গেলে, গীতগোবিন্দের বার-আনা ভাগ সখীসম্বাদ। প্রথম সর্গে মূল গ্রন্থারম্ভ সখীসম্বাদে—“রাধাং সরসমিদমুচে সহচরী।” ইহাতে জয়দেবের প্রসিদ্ধ সরস-বসন্ত-সময়-বন-বর্ণন। প্রথম সর্গের দ্বিতীয় কল্পেও সম্বন্ধি—“সখীসমক্ষং পুনরাহ রাধিকাম্।” ইহাতে শ্রীহরির রাস-বিলাস বর্ণন। দ্বিতীয় সর্গে, সখীর প্রতি রাধিকার উক্তি। ইহাকেও সখীসম্বাদ বলা যায়। তৃতীয় সর্গে, শ্রীহরির স্বগত বিলাপ। আবার চতুর্থ সর্গে, শ্রীহরির-সমীপে সখীসম্বাদ। পঞ্চমে, রাধিকার নিকটে সখীসম্বাদ। ষষ্ঠে, আবার শ্রীহরির নিকটে সখীসম্বাদ। এই তিনটিতে নায়ক-নায়িকার বিরহ-বর্ণন। সপ্তমে, রাধিকা স্বগতা। সপ্তমের দ্বিতীয় কল্পে, সখীর প্রতি রাধিকা। শেষের শ্লোক কয়টি আবার স্বগত। অষ্টমে রাধা-কৃষ্ণ-সম্বাদ। নবমে, সখীসম্বাদে রাধিকাকে প্রবোধ-দান। দশমে, শ্রীহরির-কর্তৃক রাধিকার মানভঞ্জন। একাদশের প্রথম কল্পে, সখীসম্বাদে উপদেশ। একাদশের দ্বিতীয় কল্প হইতে দ্বাদশের শেষ পর্যন্ত মিলন। তাহাতেই বলিতেছিলাম, জয়দেবের বার-আনা ভাগ সখীসম্বাদ; তবে মাথুর-সখী-সম্বাদ জয়দেবে নাই।

জয়দেবের সখীসম্বাদের প্রায় অর্ধেক বসন্ত- ও বিরহ-বর্ণন। সুতরাং এদিকেও দেখা যায়, জয়দেব হইতেই সখীসম্বাদের ভাবভাঙ্গি এবং বিরহের উপকরণ অন্বকৃত, আকৃষ্ট ও সংগৃহীত হইয়াছে।

এই সমালোচনায় আমরা একরূপ বদ্বিধিতে পারিয়াছি যে, বাঙালার কি কীৰ্ত্তন, কি পাঁচালি, কি বাহা, কি কবি—অল্প-বিস্তর, কোন-না-কোন বিষয়ে, জয়দেব গোস্বামীই কাছে সকলেই ঋণী। এখনও বঙ্গের গীতি-সাহিত্য সেই মহাজনের দ্বারস্থ, তাঁহার নিকট পদানত।

জয়দেব, এক দিক্ দিয়া দেখিলে, যেমন বঙ্গের গীতি-গঙ্গাস্রোতের হরিদ্বার-স্বরূপ—আমাদের মূল প্রস্রবণ, চির মহাজন, মহাগুরু এবং আদিকবি ; সেইরূপ অন্য দিক্ দিয়া দেখিলে, সংস্কৃত-রূপ বিশাল ভারতসাগরে জয়দেবের গীত-গোবিন্দ আমাদের গঙ্গাসাগর।

হারিদ্বারই বল, আর গঙ্গাসাগরই বল, জয়দেব উভয় ভাবেই আমাদের পূর্ণাতীর্থ। গঙ্গাসাগর বিশাল ভারতসাগরের অতি ক্ষুদ্র অংশ হইলেও আমাদের নিজস্ব সাগর ; আমাদের কূল-প্রাবন, কুল-পাবন।

বঙ্গের সাহিত্য-জগতে জয়দেব আদিগুরু ; তিনি গীতি-কাব্যের কম্পতরু। বঙ্গের ধর্ম-জগতে জয়দেব কোমল-কর চন্দ্রমা, চৈতন্যদেব প্রদীপ্ত সূর্য্য। এই চন্দ্র-সূর্য্যের আলোক-উত্তাপে বঙ্গ-বৈষ্ণবের দিবা-বিভাবরী আলোকিত ও পল্লকিত রহিয়াছে।

[ নবজীবন, ১২৯৩ ]

## প্যারীচাঁদ মিত্র

বঙ্কিমচন্দ্র চট্টোপাধ্যায়

বাঙালা সাহিত্যে প্যারীচাঁদ মিত্রের স্থান অতি উচ্চ। তিনি বাঙালা সাহিত্যের এবং বাঙালা গদ্যের একজন প্রধান সংস্কারক। কথাটা বদ্বাইবার জন্য বাঙালা গদ্যের ইতিবৃত্ত পাঠককে কিছ্ স্মরণ করাইয়া দেওয়া আমার কর্তব্য।

একজনের কথা অপরকে বুঝানো যে ভাষা-মায়েরই উদ্দেশ্য, ইহা বলা অনাবশ্যক। কিন্তু কোন কোন লেখকের রচনা দেখিয়া বোধ হয় যে তাঁহাদের



বিবেচনায় যত অল্প লোকে তাহাদিগের ভাষা বুদ্ধিতে পারে, ততই ভাল। সংস্কৃতে কাদম্বরী-প্রণেতা এবং ইংরাজিতে এমসনের রচনা প্রচলিত ভাষা হইতে এত দূর পৃথক্ যে, বহু কষ্ট স্বীকার না করিলে, কেহ তাহাদিগের গ্রন্থ হইতে কোন রস পায় না। অন্য তাহার গ্রন্থ পাঠ করিয়া কোন উপকার পাইবে, এরূপ যে-লেখকের উদ্দেশ্য, তিনি সচরাচর বোধগম্য ভাষাতেই গ্রন্থ-প্রণয়ন করিয়া থাকেন। যে দেশের সাহিত্যে সাধারণ-বোধগম্য ভাষাই সচরাচর ব্যবহৃত হয়, সেই দেশের সাহিত্যই দেশের মঙ্গলকর হয়। মহাপ্রতিভাশালী কবিগণ তাহাদিগের হৃদয়স্থ উন্নত ভাব-সকল তদুপযোগী উন্নত ভাষা ব্যতীত ব্যক্ত করিতে পারেন না ; এই জন্য অনেক সময়ে, মহাকবিগণ দূরদূর ভাষার আশ্রয় লইতে বাধ্য হন এবং সেই সকল উন্নত ভাবের অলংকার-স্বরূপ পদ্যে সে সকলকে বিভূষিত করেন।\* কিন্তু গদ্যের এরূপ কোন প্রয়োজন নাই। গদ্য যত সূত্রবোধ্য হইবে, সাহিত্য ততই উন্নতিকারক হইবে। যে সাহিত্যের পাঠ-সাতজন-মাত্র অধিকারী, সে সাহিত্যের জগতে কোন প্রয়োজন নাই।

প্রাচীন কালে, অর্থাৎ এ দেশে মদ্রাঘন্য স্থাপিত হইবার পূর্বে, বাঙ্গালায় সচরাচর পদ্য-রচনা সংস্কৃতের ন্যায় পদ্যেই হইত। গদ্য-রচনা যে ছিল না, এমন কথা বলা যায় না ; কেন-না হস্তলিখিত গদ্য-গ্রন্থের কথা শুন্য যায়। সে সকল গ্রন্থও এখন প্রচলিত নাই, সুতরাং তাহাদের ভাষা কিরূপ ছিল, তাহা এক্ষণে বলা যায় না। মদ্রাঘন্য সংস্থাপিত হইলে, গদ্য-বাঙ্গালা-গ্রন্থ প্রথম প্রচারিত হইতে আরম্ভ হইল। প্রবাদ আছে যে, রাজা রামমোহন রায় সে সময়ের প্রথম গদ্য-লেখক। তাহার পরে যে গদ্যের সৃষ্টি হইল, তাহা লৌকিক বাঙ্গালা ভাষা হইতে সম্পূর্ণরূপে ভিন্ন। এমন কি, বাঙ্গালা ভাষা দুইটি স্বতন্ত্র বা ভিন্ন ভাষায় পরিণত হইয়াছিল ; একটির নাম সাধু ভাষা, অর্থাৎ সাধুজনের ব্যবহার্য ভাষা, আর একটির নাম অপর ভাষা, অর্থাৎ সাধু ভিন্ন অপর ব্যক্তিদিগের ব্যবহার্য ভাষা। এ স্থলে সাধু অর্থে পণ্ডিত বুদ্ধিতে হইবে। আমি নিজে বাল্যকালে ভট্টাচার্য-অধ্যাপকদিগকে যে ভাষায় কথোপকথন করিতে শুনিয়াছি, তাহা সংস্কৃত-ব্যবসায়ী ভিন্ন অন্য কেহই ভাল বুদ্ধিতে পারিতেন না। তাহারা কদাচ ‘খয়ের’ বলিতেন না—‘খদির’ বলিতেন ; কদাচ ‘চিনি’ বলিতেন না—‘শর্করা’ বলিতেন। ‘ঘি’ বলিলে তাহাদের রসনা অশুদ্ধ হইত, ‘আজ্যই’ বলিতেন, কদাচিৎ কেহ ঘূতে নামিতেন। ‘চুল’ বলা হইবে না—‘কেশ’ বলিতে হইবে। ‘কলা’ বলা হইবে না—‘রম্ভা’ বলিতে হইবে। ফলাহারে বসিয়া ‘দই’ চাহিবার সময়ে ‘দধি’ বলিয়া চীৎকার

\*কবি যদি ভাষার উপর পুঙ্ক্তরূপে পুঙ্ক্ত স্থাপন করিতে পারেন, তাহা হইলে বহাকাব্যও অতি প্রাঞ্জল ভাষায় রচিত হয়। সংস্কৃতে রামায়ণ ও কালিদাসের বহাকাব্য সকল কাব্যের শ্রেষ্ঠ কিন্তু এরূপ স্পষ্টবোধ্য কাব্যও সংস্কৃতে আর নাই।

করিতে হইবে। আমি দেখিয়াছি, একজন অধ্যাপক একদিন ‘শিশুমার’ ভিন্ন ‘শুশুমার’ শব্দ মনে আনিবেন না, শ্রোতারাও কেহ ‘শিশুমার’ অর্থ জানেন না, সুতরাং অধ্যাপক মহাশয় কি বলিতেছেন, তাহার অর্থবোধ লইয়া অতিশয় পণ্ডগোল পড়িয়া গিয়াছিল। পণ্ডিতদিগের কথোপকথনের ভাষাই যখন এইরূপ ছিল, তখন তাঁহাদের লিখিত বাঙালা ভাষা আরও কি ভয়ঙ্কর ছিল, তাহা বলা বাহুল্য। এরূপ ভাষায় কোন গ্রন্থ প্রণীত হইলে, তাহা তখনই বিলুপ্ত হইত : কেন-না, কেহ তাহা পড়িত না। কাজেই বাঙালা সাহিত্যের কোন গ্রীবাঙ্কি হইত না।

এই সংস্কৃতানুসারিণী ভাষা প্রথম মহাত্মা ঈশ্বরচন্দ্র বিদ্যাসাগর ও অক্ষয়কুমার দত্তের হাতে কিছু সংস্কার-প্রাপ্ত হইল। ইহাদিগের ভাষা সংস্কৃতানুসারিণী হইলেও তত দূর্বেধ্যা নহে। বিশেষতঃ, বিদ্যাসাগর মহাশয়ের ভাষা অতি সুমধুর ও মনোহর। তাঁহার পদ্যে কেহই এরূপ সুমধুর বাঙালা গদ্য লিখিতে পারে নাই, এবং তাঁহার পরেও কেহ পারে নাই। কিন্তু তাহা হইলেও সম্বন্ধজন-বোধগম্য ভাষা হইতে ইহা অনেক দূরে রহিল। সকল প্রকার কথার এ ভাষায় ব্যবহার হইত না বলিয়া, ইহাতে সকল প্রকার ভাব প্রকাশ করা যাইত না এবং সকল প্রকার রচনা ইহাতে চলিত না। গদ্যে ভাষার ওজস্বিতা এবং বৈচিত্র্যের অভাব হইলে ভাষা উন্নতিশালিনী হয় না। কিন্তু প্রাচীন প্রথায় আবদ্ধ এবং বিদ্যাসাগর মহাশয়ের ভাষার মনোহারিতায় বিমুগ্ধ হইয়া কেহই আর কোন প্রকার ভাষায় রচনা করিতে ইচ্ছুক বা সাহসী হইত না। কাজেই বাঙালা সাহিত্য পদ্যমত সংকীর্ণ পথেই চলিল।

ইহা অপেক্ষা বাঙালা ভাষায় আরও একটি গুরুতর বিপদ ঘটিয়াছিল। সাহিত্যের ভাষাও যেমন সংকীর্ণ পথে চলিতেছিল, সাহিত্যের বিষয়ও ততোধিক সংকীর্ণ পথে চলিতেছিল। যেমন ভাষাও সংস্কৃতের ছায়ামাত্র ছিল, সাহিত্যের বিষয়ও তেমনই সংস্কৃতের এবং কদাচিৎ ইংরাজের ছায়ামাত্র ছিল। সংস্কৃত বা ইংরাজ গ্রন্থের সার-সংকলন বা অনুবাদ ভিন্ন বাঙালা সাহিত্য আর কিছুই প্রসব করিত না। বিদ্যাসাগর মহাশয় প্রতিভাশালী লেখক ছিলেন সন্দেহ নাই, কিন্তু তাঁহারও শকুন্তলা ও সীতার বনবাস সংস্কৃত হইতে, দ্রান্তি-বিলাস ইংরাজ হইতে এবং বেতাল পঞ্চবিংশতি হিন্দি হইতে সংগৃহীত। অক্ষয়কুমার দত্তের ইংরাজি একমাত্র অবলম্বন ছিল। আর সকলে তাঁহাদের অনুকারী এবং অনুবর্তী। বাঙালি লেখকেরা গতানুগতিকের বাহিরে হস্ত-প্রসারণ করিতেন না। জগতের অনন্ত ভাণ্ডার আপনাদের অধিকারে আনিবাব চেষ্টা না করিয়া, সকলেই ইংরাজি ও সংস্কৃতের ভাণ্ডারে চুরির সম্বন্ধে বেড়াইতেন। সাহিত্যের পক্ষে ইহার অপেক্ষা গুরুতর বিপদ আর কিছুই নাই। বিদ্যাসাগর মহাশয় ও অক্ষয়কুমার বাহা করিয়াছিলেন, তাহা সময়ের

প্রয়োজনানুসৃত, অতএব তাঁহারা প্রশংসা ব্যতীত অপ্রশংসার পাত্র নহেন ; কিন্তু সমস্ত বাঙালি লেখকের দল সেই একমাত্র পথের পথিক হওয়ায়ই বিপদ।

এই দুইটি গুরুতর বিপদ হইতে প্যারীচাঁদ মিত্রই বাঙালা সাহিত্যকে উদ্ধৃত করেন। যে ভাষা সকল বাঙালির বোধগম্য এবং সকল বাঙালি-কর্তৃক ব্যবহৃত, প্রথম তিনিই তাহা গ্রন্থ-প্রণয়নে ব্যবহার করিলেন ; এবং তিনিই প্রথম ইংরাজি ও সংস্কৃতের ভাঙারে পদ্বর্গামী লেখকদিগের উচ্ছৃঙ্খলবোধের অনুসন্ধান না করিয়া, স্বভাবের অনন্ত ভাঙার হইতে আপনার রচনার উপাদান সংগ্রহ করিলেন। এক ‘আলালের ঘরের দুলাল’ নামক গ্রন্থে এই উভয় উদ্দেশ্য সিদ্ধ হইল। আলালের ঘরের দুলাল বাঙালা ভাষায় চিরস্থায়ী ও চিরস্মরণীয় হইবে। উহার অপেক্ষা উৎকৃষ্ট গ্রন্থ তৎপরে কেহ প্রণীত করিয়া থাকিতে পারেন, অথবা ভবিষ্যতে কেহ করিতে পারেন, কিন্তু আলালের ঘরের দুলালের দ্বারা বাঙালা সাহিত্যের যে উপকার হইয়াছে, আর কোন বাঙালা গ্রন্থের দ্বারা সেরূপ হয় নাই এবং ভবিষ্যতে হইবে কি-না সন্দেহ।

আমি এমন বলিতেছি না যে, আলালের ঘরের দুলালের ভাষা আদর্শ-ভাষা। উহাতে গাম্ভীর্যের এবং বিশুদ্ধির অভাব আছে এবং উহাতে অতি উন্নত ভাব-সকল, সকল সময়ে, পরিস্ফুট করা যায় কি-না সন্দেহ। কিন্তু উহাতেই প্রথম এ বাঙালা দেশে প্রচারিত হইল যে, যে-বাঙালা সর্বজন-মধ্যে কথিত এবং প্রচলিত, তাহাতে গ্রন্থ রচনা করা যায়, সে রচনা সুন্দরও হয়, এবং যে সর্বজন-হৃদয়গ্রাহিতা সংস্কৃতানুযায়িনী ভাষার পক্ষে দুর্লভ, এ ভাষার তাহা সহজ গুণ। এই কথা জানিতে পারা বাঙালি জাতির পক্ষে অল্প লাভ নহে, এবং এই কথা জানিতে পারার পর হইতে উন্নতির পথে বাঙালা সাহিত্যের গতি অতিশয় দ্রুতবেগে চলিতেছে। বাঙালা ভাষার এক সীমায় তারাত্তরকরের কাদম্বরীর অনুবাদ, আর এক সীমায় প্যারীচাঁদ মিত্রের আলালের ঘরের দুলাল। ইহার কেহই আদর্শ-ভাষায় রচিত নয়। কিন্তু আলালের ঘরের দুলালের পর হইতে বাঙালি লেখক জানিতে পারিল যে, এই উভয় জাতীয় ভাষার উপযুক্ত সমাবেশ-দ্বারা এবং বিষয়-ভেদে, একের প্রবলতা ও অপরের অল্পতা-দ্বারা আদর্শ বাঙালা গদ্যে উপস্থিত হওয়া যায়। প্যারীচাঁদ মিত্র আদর্শ বাঙালা গদ্যের সৃষ্টিকর্তা নহেন, কিন্তু বাঙালা গদ্যে-উন্নতির পথে যাইতেছে, প্যারীচাঁদ মিত্র তাহার প্রধান ও প্রথম কারণ। ইহাই তাঁহার অক্ষর কীর্তি।

আর তাঁহার দ্বিতীয় অক্ষর কীর্তি এই যে, তিনিই প্রথম দেখাইলেন যে, সাহিত্যের প্রকৃত উপাদান আমাদের ঘরেই আছে,—তাহার জন্য ইংরাজি বা সংস্কৃতের কাছে শিক্ষা চাহিতে হয় না। তিনিই প্রথম দেখাইলেন যে, যেমন জীবনে তেমনই সাহিত্যে, ঘরের সামগ্রী যত সুন্দর, পরের সামগ্রী তত সুন্দর বোধ হয় না। তিনিই প্রথম দেখাইলেন যে, যদি সাহিত্যের দ্বারা বাঙালা

দেশকে উন্নত করিতে হয়, বাংলা দেশের কথা লইয়াই সাহিত্য গড়িতে হইবে। প্রকৃত পক্ষে, আমাদের জাতীয় সাহিত্যের আদি আলালের ঘরের দুলাল। প্যারীচাঁদ মিত্রের এই দ্বিতীয় অক্ষয় কীর্তি।

অতএব বাংলা সাহিত্যে প্যারীচাঁদ মিত্রের স্থান অতি উচ্চ। এই কথাই আমার বৃত্তব্য।

[ ১২৯৯ ]

## বাল্মীকিচন্দ্র

রবীন্দ্রনাথ ঠাকুর

যে কালে বাল্মীকির নবীনা প্রতিভা লক্ষ্মীরূপে স্খান্ড হস্তে লইয়া বাংলাদেশের সম্মুখে আবির্ভূত হইলেন তখনকার প্রাচীন লোকেরা বাল্মীকির রচনাকে সসম্মান-আনন্দের সহিত অভ্যর্থনা করেন নাই।

সেদিন বাল্মীকিকে বিস্তর উপহাস বিদ্রূপ গ্রহণ সহ্য করিতে হইয়াছিল। তাঁহার উপর একদল লোকের সূতীর বিদ্বেষ ছিল, এবং ক্ষুদ্র ষে-লেখক-সম্প্রদায় তাঁহার অনুকরণের বৃথা চেষ্টা করিত, তাহারাই আপন ঋণ গোপন করিবার প্রয়াসে তাঁহাকে সর্বাপেক্ষা অধিক গালি দিত।

আবার এখনকার যে নূতন পাঠক ও লেখক-সম্প্রদায় উদ্ভূত হইয়াছেন, তাঁহারাও বাল্মীকির পরিপূর্ণ প্রভাব হৃদয়ের মধ্যে অনুভব করিবার অবকাশ পান নাই। তাঁহারা বাল্মীকির গঠিত সাহিত্য-ভূমিতেই একেবারে ভূমিস্ত হইয়াছেন, বাল্মীকির নিকট যে তাঁহারা কত রূপে কত ভাবে ঋণী, তাহার হিসাব বিচ্ছিন্ন করিয়া লইয়া তাঁহারা দেখিতে পাইতেছেন না।

কিন্তু বর্তমান লেখকের সৌভাগ্যক্রমে আমাদের সহিত যখন বাল্মীকির প্রথম সাক্ষাৎকার হয়, তখন সাহিত্য প্রভৃতি-সম্বন্ধে কোনোরূপ পূর্বসংস্কার আমাদের মনে বদ্ধমূল হইয়া যায় নাই এবং বর্তমান কালের নূতন ভাবপ্রবাহও আমাদের নিকট অপরিচিত অনভ্যস্ত ছিল। তখন বঙ্গসাহিত্যের যেমন প্রাতঃসম্মুখ উপস্থিতি, আমাদের সেইরূপ বয়ঃসম্মুখকাল। বাল্মীকি বঙ্গসাহিত্যে

প্রভাতের সূর্যোদয় বিকাশ করিলেন, আমাদের হৃদ্যপদ্য সেই প্রথম উদ্ঘাটিত হইল।

পদুর্ষে কী ছিল এবং পরে কী পাইলাম, তাহা দুই কালের সন্ধিস্থলে দাঁড়াইয়া আমরা এক মৃদুহৃদেই অনুভব করিতে পারিলাম। কোথায় গেল সেই অন্ধকার, সেই একাকার, সেই সন্নিপাত, কোথায় গেল সেই বিজয়-বসন্ত, সেই গোলে-বকাওলি, সেই বালক-ভুলানো কথা—কোথা হইতে আঁসিল এত আলোক, এত আশা, এত সঙ্গীত, এত বৈচিত্র্য! বঙ্গদর্শন যেন তখন আষাঢ়ের প্রথম বর্ষার মত “সমাগতো রাজবদন্ততধনিঃ।” এবং মৃদুলধারে ভাববর্ষণে বঙ্গসাহিত্যের পদুর্ষবাহিনী পশ্চিমবাহিনী সমস্ত নদী-নিবারণী অকস্মাৎ পরিপূর্ণতা প্রাপ্ত হইয়া যৌবনের আনন্দবেগে ধাবিত হইতে লাগিল। কত কাব্য নাটক উপন্যাস কত প্রবন্ধ কত সমালোচনা কত মাসিকপত্র কত সংবাদপত্র বঙ্গভূমিকে জাগ্রত প্রভাত-কলরবে মূর্খারিত করিয়া তুলিল। বঙ্গভাষা সহসা বাল্যকাল হইতে যৌবনে উপনীত হইল।

আমরা কিশোরকালে বঙ্গসাহিত্যের মধ্যে ভাবের সেই নবসমাগমের মহোৎসব দেখিয়াছিলাম ; সমস্ত দেশ ব্যাপ্ত করিয়া যে-একটি আশার আনন্দ নতুন হিল্লোলিত হইয়াছিল, তাহা অনুভব করিয়াছিলাম ; সেইজন্য আজ মধ্যে মধ্যে নৈরাশ্য উপস্থিত হয়। মনে হয় সেদিন হৃদয়ে যে অপরিমেয় আশার সঞ্চার হইয়াছিল, তদনুরূপ ফললাভ করিতে পারি নাই। সে জীবনের বেগ আর নাই। কিন্তু এ নৈরাশ্য অনেকটা অমূলক। প্রথম সমাগমের প্রবল উচ্ছ্বাস কখনও স্থায়ী হইতে পারে না। সেই নব আনন্দ নবীন আশার স্মৃতির সহিত বর্তমানের তুলনা করাই অন্যায্য। বিবাহের প্রথম দিনে যে-রাগিণীতে বংশীধ্বনি হয়, সে-রাগিণী চিরদিনের নহে। সেদিন কেবল অবিমিশ্র আনন্দ এবং আশা, তাহার পর হইতে বিচিত্র কর্তব্যমিশ্রিত দুঃখসুখ, ক্ষুদ্র বাধাবিঘ্ন, গাবর্তিত বিরহমিলন—তাহার পর হইতে গভীর গম্ভীরভাবে নানাপথ বাহিয়া নানা শোকতাপ আতিক্রম করিয়া সংসারপথে অগ্রসর হইতে হইবে, প্রতিদিন আর নবং বাজিবে না। তথাপি সেই একদিনের উৎসবের স্মৃতি কঠোর কর্তব্যপথে চিরদিন আনন্দ সঞ্চার করে।

বর্ষিকমন্ডল স্বহস্তে বঙ্গভাষার সহিত যে-দিন নবযৌবনপ্রাপ্ত ভাবের পরিণয় সাধন করাইয়াছিলেন, সেই দিনের সর্বব্যাপী প্রফুল্লতা এবং আনন্দ উৎসব আমাদের মনে আছে। সেদিন আর নাই। আজ নানা লেখা নানা মত নানা আলোচনা আসিয়া উপস্থিত হইয়াছে। আজ কোনো দিন বা ভাবের স্রোত মন্দ হইয়া আসে, কোনো দিন বা অপেক্ষাকৃত পরিপূর্ণ হইয়া উঠে।

এইরূপই হইয়া থাকে এবং এইরূপই হওয়া আবশ্যিক। কিন্তু কাহার প্রসাদে এরূপ হওয়া সম্ভব হইল, সে-কথা স্মরণ করিতে হইবে। আমরা আত্মাভিমান সর্বদাই তাহা ভুলিয়া যাই।

তুলিয়া যে যাই তাহার প্রথম প্রমাণ, রামমোহন রায়কে আমাদের বর্তমান বঙ্গদেশের নিৰ্মাণকর্তা বলিয়া আমরা জানি না। কি রাজনীতি, কি বিদ্যা-শিক্ষা, কি সমাজ, কি ভাষা, আধুনিক বঙ্গদেশে এমন কিছুই নাই রামমোহন রায় স্বহস্তে যাহার সূত্রপাত করিয়া যান নাই। এমন কি, আজ প্রাচীন শাস্ত্রালোচনার প্রতি দেশের যে এক নূতন উৎসাহ দেখা যাইতেছে, রামমোহন রায় তাহারও পথ-প্রদর্শক। যখন নবশিক্ষাভিमानে স্বভাবতই পুরাতন শাস্ত্রের প্রতি অবজ্ঞা জন্মিবার সম্ভাবনা, তখন রামমোহন রায় সাধারণের অনধিগম্য বিস্মৃত-প্রায় বেদপুরাণতন্ত্র ইহাতে সারোদ্ধার করিয়া প্রাচীন শাস্ত্রের গৌরব উজ্জ্বল রাখিয়াছিলেন।

বঙ্গদেশ অদ্য সেই রামমোহন রায়ের নিকট কিছুতেই হৃদয়ের সহিত কৃতজ্ঞতা স্বীকার করিতে চাহে না। রামমোহন বঙ্গসাহিত্যকে গ্রাণিট্‌স্তরের উপর স্থাপন করিয়া নিমজ্জন দশা হইতে উন্নত করিয়া তুলিয়াছিলেন, বঙ্কিম-চন্দ্র তাহারই উপর প্রতিভার প্রবাহ ঢালিয়া স্তরবদ্ধ পলিমৃৎকা ক্ষেপণ করিয়া গিয়াছেন। আজ বাংলাভাষা কেবল দূঢ় বাসযোগ্য নহে, উর্বরা শস্যশ্যামলা হইয়া উঠিয়াছে। বাসভূমি যথার্থ মাতৃভূমি হইয়াছে। এখন আমাদের মনের খাদ্য প্রায় ঘরের দ্বারেই ফলিয়া উঠিতেছে।

মাতৃভাষার বন্দ্যদশা ঘূচাইয়া যিনি তাহাকে এমন গৌরবশালিনী করিয়া তুলিয়াছেন, তিনি বাঙালীর যে কী মহৎ কী চিরস্থায়ী উপকার করিয়াছেন সে-কথা যদি কাহাকেও বুঝাইবার আবশ্যক হয়, তবে তদপেক্ষা দুর্ভাগ্য আর কিছুই নাই। তৎপূর্বে বাংলাকে কেহ শ্রদ্ধাসহকারে দেখিত না। সংস্কৃত পণ্ডিতেরা তাহাকে গ্রাম্য এবং ইংরাজি পণ্ডিতেরা বর্বর জ্ঞান করিতেন। বাংলা ভাষায় যে কীর্তি উপার্জন করা যাইতে পারে, সে-কথা তাঁহাদের স্বপ্নের অগোচর ছিল। এই জন্য কেবল স্ত্রীলোক ও বালকের জন্য অনুগ্রহপূর্বক দেশীয় ভাষায় তাঁহারা সরল পাঠ্যপুস্তক রচনা করিতেন। সেই সকল পুস্তকের সরলতা ও পাঠযোগ্যতা-সম্বন্ধে যাঁহাদের জানিবার ইচ্ছা আছে, তাঁহারা রেভেরন্ড্‌ কৃষ্ণমোহন বন্দ্যোপাধ্যায়ের রচিত পুস্তকটন এণ্ট্রেন্স্-পাঠ্য বাংলা-গ্রন্থে দস্তশ্ফুট করিবার চেষ্টা করিয়া দেখিবেন। অসম্মানিত বঙ্গভাষাও তখন অত্যন্ত দীন মলিনভাবে কালযাপন করিত। তাহার মধ্যে যে কতটা সৌন্দর্য্য, কতটা মহিমা প্রচ্ছন্ন ছিল, তাহা তাহার দারিদ্র্য ভেদ করিয়া স্ফুর্তি পাইত না। যেখানে মাতৃভাষায় এত অবহেলা, সেখানে মানবজীবনের শৃঙ্খলা, শূন্যতা, দৈন্য কেহই দূর করিতে পারে না।

এমন সময়ে তখনকার শিক্ষিতশ্রেষ্ঠ বঙ্কিমচন্দ্র আপনার সমস্ত শিক্ষা সমস্ত অনুরাগ সমস্ত প্রতিভা উপহার লইয়া সেই সংকুচিতা বঙ্গভাষার চরণে সমর্পণ করিলেন; তখনকার কালে কী যে অসামান্য কাজ করিলেন, তাহা তাঁহারই প্রসাদে আজিকার দিনে আমরা সম্পূর্ণ অনুমান করিতে পারি না।

তখন তাঁহার অপেক্ষা অনেক অস্পর্শশিক্ষিত প্রতিভাহীন ব্যক্তি ইংরাজিতে দুই ছয় লিখিয়া অভিমানে স্ফীত হইয়া উঠিতেন। ইংরাজ-সমুদ্রে তাঁহারা যে কাঠবিড়ালীর মতো বালির বাঁধ নিষ্কাশন করিতেছেন, সেটুকু বুদ্ধিবার শক্তিও তাঁহাদের ছিল না।

বঙ্কিমচন্দ্র যে সেই অভিমান সেই খ্যাতির সম্ভাবনা অকাতরে পরিত্যাগ করিয়া তখনকার বিদ্বজ্জনদের অবজ্ঞাত বিষয়ে আপনার সমস্ত শক্তি নিয়োগ করিলেন, ইহা অপেক্ষা বীরত্বের পরিচয় আর কী হইতে পারে? সম্পূর্ণ ক্ষমতাসত্ত্বেও আপন সমযোগ্য লোকের উৎসাহ এবং তাঁহাদের নিকট প্রতিপত্তির প্রলোভন পরিত্যাগ করিয়া একটি অপরিষ্কৃত অপরিচিত অনাদৃত অশ্রদ্ধার পথে আপন নবীন জীবনের সমস্ত আশা-উদ্যম-ক্ষমতাকে প্রেরণ করা কত বিশ্বাস এবং কত সাহসের বলে হয়, তাহার পরিমাণ করা সহজ নহে।

কেবল তাহাই নহে। তিনি আপনার শিক্ষাগর্বে বঙ্গভাষার প্রতি অনুগ্রহ প্রকাশ করিলেন না, একেবারেই শ্রদ্ধা প্রকাশ করিলেন। যত কিছু আশা আকাঙ্ক্ষা সৌন্দর্য্য প্রেম মহত্ত্ব ভক্তি স্বদেশানুরাগ, শিক্ষিত পরিণত বুদ্ধির যত কিছু শিক্ষালব্ধ চিন্তাজাত ধনরস সমস্তই অকুণ্ঠিতভাবে বঙ্গভাষার হস্তে অর্পণ করিলেন। পরম সৌভাগ্য-গর্বে সেই অনাদর-মলিন ভাষার মুখে সহসা অপূর্ণ লক্ষ্মীপ্রীতি প্রস্ফুটিত হইয়া উঠিল।

তখন পূর্বে যাঁহারা অবহেলা করিয়াছিলেন তাঁহারা বঙ্গভাষার যৌবন-সৌন্দর্য্যে আকৃষ্ট হইয়া একে একে নিকটবর্তী হইতে লাগিলেন। বঙ্গসাহিত্য প্রতিদিন গৌরবে পরিপূর্ণ হইয়া উঠিতে লাগিল।

বঙ্কিম যে গুরুতর ভার লইয়াছিলেন, তাহা অন্য কাহারও পক্ষে দুঃসাধ্য হইত। প্রথমত, তখন বঙ্গভাষা যে অবস্থায় ছিল তাহাকে যে শিক্ষিত ব্যক্তির সকল প্রকার ভাবপ্রকাশে নিযুক্ত করা যাইতে পারে, ইহা বিশ্বাস ও আবিষ্কার করা বিশেষ ক্ষমতার কার্য্য। দ্বিতীয়ত, যেখানে সাহিত্যের মধ্যে কোনো আদর্শ নাই, যেখানে পাঠক অসামান্য উৎকর্ষের প্রত্যাশাই করে না, যেখানে লেখক অবহেলাভরে লেখে এবং পাঠক অনুগ্রহের সহিত পাঠ করে, যেখানে অল্প ভালো লিখিলেই বাহবা পাওয়া যায় এবং মন্দ লিখিলেও কেহ নিন্দা করা বাহুল্য বিবেচনা করে, সেখানে কেবল আপনার অন্তর্নিহিত উন্নত আদর্শকে সর্বদা সম্মুখে বর্তমান রাখিয়া, সামান্য পরিশ্রমে সুলভ-খ্যাতিলাভের প্রলোভন সম্বরণ করিয়া, অশ্রান্ত যত্নে অপ্রতিহত উদ্যমে দুর্গম পরিপূর্ণতার পথে অগ্রসর হওয়া অসাধারণ মাহাত্ম্যের কর্ম্ম। চতুর্দিক্‌গব্যাপী উৎসাহহীন জীবনহীন জড়ত্বের মতো এমন গুরুভার আর কিছু নাই : তাহার নিয়ত প্রবল ভারাকর্ষণ-শক্তি অতিক্রম করিয়া উঠা যে কত নিরলস চেষ্টা ও বলের কর্ম্ম, তাহা এখনকার সাহিত্য-ব্যবসায়ীরাও কতকটা বুদ্ধিতে পারেন, তখন যে আরও কত কঠিন ছিল তাহা কষ্টে অনুমান করিতে হয়। সর্বত্রই যখন শৈথিল্য

এবং সৈশৈথিল্য যখন নিন্দিত হয় না, তখন আপনাকে নিয়মব্রতে বদ্ধ করা মহাসড় লোকের দ্বারাই সম্ভব।

বঙ্কিম আপনার অন্তরের সেই আদর্শ অবলম্বন করিয়া প্রতিভাবলে যে-কার্য করিলেন, তাহা অত্যাশ্চর্য্য। বঙ্গদর্শনের পূর্ব্ববর্ত্তী এবং তাহার পরবর্ত্তী বঙ্গসাহিত্যের মধ্যে যে উচ্চ-নীচতা, তাহা অপরিমিত। দার্জিলিং হইতে যাঁহারা কাগুনজঙ্ঘার শিখরমালা দেখিয়াছেন, তাঁহারা জানেন সেই অদ্রভেদী শৈলসন্নাটের উদয়-বিবরশিম-সমুজ্জ্বল তুষারাকরীট চতুর্দ্দিকের নিস্তরঙ্গ গিরিপারিষদবর্গের কত উজ্জ্বল সমুদ্রস্থিত হইয়াছে! বঙ্কিমচন্দ্রের পরবর্ত্তী বঙ্গসাহিত্য সেইরূপ আকস্মিক অতুল্যমাত্রি লাভ করিয়াছে; একবার সেইটি নিরীক্ষণ এবং পরিমাণ করিয়া দেখিলেই বঙ্কিমের প্রতিভার প্রভূত বল সহজে অনুমান করা যাইবে।

বঙ্কিম নিজে বঙ্গভাষাকে যে শ্রদ্ধা অর্পণ করিয়াছেন, অন্যেও তাহাকে সেইরূপ শ্রদ্ধা করিবে, ইহাই তিনি প্রত্যাশা করিতেন। পূর্ব্ব অভ্যাসবশত সাহিত্যের সহিত যদি কেহ ছেলেখেলা করিতে আসিত, তবে বঙ্কিম তাহার প্রতি এমন দৃঢ় বিধান করিতেন যে, দ্বিতীয়বার সেরূপ স্পর্ধা দেখাইতে সে আর সাহস করিত না।

তখন সময় আরো কাঁঠন ছিল। বঙ্কিম নিজে দেশব্যাপী একটি ভাবের আন্দোলন উপস্থিত করিয়াছিলেন। সেই আন্দোলনের প্রভাবে কত চিত্র চঞ্চল হইয়া উঠিয়াছিল, এবং আপন ক্ষমতার সীমা উপলব্ধি করিতে না পারিয়া কত লোকে যে এক লক্ষ্যে লেখক হইবার চেষ্টা করিয়াছিল, তাহার সংখ্যা নাই। লেখার প্রয়াস জাগিয়া উঠিয়াছে অথচ লেখার উচ্চ আদর্শ তখন দাঁড়াইয়া যায় নাই। সেই সময়ে সব্যসাচী বঙ্কিম এক হস্ত গঠন-কার্য্যে আর এক হস্ত নিবারণ-কার্য্যে নিযুক্ত রাখিয়াছিলেন। একদিকে অগ্নি জ্বালাইয়া রাখিতে-ছিলেন আর একদিকে ধূম এবং ভস্মরাশি দূর করিবার ভার নিজেই লইয়াছিলেন।

রচনা এবং সমালোচনা এই উভয় কার্য্যের ভার বঙ্কিম একাকী গ্রহণ করাতেই বঙ্গসাহিত্য এত সফর এমন দ্রুত পরিণতি লাভ করিতে সক্ষম হইয়াছিল।

এই দৃষ্টির ব্রতানুষ্ঠানের যে ফল তাহাও তাঁহাকে ভোগ করিতে হইয়াছিল। মনে আছে, বঙ্গদর্শনে যখন তিনি সমালোচক-পদে আসীন ছিলেন, তখন তাঁহার ক্ষুদ্র শত্রুর সংখ্যা অল্প ছিল না। শত শত অযোগ্য লোক তাঁহাকে ঈর্ষ্যা করিত এবং তাঁহার শ্রেষ্ঠত্ব অপ্রমাণ করিবার চেষ্টা করিতে ছাড়িত না।

কণ্টক যতই ক্ষুদ্র হোক তাহার বিদ্ধ করিবার ক্ষমতা আছে। এবং কল্পনাপ্রবণ লেখকদিগের বেদনাবোধও সাধারণের অপেক্ষা কিছু অধিক। ছোটো ছোটো দংশনগুলি যে বঙ্কিমকে লাগিত না, তাহা নহে; কিন্তু



কিছুতেই তিনি কৰ্ত্তব্যে পরাভূত হন নাই। তাঁহার অজেয় বল, কৰ্ত্তব্যের প্রতি নিষ্ঠা এবং নিজের প্রতি বিশ্বাস ছিল। তিনি জানিতেন, বর্তমানের কোনো উপদ্রব তাঁহার মহিমাকে আচ্ছন্ন করিতে পারিবে না, সমস্ত ক্ষুদ্র শত্রুর বাহু হইতে তিনি অনায়াসে নিষ্কমণ করিতে পারিবেন। এইজন্য চিরকাল তিনি অম্লানমুখে বীরদৰ্পে অগ্রসর হইয়াছেন, কোনো দিন তাঁহাকে রথ-বেগ খৰ্ব্ব করিতে হয় নাই।

সাহিত্যের মধ্যে দুই শ্রেণীর যোগী দেখা যায়, ধ্যানযোগী এবং কৰ্ম্মযোগী। ধ্যানযোগী একান্তমনে বিরলে ভাবের চৰ্চা করেন, তাঁহার রচনাগুলি সংসারী লোকের পক্ষে যেন উপরি-পাওনা—যেন যথালভের মতো।

কিন্তু বৈষ্ণব সাহিত্যে কৰ্ম্মযোগী ছিলেন। তাঁহার প্রতিভা আপনাতে আপনি স্থিরভাবে পর্যাপ্ত ছিল না। সাহিত্যের যেখানে যাহা কিছু অভাব ছিল, সৰ্ব্বত্রই তিনি আপনার বিপুল বল এবং আনন্দ লইয়া ধাবমান হইতেন। কি কাব্য, কি বিজ্ঞান, কি ইতিহাস, কি ধৰ্ম্মতত্ত্ব, যেখানে যখনই তাঁহাকে আবশ্যক হইত, সেখানে তখনই তিনি সম্পূর্ণ প্রস্তুত হইয়া দেখা দিতেন। নবীন বঙ্গসাহিত্যের মধ্যে সকল বিষয়েই আদর্শ স্থাপন করিয়া যাওয়া তাঁহার উদ্দেশ্য ছিল। বিপন্ন বঙ্গভাষা আন্তর্জাতিক স্তরে যেখানেই তাঁহাকে আহ্বান করিয়াছে, সেইখানেই তিনি প্রসন্ন চতুর্ভুজ মূর্তিতে দর্শন দিয়াছেন।

কিন্তু তিনি যে কেবল অভয় দিতেন, সান্ত্বনা দিতেন, অভাব পূর্ণ করিতেন, তাহা নহে ; তিনি দর্পহারীও ছিলেন। এখন যাঁহারা বঙ্গসাহিত্যের সারথ্য স্বীকার করিতে চান, তাঁহারা দিনে নিশীথে বঙ্গদেশকে অতীতপূর্ণ স্মৃতি-বাক্যে নিয়ত প্রসন্ন রাখিতে চেষ্টা করেন ; কিন্তু বৈষ্ণবের বাণী কেবল স্মৃতিবাদিনী ছিল না, খজাধারিণীও ছিল। বঙ্গদেশ যদি অসাড় প্রাণহীন না হইত, তবে কৃষ্ণচরিত্রে বর্তমান পতিত হিন্দুসমাজ ও বিকৃত হিন্দুধর্মের উপর যে-অস্বাভাব আছে, সে-আঘাতে বেদনাবোধ এবং কৰ্ম্মাণ্ড চেতনা লাভ করিত। বৈষ্ণবের ন্যায় তেজস্বী প্রতিভাসম্পন্ন ব্যক্তি ব্যতীত আর কেহই লোকাচার দেশাচারের বিরুদ্ধে এরূপ নির্ভীক স্পষ্ট উচ্চারণে আপন মত প্রকাশ করিতে সাহস করিত না। এমন কি, বৈষ্ণব প্রাচীন হিন্দুশাস্ত্রের প্রতি ঐতিহাসিক বিচার প্রয়োগ করিয়া তাহার সার এবং অসার ভাগ পৃথকীকরণ, তাহার প্রামাণ্য এবং অপ্রামাণ্য অংশের বিশ্লেষণ এমন নিঃসঙ্কোচে করিয়াছেন যে, এখনকার দিনে তাহার তুলনা পাওয়া কঠিন।

বিশেষত দুই শত্রুর মাঝখান দিয়া তাঁহাকে পথ কাটিয়া চলিতে হইয়াছে। একদিকে, যাঁহারা অবতার মনে নান, তাঁহারা শ্রীকৃষ্ণের প্রতি দেবতারূপে বিপক্ষ হইয়া দাঁড়ান। অন্যদিকে, যাঁহারা শাস্ত্রের প্রত্যেক অক্ষর এবং লোকাচারের প্রত্যেক প্রথাকে অপ্রান্ত বলিয়া জ্ঞান করেন, তাঁহারাও বিচারের লৌহাস্ত্র দ্বারা শাস্ত্রের মধ্য হইতে কাটিয়া কাটিয়া কুঁদিয়া কুঁদিয়া মহত্তম মনুষ্যের আদর্শ-

অনুসারে দেবতা-গঠনকার্যে বড় প্রসন্ন হন নাই। এরূপ অবস্থায় অন্য কেহ হইলে কোনো এক পক্ষকে সৰ্ব্বতোভাবে আপন দলে পাইতে ইচ্ছা করিতেন। কিন্তু সাহিত্য-মহারথী বিশ্বকমল দক্ষিণে বামে উভয় পক্ষের প্রতিই তীক্ষ্ণ শরচালন করিয়া অকুণ্ঠিতভাবে অগ্রসর হইয়াছেন—তাহার নিজের প্রতিভা কেবল তাহার একমাত্র সহায় ছিল। তিনি যাহা বিশ্বাস করিয়াছেন, তাহা স্পষ্ট ব্যক্ত করিয়াছেন—বাক্‌চাতুরী দ্বারা আপনাকে বা অন্যকে বণ্ডনা করেন নাই।

কল্পনা এবং কাল্পনিকতা দুইয়ের মধ্যে একটা মস্ত প্রভেদ আছে। যথার্থ কল্পনা, যুক্তি সংযম এবং সত্যের দ্বারা সূচনিসিদ্ধি আকারবদ্ধ—কাল্পনিকতার মধ্যে সত্যের ভান আছে মাত্র, কিন্তু তাহা অস্বত আতিশয্যে অসঙ্গতরূপে স্ফীতকায়। তাহার মধ্যে যেটুকু আলোকের লেশ আছে ধূমের অংশ তাহার শতগুণ। যাহাদের ক্ষমতা অল্প, তাহারা সাহিত্যের প্রায় এই প্রধূমিত কাল্পনিকতার আশ্রয় লইয়া থাকে,—কারণ, ইহা দেখিতে প্রকান্ড কিন্তু প্রকৃত-পক্ষে অত্যন্ত লঘু। এক শ্রেণীর পাঠকেরা এইরূপ ভূরিপরিমাণ কৃত্রিম কাল্পনিকতার নৈপুণ্যে মদ্র এবং অভিভূত হইয়া পড়েন এবং দুর্ভাগ্যক্রমে বাংলায় সেই শ্রেণীর পাঠক বিরল নহে।

এইরূপ অপরিমিত অসংযত কল্পনার দেশে বিশ্বকমলের ন্যায় আদর্শ আমাদের পক্ষে অত্যন্ত মূল্যবান। কৃষ্ণচরিত্রে উদ্দামভাবের আবেগে তাহার কল্পনা কোথাও উচ্ছৃঙ্খল হইয়া ছুটিয়া যায় নাই। প্রথম হইতে শেষ পর্যন্ত সর্বত্রই তিনি পদে পদে আত্মসম্বরণপূর্ব্বক যুক্তির সূচনিসিদ্ধি পথ অবলম্বন করিয়া চলিয়াছেন। যাহা লিখিয়াছেন তাহাতে তাহার প্রতিভা প্রকাশ পাইয়াছে, যাহা লিখেন নাই তাহাতেও তাহার অল্প ক্ষমতা প্রকাশ পায় নাই।

বিশেষত বিষয়টি এমন যে, ইহা কোনো সাধারণ বাঙালী লেখকের হস্তে পড়িলে তিনি এই সূচনাগে বিস্তর হরি হরি, মরি মরি, হায় হায়, অশ্রুপাত ও প্রবল অঙ্গভঙ্গী করিতেন এবং কল্পনার উচ্ছ্বাস, ভাবের আবেগ এবং হৃদয়াতিশয্য প্রকাশ করিবার এমন অনুকূল অবসর কখনই ছাড়িতেন না ; সুবিচারিত তর্ক দ্বারা, সুকঠিন সত্যনির্ণয়ের স্পৃহা দ্বারা পদে পদে আপন লেখনীকে বাধা দিতেন না ; সর্বজনগম্য সরল পথ ছাড়িয়া দিয়া সুক্ষ্মবুদ্ধি দ্বারা স্বকপোলকল্পিত একটা নূতন আবিষ্কারেই সর্বপ্রাধান্য দিয়া তাহাকেই বাক্যপ্রাচুর্য্যে এবং কল্পনাকুহকে সমাচ্ছন্ন করিয়া তুলিতেন, এবং নিজের বিশ্বাস ও ভাবকে যথাসাধ্য টানিয়া বুনিয়া আশে পাশে দীর্ঘ করিয়া অধিকপরিমাণ লোককে আপন মতের জালে আকর্ষণ করিতে চেষ্টা করিতেন।

বস্তুত আমাদের শাস্ত্র হইতে ইতিহাস-উদ্ধারের দুরূহ ভার কেবল বিশ্বকমল হইতে পারিতেন! একদিকে হিন্দুশাস্ত্রের প্রকৃত মর্ম্মগ্রহণে যুরোপীয়গণের অক্ষমতা, অন্যদিকে শাস্ত্রগত প্রমাণের নিরপেক্ষ বিচার-সম্বন্ধে হিন্দুদিগের

সঙ্কেচ; একাদিকে রীতিমত পরিচয়ের অভাব, অন্যদিকে অতিপরিচয়জনিত অভ্যাস ও সংস্কারের অন্ধতা; যথার্থ ইতিহাসটিকে এই উভয়সংস্কারের মাঝখান হইতে উদ্ধার করিতে হইবে। দেশানুরাগের সাহায্যে শাস্ত্রের অন্তরে প্রবেশ করিতে হইবে এবং সত্যানুরাগের সাহায্যে তাহার অমূলক অংশ পরিত্যাগ করিতে হইবে। যে বঙ্গীর ইচ্ছাতে লেখনীকে বেগ দিতে হইবে, সেই বঙ্গীর আকর্ষণে তাহাকে সর্বদা সংযত করিতে হইবে। এই সকল ক্ষমতা-সামঞ্জস্য বৈষ্ণবের ছিল।—সেই জন্য মৃত্যুর অনতিপূর্বে তিনি যখন প্রাচীন বেদ পুরাণ সংগ্রহ করিয়া প্রস্তুত হইয়া বসিয়াছিলেন, তখন বঙ্গসাহিত্যের বড় আশার কারণ ছিল, কিন্তু মৃত্যু সে-আশা সফল হইতে দিল না, এবং আমাদের ভাগ্যে যাহা অসম্পন্ন রহিয়া গেল, তাহা যে কবে সমাধা হইবে কেহই বলিতে পারে না।

বৈষ্ণব এই যে সর্বপ্রকার আতিশয্য এবং অসংগতি হইতে আপনাকে রক্ষা করিয়া গিয়াছেন, ইহা তাঁহার প্রতিভার প্রকৃতিগত। যে-কেহ তাঁহার রচনা পড়িয়াছেন, সকলেই জানেন, বৈষ্ণব হাস্যরসে সুদূরসিক ছিলেন। যে পরিষ্কার বুদ্ধির আলোকের দ্বারা সমস্ত আতিশয্য ও অসংগতি প্রকাশ হইয়া পড়ে, হাস্যরস সেই কিরণেরই একটি রশ্মি। কতদূর পর্যন্ত গেলে একটি ব্যাপার হাস্যজনক হইয়া উঠে তাহা সকলে অনুভব করিতে পারে না, কিন্তু যাঁহারা হাস্যরস-রসিক তাঁহাদের অন্তঃকরণে একটি বোধশক্তি আছে যদ্বারা তাঁহারা সকল সময়ে নিজের না হইলেও অপরের কথাবার্তা আচার ব্যবহার এবং চরিত্রের মধ্যে সুসংগতির সূক্ষ্ম সীমাটুকু সহজে নির্ণয় করিতে পারেন।

নির্মল শূদ্র সংযত হাস্য বৈষ্ণবই সর্বপ্রথমে বঙ্গসাহিত্যে আনয়ন করেন। তৎপূর্বে বঙ্গসাহিত্যে হাস্যরসকে অন্য রসের সহিত এক পংক্তিতে বসিতে দেওয়া হইত না। সে নিম্নাসনে বসিয়া শ্রাব্য অশ্রাব্য ভাষায় ভাঁড়ানি করিয়া সভাজনের মনোরঞ্জন করিত। আদিরসেরই সহিত যেন তাহার কোনো একটি সর্ব-উপদ্রবসহ বিশেষ কুটুম্বিতার সম্পর্ক ছিল এবং ঐ রসটাকেই সর্বপ্রকারে পীড়ন ও আন্দোলন করিয়া তাহার অধিকাংশ পরিহাস বিদ্রূপ প্রকাশ পাইত। এই প্রগল্ভ বিদুষকটি যতই প্রিয়পার থাকে কখনও সম্মানের অধিকারী ছিল না। যেখানে গম্ভীরভাবে কোনো বিষয়ের আলোচনা হইত, সেখানে হাস্যের চপলতা সর্বপ্রযত্নে পরিহার করা হইত।

বৈষ্ণব সর্বপ্রথমে হাস্যরসকে সাহিত্যের উচ্চ শ্রেণীতে উন্নীত করেন। তিনিই প্রথমে দেখাইয়া দেন যে, কেবল প্রহসনের সীমার মধ্যে হাস্যরস বদ্ধ নহে; উজ্জ্বল শূদ্র হাস্য সকল বিষয়কেই আলোকিত করিয়া তুলিতে পারে। তিনিই প্রথম দৃষ্টান্তের দ্বারা প্রমাণ করাইয়া দেন যে, এই হাস্যজ্যোতির সংস্পর্শে কোনো বিষয়ের গভীরতার গৌরব হ্রাস হয় না, কেবল তাহার সৌন্দর্য্য এবং রমণীয়তার বৃদ্ধি হয়, তাহার সর্বাংশের প্রাণ এবং গতি যেন

সুদৃশ্যপটরূপে দীপ্যমান হইয়া উঠে। যে-বাণ্‌কম বঙ্গসাহিত্যের গভীরতা হইতে অশ্রুর উৎস উন্মুক্ত করিয়াছেন, সেই বাণ্‌কম আনন্দের উদয়শিখর হইতে নবজাগ্রত বঙ্গসাহিত্যের উপর হাস্যের আলোক বিকীর্ণ করিয়া দিয়াছেন।

কেবল সুসঙ্গতি নহে, সুসুদৃঢ় এবং শিষ্টতার সীমা নির্ণয় করিতেও একটি স্বাভাবিক সুক্ষ্ম বোধশক্তির আবশ্যিক। মাঝে মাঝে অনেক বলিষ্ঠ প্রতিভার মধ্যে সেই বোধশক্তির অভাব দেখা যায়। কিন্তু বাণ্‌কমের প্রতিভায় বল এবং সৌকুমার্যের একটি সুন্দর সম্মিশ্রণ ছিল। নারীজাতির প্রতি যথার্থ বীর-পুরুষের মনে যে রূপ একটি সসম্ভ্রম সম্মানের ভাব থাকে, তেমনই সুসুদৃঢ় এবং শীলতার প্রতি বাণ্‌কমের বলিষ্ঠ বুদ্ধির একটি ভদ্রোচিত বীরোচিত প্রীতিপূর্ণ শ্রদ্ধা ছিল। বাণ্‌কমের রচনা তাহার সাক্ষ্য। বর্তমান লেখক যৌদিন প্রথম বাণ্‌কমকে দেখিয়াছিল, সেদিন একটি ঘটনা ঘটে যাহাতে বাণ্‌কমের এই স্বাভাবিক সুসুদৃঢ়প্রিয়তার প্রমাণ পাওয়া যায়।

সেদিন লেখকের আত্মীয় পূজ্যপাদ শ্রীযুক্ত শৌরীন্দ্রমোহন ঠাকুর মহোদয়ের নিমন্ত্রণে তাঁহাদের মরকতকুঞ্জে কলেজ-রিয়ুনিয়ন্ নামক মিলন-সভা বসিয়াছিল। ঠিক কত দিনের কথা ভালো স্মরণ নাই, কিন্তু আমি তখন বালক ছিলাম। সেদিন সেখানে আমার অপরিচিত বহুতর যশস্বী লোকের সমাগম হইয়াছিল। সেই বৃদ্ধমন্ডলীর মধ্যে একটি ঋজু দীর্ঘকায় উজ্জ্বলকোতুক-প্রফুল্লমুখ গুরুধারী প্রোঢ় পুরুষ চাপকান-পরিহিত বন্ধের উপর দুই হস্ত আবদ্ধ করিয়া দাঁড়াইয়া ছিলেন। দেখিবামাত্রই যেন তাঁহাকে সকলের হইতে স্বতন্ত্র এবং আত্মসমাহিত বলিয়া বোধ হইল। আর সকলে জনতার অংশ, কেবল তিনি যেন একাকী একজন। সেদিন আর কাহারো পরিচয় জানিবার জন্য আমার কোনো রূপ প্রয়াস জন্মে নাই, কিন্তু তাঁহাকে দেখিয়া তৎক্ষণাৎ আমি এবং আমার একটি আত্মীয় সঙ্গী একসঙ্গেই কৌতুহলী হইয়া উঠিলাম। সন্ধান লইয়া জানিলাম তিনিই আমাদের বহুদিনের অভিলষিতদর্শন লোক-বিশ্রুত বাণ্‌কমবাবু। মনে আছে, প্রথম দর্শনেই তাঁহার মৃদুশ্রীতে প্রতিভার প্রখরতা এবং বলিষ্ঠতা এবং সর্বলোক হইতে তাঁহার একটি সুদূর স্వాতন্ত্র্যভাব আমার মনে অঙ্কিত হইয়া গিয়াছিল। তাহার পর অনেকবার তাঁহার সাক্ষাৎলাভ করিয়াছি, তাঁহার নিকট অনেক উৎসাহ এবং উপদেশ প্রাপ্ত হইয়াছি, এবং তাঁহার মৃদুশ্রী স্নেহের কোমলহাস্যে অত্যন্ত কমনীয় হইতে দেখিয়াছি, কিন্তু প্রথম দর্শনে সেই যে তাঁহার মৃদু উদ্যত ঋজুর ন্যায় একটি উজ্জ্বল সুদৃঢ় প্রবলতা দেখিতে পাইয়াছিলাম, তাহা আজ পর্যন্ত বিস্মৃত হই নাই।

সেই উৎসব-উপলক্ষে একটি ঘরে একজন সংস্কৃতজ্ঞ পণ্ডিত দেশানুরাগ-মূলক স্বরচিত সংস্কৃত শ্লোক পাঠ এবং তাহার ব্যাখ্যা করিতেছিলেন। বাণ্‌কম একপ্রান্তে দাঁড়াইয়া শুনিতেন। পণ্ডিত মহাশয় সহসা একটি শ্লোকে

পতিত ভারতসন্তানকে লক্ষ্য করিয়া একটা অত্যন্ত সেকেলে পশ্চিমী রসিকতা প্রয়োগ করিলেন, সে-রস কিঞ্চিৎ বীভৎস হইয়া উঠিল। বঙ্কিম তৎক্ষণাৎ একান্ত সন্তোষিত হইয়া দক্ষিণ করতলে মৃদুতর নিম্নাঙ্গ ঢাকিয়া পার্শ্ববর্তী দ্বার দিয়া দ্রুতবেগে অন্য ঘরে পলায়ন করিলেন। বঙ্কিমের সেই সসঙ্কোচ পলায়ন-দৃশ্যটি অদ্যাবধি আমার মনে মূদ্রাঙ্কিত হইয়া আছে।

বিবেচনা করিয়া দেখিতে হইবে, ঈশ্বর গুপ্ত যখন সাহিত্যগুরু ছিলেন, বঙ্কিম তখন তাঁহার শিষ্যশ্রেণীর মধ্যে গণ্য ছিলেন। সে-সময়কার সাহিত্য অন্য যে-কোনো প্রকার শিক্ষা দিতে সমর্থ হোক, ঠিক সূর্য্যদেব-শিক্ষার উপযোগী ছিল না। সে-সময়কার অসংযত বাগ্‌যুদ্ধ এবং আন্দোলনের মধ্যে দীক্ষিত ও বঞ্চিত হইয়া ইতরতার প্রতি বিদ্বেষ, সূর্য্যদেবের প্রতি শ্রদ্ধা এবং শীলতা-সম্বন্ধে অক্ষুণ্ণ বেদনাবোধ রক্ষা করা যে কী আশ্চর্য্য ব্যাপার তাহা সকলেই বুঝিতে পারিবেন। দীনবন্ধুও বঙ্কিমের সমসাময়িক এবং তাঁহার বান্ধব ছিলেন, কিন্তু তাঁহার লেখায় অন্য ক্ষমতা প্রকাশ হইলেও তাহাতে বঙ্কিমের প্রতিভার এই ব্রাহ্মণোচিত শূচিতা দেখা যায় নাই। তাঁহার রচনা হইতে ঈশ্বর গুপ্তের সময়ের ছাপ কালক্রমে ধোঁত হইতে পারে নাই।

আমাদের মধ্যে যাঁহারা সাহিত্যব্যবসায়ী তাঁহারা বঙ্কিমের কাছে যে কী চিরস্থগে আবদ্ধ, তাহা যেন কোন কালে বিস্মৃত না হন। একদিন আমাদের বঙ্গভাষা কেবল একতারা যন্ত্রের মতো এক তারে বাঁধা ছিল, কেবল সহজ সুরে ধর্ম্ম সংকীর্ণন করিবার উপযোগী ছিল; বঙ্কিম স্বহস্তে তাহাতে এক একটি করিয়া তার চড়াইয়া আজ তাহাকে বীণায়ন্ত্রে পরিণত করিয়া তুলিয়াছেন। পদার্থে যাহাতে কেবল স্থানীয় গ্রাম্যসুর বাজিত, আজ তাহা বিশ্বসভায় শুনাইবার উপযুক্ত ধ্রুবপদ অঙ্গের কলাবতী রাগিণী আলাপ করিবার যোগ্য হইয়া উঠিতেছে। সেই তাঁহার স্বহস্ত-সম্পূর্ণ স্নেহপালিত ক্রোড়সঙ্গিনী বঙ্গভাষা আজ বঙ্কিমের জন্য অন্তরের সহিত রোদন করিয়া উঠিয়াছে। কিন্তু তিনি এই শোকোচ্ছ্বাসের অতীত শান্তিধামে দুষ্কর জীবনযজ্ঞের অবসানে নিশ্চিন্ত নিরাময় বিশ্রাম লাভ করিয়াছেন। মৃত্যুর পরে তাঁহার মৃদু একটি কোমল প্রসন্নতা, একটি সর্বদাখ্যাতপহীন গভীর প্রশান্তি উদ্ভাসিত হইয়া উঠিয়াছিল—যেন জীবনের মধ্যাহ্ন-রৌদ্রদগ্ধ কঠিন সংসারতল হইতে মৃত্যু তাঁহাকে স্নেহ-সুশীতল জননীকোড়ে তুলিয়া লইয়াছে। আজ আমাদের বিলাপ-পরিভাষা তাঁহাকে স্পর্শ করিতেছে না, আমাদের ভক্তি-উপহার গ্রহণ করিবার জন্য সেই প্রতিভাজ্যোতির্ময় সৌম্য প্রসন্নমূর্ত্তি এখানে উপস্থিত নাই। আমাদের এই শোক এই ভক্তি কেবল আমাদেরই কল্যাণের জন্য। বঙ্কিম সাহিত্যক্ষেত্রে যে আদর্শ স্থাপন করিয়া গিয়াছেন, এই শোকে এই ভক্তিতে সেই আদর্শ প্রতিমা আমাদের অন্তরে উজ্জ্বল এবং স্থায়ী-রূপে প্রতিষ্ঠিত হোক। প্রস্তুতের মূর্ত্তি স্থাপনের অর্থ এবং সামর্থ্য আমাদের যদি না থাকে,

তবে একবার তাঁহার মহত্ত্ব সৰ্ব্বতোভাবে মনের মধ্যে উপলব্ধি করিয়া তাহাকে আমাদের বঙ্গ-হৃদয়ের স্মরণস্তম্ভে স্থায়ী করিয়া রাখি। ইংরেজ এবং ইংরেজের আইন চিরস্থায়ী নহে ; রাজনৈতিক, ধৰ্ম্মনৈতিক, সমাজনৈতিক মতামত সহস্রবার পরিবর্তিত হইতে পারে ; যে-সকল ঘটনা যে-সকল অনুষ্ঠান আজ সৰ্ব্বপ্রধান বলিয়া বোধ হইতেছে এবং যাহার উদ্ভাদনার কোলাহলে সমাজের খ্যাতিহীন শব্দহীন কণ্ঠব্যগদ্বলিকে নগণ্য বলিয়া ধারণা হইতেছে, কাল তাহার স্মৃতিমাত্র চিহ্নমাত্র অবশিষ্ট থাকিতে না পারে ; কিন্তু যিনি আমাদের মাতৃভাষাকে সৰ্ব্বপ্রকার ভাবপ্রকাশের অনুকূল করিয়া গিয়াছেন, তিনি এই হতভাগ্য দরিদ্র দেশকে একটি অমূল্য চিরসম্পদ দান করিয়াছেন। তিনি স্থায়ী জাতীয় উন্নতির একমাত্র মূল উপায় স্থাপন করিয়া গিয়াছেন। তিনিই আমাদের নিকট যথার্থ শোকের মধ্যে সান্থনা, অবনতির মধ্যে আশা, শ্রান্তির মধ্যে উৎসাহ এবং দারিদ্র্যের শূন্যতার মধ্যে চিরসৌন্দর্যের অক্ষয় আকর উন্মোচিত করিয়া দিয়াছেন। আমাদের মধ্যে যাহা-কিছু অমর এবং আমাদেরকে যাহা-কিছু অমর করিবে, সেই সকল মহাশক্তিকে ধারণ করিবার, পোষণ করিবার, প্রকাশ করিবার এবং সৰ্ব্বত্র প্রচার করিবার একমাত্র উপায় যে মাতৃভাষা তাহাকেই তিনি বলবতী এবং মহীয়সী করিয়াছেন।

রচনাবিশেষের সমালোচনা দ্রান্ত হইতে পারে—আমাদের নিকট যাহা প্রশংসিত কালক্রমে শিক্ষা, রুচি এবং অবস্থার পরিবর্তনে আমাদের উত্তর পুরুষের নিকট তাহা নিন্দিত এবং উপেক্ষিত হইতে পারে, কিন্তু বিশ্বকম বঙ্গভাষার ক্ষমতা এবং বঙ্গসাহিত্যের সমৃদ্ধি বৃদ্ধি করিয়া দিয়াছেন ; তিনি ভগীরথের ন্যায় সাধনা করিয়া বঙ্গসাহিত্যে ভাবমন্ডাকিনীর অবতারণা করিয়াছেন এবং সেই পুণ্য-স্রোতঃস্পর্শে জড়ত্বশাপ মোচন করিয়া আমাদের প্রাচীন ভস্মরাশিকে সঞ্জীবিত করিয়া তুলিয়াছেন—ইহা কেবল সাময়িক মত নহে, এ-কথা কোনো বিশেষ তর্ক বা রুচির উপর নির্ভর করিতেছে না, ইহা একটি ঐতিহাসিক সত্য।

এই কথা স্মরণে মূর্ছিত করিয়া সেই বাংলা লেখকদিগের গুরু, বাংলা পাঠকদিগের সুহৃদ, এবং সুজলা সুফলা মলয়জশীতলা বঙ্গভূমির মাতৃ-বংশল প্রতিভাশালী সন্তানের নিকট হইতে বিদায় গ্রহণ করি, যিনি জীবনের সায়াক্ আসিবার পূর্বেই, নূতন অবকাশে নূতন উদ্যমে নূতন কার্যে হস্তক্ষেপ করিবার প্রারম্ভেই, আপনার অপরিমলান প্রতিভা-রশ্মি সংহরণ করিয়া বঙ্গ-সাহিত্যাকাশ ক্ষীণতর জ্যোতিষ্কমণ্ডলীর হস্তে সমর্পণ-পূর্বক গত শতাব্দীর বর্ষশেষের পশ্চিম দিগন্ত সীমায় অকালে অস্তমিত হইলেন।

# বিহারীলাল

রবীন্দ্রনাথ ঠাকুর

বিহারীলালের কণ্ঠ সাধারণের নিকট তেমন সুপরিচিত ছিল না। তাঁহার শোভামণ্ডলীর সংখ্যা অল্প ছিল এবং তাঁহার সুমধুর সংগীত নিম্নজনে নিভুতে ধ্বনিত হইতে থাকিত, খ্যাতির প্রার্থনায় পাঠক এবং সমালোচক-সমাজের দ্বারবর্তী হইত না।

কিন্তু যাহারা দৈবক্রমে এই বিজনবাসী ভাবনিমগ্ন কবির সংগীত-কাকলীতে আকৃষ্ট হইয়া তাঁহার কাছে আসিয়াছিল, তাহাদের নিকটে আদরের অভাব ছিল না। তাহারা তাঁহাকে বগের শ্রেষ্ঠ কবি বলিয়া জানিত।

বঙ্গদর্শন প্রকাশ হইবার বহুপূর্বে কিছুকাল ধরিয়া অবোধবন্ধু নামক একটি মাসিক পত্র বাহির হইত। তখন বর্তমান লেখক বালক-বয়স-প্রযুক্ত নিতান্ত অবোধ ছিল। কিঞ্চিৎ বয়ঃপ্রাপ্তিসহকারে যখন বোধোদয় হইল, তখন উক্ত কাগজ বন্ধ হইয়া গেল।

সৌভাগ্যক্রমে পত্রগুলি কতক বাঁধানো কতক-বা খণ্ড আকারে আমার জ্যেষ্ঠ ভ্রাতার আলমারির মধ্যে রক্ষিত ছিল। অনেক মূল্যবান গ্রন্থাদি থাকিতে সে আলমারিতে চপলপ্রকৃতি বালকদের হস্তক্ষেপ নিষিদ্ধ ছিল। এক্ষণে নির্ভয়ে স্বীকার করিতে পারি,—অবোধবন্ধুর বন্ধুত্ব-প্রলোভনে মদ্র হইয়া সে নিষেধ লঙ্ঘন করিয়াছিল। এই গোপন দৃষ্কর্মেৰ জন্য কোনোরূপ শাস্তি পাওয়া দূরে থাক, বহুকাল ধরিয়া যে আনন্দলাভ করিয়াছিল, তাহা এখনো বিস্মৃত হই নাই।

এই ক্ষুদ্র পত্রে যে-সকল গদ্যপ্রবন্ধ বাহির হইত, তাহার মধ্যে কিছু বিশেষত্ব ছিল। তখনকার বাংলা গদ্যে সাধুভাষার অভাব ছিল না, কিন্তু ভাষার চেহারা ফোটে নাই। তখন যাহারা মাসিক পত্রে লিখিতেন তাঁহারা গুরু, সাজিয়া লিখিতেন; এইজন্য তাঁহারা পাঠকদের নিকট আত্মপ্রকাশ করেন নাই এবং এইজন্যই তাঁহাদের লেখার যেন একটা স্বরূপ ছিল না। যখন অবোধবন্ধু পাঠ করিতাম তখন তাহাকে ইন্সকুলের পড়ার অনুবৃত্তি বলিয়া

মনে হইত না। বাংলা ভাষায় বোধ করি সেই প্রথম মাসিক পত্র বাহির হইয়াছিল, বাহার রচনার মধ্যে একটা স্বাদ-বৈচিত্র্য পাওয়া যাইত। বর্তমান বঙ্গসাহিত্যের প্রাণ-সঞ্চারের ইতিহাস যাঁহারা পর্যালোচনা করিবেন, তাঁহারা অবোধবন্ধুকে উপেক্ষা করিতে পারিবেন না। বঙ্গদর্শনকে যদি আধুনিক বঙ্গসাহিত্যের প্রভাত-সূর্য্য বলা যায়, তবে ক্ষুদ্রায়তন অবোধবন্ধুকে প্রত্যুষের শূকতারা বলা যাইতে পারে।

সে প্রত্যুষে অধিক লোক জাগে নাই এবং সাহিত্যকুঞ্জে বিচিত্র কলগীত কুর্জিত হইয়া উঠে নাই। সেই উষালোকে কেবল একটি ভোরের পাখী সন্মিশ্রিত সূন্দর সুরে গান ধরিয়াছিল। সে সুর তাহার নিজের।

ঠিক ইতিহাসের কথা বলিতে পারি না, কিন্তু আমি সেই প্রথম বাংলা কবিতায় কবির নিজের সুর শুনিলাম।

রাষ্ট্রের অন্ধকার যখন দূর হইতে থাকে, তখন যেমন জগতের মূর্ত্তি রেখায় রেখায় ফুটিয়া উঠে—সেইরূপ অবোধবন্ধুর গদ্যে এবং পদ্যে যেন প্রতিভার প্রত্যক্ষিকরণে মূর্ত্তির বিকাশ হইতে লাগিল। পাঠকের কল্পনার নিকটে একটি ভাবের দৃশ্য উদ্ঘাটিত হইয়া গেল,—

“সম্বদাই হু হু করে মন,  
বিশ্ব যেন মরুর মতন ;  
চারি দিকে ঝালাপালা,  
উঃ কি জ্বলন্ত জ্বালা !  
অগ্নিকুণ্ডে পতঙ্গ-মতন।”

আধুনিক বঙ্গসাহিত্যে এই প্রথম বোধ হয় কবির নিজের কথা। তৎসময়ে অথবা তৎপূর্বে মাইকেলের চতুর্দশপদীতে কবির আত্ম-নিবেদন কখনো কখনো প্রকাশ পাইয়া থাকিবে, কিন্তু তাহা বিরল, এবং চতুর্দশপদীর সংক্ষিপ্ত পরিসরের মধ্যে আত্মকথা এমন কঠিন ও সংহত হইয়া আসে যে, তাহাতে বেদনার গীতোচ্ছ্বাস তেমন স্ফূর্ত্তি পায় না।

বিহারীলাল তখনকার ইংরাজিভাষায় নব্যশিক্ষিত কবিদিগের ন্যায় যুদ্ধ-বর্ণনাসঙ্কুল মহাকাব্য, উদ্দীপনাপূর্ণ দেশানুরাগমূলক কবিতা লিখিলেন না, এবং পুরাতন কবিদিগের ন্যায় পৌরাণিক উপাখ্যানের দিকেও গেলেন না—তিনি নিভূতে বসিয়া নিজের ছন্দে নিজের মনের কথা বলিলেন। তাঁহার সেই স্বগত উক্তিভাষিত, দেশহিত অথবা সভামনোরঞ্জনর কোনো উদ্দেশ্য দেখা গেল না। এইজন্য তাঁহার সুর অন্তরঙ্গরূপে হৃদয়ে প্রবেশ করিয়া সহজেই পাঠকের বিশ্বাস আকর্ষণ করিয়া আনিল।



পাঠকদিগকে এইরূপে বিশ্রুতভাবে আপনার নিকটে টানিয়া আনিবার ভাব প্রথম অবোধবন্ধুর গদ্যে এবং অবোধবন্ধুর কবি বিহারীলালের কাব্যে অনুভব করিয়াছিলাম। পোল-বর্জিনীতে (*Paul and Virginia*) যেমন মানুষের এবং প্রকৃতির নিকট-পরিচয় লাভ করিয়াছিলাম, বিহারীলালের কাব্যেও সেইরূপ একটি ঘনিষ্ঠ সংগ প্রাপ্ত হইয়াছিলাম। মনে আছে, নিম্ন-উদ্ধৃত শ্লোকগুলির বর্ণনায় এবং সংগীতে মনশ্চক্ষের সমক্ষে সুন্দর চিত্রপট উদ্ঘাটিত হইয়া হৃদয়কে চঞ্চল করিয়া তুলিতঃ—

“কভু ভাবি কোন ঝরণার,  
উপলে বন্ধুর যার ধার ;  
প্রচণ্ড প্রতাপ-ধ্বনি,  
বায়ুবেগে প্রতিধ্বনি  
চতুর্দিকে হতেছে বিস্তার ;—  
গিয়ে তার তীরতরু-তলে,  
পূরু পূরু নধর শাদলে,  
ডুবাইয়ে এ শরীর,  
শব-সম রব স্থির—  
কান দিয়ে জল-কলকলে।  
যে সময় কুরাঙ্গগণীগণ,  
সবিস্ময়ে মেলিয়ে নয়ন,  
আমার সে দশা দেখে,  
কাছে এসে চেয়ে থেকে  
অশ্রুজল করিবে মোচন ;—  
সে সময়ে আমি উঠে গিয়ে,  
তাহাদের গলা জড়াইয়ে,  
মৃত্যুকালে মিত্র এলে  
লোকে যেমনি চক্ষু মেলে,  
তোম্নিতর থাকিব চাহিয়ে।”

কবি যেমন—‘হৃদ হৃদ’—করার কথা লিখিয়াছেন তাহা কি প্রকৃতির, বলিতে পারি না। কিন্তু এই বর্ণনা পাঠ করিয়া বহিজগতের জন্য একটি বালক-পাঠকের মন হৃদ হৃদ করিয়া উঠিত। ঝরণার ধারে জলশীকর-সিন্ধু স্নিগ্ধশ্যামল দীর্ঘকোমল ঘন কাশের মধ্যে দেহ নিমগ্ন করিয়া নিস্তরুভাবে জল-কলধ্বনি শুনিত পাত্তা একটি পরম আকাঙ্ক্ষার বিষয় বলিয়া মনে হইত ; এবং যদিও জ্ঞানে জানি যে, কুরাঙ্গগণীগণ কবির দৃষ্থে অশ্রুপাত করিতে আসে না এবং

সাধ্যমতে কবির আলিঙ্গনেও ধরা দিতে চাহে না, তথাপি এই নিৰ্ব্বরপাশ্বে ঘনশস্যতটে মানবের বাহুপাশবন্ধ মৃদ্ধ কুরিঙ্গণীর দৃশ্য অপরূপ সৌন্দর্য্যে হৃদয়ে সম্ভববৎ চিহ্নিত হইয়া উঠিতঃ—

“কভু ভাবি পল্লীগ্ৰামে যাই,  
 নাম-ধাম সকল লুকাই ;  
 চাষীদের মাঝে রয়ে,  
 চাষীদের মত হয়ে,  
 চাষীদের সংগেতে বেড়াই।  
 প্রাতঃকালে মাঠের উপর,  
 শৃঙ্খ বায়ু বহে ঝরু ঝরু।  
 চারি দিক্ মনোরম,  
 আমোদে করিব শ্রম ;  
 সুস্থ ক্ষুদ্র্ত হবে কলেবর।  
 বাজাইয়ে বাঁশের বাঁশরী,  
 শাদা সোজা গ্রাম্য গান ধরি,  
 সরল চাষার সনে,  
 প্রমোদ-প্রফুল্ল মনে  
 কাটাইব আনন্দে শস্যরী।  
 বরষার যে ঘোরা নিশায়,  
 সৌদামিনী মাতিয়ে বেড়ায় ;  
 ভীষণ বজ্রের নাদ,  
 ভেঙে যেন পড়ে ছাদ,  
 বাবু সব কাঁপেন কোঠায় ;  
 সে নিশায় আমি ক্ষেত্র-ভীরে,  
 নড়বোড়ে পাতার কুটীরে,  
 স্বচ্ছন্দে রাজার মত  
 ভূমে আছি নিদ্রাগত ;  
 প্রাতে উঠে দেখিব মিহিরে।”

কলিকাতার ছেলে পল্লীগ্ৰামের এই সুখময় চিত্রে যে ব্যাকুল হইয়া উঠিবে ইহাতে আর বৈচিত্র্য কিছই নাই। ইহা হইতে বুঝা যায়, অসন্তোষ মানব-প্রকৃতির সহজাত। অট্টালিকার অপেক্ষা নড়বোড়ে পাতার কুটীরে যে সুখের অংশ অধিক আছে, অট্টালিকাবাসী বালকের মনে এ মায়া কে জন্মাইয়া দিল? আদিম মানবপ্রকৃতি। কবি নহে। কবিকে যিনি ভুলাইয়াছেন, সেই মহামায়া।

কবিতায় অসন্তোষ-গানের বাহুদ্য দেখা যায় বলিয়া অনেকে আক্ষেপ করিয়া থাকেন। কিন্তু দোষ কাহাকে দিব? অসন্তোষ মানুষকে কাজ করাইতেছে, আকাঙ্ক্ষা কবিকে গান গাওয়াইতেছে। সন্তোষ এবং পরিতৃপ্তি, যতই প্রার্থনীয় হোক, তাহাতে কাব্য এবং কাব্য উভয়েরই ব্যাঘাত করিয়া থাকে। অ যেমন বর্ণমালার আরম্ভ এবং সমস্ত ব্যঞ্জনবর্ণের সহিত যুক্ত, অসন্তোষ ও অতৃপ্তি সেইরূপ সৃজনের আরম্ভে বর্তমান এবং সমস্ত মানবপ্রকৃতির সহিত নিয়ত সংযুক্ত। এই জন্যই তাহা কবিতায় প্রাধান্য লাভ করিয়াছে, কবিদিগের মানসিক ক্ষিপ্ততা বা পরিপাকশক্তির বিকারবশত নহে। কৃষক-কবি যখন কবিতা রচনা করে, তখন সে মাঠের শোভা, কুটীরের সুখ বর্ণনা করে না—নগরের বিস্ময়জনক বৈচিত্র্য তাহার চিত্ত আকর্ষণ করে—তখন সে গাহিয়া উঠে,—

“কি কল বানিয়েছে সাহেব কোম্পানি!  
কলেতে ধোঁয়া ওঠে আপনি—সজনী!”

কলের বাঁশী যাহারা শুনিতোছে মাঠের ‘বাঁশের বাঁশরী’ শুনিয়া তাহারা ব্যাকুল হয় এবং যাহারা বাঁশের বাঁশরী বাজাইয়া থাকে কলের বাঁশী শুনিলেই তাহাদের হৃদয় বিচলিত হইয়া উঠে। এই জন্য সহরের কবিও সুখের কথা বলে না, মাঠের কবিও আকাঙ্ক্ষার চম্পল্য গানে প্রকাশ করিতে চেষ্টা করে।

সাময়িক কবিদিগের সহিত বিহারীলালের আর একটি প্রধান প্রভেদ তাঁহার ভাষা। ভাষার প্রতি আমাদের অনেক কবির কিয়ৎপরিমাণে অবহেলা আছে। বিশেষত মিথাক্ষর ছন্দের মিলটা তাঁহারা নিতান্ত কায়ক্রেমে রক্ষা করেন। অনেকে কেবলমাত্র শেষ অক্ষরের মিলকে যথেষ্ট জ্ঞান করেন এবং অনেকে ‘হয়েছে,’ ‘করেছে,’ ‘ভুলেছে’ প্রভৃতি ক্রিয়াপদের মিলকে মিল বলিয়া গণ্য করিয়া থাকেন। মিলের দুইটি প্রধান গুণ আছে: এক তাহা কর্তৃত্বপূর্ণ, আর এক অভাবিতপূর্ণ। অসম্পূর্ণ মিলে কর্তৃত্ব তৃপ্ত হয় না, সেটুকু মিলে স্বরের অনৈক্যটা আরও যেন বেশি করিয়া ধরা পড়ে এবং তাহাতে কবির অক্ষমতা ও ভাষার দারিদ্র্য প্রকাশ পায়। ক্রিয়াপদের মিল যত ইচ্ছা করা যাইতে পারে—সেরূপ মিলে কর্তৃত্ব প্রত্যেকবার নূতন বিস্ময় উৎপাদন করে না, এই জন্য তাহা বিরস্তু-জনক ও ‘একঘেয়ে’ হইয়া উঠে। বিহারীলালের ছন্দে মিলের এবং ভাষার দৈন্য নাই। তাহা প্রবহমান নিব্বরের মতো সহজ সঙ্গীতে অবিশ্রাম-ধ্বনিত হইয়া চলিয়াছে। ভাষা স্থানে স্থানে সাধুতা পরিত্যাগ করিয়া অকস্মাৎ অশিষ্ট এবং কর্ণপীড়ক হইয়াছে, ছন্দ অকারণে আপন বাঁধ ভাঙিয়া স্বেচ্ছাচারী হইয়া উঠিয়াছে, কিন্তু সে কবির স্বেচ্ছাকৃত—অক্ষমতা-জনিত নহে। তাঁহার রচনা পড়িতে পড়িতে কোথাও এ কথা মনে হয় না যে, এইখানে কবিকে দায়ে পড়িয়া মিল নষ্ট বা ছন্দ ভঙ্গ করিতে হইয়াছে।

কিন্তু উপরে যে ছন্দের শ্লোকগুলি উদ্ধৃত হইয়াছে, বঙ্গসুন্দরীতে সেই ছন্দই প্রধান নহে। প্রথম উপহারটি ব্যতীত বঙ্গসুন্দরীর অন্য সকল কবিতার ছন্দই পর্যায়ক্রমে বারো এবং এগারো অক্ষরে ভাগ করা। যথা,—

“সুঠাম শরীর পেলব লতিকা,  
আনত সুসমা-কুসুম-ভরে ;  
চাঁচর চিকুর নীরদ-মালিকা  
লড়ায়ে পড়েছে ধরণী 'পরে।”

এ ছন্দ নারী-বর্ণনার উপযুক্ত বটে—ইহাতে তালে তালে নৃপদ্র বাক্ত হইয়া উঠে। কিন্তু এ ছন্দের প্রধান অসুবিধা এই যে, ইহাতে যৎস অক্ষরের স্থান নাই। পয়ার, ত্রিপদী প্রভৃতি ছন্দে লেখকের এবং পাঠকের অনেকটা স্বাধীনতা আছে। অক্ষরের মাত্রাগুলিকে কিয়ৎপরিমাণে ইচ্ছামত বাড়াইবার কমাইবার অবকাশ আছে। প্রত্যেক অক্ষরকে এক-মাত্রার স্বরূপ গণ্য করিয়া একেবারে এক-নিশ্বাসে পড়িয়া যাইবার আবশ্যক হয় না। দৃষ্টান্তের দ্বারা আমার কথা স্পষ্ট হইবেঃ—

“হে সারদে দাও দেখা!  
বাঁচিতে পারিনে' একা,  
কাতর হয়েছে প্রাণ, কাতর হৃদয়;  
কি বলেছি অভিমানে  
শুনো না শুনো না কাণে,  
বেদনা দিও না প্রাণে ব্যথার সময়!”

ইহার মধ্যে প্রায় যৎস অক্ষর নাই। নিম্নলিখিত শ্লোকে অনেকগুলি যৎসাক্ষর আছে, অথচ উভয় শ্লোকই সুখপাঠ্য এবং শ্রুতিমধুরঃ—

“পদে পৃথবী, শিরে ব্যোম,  
তুচ্ছ তারা সূর্য্য সোম,  
নক্ষত্র নখাগ্রে যেন গণিবারে পারে ;  
সম্মুখে সাগরাম্বরা  
ছাড়িয়ে রয়েছে ধরা  
কটাক্ষে কখন যেন দেখিছে তাহারে।”

এই দুইটি শ্লোকই কবির রচিত সারদামঙ্গল হইতে উদ্ধৃত। এক্ষণে এই কারণে বঙ্গসুন্দরীতে যথাসাধ্য যুক্ত অক্ষর বর্জন করিয়া চলিয়াছেন।

“একদিন দেব তরুণ তপন  
হেরিলেন সুৱনদীর জলে—  
অপরূপ এক কুমারী-রতন  
খেলা করে নীল নলিনীদলে।” \*

ইহার সহিত নিম্ন-উদ্ধৃত শ্লোকটি একসঙ্গে পাঠ করিলে প্রভেদ প্রতীয়মান হইবেঃ—

“অস্বরী কিম্বরী দাঁড়াইয়ে তীরে  
ধরিয়ে ললিত করুণ তান ;  
বাজায়ে বাজায়ে বীণা ধীরে ধীরে,  
গাহিছে আদরে স্নেহের গান।”

‘অস্বরী কিম্বরী’ যুক্ত অক্ষর লইয়া এখানে ছন্দোভঙ্গ করিয়াছে। কাবও এই কারণে বঙ্গসুন্দরীতে যথাসাধ্য যুক্ত অক্ষর বর্জন করিয়া চলিয়াছেন।

কিন্তু বাংলা যে ছন্দে যুক্ত অক্ষরের স্থান হয় না, সে ছন্দ আদরণীয় নহে ; কারণ, ছন্দের ব্যঙ্গ্য এবং ধ্বনিবৈচিত্র্য যুক্ত অক্ষরের উপরেই অধিক নির্ভর করে। একে বাংলা ছন্দে স্বরের দীর্ঘ-হ্রস্বতা নাই, তার উপরে যদি যুক্ত অক্ষর বাদ পড়ে, তবে ছন্দ নিতান্তই অস্থিবিহীন সুদলিত শব্দপিণ্ড হইয়া পড়ে ; তাহা শীঘ্রই শ্রান্তজনক তন্দ্রাকর্ষক হইয়া উঠে, এবং হৃদয়কে আঘাতপূর্ব্বক ক্ষুদ্র করিয়া তুলিতে পারে না। সংস্কৃত ছন্দে যে বিচিত্র-সঙ্গীত তরঙ্গিত হইতে থাকে, তাহার প্রধান কারণ স্বরের দীর্ঘ-হ্রস্বতা এবং যুক্ত অক্ষরের বাহুল্য। মাইকেল মধুসূদন ছন্দের এই নিগূঢ় তত্ত্বটি অবগত ছিলেন, সেই জন্য তাহার অমিতাক্ষরের এমন পরিপূর্ণ ধ্বনি এবং তরঙ্গিত গীতি অনুভব করা যায়।

আর্য্যদর্শনে বিহারীলালের সারদামঙ্গল-সঙ্গীত যখন প্রথম বাহির হইল, তখন ছন্দের প্রভেদ মূহুর্ন্তেই প্রতীয়মান হইল। সারদামঙ্গলের ছন্দ নূতন নহে, তাহা প্রচলিত ত্রিপদী, কিন্তু কবি তাহা সঙ্গীতে-সৌন্দর্য্যে সিন্ধু করিয়া তুলিয়াছেন। বঙ্গসুন্দরীর ছন্দোলালিত্য অনুকরণ করা সহজ, সেই মিষ্টতা একবার অভ্যস্ত হইয়া গেলে তাহার বন্ধন ছেদন করা কঠিন, কিন্তু সারদামঙ্গলের গীতসৌন্দর্য্য অনুকরণসাধ্য নহে।

সারদামঙ্গল এক অপরূপ কাব্য। প্রথম যখন তাহার পরিচয় পাইলাম, তখন তাহার ভাষা, ভাবে এবং সঙ্গীতে নিরতিশয় মৃদু হইতাম, অথচ তাহার

আদ্যোপান্ত একটা সুসংলগ্ন অর্থ করিতে পারিতাম না। যেই একটু মনে হয় এইবার বদ্বি কাব্যের মর্ম্ম পাইলাম, অমনি তাহা আকার-পরিবর্তন করে! সুখ্যাস্তকালের সুবর্ণমণ্ডিত মেঘমালার মতো সারদামঙ্গলের সোনার শ্লোকগুলি বিবিধ রূপের আভাস দেয়, কিন্তু কোনো রূপকে স্থায়ীভাবে ধারণ করিয়া রাখে না, অথচ সুদূর সৌন্দর্যস্বর্গ হইতে একটি অপূর্ণ পূরবী রাগিণী প্রবাহিত হইয়া অন্তরাঙ্গাকে ব্যাকুল করিয়া তুলিতে থাকে।

এই জন্য সারদামঙ্গলের শ্রেষ্ঠতা অরসিক লোকের নিকট ভালরূপে প্রমাণ করা বড়ই কঠিন হইত। যে বলিত, আমি বদ্বিলাম না, আমাকে বদ্বাইয়া দাও, তাহার নিকট হার মানিতে হইত।

কবি যাহা দিতেছেন, তাহাই গ্রহণ করিবার জন্য পাঠককে প্রস্তুত হওয়া উচিত; পাঠক যাহা চান, তাহাই কাব্য হইতে আদায় করিবার চেষ্টা করিতে গেলে অধিকাংশ সময়ে নিরাশ হইতে হয়। তাহার ফল হয়, যাহা চাই তাহা পাই না এবং কবি যাহা দিতেছেন তাহা হইতেও বঞ্চিত হইতে হয়। সারদামঙ্গলে কবি যাহা গাইতেছেন তাহা কান পাতিয়া শুনিলে একটি স্বর্ণীয় সঙ্গীত-সুধায় হৃদয় অভিষিক্ত হইয়া উঠে, কিন্তু সমালোচনা-শাস্ত্রের আইনের মধ্য হইতে ছাঁকিয়া লইবার চেষ্টা করিলে তাহার অনেক রস বৃথা নষ্ট হইয়া যায়।

প্রকৃতপক্ষে সারদামঙ্গল একটি সমগ্রকাব্য নহে, তাহাকে কতকগুলি খণ্ড কবিতার সমষ্টিরূপে দেখিলে তাহার অর্থবোধ হইতে কষ্ট হয় না। দ্বিতীয়ত সরস্বতী-সম্বন্ধ সাধারণ পাঠকের মনে যে রূপ ধারণা আছে, কবির সরস্বতী তাহা হইতে স্বতন্ত্র।

কবি যে সরস্বতীর বন্দনা করিতেছেন, তিনি নানা আকারে, নানা ভাবে, নানা লোকের নিকট উদ্ভিত হন। তিনি কখনো জননী, কখনো প্রেয়সী, কখনো কন্যা। তিনি সৌন্দর্য্যরূপে জগতের অভ্যন্তরে বিরাজ করিতেছেন, এবং দয়া-স্নেহ-প্রেমে মানবের চিত্তকে অহরহ বিচলিত করিতেছেন। ইংরাজ কবি শেলি যে বিশ্বব্যাপিনী সৌন্দর্য্যলক্ষ্মীকে সম্বোধন করিয়া বলিয়াছেন,—

“ Spirit of beauty, that does consecrate  
With thine own hues all thou dost shine upon  
Of human thought or form.”

যাহাকে বালিয়াছেন,—

“ Thou messenger of sympathies,  
That wax and wane in lovers' eyes.”

সেই দেবীই বিহারীলালের সরস্বতী।

সারদামঙ্গলের আরম্ভের চারি শ্লোকে কবি সেই সারদাদেবীকে মৃন্তিমতী করিয়া বন্দনা করিয়াছেন। তৎপরে, বাঙ্গালীকির তপোবনে সেই করুণারূপিণী দেবীর কিরূপে আবির্ভাব হইল, কবি তাহা বর্ণনা করিতেছেন। পাঠকের নেত্র-সম্মুখে দৃশ্যপট যখন উঠিল তখন তপোবনে অন্ধকার রাস্তা।

“নাই চন্দ্র সূর্য্য তারা,  
অনল-হিহ্নোল-ধারা,  
বিচিহ্ন বিদ্যুত-দাম-দ্যুতি ঝলমল ;  
তিমিরে নিমগ্ন ভব,  
নীরব নিস্তব্ধ সব,  
কেবল মরুতরাশি করে কোলাহল।”

এমন সময়ে উষার উদয় হইল।—

“হিমাদ্রি-শিখর পরে  
আর্চাম্বিতে আলো করে  
অপরূপ জ্যোতি ওই পূর্ণা-তপোবনে !  
বিকচ নয়নে চেয়ে  
হাসিছে দুধের মেয়ে,—  
তামসী-তরুণ-ঊষা কুমারী-রতন।  
কিরণে ডুবন ভরা,  
হাসিয়ে জাগিল ধরা,  
হাসিয়ে জাগিল শূন্যে দিগঙ্গনাগণে।  
হাসিল অম্বরতলে  
পারিজাত দলে দলে,  
হাসিল মানস-সরে কমল-কানন।”

তপোবনে এক দিকে যেমন তিমির রাত ভেদ করিয়া তরুণ উষার অভ্যুদয় হইল, তেমনি অপর দিকে নিষ্ঠুর হিংসাকে বিদীর্ণ করিয়া কিরূপে করুণাময় কাব্যজ্যোতি প্রকাশ পাইল, কবি তাহার বর্ণনা করিতেছেন,—

“অম্বরে অরুণোদয়,  
তলে দূলে দূলে বয়  
তমসা তটিনী-রাণী কুলকুল স্বেদে ;  
নিরখি লোচনলোভা  
পদলিন-বিপিন-শোভা  
ভ্রমেন বাঙ্গালীকি মনুনি ভাবভোলা মনে।

শাখি-শাখে রসসদৃশে  
 ক্রৌঞ্চ-ক্রৌঞ্চী মৃদুখে মৃদুখে  
 কতই সোহাগ করে বসি' দৃঢ়-জনায়,  
 হানিল শবরে বাণ,  
 নাশিল ক্রৌঞ্চের প্রাণ,  
 বৃষ্টিরে আপ্লবিত পাখা ধরণী লুটায়।  
 ক্রৌঞ্চী প্রিয়-সহচরে  
 ঘেরে ঘেরে শোক করে  
 অরণ্য পদ্রিরল তার কাতর ক্রন্দনে—  
 চক্ষে করি' দরশন  
 জড়িমা-জড়িত মন,  
 করদৃগ-হৃদয় মর্নি বিহবলের প্রায় ;  
 সহসা ললাট-ভাগে  
 জ্যোতির্ময়ী কন্যা জাগে,  
 জাগিল বিজলী যেন নীল নবঘনে।  
 কিরণে কিরণময়  
 বিচিত্র আলোকোদয়,  
 স্নিয়মাণ রবিচ্ছবি, ভুবন উজ্জলে।  
 চন্দ্র নয়, সূর্য্য নয়,  
 সমুজ্জ্বল শান্তিময়  
 ঋষির ললাটে আজি না জানি কি জ্বলে!  
 কিরণ-মণ্ডলে বসি'  
 জ্যোতির্ময়ী সূর্য্যপসী  
 যোগীর ধ্যানের ধন ললাটিকা মেয়ে  
 নামিলেন ধীর ধীর,  
 দাঁড়ালেন হ'য়ে স্থির  
 মৃদুধনে বাল্মীকির মৃদুখপানে চেয়ে।  
 করে ইন্দ্রধনু-বালা,  
 গলায় তারার মালা,  
 সীমন্তে নক্ষত্র জ্বলে, ঝল্‌মলে কানন ;  
 কর্ণে কিরণের ফুল,  
 দোদুল চাঁচির চুল  
 উড়িয়ে ছড়িয়ে পড়ে ঢাকিয়ে আনন।



করুণ ক্রন্দন-রোল  
 উত উত উতোরোল,  
 চমকি' বিহবলা বালা চাহিলেন ফিরে,  
 হেরিলেন রক্তমাখা  
 মৃত ক্রৌঞ্চ ভগ্ন-পাখা,  
 কাঁদিয়ে কাঁদিয়ে ক্রৌঞ্চ ওড়ে ঘিরে' ঘিরে'।  
 একবার সে ক্রৌঞ্চীরে  
 আরবার বাস্মীকিরে  
 নেহারেন ফিরে ফিরে, যেন উন্মাদিনী!  
 কাতরা করুণা-ভরে,  
 গান সকরুণ স্বরে,  
 ধীরে ধীরে বাজে করে বীণা বিষাদিনী।  
 সে শোক-সংগীত-কথা  
 শ্রুনে কাঁদে তরু-লতা,  
 তমসা আকুল হয়ে কাঁদে উভরায়।  
 নিরখি' নন্দিনী-ছবি  
 গদগদ আদি কবি,  
 অন্তরে করুণা-সিন্ধু উথলিয়া ধায়।"

সারদাদেবীর এই এক কবুগামুর্ত্তি। তাহার পর ২১ শ্লোক হইতে আবার একটি কবিতার আরম্ভ হইয়াছে। সে কবিতায় সারদাদেবী ব্রহ্মার মানস-সরোবরে স্দবর্ণপদ্মের উপর দাঁড়াইয়াছেন এবং তাহার অসংখ্য ছায়া বিশ্ব-ব্রহ্মাণ্ডে প্রতিবিস্তৃত হইয়াছে। ইহা সারদাদেবীর বিশ্বব্যাপিনী সৌন্দর্য-মুর্ত্তি।—

• “ব্রহ্মার মানস-সরে  
 ফুটে ঢল ঢল করে  
 নীল জলে মনোহর স্দবর্ণ-নলিনী,  
 পাদপদ্ম রাখি তায়  
 হাসি হাসি ভাসি যায়  
 ষোড়শী রূপসী বামা পূর্ণিমা-যামিনী।  
 কোটি শশী উপহাসি  
 উথলে লাবণ্যরাশি,  
 তরল দর্পণে যেন দিগন্ত আবরে ;  
 আচাম্বিতে অপরূপ  
 রূপসীর প্রতিরূপ  
 হাসি হাসি ভাসি ভাসি উদয় অম্বরে।"

এই সারদাদেবীর, এই Spirit of Beauty র নব-অদ্ভুত-করুণ বালিকামূর্তি এবং স্বৰ্গ-ব্যাপ্ত সুন্দরী ষোড়শীমূর্তির বর্ণনা সমাপ্ত করিয়া কবি গাহিয়া উঠিয়াছেন,—

“তোমাতে হৃদয়ে রাখি  
সদানন্দ মনে থাকি,  
শ্মশান অমরাবতী দূ-ই ভাল লাগে ;  
গিরিমালা, কুঞ্জবন,  
গৃহ, নাট-নিকেতন,  
যখন যেখানে যাই, যাও আগে আগে ।  
\* \* \*  
যত মনে অভিলাষ,  
তত তুমি ভালবাস,  
তত মন-প্রাণ ভোরে আমি ভালবাসি ;  
ভক্তিভাবে একতানে  
মজেছি তোমার ধ্যানে ;  
কমলার ধন-মানে নহি অভিলাষী ।”

এই মানসীরূপিণী সাধনার ধনকে পরিপূর্ণরূপে লাভ করিবার জন্য কাতরতা প্রকাশ করিয়া কবি প্রথম সর্গ সমাপ্ত করিয়াছেন।

তাহার পরের সর্গ হইতে প্রেমিকের ব্যাকুলতা। কখনো অভিমান, কখনো বিরহ, কখনো আনন্দ, কখনো বেদনা, কখনো ভ্রম, কখনো স্তব। দেবী কবির প্রণয়িনীরূপে উদ্ভূত হইয়া বিচিত্র সুখ-দুঃখে শতধারে সঙ্গীত উচ্ছ্বাসিত করিয়া তুলিয়াছেন। কবি কখনো তাহাকে পাইতেছেন, কখনো তাহাকে হারাইতেছেন—কখনো তাহার অভয়-রূপ, কখনো তাহার সংহারমূর্তি দেখিতেছেন। কখনো তিনি অভিমানিনী, কখনো বিষাদিনী, কখনো আনন্দ-ময়ী। এইরূপ বিষাদ, বিরহ, সংশয়ের পর কবি হিমালয়শিখরে প্রণয়িনী দেবীর সহিত আনন্দ-মিলনের চিত্র আঁকিয়া গ্রন্থ শেষ করিয়াছেন।

কবি যে সূত্রে সারদামঙ্গলের এই শেষের কবিতাগুলি গাঁথিয়াছেন তাহা ঠিক ধরিতে পারিয়াছি কি-না জানি না—মধ্যে মধ্যে সূত্র হারাইয়া যায়, মধ্যে মধ্যে উচ্ছ্বাস উন্মত্ততায় পরিণত হয়, কিন্তু এ কথা বলিতে পারি, আধুনিক বঙ্গসাহিত্যে প্রেমের সঙ্গীত এরূপ সহস্রধার উৎসের মতো কোথাও উৎসারিত হয় নাই। এমন নিম্নলিঙ্গ সুন্দর ভাষা, এমন ভাবের আবেগ, কথার সহিত এমন সুদের মিশ্রণ আর কোথাও পাওয়া যায় না। বর্তমান সমালোচক এককালে বঙ্গসুন্দরী ও সারদামঙ্গলের কবির নিকট হইতে কাব্য-শিক্ষার

চেষ্টা করিয়াছিল, কতদূর কৃতকার্য হইয়াছে বলা যায় না ; কিন্তু এই শিক্ষাটি স্থায়ীভাবে হৃদয়ে মৃদু হইয়াছে যে, সুন্দর ভাষা কাব্য-সৌন্দর্য্যের একটি প্রধান অঙ্গ ; হৃদে এবং ভাষায় সর্বপ্রকার শৈথিল্য কবিতার পক্ষে সাংঘাতিক। এই প্রসঙ্গে আমার এই কাব্যগদ্যের নিকট আর একটি ঋণ স্বীকার করিয়া লই। বাল্যকালে বাঙ্গালী-প্রতিভা নামক একটি গীতি-নাট্য রচনা করিয়া ‘বিদ্বজ্জন-সমাগম’ নামক সন্মিলন-উপলক্ষে অভিনয় করিয়াছিলাম। বঙ্কিমচন্দ্র এবং অন্যান্য অনেক রসজ্ঞ লোকের নিকট সেই ক্ষুদ্র নাটকটি প্রীতিপ্রদ হইয়াছিল। সেই নাটকের মূলে ভাবটি, এমন কি, স্থানে স্থানে তাহার ভাষা পর্যন্ত বিহারীলালের সারদামঙ্গলের আরম্ভভাগ হইতে গৃহীত।

আজ কুড়ি বৎসর হইল সারদামঙ্গল আর্ষদর্শন পত্রে, এবং ষোল বৎসর হইল পুস্তকাকারে প্রকাশিত হইয়াছে ; ভারতী পত্রিকায় কেবল একটিমাত্র সমালোচক ইহাকে সাদর-সম্ভাষণ করেন। তাহার পর হইতে সারদামঙ্গল ষোড়শ বৎসর অনাদৃতভাবে প্রথম সংস্করণের মধ্যেই অজ্ঞাতবাস যাপন করিতেছে। কবিও সেই অবধি আর বাহিরে দর্শন দেন নাই। যিনি জীবন-রঙ্গভূমির নেপথ্যে প্রচ্ছন্ন থাকিয়া দর্শকমণ্ডলীর স্তুতিধ্বনির অতীত ছিলেন, তিনি আজ মৃত্যুর যবনিকান্তরালে অপসৃত হইয়া সাধারণের বিদায়-সম্ভাষণ প্রাপ্ত হইলেন না ; কিন্তু একথা সাহসপূর্ণক বলিতে পারি, সাধারণের পরিচিত কণ্ঠস্থ শত-সহস্র রচনা যখন বিনষ্ট এবং বিস্মৃত হইয়া যাইবে, সারদামঙ্গল তখন লোক-স্মৃতিতে প্রত্যহ উজ্জ্বলতর হইয়া উঠিবে, এবং কবি বিহারীলাল যশঃস্বর্গে অস্মান বরমালা ধারণ করিয়া বঙ্গসাহিত্যের অমরগণের সহিত একাসনে বাস করিতে থাকিবেন।

[ ১৩০১ ]

## নবীনচন্দ্র

পাঁচকড়ি বন্দ্যোপাধ্যায়

সমাজ-দেহে জীবনীশক্তি বর্তমান থাকিলে, উহাতে বাহিরের একটা নূতন বলের সঞ্চার হইলে, সে সমাজ-দেহ যতই কেন মৃদু হউক না, উহা কিছুকালের জন্য আবার সজীব হইয়া উঠে। ভাগ্য প্রসন্ন থাকিলে এই সজীবতার

সঙ্গে সঙ্গে জাতীয় পুনরুত্থান সম্ভব হয়, নহিলে এই কিছুকালের সঞ্জীবতা পরিণামে প্রগাঢ়তর স্খাবিত্যে পর্যাবসিত হয়। সমাজ-তত্ত্বের এই সিদ্ধান্তকে মান্য করিয়া ভারতীতহাসের দুই কালের দুইটি বিপ্লবের পর্যালোচনা করিলে, আমরা কবি নবীনচন্দ্রের বঙ্গসাহিত্যে স্থান ও মান—এই দুই বিষয় বন্ধিতে পারিব।

প্রথম ইসলাম ধর্মের ও মুসলমান সভ্যতার সংঘর্ষে আসিয়া ভারতের হিন্দুসমাজের ও সাহিত্যের বিপ্লব ঘটে। সেই বিপ্লবের ফলে এক পক্ষে গোরক্ষনাথ, রামানন্দ, নানক ও শ্রীচৈতন্য ধর্মপ্রচারক ও সমাজ-সংস্কারক-রূপে অবতীর্ণ হন; অন্য পক্ষে, সুরদাস, শ্যামদাস, তুলসীদাস, বিকারীদাস প্রভৃতি সাহিত্যসেবীগণ আর্য্যাবর্তে, আর বিদ্যাপতি, চণ্ডীদাস, জ্ঞানদাস, কৃষ্ণদাস, মদুকুন্দরাম, গোবিন্দদাস, জয়ানন্দ, চন্দ্রশেখর প্রভৃতি কবিগণ মিথিলায় ও বঙ্গে আবির্ভূত হন। খ্রীষ্টীয় পঞ্চদশ ও ষোড়শ শতাব্দীতে ইহারাই পাঞ্জাব হইতে বঙ্গদেশ পর্যন্ত সমগ্র আর্য্যাবর্তে বিষম বিপ্লব উত্থিত করিয়াছিলেন। ভারতে ইসলাম ধর্মপ্রচারের ফলে জাতিভেদের মূলে কুঠারঘাত হইল। হিন্দুসমাজ-দেহে যাহারা চিরকাল নীচ ও অন্ত্যজ হইয়া ছিল, ইসলামের কৃপায় তাহারা শ্রেষ্ঠের সমান হইয়া উঠিল। যে চণ্ডাল হিন্দু থাকিলে কখনই কোন উচ্চ জাতির সহিত একাসনে বসিতে পাইত না, সে মুসলমান হইলেই ব্রাহ্মণ-ক্ষত্রিয়ের সহিত একাসনে বসিতে পাইত। ফলে, হিন্দুসমাজের ভিত্তি-স্বরূপ শিল্পকুশল শূদ্র-জাতি-সকল দলে দলে মুসলমান হইতে লাগিল। সমাজে একটা বিষম বিপ্লব উপস্থিত হইল। অন্য দিকে সাদী, হাফেজ, ফরদীসী, ওমর খায়ম প্রভৃতি মুসলমান কবিগণের কাব্য ও গাথা নূতন ভাব ও নূতন তত্ত্ব হিন্দুর সম্মুখে আনিয়া দিল। হিন্দুর ভাব-বিপ্লবও ঘটিল। এই বিপ্লব হইতে আত্মরক্ষা করিবার জন্য সমাজের মনীষিগণ ইসলাম-শক্তির সহিত একটা আপোশ করিতে উদ্যত হইলেন। গোরক্ষনাথ জাতি-নির্বিশেষে শৈব ধর্মের প্রচার আরম্ভ করিলেন। তিনি ব্যাখ্যা করিলেন যে, মহাদেব সদাশিব নিরাকার, নির্বিশ্বাকার ঈশ্বর। তাঁহাতে রূপের আরোপ করিয়া তাঁহার উপাসনা করিতে হয় না। চিহ্ন- বা প্রতীক-স্বরূপ এক খণ্ড প্রস্তর লিঙ্গবিধায় পূজিত হইবে। আর এই মহাদেবের মন্দিরে ও উপাসনায় উচ্চ-নীচ নাই, ব্রাহ্মণ-শূদ্র নাই। রামানন্দও বৈষ্ণব ধর্মকে এই হিসাবে সর্বজাতির সেবা করিতে চাহিলেন। তিনি ভক্তির পন্থা অবলম্বন করিয়া শ্লেচ্ছ, শূদ্র হইতে ব্রাহ্মণ পর্যন্ত সকলকেই এক সূত্রে বান্ধিতে চাহিলেন। হরিভক্ত, রামভক্ত, শ্লেচ্ছ-চণ্ডাল হইলেও ব্রাহ্মণের পূজ্য হইবে— ইহাই রামানন্দের আদেশ; কেন-না, ভক্তির পথ সকলেরই গম্য ও সেবা। গুরু নানক ব্যবহারধর্ম বা morality কে ভক্তিতে ডুবাইয়া, সম্মাণ্যের সহিত মিশাইয়া, ইসলাম ও হিন্দুত্বের আপোশে শিখধর্মের সৃষ্টি করিলেন। শেষে

বাংগালায় খ্রীষ্টতন্য শূদ্ধ হরিভক্তি-প্রবাহের প্রভাবে সকল বাধা অতিক্রম করিয়া এক নবীন ধর্মের সৃষ্টি করিলেন। ঈশ্বরপ্রেম ও মধুর রসকে আশ্রয় করিয়া তিনি আচন্ডালে হরিনাম বিলাইলেন।

এইভাবে ইসলামের সহিত হিন্দুধর্মের কতকটা আপোশ হইল। হিন্দু-সমাজে কতকটা সামঞ্জস্যের ভাব দেখা দিল। পক্ষান্তরে, সাহিত্যেও এইরূপ বিপ্লব ঘটিল। এই ভাবেই তাহারও সামঞ্জস্য হইয়াছিল। তবে এই সময়ে ভাবপ্রবাহ পশ্চিম হইতে বঙ্গে আসিয়াছিল। সুরদাস, শ্যামদাস, তুলসীদাস প্রভৃতির হিন্দী পদাবলী, গীত ও মহাকাব্য-সকল পাঠ করিয়া বাংলালার চন্ডীদাস, জ্ঞানদাস, মদুকুন্দরাম প্রভৃতির লেখা পড়িলে মনে হয়, যেন বাংলালার হিন্দীর প্রতিধ্বনি শুনিতোছি। মদুকুন্দরামের চন্ডী-কাব্যে তুলসীকৃত রামায়ণের অনেক ছত্র, অনেক শ্লোক আদত্ পাওয়া যায়। সুরদাসের গীত-লহরী হইতে চন্ডীদাস ও জ্ঞানদাসের সর্বস্ব পাওয়া যায়। এখন এক-একটি পদ তুলিয়া আশ্চর্য্য সান্মিলনের পরিচয় দিবার সময় নহে। তবে যাহারা হিন্দুস্থানী কবিদের লেখা পড়িয়াছেন, সেই সঙ্গে চন্ডীদাস, জ্ঞানদাস, মদুকুন্দরাম, ঘনরাম প্রভৃতিও পড়িয়াছেন, তাহারা এই কথার যথার্থ স্বীকার করিবেন। একটা কথা বলিয়া রাখা ভাল যে, এ দেশে ইংরেজের অভ্যুদয়ের পূর্বে বাংলালী হিন্দুস্থানের সহিত সম্বন্ধচ্যুত হন নাই,—বাংগালী স্বতন্ত্র জাতি বলিয়া নির্দিষ্ট হন নাই। বাংগালার শিক্ষিত হিন্দুকে পদ-মর্যাদা বজায় রাখিতে হইলে হিন্দী, উর্দু ও ফার্সী শিক্ষিতে হইত। তখন বাংগালীমাত্রই হিন্দী বলিতে ও বদ্বিতে পারিতেন। বাংগালা ভাষাও হিন্দী হইতে এখনকার মত এতটা পৃথক্ হইয়া যায় নাই। এই হেতু মনে হয়, বাংগালার কবি হিন্দুস্থানের কবিকে আদর্শ করিয়া কাব্য-গাথা লিখিতেন।

সে যাহা হউক, এই জাতীয় নবোন্মেষের সময়ে যেমন ধর্ম হিন্দু ও মুসলমানের বিশ্বাস-সামঞ্জস্য ঘটিয়াছিল, তেমনই সাহিত্যেও হিন্দু- ও মুসলমান-রুচির সামঞ্জস্য সাধিত হইয়াছিল। ভক্তি যেমন ধর্ম-পক্ষে সামঞ্জস্যীকরণের উপাদান ছিল, তেমনই রূপজ মোহ, লালসা ও ভক্তির জন্য আত্মদান সাহিত্যের ভূষণ-স্বরূপ হইয়াছিল। সাহিত্যে ইসলাম-রুচি পরিস্ফুট হইয়া উঠিয়াছিল। ভারতচন্দ্রের বিদ্যাসুন্দরে এই রুচির বিকট বিকাশ হইয়াছে। কবিকঙ্কণের কাঁচলীর বর্ণনা, আর কবি শ্যামদাসের শ্রীমতীর কাঁচলীর বর্ণনা ভাবে ও ভাষায় প্রায় একরূপ। এ বর্ণনা ইসলাম-রুচি-জাত। এমনভাবে নারীর আভরণের বর্ণনা হিন্দুর পুরাতন সাহিত্যে পাওয়া যায় না। হিন্দুর সমাজ-দেহের এই যে অভ্যুত্থান, ইহাকে ইংরাজিতে Indo-Islamic Renaissance বলা যাইতে পারে।

ইংরেজের অভ্যুদয় প্রথমে বাঙালা দেশেই হয়। বাঙালীই প্রথমে ইংরেজের সভ্যতার ও বিদ্যার পরিচয় পায়। সে পরিচয়ে বাঙালী একটা নতুন সামগ্রী পাইল, উহা European Individualism—উচ্চ-নীচ নাই, পূজা-হেয় নাই। পুরুষকার সকলেরই আয়ত্ত ; তাহার প্রভাবে সকলেই সর্বশ্রেষ্ঠ পদ পাইতে পারে। আর্ঘ্যশাস্ত্রের পুরাতন পুরুষকার-তত্ত্ব ভুলিয়া গিয়া বাঙালী এই পুরুষকারের মোহে মূগ্ধ হইয়াছিল। মূগ্ধ হইবার একটু হেতুও ছিল। ফরাসী-বিপ্লবের পরে ইউরোপ ফরাসীর অনুশীলিত ও প্রচারিত নতুন সাম্যবাদ পাইয়াছিল। সেই সাম্যবাদের উপটোকন প্রথমেই ইংরেজ বাঙালীকে দিয়াছিল। এই সাম্যবাদ ও এই পুরুষকারের মোহে বাঙালী প্রথমে দলে দলে খ্রীষ্টান হইতে লাগিল। নবাবী আমলে বরং জাতি-বিচার ছিল, উচ্চ-নীচের পার্থক্য ছিল, সমাজে বিধি-নিষেধ ছিল। ইংরেজ এ দেশে আসিয়া সে সব উড়াইয়া দিতে চাহিল। ফরাসীদের নিকট হইতে ধার করিয়া Liberty, Fraternity ও Equality—এই তিন মহামন্ত্র ইংরেজ বাঙালীকে শিখাইল। হিন্দুসমাজে এই নবীন শিক্ষার প্রভাবে একটা বিপ্লব ঘটিল। পাশ্চাত্য সভ্যতার ও খ্রীষ্টান ধর্মের সহিত আপোশ করিয়া সমাজ-রক্ষার উদ্দেশ্যে রাজা রামমোহন রায় ব্রাহ্ম ধর্ম গাড়িলেন। পণ্ডিত ঈশ্বরচন্দ্র শিক্ষা-প্রণালীর সাহায্যে দেশীয় ছাঁচে পাশ্চাত্য ভাব ও কথা এ দেশে প্রচুর পরিমাণে আমদানী করিলেন। পাশ্চাত্য-হিসাবে তিনিই প্রথম সমাজ-সংস্কারক হইলেন। পক্ষান্তরে, মাইকেল মধুসূদন, হেমচন্দ্র ও নবীনচন্দ্র এক দিকে, আর বঙ্কিমচন্দ্র ও ভূদেব অন্য দিকে, সাহিত্যের পথে স্বদেশীয় আবরণে এ দেশে পাশ্চাত্য ভাব-তত্ত্বের আমদানী করিলেন। ইংহারাই আধুনিক Indo-European Renaissance-এর প্রচারক- ও প্রবর্তক-স্বরূপ।

প্রথমেই, ইংরেজের সাহিত্যে যাহা আছে, আমাদের বাঙালা-সাহিত্যে যাহা নাই, তাহারই আমদানী আরম্ভ হইল। মাইকেল মিল্টনের অনুকরণে অমিত্রাক্ষরে মহাকাব্য মেঘনাদবধ রচনা করিলেন। এ কাব্যে পাশ্চাত্য Individualism পূর্ণ-পরিষ্কৃত। আদিম মহাভারত বা বিষ্ণুপুরাণে যেমন কান্তবীৰ্য্যার্জুন, হিরণ্যকশিপু, ভীষ্ম প্রভৃতি পুরুষার্থ-প্রবণ চরিত-কথা আছে, ইসলাম-যুগে অদৃষ্টবাদের প্রাবল্যে ভক্তির আত্ম-নিবেদনের আধিক্যে জাতীয় সাহিত্যে ঐরূপ চরিত-কথার অভাব হইয়াছিল। মাইকেল সে অভাব পূর্ণ করিলেন,—রাবণ, মেঘনাদ প্রভৃতি পুরুষার্থ-প্রবণ চরিতের অঙ্কন করিয়া জাতীয় সাহিত্যকে অলঙ্কৃত করিলেন। কবি হেমচন্দ্র এই Individualism কে বা পুরুষকারকে দেশহিতৈষণায় পরিবর্তিত করিলেন ; তাহার কবিতাবলী, গাথা ও বৃহৎসংহারে দখীচর চরিত ইহার পরিচায়ক। খাঁটি Patriotism ইউরোপের সামগ্রী—এ দেশের নহে। কবি হেমচন্দ্র উহা এ দেশে কবির ভাষায় ফুটাইয়াছিলেন।

কবি নবীনচন্দ্র প্রথমে মাইকেল ও ভাবমোহে পড়িয়াছিলেন, তাহার ফলে তাঁহার প্রের্ষিত কাব্য—পলাশীর যুদ্ধ। উহাতে Patriotism অতি মধুরভাবে বর্ণিত ও বিন্যস্ত আছে।

এই সময়ে এ দেশের ডাক্তার কংগ্রীভের মূখে অগস্ত কোম্তের (Auguste Comte) মতের আমদানী হয়। সে Humanitarianism আমাদের চক্ষে সম্পূর্ণ নূতন বোধ হইল। সে Humanitarianism-এর প্রভাবে ভারতের নানা জাতি ও নানা ধর্মের সমন্বয় সম্ভব মনে হইল। এই সময়ে আবার Nationalism বা জাতীয়তার প্রথম বিকাশ বাঙালায় হয়। বঙ্কিমচন্দ্র ইউরোপীয় ভাবে দেশীয় ছাঁচে ঢালিয়া বিলাইবার চেষ্টা করিতেছেন—ইউরোপের Culture—তত্ত্বটাকে কালা আদমীর শাস্ত্র-সংগত করিতে উদ্যত হইয়াছেন, হিন্দুর গ্রীকৃষ্ণকে ভারতের বিস্মার্ক বানাইয়া খাড়া করিতেছেন। পক্ষান্তরে, ভূদেবাবদ্ অপূর্ণ মনীষার প্রভাবে হিন্দুর খাঁটী সমাজতত্ত্ব ও পারিবারিক তত্ত্বকে ইংরোজ যুক্তিতে নিষ্কলঙ্ক বলিয়া সপ্রমাণ করিতেছেন।

ঠিক এই সময়ে কবি নবীনচন্দ্র পাশ্চাত্য Humanitarianism কে মহাভারতের গম্পের ছাঁচে ফেলিয়া নূতন Nationalism-এর সৃষ্টি-পদ্ধতি করিয়া, রৈবতক, কুরুক্ষেত্র ও প্রভাগ এই তিনখানি কাব্যগ্রন্থে বিংশ শতাব্দীর অভিনব মহাভারত রচনা করিয়াছিলেন। কোল্‌রিজ-প্রমুখ 'লেক'-কবিগণের Susque-hannaর স্বপ্ন, কোম্তের বিশ্বমানবতার তত্ত্ব, অর্থাৎ Humanitarianism, এবং টেনিসনের লক্সলি হলে বিশ্ববান্ধবতার বিবর্তিত—এই সবগুলি সন্নিবিষ্ট করিয়া আমাদের সনাতন মহাভারতের ছাঁচে ফেলিয়া নবীনচন্দ্র তিনখানি কাব্যগ্রন্থের রচনা করিয়া গিয়াছেন। প্রৌঢ় শরতের শেফালী-বর্ষার ন্যায় তাঁহার ভাষা আপনি আসে, আপনি ফুটে, আর আপন সৌরভে দশদিক্ আমোদিত করিয়া দেয়। তাই তাঁহার এই তিনখানি কাব্য উদ্দেশ্য-মূলক ও সিদ্ধান্ত-বিন্যাসক হইলেও ভাষার গুণে অনেকের আদরের হইয়াছে। বঙ্কিমচন্দ্র কৃষ্ণচরিত্রে ও ধর্মতত্ত্বে যাহা শিখাইয়াছেন, সূত্র ও ভাষ্যাকারে যাহার বিন্যাস করিয়াছেন, উপকথার ছলে দেবী চৌধুরাণী, আনন্দমঠ ও সীতারাম—এই তিনখানি উপন্যাসে যাহার আংশিক ব্যাখ্যা করিয়াছেন, নবীনচন্দ্র তাঁহার তিনখানি কাব্যে সেই সকল তত্ত্বই বুদ্ধাইবার চেষ্টা করিয়াছেন। এই চেষ্টা সার্থক হউক আর নাই হউক, এই চেষ্টার জন্যই তিনি নূতন যুগের শেষ মহাকাবি ; কেন-না, মনে হয়, বাঙালা ভাষায় আর তাত্ত্বিক কাব্যের প্রয়োজন নাই। তাই এখনকার কবিগণ Lyrics, Idylls লিখিয়া তাঁহাদের কাব্যশক্তির পর্যাবসান করিতেছেন।

ইসলাম ধর্মের সংঘর্ষের জন্য পূর্বে যে অভ্যুত্থান ঘটিয়াছিল, তাহাতে ভাবপ্রবাহ পশ্চিম হইতে পূর্বে বা বাঙালায় আসিয়াছিল। খ্রীষ্টান ধর্মের

সংঘর্ষণে ও ইংরেজের অধিকার-বিস্তার-হেতু যে বিপ্লব এখন ঘটিয়াছে, তাহাতে ভাবপ্রবাহ বাঙালা হইতে বৃত্তপ্রদেশে ও পাজ্রাবে যাইতেছে। কাশীর হিন্দুস্থানী কবি হরিশ্চন্দ্র প্রথমে হেমচন্দ্রের ও নবীনচন্দ্রের কবিতা হিন্দীতে অনুবাদ করিয়াছিলেন। তাঁহার পর হইতে বাঙালার ও বাঙালীর নাটক, নভেল ও কাব্যগ্রন্থসকল বর্ষে বর্ষে হিন্দীতে ভাষান্তরিত হইয়া প্রচারিত হইতেছে। কাল-মাহাত্ম্যে ভাবের উজ্জান গতি হইয়াছে।

এই সঙ্গে বলা ভাল যে, ইসলাম-সভ্যতার জন্য যে রুচি আমাদের সাহিত্যে দেখা দিয়াছিল, তাহার অনেকটা অপনোদন হইয়াছে। হিন্দুর সহজ-বুদ্ধি অতীন্দ্রিয়বাদপ্রসারিণী বা Transcendental, তাই সুরদাস ও চন্ডীদাস প্রেমটাকে ভগবানের পারিজাত-হারে পরিণত করিয়াছিলেন। বর্তমান কালের ইংরেজি-নবীশ বাঙালী কবিগণ ব্রাউনিং ও গেটের লেখায় উহারই সম্যক পরিচয় পাইয়া, বাঙালা সাহিত্যে প্রকারান্তরে সেই সকলের আমদানী করিতেছেন। ইহার ফলে রুচি অনেকটা পরিশুদ্ধ হইয়াছে। কবি নবীনচন্দ্র তাঁহার কাব্যে ইউরোপের এই বিচিত্র Transcendentalism-এর কতকাংশের ব্যাখ্যা করিয়াছেন।

কবি নবীনচন্দ্রের কাব্য-শক্তির পরিচয় দিবার এখনও সময় আসে নাই। তবে বঙ্গ-সাহিত্য ও সমাজে তাঁহার স্থান ও মান কেমন তাহার পরিচয় যথার্থ প্রদত্ত হইল। তিনি বর্তমান অভ্যুত্থানের শেষ মহাকাবি—শেষ ব্যাখ্যাতা ও প্রচারক। জয়ানন্দ, কৃষ্ণদাস কবিরাজ-প্রমুখ বৈষ্ণব কবিগণ কবিতার প্রভাবে ও কাব্যগ্রন্থ-প্রচারে যে উদ্দেশ্য সিদ্ধ করিবার চেষ্টা পাইয়াছিলেন, ঠিক সেই রকম উদ্দেশ্য না হউক, তদনুরূপ উদ্দেশ্য-সিদ্ধির প্রয়াসে কবি নবীনচন্দ্র ইদানীং কবিতাগ্রন্থ-সকল লিখিয়া গিয়াছেন। আপাততঃ ইহাই তাঁহার যথেষ্ট পরিচয়।

[সাহিত্য, ১০১৫]



# মহাকবি মধুসূদন

সুরেশচন্দ্র সমাজপতি

১৮৭৩ খৃষ্টাব্দের ২০শে জুন রবিবার বেলা দুইটার সময়ে আলিপুরের দাতব্য-চিকিৎসালয়ে মধুসূদন ইহলীলা সংবরণ করেন। তাঁহার মৃত্যুকালে ‘সমাজ-দর্পণ’ নামক সংবাদপত্রের সম্পাদক লিখিয়াছিলেন,—‘দুঃখের বিষয় এই, আমরা মাইকেলের অশৌচ গ্রহণ করিতে পারিলাম না। কারণ, ওরূপ করিলে তৎক্ষণাৎ জাত্যন্তর ও সমাজচ্যুত হইতে হইবে। ... হা মাইকেল, তোমার অন্ত্যেষ্টিক্রম সময়ে তোমার নিকটে গিয়া তোমার আত্মীয়গণ রোদন করিতে পারিল না! তুমি পরের মত বিদেশী স্লেচ্ছগণের হস্তে মস্তক প্রদান করিয়া প্রাণত্যাগ করিয়াছ! তুমি কবরে যাইবার সময়ে বিজাতীয়েরা তোমার সঙ্গে সঙ্গে গমন করিয়াছিল, আমরা সজলনয়নে দূর হইতেই কিস্তিকাল নিরীক্ষণ করিয়াছিলাম, নিকটে যাইবার ইচ্ছা করিলেও যাইতে পারিলাম না! হিন্দু ধর্মের পারে গমন করিয়া তুমি যেন সমুদ্র-পারবর্তী জনের ন্যায় বহুদূরবর্তী হইয়া পড়িলে!’

‘সমাজ-দর্পণ’ের এই খেদে তখনকার বাঙ্গালার ছবি প্রতিফলিত হইয়াছে। মাইকেলের প্রতি বাঙ্গালীর মনের ভাবও প্রতিবিম্বিত হইয়াছে। আত্মরক্ষা-কল্পে আত্মস্ব, অতিসাবধান, স্বধর্মনিষ্ঠ, পরধর্মভীরু, সেকালের বাঙ্গালী মধুসূদনকে জাতির মহাকবি বলিয়া বরণ করিয়াছিলেন, মধুসূদনের প্রতিভার পূজা করিয়াছিলেন। কিন্তু তখনও ‘স্বধর্ম নিধনং শ্রেয়ঃ’ ও ‘পরধর্মো ভয়াবহঃ’ হিন্দুর সমাজস্থিতির এই দুই পরস্পর-সাপেক্ষ মূলমন্ত্র, কাল-প্রবাহে প্রতিহত হইয়াও, সমাজে সমুজ্জ্বল ছিল। তাই মাইকেলের প্রতিভায় মূগ্ধ হিন্দু, জাতীয় কবিকে ‘আপনার হাতে আপনার’ বলিয়া ভাবিয়াও, ‘সমুদ্রপারবর্তী জনের ন্যায় বহুদূরবর্তী’ বিবেচনা করিয়া দূরে রাখিতে বাধ্য হইয়াছিলেন। সমাজ-শাসন-নিয়ন্ত্রিত হিন্দুর শ্রদ্ধা তখন বাহিরে বিকশিত হয় নাই—কিন্তু হিন্দু খৃষ্টান মধুসূদনের জন্য কাঁদিয়াছিল—তাঁহার অন্ত্যেষ্টিক্রিয়ায় যোগ দিবার অধিকারে বঞ্চিত হইয়া কাঁদিয়াছিল।

তাঁহার পর বহু বর্ষ অতীত-সাগরে মিশিয়াছে। সমাজের সে দুর্গ ভূমিসাৎ হইয়াছে। এখন বাঙ্গালী অকুণ্ঠচিত্তে সমাধিক্ষেত্রে অন্য-ধর্মাবলম্বীর শবের অনুসরণ করে; গির্জায় বিবাহের নিমন্ত্রণ রক্ষা করে।

সে-কাল বিধানে শৃঙ্খলিত ছিল, এ-কাল মুক্ত! এ-কালে দাঁড়াইয়া সে-কালের বিচার করিলে অনেক কথা বুঝা যায়।

পরধর্মাশ্রিত, স্ব-সমাজচ্যুত পরসমাজভুক্ত মাইকেল, সর্বপ্রকারে বাঙ্গালীর জাতীয়-জীবন-পরিধির বহির্ভূত হইয়াও, কোন্ গুণে, কোন্ অধিকারে, কিসের প্রভাবে বাঙ্গালীর হৃদয় জয় করিয়াছিলেন, আজ তাহা ভাবিয়া দেখিলে লাভ আছে। ব্যথিত পিতার মত যে হিন্দুসমাজ ভ্রুকুটীকুটিলমুখে উরগন্ধত অঙ্গুলীর ন্যায় স্বধর্মত্যাগী মধুসূদনকে ত্যাগ করিয়াছিলেন, মাইকেল মধুসূদন কোন্ শক্তিতে অনুপ্রাণিত হইয়া সেই ব্রহ্ম সমাজের রুদ্ধ দ্বার ভাঙিয়া হৃদয়ে প্রবেশ করিয়া গরুড়ের মত সমগ্র জাতির প্রেমামৃত হরণ করিয়াছিলেন?

ইহা ভাবিয়া দেখিবার কথা, বুঝিয়া দেখিবার কথা।

কবি মধুসূদন বাঙ্গালা সাহিত্যে নতুন রঙ্গ দান করিয়াছিলেন, সেই জন্য তাহার নামে বঙ্গদেশ ধন্য হইয়াছে, ধন্য হইতেছে। কিন্তু কাব্য, কবিতা ও কবিত্বই তাহার কারণ নয়। যে গুণে কাব্য, কবিতা ও কবিত্ব অমর হয়, যে ধর্ম কাব্য, কবিতা ও কবিত্ব পবিত্র, সার্থক ও ধন্য হয়, মাইকেল সেই ধর্মের অধিকারী ছিলেন।

সমবেদনা ও সহানুভূতিই কবির জীবন সার্থক করে। মাইকেল সেই সমবেদনা ও সহানুভূতির উৎস ছিলেন।

আজন্ম বিদেশী তন্ত্রে শিক্ষিত, বিজাতীয় ধর্মে দীক্ষিত, বিদেশের ভাষায়, চিন্তায়, ভাবে, সাহিত্যে অনুপ্রাণিত হইয়াও মধুসূদন স্বদেশী তন্ত্র বিস্মৃত হন নাই। স্বদেশের ভাষায়, ভাবে তাহার—শুদ্ধ অনুরাগ নয়—সহানুভূতি ও সমবেদনা ছিল। সেই সহানুভূতি ও সমবেদনার সঙ্গমে দেশবাসেল্যের স্বর্গীয় কহ্লার সহস্র দলে বিকশিত হইয়া উঠিয়াছিল। সেই কহ্লারের সৌন্দর্য্যে, সৌরভে বাঙ্গালার সাহিত্য ও সমাজ মাতিয়া উঠিয়াছিল! মমতা-বুদ্ধির ‘চোখের জলের বাঁধন দিয়ে’ মাইকেল বাঙ্গালীকে ‘মায়ায়্যারে বাঁধিয়াছিলেন!’

যৌবনে উন্মার্গগামী, দেশপ্লাবী নব-ভাবের আকস্মিক দীপ্তিচ্ছটায় অন্ধ মধুসূদন পর-ধর্মের আশ্রয়-ভিক্ষা করিয়াছিলেন।—তাঁহার উত্তর-জীবন দেখিয়া বোধ হয়, গত-জীবনের মোহ শেষ-জীবনে ছিল না। পরধর্মাশ্রিত মাইকেল স্বধর্ম-নন্দনের কম্পতরু পুরাণ হইতে মেঘনাদ, তিলোত্তমা, ব্রজাঙ্গনা চয়ন করিয়াছিলেন; চতুর্দশপদী কবিতায় বাঙ্গালার ভাব, ভাষা ও মহাপুরুষ-গণের পূজা করিয়াছিলেন; কৃষ্ণকুমারী ও শর্মিষ্ঠায় ইতিহাসের ও পুরাণের ছবি আঁকিয়াছিলেন; বড়ো শালিক ধরিয়া রঙ্গ করিয়াছিলেন; ‘একেই কি বলে সভাতায় কলঙ্কের কালী দিয়া বানরের বিদ্রুপচিত্র টানিয়া ‘চিন্তা করিয়া’ বলিয়াছিলেন,—‘বেহায়ারা’ আবার বলে কি যে, আমরা সাহেবদের মতন সভা

হয়েছি। হা আমার পোড়া কপাল! মদ-মাংস খেয়ে ঢলাঢলি কল্পেই কি সভ্য হয়? একেই কি বলে সভ্যতা?’

ইহা আত্ম-বিশ্লেষণের ফল কি না, সাহস করিয়া বলিতে পারি না। কিন্তু ইহা মাইকেলের সরলতা ও অকপটতার পরিচায়ক, সে পক্ষে সন্দেহ নাই।

মাইকেলের ‘আত্মবিলাপে’ তাঁর অনুশোচনার ও গভীর ইঁতাশার আভি ও অভিব্যক্তি দেখিয়া চোখে জল আসে:—

“আশার ছলনে ভুলি                      কি ফল লাভিন্দু, হায়,  
তাই ভাবি মনে!”

পর-ধর্ম-গ্রহণেও কি সে ‘আশার ছলন’ ছিল না?

মাইকেল বিদেশী সাহিত্যের সৌখিন উদ্যান হইতে স্বদেশী সাহিত্যের মনোজ্ঞ মালণ্ডে ফিরিয়াছিলেন। পর-তন্ত্রে সদ্গুণ সিংহ সহসা জাগিয়া স্ব-তন্ত্রের জন্য লালিয়ায়ত হইয়াছিলেন। তাই তিনি মাতৃভাষাকে সম্বোধন করিয়া বলিয়াছিলেন—

“হে বঙ্গ! ভাণ্ডারে তব বিবিধ রতন,  
তা সবে, (অবোধ আমি) অবহেলা করি,  
পরধনলোভে মত্ত, করিন্দু ভ্রমণ  
পরদেশে ভিক্ষাবৃতি কুক্ষণে আচারি।  
কাটাইনু বহু দিন সুখ পরিহারি,—  
অনিদ্রায় অনাহারে, সর্পি কায়, মন,  
মজিন্দু বিফল তপে অবরেণ্যে বরি;—  
কেলিন্দু শৈবালে, ভুলি কমল-কানন।  
স্বপ্নে তব ‘কুললক্ষ্মী’ ক’য়ে দিলা পরে,—  
‘ওরে বাছা! মাতৃ-কোষে রতনের রাজি,  
এ ভিখারী-দশা তবে কেন তোর আজি?  
যা ফিরি, অজ্ঞান তুই, যা রে ফিরি ঘরে!’  
পালিলাম আঙা সুখে, পাইলাম কালে  
মাতৃ-ভাষা-রূপে খনি, পূর্ণ মণিজালে!”

এমন স্বপ্ন ক’ জনের ভাগ্যে ঘটে? এমনভাবে পরদেশ-মুগ্ধ ভিক্ষুক-জীবন পদদলিত করিয়া স্বদেশে ফিরিয়া মাতৃভাষারূপ মণিজালে পূর্ণ খনির অক্ষয় ভাণ্ডারে নূতন হীরা, মাণিক, মতি ঢালিয়া দিবার সৌভাগ্য কয় জন লাভ করে?

আবার ১৮৬৫ খৃষ্টাব্দে ফ্রান্সের ভারসেল্‌স নগরে প্রবাসী মাইকেল চতুর্দশপদী কবিতাবলীর ‘সমাপ্ত’ আত্ম-নিবেদন করিয়াছিলেন—

“—নারিন, মা, চিনিতে তোমারে  
শৈশবে. অবোধ আমি, ডাকিলা যৌবনে ;  
( যদিও অধম পদ—মা কি ভুলে তারে ? )  
এবে ইন্দ্রপ্রস্থ ছাড়ি যাই দূর বনে !”

ইহাও কি মহাকবির আত্মবিস্মৃতির পর উদ্বোধনের পরিচায়ক নহে ? মোহের ফল বিস্মৃতি ;—তাহার পর স্বপ্ন ও জাগরণ। মাইকেলের চিন্তা-নির্ব্বরের ‘স্বপ্নভঙ্গ’ কি সন্দ্বন্দ ?

প্রতিভার বরপত্র মধুসূদন স্বদেশের বৈভবে অবহেলা করিয়া, পরধনলোভে মত্ত হইয়া, পরদেশে ভিক্ষাবৃত্তি অবলম্বন করিয়া, ‘অবরণে বরিয়া’ বহুদিন ‘বিফল তপে’ মজিয়া ছিলেন ; নিরাশ হইয়াছিলেন। কিন্তু অনিদ্রার, অনাহারে, ‘সুখ পরিহারি’ রক্তের অন্বেষণ করিলে, বরণের ধ্যান করিলে, সাধকের ‘তপ’ নিষ্ফল হয় না। বাঙ্গালার কুল-লক্ষ্মী মাইকেলের সাধনায় প্রসন্ন হইয়া স্বপ্নে তাঁহাকে পর-তন্ত্র ছাড়িয়া স্ব-তন্ত্র আশ্রয় করিবার ইংগিত করিয়াছিলেন। মাইকেল সংক্ষিপ্ত জীবনে কুল-লক্ষ্মীর ইংগিত যথাসম্ভব পালন করিয়া গিয়াছেন। আজ—পর-তন্ত্র, পর-ভাব-ব্রত, আত্মবিস্মৃতি, মাতৃভূমির বৈভবে বঞ্চিত, স্ব-তন্ত্রের ঐশ্বর্য্যে অন্ধ বাঙ্গালী ! আত্ম-অন্বেষণ জীবনের সার কর। ‘অবরণে বরি’ মানব-জীবন সার্থক—সফল—চরিতার্থ হয় না। প্রতিভাশালী পদুর্দ্ব্যসিংহ মাইকেল পর-পথের পথিক হইয়া অনুশোচনায় মথিত হইয়াছিলেন। সেই মহাকবির অভিজ্ঞতার মহাফল আজ তোমার। স্মরণ কর আত্মগৌরব, বর্জন কর ‘পরদেশে’ ভিক্ষাবৃত্তি, বরণ কর আত্ম-শক্তি। ‘নান্যঃ পন্থা বিদ্যাতে অয়নায়।’

স্বদেশী তন্ত্রে শ্রদ্ধাই দেশভক্তি। দেশভক্তি সোনার পাথর-বাটী নয়। মাইকেলের বঙ্গভূমির প্রতি সম্ভাষণ দেশ-তন্ত্রের প্রথম গান—দেশভক্তির প্রথম উচ্ছ্বাস—স্বদেশী কবির প্রথম স্বাক্ষর। মাইকেলের বঙ্গ-স্নেহের সৌন্দর্য্য-পদুপের গুচ্ছ নয়। সে গান—মিনতি—প্রার্থনা—মায়ের কাছে আদুরে ছেলের আশ্রয়। তাহাতে বাঁচিবার সাধ আছে, কামনা আছে। বাঙ্গালী, জাতীয় কবির ‘কামনা’ পাঠ করঃ—

“সাধিতে মনের সাধ,  
ঘটে যদি পরমাদ,  
মধুহীন করো না গো তব মনঃ-কোকনদে।

প্রবাসে দৈবের বশে  
 জীবিতারা যদি খসে  
 এ দেহ-আকাশ হ'তে, নাহি খেদ তাহে।  
 জন্মিলে মরিতে হবে,  
 অমর কে কোথা কবে?  
 চির-স্থির কবে নীর হায় রে জীবন-বদে?  
 কিন্তু যদি রাখ মনে,  
 নাহি মা ডরি শমনে—  
 মক্ষিকাও গলে না গো পাড়িলে অমৃত-হুদে!  
 সেই ধন্য নরকুলে,  
 লোকে যারে নাহি ভুলে,  
 মনের মন্দিরে নিত্য সেবে সৰ্ব্ব জন।  
 কিন্তু কোন্ গুণ আছে,  
 যাচিব যে তব কাছে  
 হেন অমরতা আমি, কহ গো শ্যামা জন্মদে!  
 তবে যদি দয়া কর,  
 ভুল দোষ, গুণ ধর,  
 অমর করিয়া বর দেহ দাসে, সুবরদে!  
 ফুটি যেন স্মৃতি-জলে  
 মানসে, মা, যথা ফলে,  
 মধুময় তামরস, কি বসন্তে, কি শরদে!”

মাইকেল ‘নূতন মালা গাঁথিয়া,’ গোড়জন-সুখাবহ ‘মধুচক্র রচিয়া’ বহুদিন  
 নশ্বর সংসার ত্যাগ করিয়াছেন। আজ বিরোধ, বিদ্বেষ ও ঐহিক সুখ-দুঃখের  
 অতীত মহাকাবি মধুসূদনের স্মৃতি সপ্রমাণ করিতেছে,—‘কীর্ত্তিৰস্য স  
 জীবতি!’ মধুসূদন বাঙ্গালীর মানসে, স্মৃতি-জলে, কি বসন্তে, কি শরদে,  
 মধুময় তামরসের মত দিব্য-শ্রীমণ্ডিত হইয়া ফুটিয়া আছেন। নিন্দকের—  
 পরকীর্ত্তিদ্বেষী প্রগল্ভের—সাম্প্রদায়িক নিন্দার ঝড়ে সে তামরস ঝরে নাই,  
 ঝরিতে না।

যে মধুসূদন ‘স্বর্গ, মর্ত্ত, পাতাল—গ্রিভুবনের রমণীয় এবং ভয়াবহ’ প্রাণী  
 ও পদার্থসমূহ সন্মিলিত করিয়া পাঠকের দর্শনেন্দ্রিয় লক্ষ্য চিত্রফলকের ন্যায়  
 চিত্রিত’ করিয়া গিয়াছেন, তাহার কাব্য ও কবিত্বের বিশ্লেষণ ক্ষুদ্র পরিসরে  
 সম্ভব নয়। তাই আজ তাহার কাব্য ও কবিত্বের মূলমন্ত্র স্মরণ করিতেছি।

মধুসূদন দেশবৎসল। ‘সীন’ তাঁহার স্মৃতি-পট হইতে কপোতাক্ষের ছবি মর্ছিয়া ফেলিতে পারে নাইঃ—

“জুড়াই এ কাল আমি দ্রান্তির ছলনে!  
বহু দেশে দেখিয়াছি বহু নদ-জলে,  
কিন্তু এ স্নেহের তৃষা মিটে কার জলে?  
দুষ্ক-প্রোতরূপী তুমি জন্মভূমি-স্তনে।”

—দেশমাতার প্রতি প্রেম-ভক্তির এমন সুন্দর ছবি, দেশাত্মবোধের এমন মমতাপূত অভিব্যক্তি বাঙালা সাহিত্যে আর আছে কি?

মাইকেল সহানুভূতি ও সমবেদনার উৎস, এবং তাহাই মাইকেলের বিশেষত্ব, পুর্বে তাহা বলিয়াছি। মাইকেল উদার, অকুতোভয়, সমবেদনায় নিঃস্বীচার। বীর কবি বীরের ভক্ত। ব্যাথিতের বেদনায় কবির প্রাণ কাঁদে—স্বর্গে, মর্ত্তে, পাতালে মধুসূদনের মমতার অমৃতনদী বহিয়া যায়।

আদি-কবি বাঙ্গালীক হইতে লক্ষর পর্য্যন্ত ভারতবর্ষের সকল কবিই অযোধ্যার রাজ-বংশের সহিত সমবেদনা ও সহানুভূতির সৃষ্টি করিয়া গিয়াছেন। সোণার লঙ্কা ছারখার হইল, রাবণের বংশ গেল ; এ জন্য ভারতের কোনও কবির চিন্তা বেদনায় চণ্ডল হয় নাই,—কেহ এক বিন্দু অশ্রুজলে সে শোচনীয় নিয়তির বিধানকে স্নিগ্ধ করিবার চেষ্টা করেন নাই। কিন্তু মাইকেল রাবণ-পরিবারেও সমবেদনা ও সহানুভূতির অমৃতধারা ঢালিয়া দিয়াছেন। ইন্দ্রজিতের বীরত্বে মৃদ্ধ না হয়, এমন বাঙালী কে আছে? প্রমীলার দুঃখে বিগলিত না হয়, এমন পাষণ কে আছে? যুগযুগান্তর-সম্প্রতি বিরাগের হিমাচলকে যিনি সমবেদনার অশ্রুজলে ভাসাইয়া দিতে পারেন, তাঁহার শক্তির গভীরতার পরিমাণ কে করিবে?

মাইকেল শৃঙ্গ বীররসের কবি নন, তিনি করুণরসেও সিদ্ধহস্ত। মাইকেলের সমবেদনা, সহানুভূতি ও করুণায় বাঙালার মরুক্ষেত্র স্নিগ্ধ হউক!

মাইকেলের দুইটি উপদেশ যেন বাঙালীর মনে যুগযুগান্তর দেদীপ্যমান থাকে। ‘তিলোত্তমা-সম্ভবে’ মধুসূদনের নিরাকারা দৃতী বলিয়াছেন—

“ভ্রাতৃ-ভেদে ক্ষয় আজি দানব দুর্জয়।”

তুমি সু-জয় মানব বাঙালী! ইহা স্মরণ রাখিও।

মেঘনাদবধের ষষ্ঠ সর্গ বাঙালীর জীবন-বেদ হউক। অরিন্দম, কন্দুর-কুলগর্ষ, মেঘনাদ রাঘবের দাস বিভীষণকে যে তিরস্কার করিয়াছিলেন, তাহা বাঙালীর মনে আগ্নেয় অক্ষরে লিখিয়া দাও। আর—

“শাস্ত্রে বলে গুণবান্ যদি  
পরজন, গুণহীন স্বজন, তথাপি  
নির্গুণ স্বজন শ্রেয়ঃ ; পর পর সদা।”

আজ মধুসূদনের স্মরণে বাঙ্গালার গগনে-পবনে এই ‘লাখ কথার এক কথা’ ছড়াইয়া দাও! প্রত্যেক বাঙ্গালীর—ভারতবাসীর হৃদয়ে এই কয়টি কথা যেন গাঁথা থাকে। তা যদি থাকে, তাহা হইলে এ দেশে মধুসূদনের জন্ম সার্থক। তা যদি না হয়, তাহা হইলে, বাঙ্গালায় মধুসূদনের আবির্ভাব নিষ্ফল।

[সাহিত্য, ১৩২৩]

## কুন্তিবাস

স্যার আশুতোষ মধুথোপাধ্যায়

আদিকবি বাল্মীকির রামায়ণের পর কালিদাস আবার সেই রাম-চরিতেরই পুনরায় বর্ণনা করিলেন। রামায়ণ শ্লোকবদ্ধ মহাকাব্য, কালিদাসের রঘুবংশও শ্লোকবদ্ধ মহাকাব্য। কালিদাসের আবির্ভাবের বহু পূর্বে হইতে রামায়ণ ভারতের সকল সমাজে কীর্ত্তিত, গীত, অধীত ও ভক্তি-পূর্ব্বক শ্রুত হইত। তথাপি কালিদাসের রঘুবংশ ভারতের বিদ্বদ্ভন্দ সাদরে গ্রহণ করিলেন। ইহার হেতু কি? একান্ত সুপরিচিত ও সম্বর্দা শ্রুত বস্তান্তের পুনঃ পঠন-পাঠনে এই যে আগ্রহ, এত যে আদর, তাহার একমাত্র কারণ কালিদাসের প্রাজ্ঞ ভাষা ও ভাবের সুস্পষ্টতা। যদি ভাষা এত সুন্দরী এবং সম্পদ-শালিনী না হইত, তাহা হইলে কেবল ভাবের তরঙ্গলীলায় বা কল্পনার ক্রীড়ায় কালিদাসের কাব্য সুধী-সমাজের চিত্তাকর্ষণ করিতে পারিত না। কল্পনা-বিষয়ে বাল্মীকির সহিত কালিদাসের তুলনা করিতে প্রয়াস পাওয়া বৃথা। তবুও যে কালিদাস এত প্রসিদ্ধি-লাভ করিয়াছেন, তাহার প্রধান কারণ তাঁহার সুমধুর ভাষা। কালিদাস ব্যতীত আরও অনেকে রামায়ণ উপজীব্য করিয়া কাব্যাদি রচনা করিয়াছেন, কিন্তু তাঁহাদের গ্রন্থ জন-সমাজে রঘুবংশাদির ন্যায় আদৃত হয় নাই। এই আদর-অনাদরের একমাত্র কারণ, ভাষাগত প্রাজ্ঞতা এবং ভাবের সুস্পষ্টতা। কালিদাস এমন মনোহারিণী ভাষায় তদীয় কাব্য রচনা করিয়াছেন যে, যে কোন সময়ে, যে কোন সমাজের লোকেই তাহা পাঠ করুক না কেন, বিমুগ্ধ হইবে। সংস্কৃত সাহিত্যে এই

ভাষাগত উৎকর্ষের জন্য যেমন কালিদাসের শ্রেষ্ঠতা, বঙ্গীয় সাহিত্যেও তেমনই ভাষাগত উৎকর্ষের নিমিত্ত কৃষ্ণিবাসের শ্রেষ্ঠতা। যে ভাষা সম্প্রদায়-বিশেষের জন্য গাঁঠত, অর্থাৎ কেবল শিক্ষিত বা অশিক্ষিতদিগের জন্য যে ভাষা ব্যবহৃত, ধনী-নিধন, পণ্ডিত-মুর্খ, ইহার একতরের উদ্দেশ্যে যে ভাষা গ্রথিত, তাহা কদাচ সুখারী বা স্বর্ষ্যবাদিসম্মত উৎকৃষ্ট ভাষা হইতে পারে না। সেরূপ ভাষায় নিবদ্ধ গ্রন্থাদি কখনও কালজয়ী হইতে পারে না। তাহাকে প্রকৃত ভাষা বলা যায় না। তাদৃশ ভাষায় বিরচিত গ্রন্থাদি কালের তরঙ্গে দৌঁধিতে দৌঁধিতে ভাসিয়া যায় : অল্পকালমধ্যেই তাহার অস্তিত্ব বিলুপ্ত হয়।

যে ভাষা কোনও সম্প্রদায়-বিশেষে সীমাবদ্ধ নহে, সকল সম্প্রদায়-নির্ধ্বংশে, সমাজ-দেহের প্রত্যেক শিরা-ধমনী-কৈশিকায় যে ভাষা প্রবেশ করিতে পারে, প্রত্যেক সম্প্রদায়ের লোকে যে ভাষাকে “আমার” বলিয়া গ্রহণ করিয়া পরিচরিত লাভ করেন,—শিক্ষিত-অশিক্ষিত, ধনী-নিধন, পণ্ডিত-অপণ্ডিত সকলে সমানভাবে যে ভাষাকে আদর করিয়া লয়েন, তাহাই যথার্থ ভাষা। কালিদাস স্বর্ষ্যকালানুযায়িনী, স্বর্ষ্যভোগামিনী, স্বর্ষ্যভোব্যাপিনী ভাষায় গ্রন্থ রচনা করিয়াছিলেন বলিয়াই যেমন তাঁহার কাব্য সকল সম্প্রদায়ে সকল সময়ে, সকলের প্রিয়, মহাকাব্য কৃষ্ণিবাসও তদীয় অনবদ্য রামায়ণ-কাব্য সেইরূপ স্বর্ষ্যভোগামিনী ও স্বর্ষ্যভোব্যাপিনী ভাষায় রচনা করিয়াছেন বলিয়া তাঁহার রামায়ণ এত প্রসিদ্ধি লাভ করিয়াছে। যে সমুদয় কাব্যের ভাষা প্রাঞ্জল নহে, বা ভাবও সুস্পষ্ট নহে, সেই সকল কাব্যের প্রভাব সমাজে স্থায়ী লাভ করিতে পারে না। ভাষা ও ভাব উভয় সম্পদে সম্পন্ন বলিয়াই কৃষ্ণিবাসের রামায়ণ কালজয়ী হইয়া রহিয়াছে। সংস্কৃতে কালিদাস এবং বঙ্গভাষায় কৃষ্ণিবাস—এই দুই জন একই কারণে অমরত্ব লাভ করিয়াছেন।

কৃষ্ণিবাসের পরে আরও অনেক কবিযশঃপ্রার্থী ব্যক্তি রামায়ণ রচনাপুর্ষক বঙ্গসাহিত্যের অঙ্গ পরিপুষ্ট করিয়াছেন, কিন্তু তাঁহাদের সকলের দ্বারাই যে ভাষার শ্রীবৃদ্ধি সাধিত হইয়াছে, এ কথা নিঃসঙ্কোচে বলা কঠিন।

কৃষ্ণিবাস এবং তৎপরবর্তী অনেকে একই রামায়ণ-অবলম্বনে কাব্য রচনা করিলেন, কিন্তু কৃষ্ণিবাসের কাব্য আবার বৃদ্ধবনিতার প্রিয়, সকল সমাজের আদরণীয় হইল, ইহার প্রকৃত কারণ কি?

কৃষ্ণিবাস মহর্ষি বাল্মীকির রামায়ণমাত্র অবলম্বন করিয়াই কাব্য লিখেন নাই। আমাদের দেশে কথকতায়, যাত্রায়, গোষ্ঠীবন্দনে—সর্বত্রই নানা ভাবে ও নান্ন আকারে রাম-বিষয়ক বৃত্তান্ত বহুকাল হইতে—কৃষ্ণিবাসের বহু পুর্ষ হইতে—চলিয়া আসিতোছিল। ফলতঃ, লোক-মুখে স্ত্রী-পুরুষ-সমাজে রাম-সীতার কথা কীৰ্ত্তিত হইত, এখনও হইতেছে। কৃষ্ণিবাস তদীয় গ্রন্থ-রচনায় এই লোকপরম্পরাগত গাথার অনেকটা অনুসরণ করিয়াছিলেন। কেবল অনুবাদে বা মহর্ষি-চিহ্নিত আলেখ্যাবলীর পুনঃচিহ্নেই যদি কৃষ্ণিবাস রত



থাকিতেন, তাহা হইলে তদীয় কাব্য এত প্রসিদ্ধি লাভ করিতে পারিত না। তাঁহার পরবর্ত্তী রামায়ণ-লেখকগণের অনেকের গ্রন্থে কৃতিবাসের ন্যায় মৌলিকতা নাই। অধিকাংশ স্থানই অনুবাদমাত্রে পর্য্যবসিত। কোনও রামায়ণকার স্বকীয় কল্পনার চণ্ডল বৈদ্যুতী প্রভায় গ্রন্থ ক্বচিৎ ভাস্বর করিয়াছেন সত্য, কিন্তু পরস্পরেই আবার কল্পনার দৈন্যে গ্রন্থের শ্রীহানি ঘটিয়াছে। এই স্থলে কবিচন্দ্রের নাম উল্লেখযোগ্য। কবিচন্দ্র তাঁহার রচিত রামায়ণে অঙ্গদ-রায়বার নামে যে অধ্যায় লিখিয়াছিলেন, যাহা আজ কৃতিবাসের বলিয়া বঙ্গের অধিকাংশ গৃহে গৃহে আদৃত, সেই অধ্যায়টি বাস্তবিকই অনেকটা কবিস্বপ্ন। কিন্তু সেই অনুপাতে কবিচন্দ্রের গ্রন্থের অপরাংশসমূহ গ্রহণ করা যায় না। সংস্কৃত ভাষায় সুদৃপ্তিত অনেক যেমন দু'একটি মনোহারিণী কবিতা রচনা করিয়া থাকেন, প্রাচীন কালেও করিতেন,—যে কবিতাগুলি “উদ্ভট” আখ্যায় জন-সমাজে প্রচারিত, কিন্তু ঐ উদ্ভট-কর্তাদের কোনও বিশিষ্ট এবং উল্লেখযোগ্য কবিতাগ্রন্থ পাওয়া যায় না, চণ্ডল কল্পনার ক্ষণিক অনুগ্রহে মাত্র দু'চারটি হৃদয়াকর্ষণী কবিতাতেই তাঁহাদের কবিত্ব পরিসমাপ্ত—তদ্রূপ অন্যান্য রামায়ণ-কারগণের অনেকেরই দু'একটি, বা কাহারও দু'চারটি রসভাবপূর্ণ অধ্যায়-বচনার পরই কবিত্বের পর্য্যবসান ঘটিয়াছে। সমগ্র গ্রন্থে কবিতার উজ্জ্বলিত তরঙ্গলীলা একমাত্র কৃতিবাসেই পরিদৃষ্ট হয়।

কৃতিবাস জানিতেন যে, যাঁহাদের জন্য তিনি কাব্য লিখিয়াছেন, তাঁহারা কি চান, কতটুকু বা কতটা তাঁহাদের অভিলাষিত, কিরূপ আলেখ্যে তাঁহাদের নয়ন-রঞ্জন হইবে। কবিত্বের সাধকতার এই মূলমন্ত্রে তিনি দীক্ষিত হইয়া তবে কাব্য লিখিতে বসিয়াছিলেন, সর্ব্বদা এই মন্ত্র স্মরণ করিয়া কাব্য লিখিয়াছেন, তাই তাঁহার কাব্য এত জমিয়াছে। এই জন্যই, কেবল বাঙ্গালীকির আদর্শ তাঁহার উপজীব্য ছিল না, তিনি প্রয়োজন-মত অন্যান্য পদ্যরূপ, উপপদ্যরূপ প্রভৃতিরও সাহায্য গ্রহণ করিয়াছেন। কালিকাপদ্যরূপ, অধ্যাত্মরামায়ণ, অস্তুরামায়ণ প্রভৃতি হইতেও তিনি ‘আদর্শ’ সংকলন করিয়াছেন।

অনেক কাব্য কবির সমসাময়িক সমাজের রুচি এবং ছায়ার অনুসরণে নিম্মিত হওয়ায়, সেই নিয়মিত সমাজে এবং নির্দিষ্ট সময়ে সেই কাব্য আদৃত হইয়া থাকে, কিন্তু পরবর্ত্তী ও পরিবর্ত্তিত সমাজে তাহার আদর ক্রমেই কমিয়া যায়। যে কবির কাব্য, যত অধিক পরিমাণে এইরূপ সাময়িক ভাবে পরিপূর্ণ, সে কবির কাব্য ততই অল্পকালস্থায়ী। অন্যান্য অনুবাদকগণের রামায়ণ-গ্রন্থের অপসিদ্ধির ইহাও অন্যতম কারণ। তাঁহাদের রামায়ণের যে যে অধ্যায়-গুলি এই প্রকার কোন বিশেষভাবে লিখিত নহে, অর্থাৎ সাধারণভাবে, সকল সময়ের অনুগত করিয়া লিখিত, সেই সেই অধ্যায়গুলির মর্যাদা এখনও একেবারে লুপ্ত হয় নাই। দৃষ্টান্তরূপে কবিচন্দ্রের “অঙ্গদ-রায়বার” ও রঘুনন্দন গোস্বামীর “রাম-রসায়নে” অশোকবন-বর্ণন প্রভৃতির উল্লেখ করা

যাইতে পারে। বস্তুতঃ, সরল ভাষা এবং সুস্পষ্ট ভাব—এই দুই দুর্লভ সম্পদে কৃতিবাসের কাব্য বঙ্গসাহিত্যে অপ্রতিদ্বন্দ্বী। অতি সরল কথায়, সকলের বোধগম্য ভাষায় তিনি তাঁহার হৃদয়ের ভাব অতি স্পষ্টরূপে সাধারণের সম্মুখে প্রকাশ করিতে পারিতেন। ভাষার দীনতায় বা ভাবের জড়তায় তাঁহার কাব্য কোথায়ও দৃষ্ট হয় নাই। তিনি যখন যে চিত্র অঙ্কন করিয়াছেন, তাহার কোন অঙ্গ-প্রত্যঙ্গে কোনরূপ অসম্পূর্ণতা রাখেন নাই। যে কবি যত অধিক পরিমাণে প্রাজ্ঞ ভাষায় মনের ভাবরাশি তদীয় সমাজের সমক্ষে অতি সুস্পষ্ট-রূপে তুলিয়া ধরিতে পারিবেন, সেই কবি তত অধিক আদৃত হইবেন। কৃতিবাস সেইটি অতি উত্তমরূপে পারিতেন বলিয়াই তাঁহার রামায়ণ অপরাপর রামায়ণ অপেক্ষা ভাববৃক্ষ-সমাজের, অথবা শিক্ষিত-অশিক্ষিত সকল সমাজেরই এত প্রিয় হইয়াছে।

দয়া, দাক্ষিণ্য, সমবেদনা, স্নেহ, প্রেম, ভক্তি প্রভৃতি স্বর্গীয় সম্পদে মানব দেবতা হয়, আবার এই গুণগুলির অভাবে মানব দানব হইয়া থাকে। কৃতিবাস এই মহনীয় গুণাবলীর এমন সুস্পষ্টভাবে বর্ণন করিয়াছেন যে, পাঠকালে হৃদয় অনির্বচনীয় আনন্দরসে আপ্লুত হয়। মহাকাব্য ভবভূতি যেমন তাঁহার উত্তররামচরিতের নিরবদ্য ও নয়নরঞ্জন চিত্রগুলির আদর্শ কালিদাসের কাব্যাবলী হইতে গ্রহণ করিয়া, পরে সেই আদর্শের উপর নৈপুণ্য-সহকারে রঙ ফলাইয়া সুন্দর মূর্ত্তি নিৰ্ম্মাণ করিয়াছেন—যে মূর্ত্তির গরিমায় সংস্কৃত সাহিত্য গৌরবান্বিত হইয়াছে—কৃতিবাসও সেইরূপ মহাশিষ্ণু-কৃত আদর্শের উপর সত্যক হস্তে বর্ণসংযোগপূর্ব্বক, সেই সেই চিত্র বঙ্গীয় সমাজের অনুগতভাবে উপস্থাপিত করিয়াছেন—অলঙ্কারের গুরুত্ব ভাষার আড়ম্বরে তদীয় কবিতাসুন্দরী ক্লিষ্ট হন নাই। তাঁহার কবিতা স্বর্ষ্ব এক ভাবে, ভাগীরথীর প্রবাহের ন্যায় তর তর করিয়া চলিয়া গিয়াছে, আবির্ভাব সে কবিতার প্রবাহ দৃষ্ট হয় নাই, বা ভাবের জড়তায় সে কবিতার অমর্যাদা ঘটে নাই। অন্যান্য কবি অপেক্ষা তদীয় প্রাধান্যের এইটিই মূখ্য কারণ। ভাষার প্রাজ্ঞতা এবং ভাবের সুস্পষ্টতার সহিত তাঁহার আশ্চর্য্য চিত্রনৈপুণ্যের সন্মিলনে তদীয় কাব্য চিত্রবেশীসঙ্গমের ন্যায় পবিত্র ও সকলের উপভোগ্য হইয়াছে।

কৃতিবাসের রামায়ণ-রচনার প্রায় এক শত বৎসর পরে নবদ্বীপে শ্রীচৈতন্যদেব আবির্ভূত হন। চৈতন্যের আবির্ভাবের এবং তদীয় প্রেম-বন্যায় বঙ্গদেশ প্লাবিত হইবার পূর্ব্ববর্ত্তী কালের হস্তলিখিত কোন কৃতিবাসী রামায়ণের পুস্তক এ পর্য্যন্ত পাওয়া যায় নাই। যদি কখনও পাওয়া যায়, তবে তখন কৃতিবাসের প্রাক্ষিপ্ত অংশগুলির সমাধানের উপায় অনেকটা সহজ হইবে। চৈতন্যের আবির্ভাবের পর বঙ্গদেশে যে ভক্তির স্রোত, প্রেমের বান ডাকিয়াছিল, পরবর্ত্তী কালের রামায়ণসমূহে তাহার প্রভাব সম্পূর্ণরূপে বিদ্যমান। যে সময়ে যে ভাব দেশের মধ্যে মাথা তুলিয়া দেশকে বিভোর করিয়া ফেলে, সেই সময়ের জাতীয়

সাহিত্যাদিতেও সেই ভাবে প্রভাব প্রবিষ্ট হইয়া সহস্র সাহিত্যকে “তদ্ভাবভাবিত” করিয়া তোলে। তাই পরবর্ত্তী কালের কৃতিবাসে আমরা কি বীর, কি করুণ, সকল রসেই নদীয়ার ভক্তির তরঙ্গের উচ্ছ্বাস দেখিতে পাই। লিপিকারগণ, স্দুবিধা পাইলেই, রামের স্থলে শ্যাম করিয়াছেন। পরিবর্তিত কৃতিবাসের অনেক অনাবশ্যক স্থলে অতিরিক্ত বৈষ্ণবী দীনতার পরাকাষ্ঠা দেখিতে পাই। কৃতিবাসের স্বকপোলকল্পিত বীরবাহু, পরবর্ত্তী কালের বৈষ্ণব লিপিকারগণের কৃপায়, দীনাতদীন বৈষ্ণবসেবকগণের ন্যায়, করযুগল জুড়িয়া ধরণীতে লুটায়। তুলসীতলায় মৃত্তিকায় অঙ্গরাগ করিয়া বৈষ্ণব যেমন “শ্রীবাসের আঙ্গিনায়” মহাপ্রভুর ভক্তগণকে প্রণাম করেন, সেইরূপ রাক্ষসগণও কপিগণকে গল-লগ্নীবাসে প্রণাম করে। এইরূপ অনেক স্থলেই বৈষ্ণবী কোমলতার ও দীনতার চরম দেখিতে পাই। এ সমস্তই চৈতন্যদেবের অবির্ভাবের পর কৃতিবাসে প্রক্ষিপ্ত হইয়াছে। এইরূপ সংক্রামক রোগের পরিচয় আমরা অন্যত্রও দেখিতে পাই। অনেক বৌদ্ধ গ্রন্থের দ্বারা একটি স্থল ঈশ্বর পরিবর্ত্তনপদার্থক, কোথাও বা প্রমাণসূত্রটিকে বদলাইয়া, সমগ্র গ্রন্থখানিকে “হিন্দু” করিয়া তোলা হইয়াছে। কৃতিবাসে পাঠবৈষম্যের ইহাই একমাত্র কারণ নহে। বহুকাল পূর্ব্বের হস্তলিখিত যে সকল পুঁথি পাওয়া গিয়াছে, তাহাদের সহিত বর্ত্তমান কৃতিবাসের ত মিল নাই-ই, এমন কি ১৮০৩ খৃষ্টাব্দে শ্রীরামপুরের মিশনারিগণের দ্বারা প্রথম যে “কৃতিবাস” মুদ্রিত হয়, তাহার সহিতও বর্ত্তমান কৃতিবাসের অনেক স্থলে আদৌ মিল নাই। মিশনারিদের পুস্তকে যেখানে আছে—

“পাকল চক্ষে রামের পানে চাহিলেক বালি।

দন্ত কড়মড়ায় ধীর রামেরে পাড়ে গালি।।”

সেই স্থানে পরবর্ত্তী কালের সংশোধিত বটতলার সংস্করণে আছে—

“রক্তনেত্র শ্রীরামের পানে চাহে বালি।

দন্ত কড়মড় করে, দেয় গালাগালি।।”

পরবর্ত্তী কালে ভাষার পরিমার্জনের সঙ্গে সঙ্গে বাঙ্গালার আদিকবি কৃতিবাসও “পরিমার্জিত” হইয়াছেন! কবির কাব্য পরিষ্কৃত করিতে বাইয়া সংশোধকগণ আবর্জনারাশির দ্বারা কৃতিবাসকে আচ্ছন্ন করিয়া ফেলিয়াছেন! এই ব্যাপারের মূলে আর একটি সত্য নিহিত আছে। আমাদের দেশে যখন যে কোনও নূতন জিনিষের আবির্ভাব হইয়াছে, আমরা তাহাকে ধীরে ধীরে পুরাতনের সহিত মিশাইয়া নিজেদের ছাঁচে ঢালাই করিয়া “আপন” করিয়া লইয়াছি। আমাদের এই adaptability আছে বলিয়াই আমাদের ধর্ম্ম, আমাদের সাহিত্য এখনও টিঁকিয়া আছে।

শাস্ত্র এবং বৈষ্ণব-সম্প্রদায়ের লিপিকারগণের কল্যাণে কৃতিবাসের অনেক স্থলে যেমন শাস্ত্র-প্রভাব পরিদৃষ্ট হয়, তেমনই বৈষ্ণব-প্রভাবও পরিদৃষ্ট হয়। ইহা ছাড়া, অন্যান্য পদ্যরূপ, উপপদ্যরূপ প্রভৃতি হইতে মনোরম অংশও লিপিকারগণ বাছিয়া আনিয়া কৃতিবাসে জুড়িয়া দিয়াছেন। অনেকে অনেক নূতন কবিতার প্রণয়ন করিয়া কৃতিবাসের গ্রন্থে পুঁরিয়া দিয়া স্ব স্ব আত্মাভিমানের পূজা করিয়াছেন। দৃষ্টান্ত-স্বরূপ কৃতিবাস হইতে শত শত স্থল উদ্ধৃত করা যাইতে পারে,—ঐতিহাসিকের সে কার্য্য হইতে আমি বিরত হওয়াই সঙ্গত মনে করি।

রামায়ণী কথার আশ্রয়ে কালিদাস, ভবভূতি, রঘুবংশ, উত্তররামচরিত রচনা করিয়াছেন বটে, কিন্তু যে স্থানে যেসকল প্রয়োজন, তাঁহারা নূতন মূর্ত্তিও গঠন করিয়াছেন। কবির কল্পনা বৈদ্যুতিক শক্তিতে শক্তিমান। সেই সতত চঞ্চলা শক্তি কদাচ কোন নির্দিষ্ট পথে, কোন পদার্থ-নির্দিষ্ট রেখা বাহিয়া চলিতে পারে না, জানেও না। তাই কবি-কৃত সৃষ্টিতে অনেক স্থলে মূল আদর্শেরও পরিবর্তন দেখিতে পাই। কালিদাস, ভবভূতি প্রভৃতি মহাকাবিগণ তাই মহর্ষি-কৃত পথ কল্পনার দৌত্যে অল্প-বিস্তর ছাড়িয়া অন্য পথেও গিয়াছেন। কৃতিবাসও সেইরূপ নিজ-কল্পনার দ্বারা অনেক আলেখ্য অঙ্কিত করিয়া তাঁহার গ্রন্থ মনোজ্ঞ করিয়াছেন, সর্ব্বত্রই বাস্তবিকর অনুসরণ করেন নাই। বীরবাহু, তরণীসেন প্রভৃতির সৃষ্টি তাঁহার চরম কল্পনা-শক্তির উৎকর্ষ খ্যাপন করিতেছে। কবিগণ কাহারও অঙ্গুলি-সংস্পর্শে চলে ন। কল্পনা কাহারও দাসীত্ব করিতে জানে না। কল্পনা কখনও কবিকে মেঘের উপর লইয়া গিয়া সৌদামিনীর বিলাসচঞ্চলা মূর্ত্তি প্রদর্শন করে, কখনও আবার তুষারমণ্ডিত কমলের কেশরের মধ্যে লুকাইয়া রাখিয়া তাঁহাকে কত নিভৃত সৌন্দর্য্য দেখায়। উন্মাদিনী চঞ্চলার ন্যায় কবির উন্মাদিনী কল্পনা কাহারও অঙ্গুলি-সংস্পর্শে পরিচালিত বা দ্রুত-কল্পনে বিকম্পিত হয় না। সে আপনার ভাবেই আপনি বিভোর হইয়া ছুটে, পরের ভাবে ভুলে না। কৃতিবাসের স্বেচ্ছাবিহারিণী কল্পনা কোনও নির্দিষ্ট সীমার মধ্যে আবদ্ধ হইয়া রহে নাই। কোথাও প্রাচীন পথে, কোথাও বা নূতন পথে—যেখানে যেমন ইচ্ছা, সে কল্পনা চলিয়া গিয়াছে। তরণীসেন, বীরবাহু প্রভৃতির সৃষ্টি এই নূতন পথে যাত্রারই ফল।

কৃতিবাস ধরাধামে অবতীর্ণ হইবার পর পাঁচ শত বৎসরেরও অধিক কাল অতীত হইয়াছে বটে, কিন্তু আজও প্রতিক্ষণে তাঁহার নাম বঙ্গের গৃহে গৃহে, বিপণির পণ্যকুটীরে, চাষার আশার কৃষিক্ষেত্রে—সর্ব্বত্র—কীৰ্ত্তিত হইতেছে। আজ আর—

“দক্ষিণে পশ্চিমে যার গঙ্গা তরঙ্গিণী”—

সে “ফুলিয়া” নাই, সে “ফুলিয়া”য় কৃতিবাসের সেই “চাপিয়া বসতি”র চিহ্নও

নাই ; কিন্তু সেই ফদুলিয়া-পাণ্ডিতের মোহন বাঁশরীর ঝঙ্কার এখনও বাঙালীর “কানের ভিতর দিয়া মরমে” প্রবেশ করিতেছে, বাঙালীকে উন্মত্ত করিয়া—বিভোর করিয়া রাখিয়াছে।

কৃষ্ণিবাসের এই সার্বভৌম প্রসিদ্ধির অপর কতকগুলি কারণও দেখা যায়। ভারতবর্ষের মৃত্তিকা বড়ই কোমল, বড়ই উর্বর। রামচন্দ্র, যদুধিষ্ঠির, কর্ণ, ভীষ্ম, দধীচি, শিবি, সীতা, সাবিত্রী, দময়ন্তী, অরুন্ধতী, লোপামুদ্রা, ঔশীনরী প্রভৃতি এই ভারতবর্ষেরই চিত্র। যাহার প্রাণে প্রেম, নয়নে ভক্তির অশ্রু, ভারত-বাসীরা তাহাকে হৃদয় পাতিয়া গ্রহণ করে—প্রাণ দিয়া পূজা করে। কৃষ্ণিবাস এ রহস্য বদ্বিভেদন। তিনি আরও বদ্বিভেদন যে, নিশীথে নিস্তব্ধ রজনীর সৌম্য-মূর্ত্তি যাহার চিত্তকে অভিভূত, বা অনদ্ভূতির বিমল কর ধৌত করিতে না পারে, সে কদাচ ঐ নৈশ নীরবতার মাধুর্য্য অপরকে বদ্বিভেদন করে না ; সায়াংকালের শ্যামায়মানা বনভূমির প্রাজল মূর্ত্তি যাহার প্রাণে আকুলতা জন্মাইতে অসমর্থ, সে কখনও সান্ধ্য সুষমার পবিত্র আলেখ্য অঙ্কন করিতে পারে না। সকল পদার্থেরই অনদ্ভূতি চাই। সমস্ত বিষয়েই মগ্ন হওয়া চাই,—প্রাণ অকৃপণভাবে ঢালিয়া দেওয়া চাই, অন্যথা সিদ্ধিলাভ সন্দেহপরাহত। কৃষ্ণিবাস অকৃপণভাবে আপনার প্রাণ কবিতাদেবীর পাদপদ্মে ঢালিয়া দিয়াছিলেন, তাঁহার হাতে আর কিছুই ছিল না ; সমস্তই ঐ চরণে অঞ্জলি দিয়াছিলেন, তাই তাঁহার কবিতার কোথায়ও কোনরূপ বাধা দেখিতে পাই না—সর্বত্রই সমান এবং অপ্রতিহত গতি। অসম্ভব হইলেও মনে হয়, যেন এক সময়ে, এক স্থানে বসিয়া, অন্য চিন্তা পরিত্যাগ করিয়া, মহাকবি তাঁহার সাধের রামায়ণ-গান গাইয়াছেন। তিনি নিজে সে গানে মজিতে পারিয়াছিলেন, তাই তাঁহার শ্রোতৃবর্গও মজিয়াছে, আত্মবিস্মৃত হইয়া তাঁহার সেবা করিয়াছে, যতদিন চন্দ্র-সূর্য্য থাকিবেন ততদিন করিবেও।

তুমি যখন অজ্ঞভেদী শূদ্রতুয়ারশীর্ষ হিমাচলের পাদদেশে বসিবে, বিধাতার কৃপায় তখন যদি তোমার হৃদয়ে কোন প্রশান্ত ছবির ছায়াপাত হয়, কোন বিরাট শক্তির স্পন্দন অনদ্ভূত হয়, তবেই তুমি ঐ বিরাট হিমাচলের প্রশান্ত ভাবের, প্রশান্ত মূর্ত্তির কিয়দংশ হয়ত তোমার কল্পনা-দর্পণের সাহায্যে অন্যকে প্রদর্শন করিতে পারিবে। অন্যথা তোমার সাধ্য কি যে তুমি হিমাচলের ঐ গম্ভীর-মাধুর্য্যের বর্ণন করিবে? তুমি যে স্থানে, যে সময়ে, যে অবস্থায় বস্তুমান, যদি সেই স্থানের, সেই সময়ের, সেই অবস্থার সহিত নিজেকে মিশাইতে না পার, “তদ্ভাবভাবিত” করিতে না পার, তবে কদাচ তন্দ্রেশীর্ণ ও তৎকালীন ভাবের স্ফূরণ তোমার দ্বারা সম্ভব হইবে না। তোমার দ্বারা তদ্দেশবাসিগণের হৃদয় কদাচ বিমোহিত হইতে পারে না। দীপক রাগের সময়ে তুমি বেহাগ পুরবীতে আলাপ করিলে, তাহা কখনও জমিতে পারে না। সে আলাপ শ্রুতির সূত্র হয় না, বরং পীড়াই জন্মে। ভারতবর্ষের, বিশেষতঃ

বঙ্গদেশের, ধর্মপ্রাণ অধিবাসীরা কি চায়, কি ভালবাসে, এ তত্ত্ব মহাকবি কৃতিবাস বদ্বিতেন। এ দেশের লোকের হৃদয় কি উপাদানে গঠিত, কোন্ উপকরণ অধিক, তাহা কৃতিবাস জানিতেন, তাই তাঁহার দেশবাসীগণের হৃদয়ের ভাবে অনুপ্রাণিত হইয়া তিনি তদীয় কল্পনার মোহন বীণায় ঝঙ্কার দিয়াছিলেন। তাই সে ঝঙ্কাব, বসন্তের পিক-ঝঙ্কারের ন্যায়, বঙ্গবাসীদিগকে বিমুগ্ধ—একেবারে আকুল করিয়া তুলিয়াছিল। এই হিসাবেও সংস্কৃতে কালিদাস ও বাঙ্গালায় কৃতিবাস একই মন্ত্রে দীক্ষিত, একই পথের যাত্রী। তোমার পাঠকগণ কি চান, কতটুকু চান, তোমার বীণার কোন্ তার স্পর্শ করিলে তাহার ধ্বনি তোমার পাঠকের হৃদয়ে অনুপ্রাণিত হইবে, তাহার “কানের ভিতর দিয়া মরমে পশিবে”—এ জ্ঞান যদি তোমার না থাকে, তবে তুমি যত বড় শক্তিশালী লেখকই হও না কেন, যত বড় কলাবিদ্যাবিশারদই হও না কেন, তোমার লেখায় বা তোমার অঙ্কিত আলেখ্যে তোমার সামাজিকবর্গের বা তোমার দর্শকবৃন্দের পরিতৃপ্ত হইবে না। তোমার সে লেখায় বা সে চিত্রে তোমার দেশবাসী সহৃদয়বর্গের হৃদয় আকৃষ্ট ও বিমোহিত হইবে না। যে সমুদয় লেখকের এই জ্ঞান আছে, তাঁহাদের লেখাই কালজয়ী হয়, থাকিয়া যায় ; আর যাঁহাদের এই জ্ঞান নাই, তাঁহাদের লেখা হিন্ন তুবারের ন্যায় অতি অল্পকাল-মধ্যেই কোথায় মিলাইয়া যায়। আর্য রামায়ণ অবলম্বনপূর্ব্বক অন্য অনেক কবি বঙ্গভাষায় রামায়ণ রচনা করিয়াছেন, কিন্তু তন্মধ্যে কৃতিবাসের রামায়ণ যে এত প্রসিদ্ধি লাভ করিয়াছে, প্রায় পাঁচ শত বৎসরেরও অধিক কাল সমানভাবে বা উত্তরোত্তর ক্রমেই অধিকতরভাবে শিক্ষিত-অশিক্ষিত, শ্রী-পুরুষ, ইতর-ভদ্র সকল সমাজেই পূজিত হইতেছে, ইহার কারণ হইল পূর্ব্বোক্ত জ্ঞান। কৃতিবাসের ঐ জ্ঞান প্রচুর পরিমাণে ছিল। যে দেশে তিনি অবতীর্ণ হইয়াছিলেন, সে দেশের অধিবাসীরা কি ভালবাসে, কি চায়, তাহা তিনি জানিতেন এবং তিনিও তাহাই চাহিতেন ও ভালবাসিতেন। তাই তিনি যদি কখনও সামান্য একটু গদ্য গদ্য করিয়া স্বরবিলাস করিয়াছেন, অমনই সেই গদ্য গদ্য ধ্বনি শতগুণে বর্দ্ধিত হইয়াই যেন তদীয় দেশবাসীদিগের হৃদয় বিমোহিত করিয়া তুলিয়াছে। দিব্যবাসনে সাগরগামিনী তটিনীর প্রাণের আকুল গীতিকা কুলকুল ধ্বনিতে যেমন শ্রান্ত পথিকের চিত্তে একটা জড়তা, একটা তন্দ্রা আনিয়া দেয়, পথিক অকস্মাৎ তাঁহার কর্ম্মময় দীর্ঘ দিবসের সমস্ত ক্লেশ ভুলিয়া যান, কেমন একটা ঘৃমের ঘোরে তাঁহার নয়ন নিমীলিত হইয়া আসে, সেইরূপ প্রেমিক কবি কৃতিবাসের মোহিনী বীণার ঝঙ্কারেও বঙ্গবাসীর হৃদয় বিমোহিত—আনন্দালস হইয়া রহিয়াছে।

কবে কোন দিন, কত শত সহস্র বৎসর পূর্ব্ব, তমসার তীরে “মা নিষাদ” বলিয়া বাঙ্গালীক গান ধরিয়াছিলেন, আর আজও যেন সেই গানের ধ্বনির বিরাম হয় নাই। সে স্বরলহরী যেন বাতাসে এখনও ভাসিয়া বেড়াইতেছে ও

ভারতবাসীদের প্রাণে কেমন একটা তন্দ্রা জন্মাইয়া দিতেছে ; সেইরূপ কবে কোন্ দিন, কোন্ শব্দভ্রমহর্ষে পতিতোদ্ধারিণীর তীরে বসিয়া, তাঁহারই কুলকুল গীতির সুরে সুর মিলাইয়া ফুলিয়ার পিণ্ডিত তান ধরিয়াছিলেন— আজ সে ফুলিয়া নাই, সে ভাগীরথীও দূরে সরিয়া গিয়াছেন—কিন্তু সেই স্বপ্নময়, আবেশময় তানের এখনও যেন শেষ লয় হয় নাই। সে রাম, সে অযোধ্যা কিছুই নাই, তবুও সেই রামের কথা, রামের স্মৃতি যেমন ভারতের নরনারীর প্রাণে-প্রাণে গাঁথা রহিয়াছে, আজীবন থাকিবেও,—তদ্রূপ আজ সে ফুলিয়া নাই, সে জাহ্নবী নাই, সে কৃষ্ণিবাস নাই, কিন্তু কৃষ্ণিবাসের কল্পা, কৃষ্ণিবাসের স্মৃতি বঙ্গবাসী কদাচ বিস্মৃত হইবে না।

[ নারায়ণ, ১৩২৩ ]

